

WILLIAM BRANHAM

Kasesema
Atandalila South Africa

na

JULIUS STADSKLEV

Ukwishibisha

Ukulemba kwa ili buku nakukwata amapange yatatu. Intanshi, Dabidi aletweba mu Malumbo 105 ukutula tulingile ukulenga “ukwishibikwa imilimo yakwe pakati ka bantu.” Lesa alicitile ingi ikalamba kabili imilimo iyawamisha mu South Africa ukupitila muli bukapyunga ubwe Bumba lyakwa Branham. Owe, pa mashiwi ukulangisha ifyo Ena acitile mu South Africa ilye myeshi itatu iyakulekelesha iya mu 1951. Lelo kubomba kwa buntu, nangula ukwawamisha, tekuti kutale kulangishe umupwilapo ifishibilo ne fipapwa ifyo Lesa abombele mukati kesu. Kalembe umu, ukulemba ilyashi lya kulongana kumo, atile, “Umo kuti atemwa ukukwata amashiwi ayakupapusha ukulangisha bukapyunga ubwakupapusha ubwakwa Shikulu pakati ka bantu.”

Ilyo ndelemba kuli imwe pafyo namwene Lesa ukucita mu South Africa, ndeumfwa nga kalembe ifyo alingile aumfwile ilyo ena aeseshe ukulondolola ukutemwa kwakwa Lesa kabili kuti asosa fye:

“Nga ifwe kuti twaisusha bemba na inki,
Kabili ulwelele lwapangilwe icakulembelapo;
Umupeti onse pe sonde icilembelo,
Kabili umuntu onse ukuba kalembe;
Ukulemba ukutemwa kwakwa Lesa mu mulu
Kuti kwakamya bemba;
Napamo umufungilo tekuti ukumane,
Nangula wingafungululwa ukufuma kulwelele
ukuya kulwelele.”

Dabidi alimwene Lesa ukubomba mukati ka bantu Bakwe kabili ilyo ena aletontokanya pali ici ukulangisha kwakwe kumbi ukuli konse kwali “pantu uluse lwakwe lwa muyayaya” (Amalumbo 136). Ici “umuyayaya” kwabikilwe ku bushiku bwesu ne nshita. Ee, uluse Lwakwe lwa muyayaya. Lwalitwalilila ku bengi bashimakwebo abalumbukwa mu musumba ululunduluka uwa South Africa. Lwalitwalilila ku umwikalacalo uwasulwa nganshi muyapatulwa incende iya mwina Africa.

Inshita ya kubalilapo ilyo ishiwi lya kupapusha lyalandile kuli Munyina Branham lyaishile fumina muli kankungwe. Uyu e musango umu wine uo Shikulu alandile kuli Yobo, cilya icikolwe cakale ica nshita sha kubalilapo, ukulingana ne cipandwa icalenga amakumi yatatu na cinekonse konse. Kwilibako ukupalana ukwingi nganshi ukwaibela pakati ka bumi na bukapyunga bwakwa William Branham kabili na bulya ubwaba kasesema aba mu Cipingo ca Kale icakutula

tekuti pabe no kutwishika mu mano ayali yonse ayacishinka ukutila ena ali ni kasesema wakwa Lesa nga filya Eliya, Elisha, Esaya, Yeremia na bashala balya abo abaishibikwa nga bakasesema abakwa Lesa.

E ico kanshi ukwishiba ukutula mucine Lesa acitile imilimo iyawamisha mu South Africa, ukushininkisha nakabili ukutula uluse Lwakwe lwaba ulwa muyayaya kabili ukubombela ukupitila muli kasesema mu bushiku bwesu—ici calilembwa uku—“ukulengwa ukwishibikwa imilimo yakwe pakati ka bantu.”

Ubulendo ukufuma ku Johannesburg ukuya ku Klerksdorp Ibumba lyakwa Branham lyaendele muli ba motoka babili abapusana. Pa ncende imo twaliminine ukukwata ishuko ilya kumona incende iyaibela. Ilyo nalefuma muli motoka Rev. A. J. Schoeman, Chairman wa National Committee, aishileisa kabili atile ukutula Munyina Branham alefwaya ukulanda kuli ine. Panuma ya kulanshanya amashiwi ayanono na bapusana pusana palya, Munyina Branham apilibukile kuli Munyina Bosworth na ine wine. Ena alitwebele ukutula malaika wakwa Shikulu alimwebele ukutula ilyashi lilingile ukulembwa ilya kuma kukulongana mu South Africa kabili ukutila cena cali umulimo wandi ukucita ici. E ico, mucifulo ca bubili, ili lyashi lyalilembwa ukulingana no kulomba kwakwa malaika wakwa Shikulu.

Ipange lya citatu umulandu uo ili buku lyalembelwapo lyaba lyakutila Lesa limbi kuti alanda kuli imwe ukupitila muli lyena. Ilyo imwe mulebelenga fimo ifya fikankala ifya bumi bwakubalilapo ubwakwa William Branham kabili icabupe ico cibombela ukupitila muli wene, lekeni na imwe bene mwiluke ukutila ena ni kasesema wakwa Lesa. E ico kanshi, imbila iyo ena aleleta tayafuma ku muntu lelo kuli Lesa, “Uyo ubelelo luse amampulu yenu yonse; uyo undapa amalwele yenu yonse” (Amalumbo 103:3).

Ilyo mulebelenga ukulongana ukwaishibikwa lekeni imwe musende ifishinka ku mutima wenu mwe bene no kupoka ifintu ifyo Lesa alipililepo umutengo uwapulamo, imfwa ya Mwana Wakwe uwafyalwa eka.

Lekeni amabunte yabe icilangililo ica mweo kabili ukuputwamo kuli imwe ukutetekela Lesa. Amalango yakwa Lesa aye sonde lyonse yalapampamika icitetekelo muli Wene ukuba amaka ayapulishamo nganshi mwi sonde lyonse.

Tacaba ukusangwa mukulongana kwakwa Munyina Branham, tacaba ukupoka ikadi lyakupepelwapo ico cilenga umo ukwingila mu mulongo wakupepelwamo, tacaba ukupepelwa ku muntu umo uuli onse uko kuleta ukundapwa ku mweo wenu atemwa ukundapwa ku mubili wenu. Caba fye ukusumina Kristu no mulimo Wakwe uwapwishiwa pa Kalbale,

ukusumina amabulayo Yakwe no kwikatilila kuli yena ne
citetekelo ico icishitenshiwa. Panuma ya kucita ici—

“Tetekela fye, tetekela fye,
Fyonse filacitwa,
Tetekela fye.”

Yesu atile, “Bushe nshisosele kuli iwe, nati, nga watetekela,
ulemona ubukata bwakwa Lesa?” (Yohane 11:40.)

Ifilimo

UKWISHIBISHA.	IBULA iii
<i>Icipandwa ca 1</i>	
NI NANI WILLIAM BRANHAM?	1
<i>Icipandwa ca 2</i>	
IFYABUPE FYAKUNDAPA NAFIMBIPO.	39
<i>Icipandwa ca 3</i>	
MULANDUNSHI WILLIAM BRANHAM ATANDALILE SOUTH AFRICA?	51
<i>Icipandwa ca 4</i>	
UKULONGANA UKWAISHIBIKWA	55
<i>Icipandwa ca 5</i>	
ILYASHI UKUFUMA KU SOUTH AFRICA	75
<i>Icipandwa ca 6</i>	
AMABUNTE	161



REV. NA MRS. WILLIAM BRANHAM

Ni Nani William Branham?

William Branham afyalilwe pa famu mupepi na Berksville, Kentucky, tepatali sana ukufuma pa ncende apo Abraham Lincoln afyalilwe mupepi imyaka umwanda umu kunuma. Tapaba nangu umu uwashininkisha pa bushiku bwine pantu takwali ifyalembelwe pa kufyalwa ifyasungilwe mu Kentucky muli shilye nshiku. Nangu cibe fyo, cena cacetelwe ukutula ena afyelwe ubushiku ubwalenga mutanda mu April 1909 kabili afinine fye amapound 5. Ba nyina bali ne myaka ya kufyalwa 15 kabili bawishi bali 18.

Ubushiku bwakubalilapo ubwa bumi bwakwe icintu cimo icaibela nganshi calicitike. Panuma ilyo nacimbusa amusambike no kubika ena kulubali lwakwa nyina aile pe windo ukwisula akacibi.

Tamwali amagalashi mu mawindo mu nga'nda yaba Branham muli shilye nshiku kabili umwela no lubuuto fyaletungululwa pakwisula no kwisala utufibi twambao. Akasuba kali fye mukutula pa mabala, ukulangisha imyengelele inono iya lubuuto mucipinda. No lu lubuuto kwaishile ulunono ulwashinguluka nalimo futu umu mubutali ulo lwalangishiwe no kubuta pa mulu wa busanshi apo nyina no mwana balele.

Ulu lubuuto ukutula lilya lwalimonwa na bantu amakana kabili ukwabala ukutwishika lwaba lumu lwine ulo lwalangishiwa mu cikope icakopelwe mu Houston, Texas, mu nshita ya musonkano uwa mu January 1950. Ilyashi ilya ici cikope pamo ne nkalata iyayambulwa iya malyashi iyacitilwe na George Lacy, U. S. ucecenta amakalata ayepushiwa, ili no kusangwa ku mpela ya ici cipandwa. Ilyo na cimbura kabili na bafyashi bamwene ulu lubuuto bena batendeke ukulila; bena bali no mwenso kabili tabailwike ifyo conse ici capilibwile. Tacali mpaka imyaka ingi panuma balya abo abaishibe palwa lubuuto balilwike ukutula Lesa ali no kuboko Kwakwe pali uyu mwaume kuli bukapyunga ubukalamba ku bantu aba mwisonde.

Bukapepa mu musango uli onse tabwa tontonkanishiwepo mu lupwa lwakwa Branham. Ba shikulu bakwe bali ni ba Katolika lelo ba nyina na ba wishu mucine tabakwetepo itontokanyo pa Bwinakristu. Lelo pa mulandu wa cintu icaibela ico cacitike pa kufyalwa kwakwe, ba nyina ba mutwele ku lwapaleme Ulukuta lwa Baptist. Iyi yali ni nshita yakwe iyakubalilapo ukuya ku chalichi kabili ukwakulekelesha pa myaka iingi.

Mu kutendeka kwa mwaka wa 1909 Kentucky yakwete inkuka imo iyabipisha iya menshi makasa. Pali iyi nshita ba

wishi bakwa William Branham tabalipo balebomba mu nkambi balepwila imbao uko bena bafililwe ukusela pa mulandu wa iyi nkuka iya bipisha. Bwangu bwangu icakulya ne nkuni pa nga'nda yabo fyatendeke ukupwa. Ba Nyina kuti baya panse no kuleta icintu icili conse ico bena bengasanga ukwasha pa kutila basunge umwana wabo na bena ukukana uminina ku mfwa. Bena tabatalile abakwata icakulya icingi mupepi kabili ilyo ico bakwete icinono capwile, ena kuti aumfwa amaka yakwe yalefuma muli wene. Ubwafwilisho bwalingile ukwisa bwangu bwangu nga bena bali no kuba no mweo. Mukulekelesha aishileba uwanaka nganshi icakutula ena alishibe nga ena alile panse ukufwaya inkuni nashimbi ena limbi tekuti abwele.

Ena asendele umwana no kumupomba wene mubusuma ena engacita no kumubika pa busanshi, ukulolela imfwa ukwisa no kubasenda bonse babili. Bena nga balifwile nga tacali pawa mushilo umwina mupalamano wabo umukote uyo waishileposako amano umusango uwaibela palwa ba nga'nda yakwa Branham. Panuma ya kufwailisha, ena asangile takwaliko icushi icalefuma umo cifumina. Nangula menshi makasa yali ayashika, umwaume uwa cikalamba aendele ubulendo bwakwe ku kapetama akayanda ikapetama inwa ne mbao kabili asangile ukutula icibi calikomenwe ukufuma mukati. Ena alishibe ukutula kulingile kuliko umuntu umo mukati kabili ukwabula ukumona icishibilo ca cikabilila mukayanda, alingilemo.

Ena alipapushiwe ku fintu amwene ilyo aingile. Nyina ali mupepi no kufwa pa mulandu wa kutalala ne nsala. Ena ali pepele ukutula Lesa engasunga ubumi bwabo no kukana suminisha uyu na cifyashi uwa caice no mwana ukufuma mwi sonde muli uyu musango. Bwangu bwangu alilonganike inkuni no kwikala palya mpaka ena alikwete umulilo uusuma uwaleaka uyo bwangu bwangu uwakafishe iyapetama inono inga'nda ya fipinda fibili. Ica konkelepo, ena afwaile fye ifyakulya nyina no mwana kabili bwangu bwangu bena batendeke ukupuputuka.

Tekale sana panuma ya ico ulupwa lwakwa Branham lwaile ku Utica, Indiana, kabili umwaka wa konkelepo ku famu ba mailoshi basano ukufuma mu Jeffersonville, Indiana, ba mailoshi babili ukufuma uko ena nomba ekala. Ubumi bwakwe ubwakubalilapo bwaishibikwe no busanso, icipowe no kukanailukwa.

Fimo ifyakwibukisha ifikankala nganshi ifyakwa William Branham ifya kubulumendo fya kuma ku cipowe umo bena bapatikishiwe ukwikalamo. Ba wishi balebombela umulimi uwacuma pa ma senti amakumi cinelubali na fisano mukasuba. Ena aleibukisha ukumona bena ukwisa kunga'nda ne laya lyabo nalikambatila panuma yabo apapile nakasuba icakutula

ba nyina balesenda shisala no kuli putaula ukulifumyako. Inga'nda yabo iyapetama yali akayanda ka fipinda fibili na panshi apalamba kabili apakusamfisha ifipe fya ku kukicini kwali panse pe samba lya muti uwa muapele mulubansa.

Inshita ya kubalilapo ilyo Lesa alandile mwishiwi kuli William Branham cali ilyo ena ali mupepi ne myaka ya kufyala cinelubali. Ena elintu aingile fye isukulu lya mu mushi ba mailoshi abanono kukapinda ka ku kulyo aka Jeffersonville, Indiana. Ena aishile ku nga'nda ukufuma ku sukulu lilya mucungulo kabili alefwaisha ukuba pamo na bashala abalumendo mukuloba kumo. Lelo ilyo Branham umwaice ali mupepi no kuya, ba wishi balimwitile no kumweba ukutula ena alingile ukuyatapa amenshi aya kupangilako ubwalwa bwabo. Ici mucine cali icakupapusha kuli wene pantu ngo mulumendo wene atemenwe nganshi ukulunga no kuloba. Lelo ena alishibe ukutula apo bawishi balimwebele ukutapa amenshi, ena alingile ukucita nge fyona aebelwe.

Ilyo ena atapile amenshi, ena aliminine ukutusha pe samba lya muti wa mutelebinti uwa kale ulubali lwa hafu pakati ka nga'nda no butala. Mukupumikisha, ena aumfwile iciunda ca mwela, ukupupa mu mabula. Ena alolekeshe ukushinguluka no kwishiba ukutula bwali bushiku ubwali shilili, ubwa kasuba, ubwakaba. Ukumfwikisha nganshi, ena alimwene ukutula pa ncende imo, nalimo icipimo ica mutungi, umwela wa moneke ukulapupa mu fimuti. Lilya line fye ishiwi lyali fumine ukufuma mu fimuti aliti, "Wikatala ukunwa, ukupepa fwaka na pamo ukukowesha umubili obe mu musango uuli onse, pantu Ninkukwatila iwe umulimo uwakubomba nga waisaba umukalamba."

Ici calimupele umwenso kabili abutukile ku nga'nda. Alelila, awile mu maboko yaba nyina abo abatontonkenye ukutula ena nasumwa ne nsoka. Ena alibelele ukutula ali fye no mwene kabili tabelele palwa mwela ukupupa mu mabula na pamo palwe shiwi. Ba nyina bali mubikile pa busanshi ukutontonkanya ena alecushiwa no kusunkanishiwa no mwene. Ilyo lyonse cingacitwa ena tekuti aye mupepi na cilya cimuti, ukusala tutile ukupita mumbali ya lubali lumbi ulwe bala.

Imilungu ibili panuma ilyo aleangala pa lulamba lwa Mumana wa Ohio, ena alimwene icimonwa. Ena ali mwene ico camoneke kuli ena ukuba ubulalo ukwisa ukufuma ulubali lwa Kentucky ulwa mu mana, kulya ukulola ku Indiana. Ilyo bulalo bwaleya ukulola ku Indiana, ena alimwene abaume ikumi limo na mutanda ukupona ukufuma pa bulalo ukuya mu menshi. Ena aile kunga'nda no kweba ba nyina palwa ici lelo bena batile ena alilele kabili alikwete iciloto. Lelo umwaice William Branham alishibe ukutula ena tacilala atemwa ukulota. Lelo nombona ena tailwike ico ena amwene.

Imyaka amakumi yabili na fibili panuma Ubulalo bwa Municiple bwalikulilwe pakati ka Louisville, Kentucky, na Jeffersonville, Indiana, pali ici cine cifulo. Mu nshita ya kukula ubulalo, abaume ikumi limo na mutanda balufishe ubumi bwabo. Lesa alelanda ku mulumendo no kubika umufula kuli wene ukukwata icitetekelo mu fintu ifyo Lesa ali no ku mulangisha mu myaka ya kuntanshi.

Ena ali uwailuka pa cishinka ukutila kwaliko umuntu umo mupepi nankwe uyo wamoneke ukuba lyonse uwingafwaya ukulanda, lelo ena, pa kuba uwakusokwa kuli ba nyina pa fya mipashi na maka ya ngulu, ali no mwenso kabili lyonse aleesha ukukana cena.

Ukulunda bunkumba bulili no bulanda ku cipowe, bawishi baishileba bacakolwa. William aleibukisha ifyo onse umwaka utuntulu ena aile kusukulu kabili ena tatalile kwatapo ilaya ilyo ena engafwala. Ena aleibukisha ifyo kusukulu ena aikele no kuloleksha pa bana bambi abo abakwete ifyakufwala no kutendeka ukwishiba ukutila ubwalwa bwalisompwele ukufuma kulupwa lwakwe ififwaika mu bumi.

Ena alibelengele palwakwa Abraham Lincoln, uyo ngo mulumendo aile mu bwato kulya mu New Orleans no kumona abantu ababuta ukushitisha umu Negro umutulushi, ukumupatula ukufuma ku lupwa lwakwe. Umukashi wakwe no mwana bali palya balelila, ilyo umwaume aleshitishiwa kwati ena ali ni kabalwe. Lincoln alilwike ici cali icilubo kabili apele umulapo ukutila ubushiku bumo ena akacite cintu cimo palwa cena nangula ukulupililapo ubumi bwakwe bwine.

Umusango umo wine umwaice William Branham aikele mulya musukulu no kutontonkanya pa cipowe ico lupwa lwakwe lwalepitamo pa mulandu wa bwalwa. Ena atile ukuti cena cali icilubo kabili ena ali no kucitapo icintu cimo palwa cena ubushiku bumo, nangula ukulupililapo ubumi bwakwe. Ena tabakoba umulapo wakwe, pantu nangula ni kuli buno bushiku ena alacita kabili ali no kutwalilila ukucita icintu icili conse ico ena engacita kukubutisha abantu pa busanso ubwabapo pa bwalwa na fwaka.

William Branham alalanda pa nshita ilyo bakafundisha bakwe, ba Mrs. Temple, bamwipwishe mulandu nshi ena talefulako ikoti lyakwe musukulu. Ena tekuti abebe ukutila ena takwete ilaya, e ico ena abebele ukutila ena ali ne mpepo. Wene atile, "Cisuma kanshi, kabiye palya no kupalama ku mulilo." Mucine ena acitile nge fyo wene amwebele, e ico ena aile palya no kwikala mupepi ne citofu. Palya alikabile nganshi ukucila lyonse, kabili nangula ilibe lyalekonkoloka munuma yakwe, ena nalyo line tekuti afuleko ikoti lyakwe. Wene tekuti eluke cena kabili alipwishe nga cakutila ena talati akabe na

nomba, kuli ico alyaswike, “Iyo, mayo.” Mukulekelesha wene asondolwele ukutula ena atendeke ukukwata impepo, e ico wene ali mwebele ukuya ku nga’nda.

Nangula ena tasakamene ukuya ku nga’nda ukufuma kusukulu, ena tapali ifyo engacita kano ukulila. Pa kutila engafisa icishinka ukutula ena takwete ilaya nga bana bambi, ena alibepele ubufi kuli kafundisha wakwe ukweba wena ena aleumfwa impepo. Mukulekelesha ena alisendele ilaya. Ilaya ilyabililwe ukufuma ku ndelesi ya kale iya umo umufyala wakwe iyo ashile pa nga’nda yakwe. Ena alifumisheko iciputulwa ca shiketi lelo nalyo line talyamoneke kwati lilya. Bambi abana baleseka ena, ukusosa ena alifwele indelesi ya mukashana. Nakabili ena alibepele ukusosa, “Iyo, nshicitile. Ilya ni suti yandi iya bu Nsamya.” Kabili bena tabamutetekele ena kabili aile ku nga’nda alelila.

Lloyd, uo balesambilila nankwe, ashitishe Pathfinder Magazine. Mukushitisha iyi magazine ailundile kufyo baleita Lone Scouts, no kuishitila umwine uniform iya ku kabungwe. Cali ni munshita ya Nkondo ye Sonde iya Kubalilapo kabili ama uniform yali ayalumbukwa nganshi. Umwaice William Branham alikumbilwe ilya suti ya scout nge fyo ena lyonse alefwaya ukuba ngo mushilika. Mucine, ena takwete ilaya, ukucishamo suti ya scout. E ico alilombele umunankwe, “Lloyd, ilyo iyo ikapwa bushe ukaipela yena kuli ine?” Atile, “Mucine, nkalipela kuli iwe, Bill.”

Ena alilolele no kulolela, lelo nangula umulumendo alefwala lyonse suti, yamoneke ukukanapwa. Mukulekelesha ena alimwene ukutula Lloyd talefwala suti nakabili e ico aipwishe ena pali yena. Pali iyi nshita umunankwe alilabileko ukutula ena ali mulaile ukumupela suti kabili ba nyina baliputawile ukubomfya kufikamba. Icintu fye ceka ico ena engasanga ukufuma kuli suti ya scout cali ukulu kumo kabili e ico umwaice Branham ali mulombele cilya.

Ena alisendele kwena ku nga’nda no kukufwala. Camulengele wene ukumfwa icilumba pantu ici cali fye iciputulwa ceka ica ca kufwala ena akwete ico cakwete ukupalanako ukuli konse kuli cilya ica mushilika. Ena atontonkenye umwine ukutula mucine ena nomba ali umushilika wa cine pantu ena alifwele ukulu kumo. Ena alefwaya ukufwala kwena kusukulu lelo taishibe ifyo ena engacita cena ukwabula ukulenga abana ukuseka wene nakabili. E ico ena asalile ukupanga ilyashi ukutula ena aliicenele ukulu kwakwe kabili alebomfya ukulu kwa cakufwala nge cakukakilako. Nangu cibe fyo, ilyo ena aishile kusukulu abana tekuti ba mucetekele wene. Nakabili bali musenteke wene; nakabili aile ku nga’nda alelila.

Pa Cibelushi cali bushiku ubukankala nganshi pa nga’nda yaba Branham. Bwaleba ubushiku ilyo bena balenina Kootsie,

kafwalo wakale, ukuya kwi celeta lya mbao kabili Mr. Na ba Mrs. Branham na tonse tu Branham utunono kuti baingila mwi celeta no kuya ku musumba. Kulya bena kuti bashita ifya kubomfya fyabo mu mulungu kabili umwaume wetuka lyonse alebapela akamufuko ka masweet ya pappermint iya bana basano.

Ba wishi lyonse balingile ukuba abacenjela ukwakanya iyi sweet bwino nganshi, ukukana fwaya amafya, pantu amenso ayansala ikumi kuti ya mulolekesha ena bwino nganshi. William Branham, ibeli pa bana bonse, alikwete umusango uwakukanalya sweet yakwe yonse pa Cibelushi lelo alesunga yena mpaka umulungu uwalekonkapo ilyo ena alepanga amakwebo na bana bambi. Mukukabushanya pa kumyangako fye kuli sweet yakwe ena kuti abasenda bena ukumwafwilisha ena ne milimo pali ilya ncende.

Ba wishi bakwa William Branham bali ni ba cakolwa kabili balekumba ubwalwa pa famu. Inshita imo iya lucelo pa mulungu pa ciimo cekumi limo William Branham ali pamo na bawishi no mwina mupalamano kulya ku Mumana wa Ohio. Ilyo baleenda kulya mumbali ya lulamba, ba wishi babulile ibotolo ukufuma kwi tumba lya kunuma lyabo kabili, panuma ya kunwamo, bapele ku mwina mupalamano wabo. Umwina mupalamano alinwenemo no kupela lyena ku mwaiice William Branham uyo wasosele, "Iyo, mukwai, natotela, ine nshinwa." Umwina mupalamano alyaswike mukupapushiwa, "Branham kabili umuntu umu Irish kabili iwe taunwa?" "Iyo, mukwai!" ena nalyo line alikonkomeshe. Bawishi balyaswike no kusosa, "Nalikwata abalumendo bane na sissy umo," sissy ukuba William uyo wakene fye ukunwa.

Ici calilepwile mukati nganshi mu mutima wakwe uteku, pantu ena aliposeleko sana amano kabili alekabila ukucita cilya icali icalungama. Pano ba wishi abakwe bene balimwitile sissy ilyo ena akene ukukumako kubwalwa, ico cali intulo ine iya bulanda ne cipowe mu nga'nda yabo abene. Ici cali calicilile pafyo umwaiice Branham engapokelela kabili ena atile, "Mpeni lilye botolo kabili nalamulangisha ukutila nine Branham kabili ukutila kuti nanwa."

Ena abulile ibotolo no kutendeka ukubika lyena pa kanwa kakwe. Ilyo acitile, nakabili iciunda ica musango umo wine ica mwela calishile. Ena alibukishiwe pa nshita ilyo malaika intanshi alandile kuli wene ukumweba wene ekatala ukupepa fwaka, ukunwa, atemwa ukukowesha umubili wakwe umusango uuli onse pantu ena alikwete umulimo uwakubomba ilyo ena akesaba umukalamba. Ena taletontonkanya pali ici kabili ilyo aumfwile cena, aishileba no mwenso, aposele panshi ibotolo kabili atendeke ukulila. Ba wishi batile, "Wamona, nacikweba ena ni sissy."

Ena limbi ali ni sissy mu menso ye sonde lelo Lesa alelanda ku mulumendo. Lesa alemucingilila wene ku cintu cimo icikalamba ku ntanshi, icintu cimo muli co ena takabe fye uwakwafwilisha ku bena mupalamano bakwe kabili ku bantu abo abamwishibe lelo uwakwafwilisha kabili ipalo ku bantu ama million ukushinguluka isonde. Ici cacitike caba cimo ica kunenusha kabili ukwishiba ukwabipisha ukwa bumi bwakwe ubwa ntendekelo.

Ukumfwa ukutula ena tabamwilwike kabili alecushiwa pa mulandu wa kusulwa, ena takwete abanankwe abengi. Ena ali ne nsoni nganshi ku bakashana kabili tabatemenwe bena. Abalumendo balifililwe ukumuluka wene. Mucifulo cakwampana na bantu, ena kuti cawamishapo ukusenda imfuti yakwe ne mbwa no kuya kunse mukulunga. Nge cilangililo, abantu abacaice mu bena mupalamano balisalile ukukwata amalila ayakupapusha aya bushiku bwa kufyalwa kuli wene lelo aishileishiba palwa cena. Iciputulwa cakubalilapo ica cungulo bushiku ilyo uuli onse talaisa, ena asendele imbwa yakwe no kuya mukulunga utunama utwitwa kuni kabili tabwelele mpaka nalimo teni koloko. Ena atontonkenye amalila yali no kupwa lilya kabili umuntu onse ni nshi naya kunga'nda. Mucifulo ena asangile ukutula cila umu bali bacili kulya baleteya amangalo kabili mucine cine baleipakisha abene. Kabili ena alolekeshe pe windo no kumona bena, ena asalile ukutula tafwaile ukwingilamo. Ena tekuti omfwe ukusengelwa; ena tekuti aipakishe umwine palya na balya bantu. E ico ena asalile ukuya kulya ku butala no kulala lilya mu bushiku.

Pa ciimo cekumi limo na fine ali kunse alelunga kabili alikwete ubusanso ubwalengele wene ukutekwa mucipatala pa myeshi cinelubali. Pali iyi nshita ishiwi lyaishile bwekela kuli ena imiku ingi, lelo ali no mwenso pali lyena apo ba nyina bali musokele wene pafya mipashi ne mipashi ibifi. Pantu ena ali no mwenso uwa ili shiwi ena lyonse alekana ukumfwa kabili alekana ukwasuka. Lelo Lesa abombele pali ena muli ilye myeshi ilyo ena ali mucipatala, nangula lyonse fye iyi nshita ena alikene no kukanafwaya ukumfwa kuli Lesa.

Bambi abalumendo kuti baampana na bakashana kabili mucine cine ukuipakisha abene lelo William Branham amoneke fye ukukana ipakisha umwine no uuli onse uwa bena. Mukulekelesha, ilyo ena ali ne myaka yakufyalwa nalimo ikumi limo na cinekonse konse, ena alikonkomeshiwe ukukwata inshita na umu uwa bakashana. Ilyo bena bali kunse ukulaenda na motoka, bena baliminine petuka ilinono ilya fyakulya kunse ka musumba. Ena alingilemo ukuyashita Kokakola na mabanshi.

Ilyo ena aishilefuma ena asangile uyu mukashana alepeepa fwaka, uyu mukashana uo ena atontonkenye ali umukashana

umusuma nganshi kabili umo uyo mukuba pamo ena kuti aipakisha nganshi. Kuli wene ici cali cakututumya. Ena tekuti atontonkanye icintu icili conse icabipisha umwanakashi ukucita ukucila ukupepa fwaka. Kabili lyena ilyo ena aishile muli motoka, wene atile, “Bushe kuti wapepako, Billy?” Ena atile, “Iyo, Mayo, nshipepa.” Kuli ici alyaswike, “Iwe taupepa? Iwe walitweba ifwe ukutila iwe taunwa, iwe taushana kabili nomba ulesosa ukutila iwe taupepa. Ni cinshi ico watemwa ukucita?” “Cisuma,” atile, “Nalitemwa ukulunga; nalitemwa ukuloba; nalitemwa fye ukuba kunge mu mitengo.” Umukashana alisekele no kusenteka wene. Bwangu bwangu abalumendo bambi baishileba pamo na bakashana mukwebaula ifyo atemwa kabili nakabili ena aishile ibukishiwa pa cishinka ukutila ena tali nga bantu bambi. Mukulekelesha umukashana atile, “Cisuma, nshilesakamana ukuba pamo na sissy.” Ici cali icacila pa co ena engashipikisha pantu ici cali fye ico bawishi bamwitile bulya bushiku kulya ku mumana, ilyo ena akene ukunwako ubwalwa. E ico ena atile ku bantu abacaice, “Tapali nangu umo uwalanjita ine sissy, mpela iyo fwaka; nalaipepa.”

Ena asendele fwaka kabili ali mupepi no kubika yena pakanwa kakwe ilyo ena aumfwile cilye ciunda icaishibikwa icapala ngo mwela ukupupa mu mabula. Elyo nakabili ishiwi lyaishile kuli wene aliti, “Wikatala ukunwa, ukupepa atemwa ukukowesha umubili obe mu musango uuli onse, pantu ninkwata umulimo uo iwe ukesabomba ilyo iwe ukesaba umukalamba.” Pali ici ena aishileumfwa umwense kabili tekuti abike fye fwaka pakanwa kakwe. Ukwishiba ukutila uuli onse ali no kumuseka nga ena tapepele, ena aishileponya ifilamba no kulila. Ena afumine panse ukufuma muli motoka no kutendeka ukubutuka ulubilo mu musebo ukulola ku nga’nda yakwe. Bena batendeke ukwensha ukumukonka, ukusanika amalaiti pali wene, no kuseka no kusenteka wene. Ilyo bena batwalilile ukumukonka wene, ena alifumine mu musebo no kutendeka ukuciluka ibala ukulola ku nga’nda yakwe. Ena alibutwike ukuya apatali kabili ilyo lyonse ilyo ena engacita.

Mukulekelesha uwanaka, ena alipatikishiwe ukwikala panshi. Pano ena alilile umutima wakwe onse, kabili afwaile ukutila ena kuti afwa pantu ena tali nga bantu bambi. Abantu tabamwilwike wene kabili ena tali uwalinga ukuipakisha umwine pamo na bena. Ilyo ena aikele palya pa cilibwe alelila, ena aumfwile umulola wa muntu umo mupepi. Pa kubala ena ali no mwense nganshi ukupilibuka no kulolekesha. Mukulekelesha ilyo acitile, ena tekuti amone nangu umo nangula ena ali uwa shininkisha umuntu umo ali kulya lubali mu fimpusa ifya fubana, nalimo ama fiti amakumi yasano ukufuma pa cilibwe. Ena tailwike ifyo cena cali pali ilya nshita.

E ico kanshi ena talefwaya fye ukufwa lelo ena ali no mwenso nao. Nakabili ena aile ukuciluka ibala, ukulalila no kubutuka ulubilo nganshi nge fyo engacita.

Ngo mulumendo ena lyonse alelota palwa kuya ku masamba. Ena lyonse atemenwe mu matololo kabili cali ni kulya, kunse mu mabala ne fya cifyalilwa, uko ena aposele ama ora yakwe ayengi ayawamisha. E ico ilyo ena ali ikumi limo na pabula ena asalile ukutila ena kuti aya ku masamba uko ena nalimo kuti aba uwalinga ukusange ncito pa famu basungile ngo'mbe. Ubushiku bumo ulucelo mu September ena aebele ba nyina ukutila ena ali mukuya pa bulendo bwa nkambi ku Tunnel Mill, incende nalimo ba mailoshi 14 ukufuma ku Jeffersonville, uko ena aleya ilingi line. Ena alibebele ifi, ukwishiba ukutila nga ena alibebele bena ena aleya ku masamba, bena kuti ba mupapata wene no ku mukonkomesha wene ukukanaya.

Ena talembele bena mpaka ilyo ena ali mu Arizona kabili alikwete incito mupepi na Phoenix. Mu butuntulu ena alishibe ukutila ena alebutuka ukufuma kuli Lesa, lelo ena talefwaya ukusumina cena. Ena alitemenwe ubumi pa famu lelo nga mangalo yambi kuli wene, ubusuma bwangu bwangu bwalipwile kabili ena alefwaya ukutila ena engaba kulya ku mushi.

Ena taikeleko kulya ku masamba inshita itali nganshi ilyo ena apokelele kalata ukufuma kuli ba nyina ukumwishibisha ena ukutila munyina wakwe Edward ali umulwele nganshi. Ena taposeleko amano nganshi kuli cena pantu ukufika pali iyi nshita takwaliko imfwa mulupwa lwaba Branham kabili ena aumfwile ukutila ili line ena ali no kuba bwino nakabili. Nangu cibe fyo, inshiku ishinono ilyo ena abwelele ku famu ukufuma ku musumba, ena alipelwe kalata iyo yabelengelwe, "Bill, isa ku mulemfwe ku kapinda ka ku kulyo. Cena ci nkankala nganshi." Ena lilya line fye aendele ukuya ku mulemfwe kabili umuntu wakubalilapo ena akumenye ali ranger umukote uo baleita Pop. Pop alikwete ukulangisha ubulanda pa cinsu cakwe ilyo ena aishibishe William Branham ukutila ena alikwete ilyashi lya bulanda kuli wene. Pali ilya nshita kapitao aile no kumweba ukutila bena bacipokelela fye ilyashi ukutila munyina wakwe Edward nafwa. Ili lyashi lyaishile nge ca kusunkanya ukwabipisha kuli ena ilyo ena atendeke ukwiluka ukutila takatale nakabili ukuba uwalinga ukumona munyina wakwe uwa mweo.

Ilyo ena aiminine palya, ifyacitikapo fyalepita mu mano yakwe. Ena alikene Lesa; alicishibe cena. Lelo nombu Lesa alelanda kuli ena nangula ukupitila mu mfwa yakwa munyina. Itontokanyo ilya kubalilapo ilyaishile mu matontokanyo yakwa William Branham lyali lya kutila nga cakutila atemwa iyo munyina ali uwaiteyanya ukufwa. Ilyo ena apilibwike no kulolekesha ukuciluka amabala, ifilamba fyalikonkolweke

ukufuma mu menso yakwe. Ena alibukishe ifyo bena babombele capamo nga bana banono kabili ifyo bumi bwali ubwabipisha kabili ubwakosa kuli bena. Alibukishe ifyo bena baile ku sukulu ukwabula icakulya icalinga mutufipe twabo utwa cakulya ca kasuba, ukwabula ifya kufwala ifyalinga pa mibili yabo, kabili no tukondo ukupula kunse ka nsapato shabo. Bena balefwala amakoti yakale ayakakwa pa mikoshi yabo pantu tabakwete amalaya. Ena alibukishe ukutila ubushiku bumo ba nyina balibapele inyanje ishasalulwa mu tufipe twabo utwacakulya cakasuba kabili ukufwaya ukuba uwashininkisha ukutila ena alikwete icakaniko cakwe, ena alile no kusenda ulupi ulwaisulamo inyanje ishasalulwa ilyo tacilati cibe ora iya cakulya cakasuba.

Ilyo aiminine palya ukulolekesha ukulola kukabanga, ukuciluka ibala, ena nakabili alisungwike. Bushe munyina ali uwaiteyanya ukufwa? Inga cakutila cali ni ena uyo uwafwile, bushe ena ngali uwaiteyanya? Kabili na cimbi ena alisumine umwine ukutila ena tali uwaiteyanya napamo ena ukufwaya ukukumanya Lesa wakwe.

Inshita ya kubalilapo ilyo William Branham aleibukisha ukumfwako ipepo cali pa nshita ya cililo cakwa munyina. Rev. Mckinney uwa ku Lukuta lwaku Port Fulton aletungulula mukulongana kwa cililo. Mu nshita ya kulongana atile, “Kuti kwabako bamo muno abo abashaishiba Lesa. Nga cili fyo, cinshi tekuti musumine Wene nomba?” Ici calikete mu mutima kuli William Branham, uyo wabwelelemo ku cililo. Ena alishibe ukutila ena taishibe Lesa.

Panuma ya cililo ena tabwelelemo ku masamba lelo aingile ncito kuli ba Public Service Company aba mu Indiana. Panuma ya kubomba na bena imyaka ibili, ukupima ba mita mwituka lyaba mita iya mibombele ya fya mwela mu New Albany, ena alicitilwe ububi no mwela. Ici cali intendekelo ya bulwele bwakwe ubo bwa mupatikishe ena ukusumina no kumfwa kuli Lesa. Ena apempwile ba doctor bonse ena engayako lelo takuli nangu umo uwamwafwilishe. Mukulekelesha ena bali mutwele ku waishibisha mu Louisville, Kentucky, uko ena aebelwe ukutila ibula iyakwe lyalingile ukufumishiwa. Pakuba ena ukukana kwata ifishibilo ifyabulwele bwe bula ena alifililwe ukwiluka ici, lelo nangu cibe fyo bena batile ukutila ukutumbulwa kwali ukukankala pakutila abe umutuntulu.

Ena asondolwele ukutila nga cali icikankala kuli ena ukukwata ukutumbulwa, nalimo ena ali umulwele nganshi ukucila ifyo ena aishibe. Muli bulya ubwafya ena alefwaya umo muntu ukuba nankwe uyo waishibe Lesa. E ico ena aitile Kacema uwa First Baptist Church uyo waikela kulya pamo nankwe ilyo aleya mucipinda cakutumbwilamo. Lintu fye tabalatendeka ukutumbula, ena aumfwile ukutila ena mukwangufyanya aleya alenenuka. Umwenso waingile mu

mutima wakwe ukutila ena tafume muli uku kutumbulwa lelo ena ali no kwitwa kukukumanya Lesa wakwe, kabili ena alishibe ukutila ena tali uwaiteyanya. Pa nshita ya kubalilapo mu bumi bwakwe ena aitile pali Lesa kukumwafwa.

Lilya line fye panuma yakutumbulwa ena akwete ukwishiba icimonwa na cimbi ico cali icishinka ca kupilibukilako mubumi bwakwe. Ena aliimwene umwine mukati mu mitengo ikalamba. Iciunda ca mwela no kupupa kwa mwela kwaleisa kulepalamisha no kupalamisha. Ena atontonkenye umwine ukutila cali ni mfwa, ukwisa ukumusenda. Owe, ifyo ena alilile kuli Lesa pantu ena tali uwaitenya ukukumanya Kalenga wakwe. Umwela waishile ulepalamisha no kulila nganshi. Lyena camoneke kwati abwelele nakabili mu nshiku sha bulumendo bwakwe, ukwiminina mulya mukashila pesamba lya ulya umuti wa mutelebinti uko ena umuku wakubalilapo aumfwile ishiwi ukulanda kuli ena ilyo ena ali ne myaka ya kufyalwa cinelubali. Nakabili ishiwi lyalilandile, “Wikatala ukunwa, ukupepa fwaka atemwa ukukowesha umubili obe mu musango uuli onse. . . Ine nalikwitile kabili iwe walikene ukuya.” Amashiwi yalibwekeshiwe imiku itatu. Elyo Mr. Branham alibilikishe, “Shikulu, nga cakutila ulya ni Mwe, lekeni mbwelelemo pe sonde nakabili kabili nkashimikila Imbila nsuma yenu ukufuma pa mitenge ya mayanda na mufufutu fya misebo. Ine nkeba uuli onse palwa yena.”

Icimonwa calipwile. Ena alyumfwile amaka kabili alishibe ukutila imfwa tayali mupepi lelo ukutila ena ali no kuba umutuntulu. Doctor ali talafuma pa cipatala pantu ena alefwaya ukucenenta pa buyantanshi bwa mulwele wakwe. Ilyo ena amwene William Branham ena atile, “Ine nshili muntu uya ku chalichi; incito yandi ikalamba nganshi ine nshakwata inshita. Lelo ninjishiba ukutila Lesa napempula uyu mulumendo.” Mu cishinka doctor alyumfwile ukutila William Branham tali no kuba no mweo ukupitila mukutumbulwa, lelo tali fye no mweo ukupitila muli kwena lelo amoneke ukuba uwamaka nganshi kabili bwino ilyo ali ena alelolola ukuba umutuntulu. Nangula doctor napamo William Branham tabailwike cena. Ndi uwashininkisha, nangu cibe fyo, ukutila nga ena alishibe lilya ifyo ena aishiba nomba, ena ngatafulunganishiwe lelo nga ena alilondolwele ukwabula ubwafya nganshi pali cena kuli doctor kabili na bambi abaposeleko amano.

Panuma ya nshiku ishinono ena balimufumishe mu cipatala kabili abwelele ku nga'nda. Ena lyena atendeke ukufwaya Lesa. Mpaka pali ino ine nshita ena takwete ukusambilishiwa kwa bukapepa; ena taishibe ifyakusanga Lesa, tatontonkenye Icebo ukuba icikankala. Ukufuma ku lukuta ukuya ku lukuta ena alile, ukweshwa ukusanga icifulo cimo uko Abenakristu bengamwafwa no ku musambilisha wene umusango ifyo bengalanshanya na Lesa.

Inshita imo iya bushiku ku nga'nda ena ali ne nsala nganshi pali Lesa ena ali no mwenso ena tali no kuba no mweo kano fye ena engasanga Wene. Ukwabula ukucusha uuli onse mu nga'nda, ena aile mu nsaka iya kale iya mbao kunuma ya nga'nda kabili kulya ena alyeseshe ukupepa. Ena taishibe ifya kupepa lelo ena alimishe umutima wakwe kuli Lesa no kubilikisha mubusuma ubo engacita. Mukupumikisha kulya kwa moneke ulubuuto mu musango wa lupanda kabili ishiwi lyalilandile kuli wene mulumi ena taumfwile. Lyena lwena lwalile. Ena aishileba no mwenso kabili asungwike ilyo ena asosele, "Shikulu, nga uyu ni Mwe, napapata bweleni no kulanda kuli ine nakabili." Ulubuuto lwalingile nakabili mu nsaka. Ilyo ena alepepa lwalimoneke nakabili umuku wacitatu. Nomba ena alishibe ukutila ena alikumenye Lesa. Ena ali uwansansa; ena alitotele.

Ena aimishe umutima wakwe kuli Lesa mukutotela ilyo ena atolweke no kubutukila mu nga'nda kwati fye ena alebutukila mu mwela. Ba nyina batile, "Bill, ni cinshi icicitike kuli iwe?" Ena alyaswike, "Nshishibe, lelo mucine ndeumfwa bwino." Ukucila ukwikala mu nga'nda umo abantu baikele, ena aile panse uko ena ali no kuba eka no mu Nankwe umupya asangile.

Ena aishileishibana na Rev. Ray Davis, Kacema wa mu Missionary Baptist Church, uyo uwali ipalo ilikalamba kuli Munyina Branham mubumi bwakwe ubwakubalilapo ubwa Bwinakristu. Cimo icintu icakubalilapo ico ena aishibe cali cakutila Lesa alefwaya wene muli bukapyunga kabili e ico kansi alingile ukundapa wene. Ena aile ku lukuta uo lwatetekele mukusubwa na mafuta kabili panuma yepo alyundepwe apo pene fye. Ukwishiba ukutila abasambi balikwete icintu cimo bakapyunga abapya tabakwete, ena alombele Lesa ukumupela wene ifyo abasambi bakubalilapo bakwete. Abasambi balibatishiwe na Mupashi wa Mushilo, baleundapa abalwele, kabili balicitile ifipeshamano ifyapulamo mwi Shina lyakwa Yesu. Ena atendeke ukupepela pa lubatisho lwa Mupashi wa Mushilo. Nalimo imyeshi mutanda panuma ilyo ena apokelele ulubatisho, Lesa alandile kuli wene ukumweba wene ukushimikila Icebo no kupepela abalwele.

Panuma William Branham apilibukile kuli Lesa no kwasuka ku bwite bwakwa Lesa, ifintu fyonse fyamoneke ukuba bwino kuli wene. Ena ali uwansansa; ena alesekelela ukuba pamo na bantu. Pa nshita ya kubalilapo mu bumi bwakwe ena aumfwile ukutila ena tali ni mpaanga iya fita, ena tali uwasulwa, kabili ukutila Lesa nalimo ali uwalinga ukusenda ubu bwafya ubwa bulesubilo ubwa bantunse no kupanga icintu cimo muli kwena.

Mukati ka myeshi mutanda panuma ya kupilibulwa kwakwe, amapange yalitantikwe pa kulongana kwakwe ukwakubalilapo. Ena atendeke ukulongana kwa mwitenti mu musumba wa mumushi wakwe uwa Jeffersonville. Calipendelwe

ukutula abengi nga bantu amakana yatatu balisangilweko mukulongana kumo kabili impendwa ikalamba yalipilibwilwe. Ici cali iceni nangula kuli kapyunga uwalumbukwa, kabili kuno cali umusonkano wakwe uwakubalilapo.

Pa mulimo wa lubatisho uyo wakonkele umusonkano, ukucila abantu umwanda umo na makumi yatatu balibatishiwe mu menshi. Cali ni pali iyi nshita ilyo lubuuto lwa ku mulu lwamoneke pa mulu wakwe ilyo ena alebatisha umuntu uwalenga ikumi limo na cinelubali. Ulu lubuuto lwalimwenwe ku lukuta ulukalamba ulo lwaiminine pa lulamba lwa Mumana wa Ohio kabili ipepala lyelyashi lyalilembele ilyashi ukukuma kuli cena.

Abantu abo abapusushiwe mu Jeffersonville mukulongana kwa mwitenti basalile ukukula tabernacle, iyo yaishibikwa nombamba nga Branham Tabernacle.

Imyaka inono iyakonkelepo yali iyafisabo, ni muli iyi nshita amapalo yakwa Lesa yali pali wene. Ena apokelele ifimonwa fya fintu ifyo fyali no kwisa fikilishiwa. Ena tekuti eluke fyena pali ilya nshita lelo ilyo fyalefikilishiwa, ena ali uwalinga ukumona ukutula Lesa ali mupele icikope icapwililika.

Mukati ka myaka yakubalilapo iya bukapyunga bwakwe ena akumenye Hope Brumback, umukashana uo panuma aupile. Panuma nalimo imyeshi isano iyakumfwana, William Branham alisalile ukutula ena alingile ukumwipusha wene nga wene alefwaya ukupwa kuli ena. Nangu cibe fyo, ena ali umukashana umusuma kabili nga ena takatale ukumupa wene, ena talingile ukuposa inshita yakwe. Nalalondolola kuli imwe ilyashi lya nsoni shakwe, ukulansha pali kalata, icupo cakwe ne fintu fimbi ifyo fyakonkele icupo cabo icansansa, nge fyo lyalandilwe na Munyina Branham muyakwe iyayanguka, lelo nombamba mu musango wa bwangalo.

Nali fye umulumendo umunono umwikalacalo kabili uwansonini nganshi. Ukutontokanya ifyo nali uwansonini, imwe nalimo mulesunguka umusango naupilemo.

Nalikumenye umukashana Umwinakristu umusuma. Natontontokenye ena ali uwawamisha. Nalitemenwe uyu mukashana kabili nalefwaya ukupa wene, lelo nshakwete ukushipa nganshi ukumwipusha wene. Ena ali umukashana umusuma nganshi ukupose nshita na ine—ena kuti asenda umuntu umbi; e ico nalishibe nalingile ukumwipusha bwangu. Nalępanga fye amacanti amakumi yabili pali ora kabili ba wishi balepanga ama dollar imyanda isano pa mweshi. Cila nshita ya bushiku namumwene ine kuti napanga ukutula nalaya mwipusha wene lilya mu bushiku. Lyena umupusa ukalamba ukulu kuti waisa mu mukolomino wandi kabili ine tekuti ncicite fye. Nshishibe ifya kucita. Namwishiba ico ine mukulekelesha nacicite? Nali mulembele kalata.

Cisuma, ilya kalata yalikwete icitemwiko ukucilako panono muli yena ukucila “Umudemwikwa Miss.” Nalicitile icawamisha conse ico ningacita ukulemba kalata umusuma, nangula ndi uwashininkisha tayali bwino. E ico mulucelo naliipekenye ukuibika mu mbokoshi ya makalata. Lyena itontonkanyo lyaishile kuli ine pali ico cingacitika nga ba nyina baliisendele yena. Nalyo line nali no mwenso ukuipela kuli wene. Mukulekelesha naishilekwata ukushipa nganshi ukuibika yena mumbokoshi ya makalata pali Cimo ulucelo. Pali Citatu ubushiku nalingile ukumukumanya wene no kumusenda wene ku chalichi. Umulungu onse mpaka pali Citatu nali no mwenso nganshi. Pali Citatu ubushiku nalile mukumumona wene. Ilyo naile natontonkenye pali ico cingacitika nga ba nyina baishilefuma panse no kusosa, “William Branham!” Nalishibe ine nali no kumfwana fye bwino na ba wishi, lelo nshali uwashininkisha nganshi pali ba nyina.

Mukulekelesha nalile pa mwinsi no kwita wene. Ena alishile kabili atile, “Owe, uli shani Bill, ingila.” Natile, “Nga taulesakamana nalaikala fye pa lukungu.” Nalishininkisha bena tekuti bansende mukati. Ena atile, “Cili fye bwino, nalaba uwaiteyanya mu maminiti fye ayanono.”

Nangula nalikwete iya musango wakale “T” Ford, ena atile, “Te kutali sana ku chalichi; leka twende fye.” Ici cali nsokele ine kabili ine nali uwashininkisha ukutila icintu cimo nacicitika. Ifwe twalile ku chalichi lelo ena tasoselepo icintu icili conse. Nali no mwenso nganshi lilya mu bushiku nshaumfwile ifyo kashimikila aselese nakalya. Namwishiba umwanakashi kuti akubika mumutunganya.

Panuma ilyo twafumine ku chalichi, ifwe twatendeke ukwenda mu musebo. Yali ni nshita ya bushiku kwali umweshi. Nalyo line ena tasosele icintu nangu cimo. Mukulekelesha nalisalile ukutila ena tapokelele kalata. Ici canengele ine ukumfwa bwino nganshi. Natontonkenye ukutila nalimo kalata alibikilwe kumbi ku mubomfi wa ku post kabili bwangu bwangu nali nge fyo naba. Ifwe twalitwalilile ukwenda. Nalolekeshe pali wene ilyo ifwe twaishilepita pa fimuti. Amenso yakwe ayafishi yalebengeshima ilyo lubuuto lwa mweshi lwabalikile pali ena. Natontonkenye, owe mwe! Ena amoneke nga malaika.

Mukulekelesha atile, “Billy?”

Natile, “Ee.”

Ena atile, “Nalipokelela kalata yobe.”

Owe, mwe! Natontonkenye, owe, owe. Ici cili apa. Iwe walaumfwa cena nombamba, Bill. Cena nacipwa conse nombamba. Natontonkenye ena ali no kulolela mpaka panuma ya kulongana. Ena tasosele ishiwi nalimbi. Lyena natile, “Naucita?”

Ena atile, “Uh huh.”

Natontonkenye, twalilila, endesha. Ine nalifililwe ukushipikisha cena. Namwishiba ifyo banamayo baba; bena bakakubika iwe mu mutunganya. Ifwe twalyendele mupepi ukucila amayanda yamo kabili ena tasoselepo akantu. Mukulekelesha natile, “Bushe walibelenga yena?”

Ena atile, “Uh huh.”

Whew! Natile, “Ni finshi ifyo watontonkenye palwa cena? Bushe yali fye bwino?”

Ena atile, “Uh huh.”

Nalefwaya ena nga kuti asosa cintu cimo. Lyena natile, “Bushe nautemwa ifyo fyalembelwe muli yena?”

Ena atile, “Uh huh.”

Natile, “Bushe walibelenga yonse?”

Ena atile, “Uh, huh.”

Cisuma, ifwe twalyupene. Ifwe mukulekelesha twalicilegele ukuba. Ilyo ifwe tatulacita, nangula, ifwe twalisalile ukutila kuti twaipusha abafyashi bakwe. Nalishibe ine kuti naumfwana na bawishi bwino nganshi, e ico nalisumine ukubepusha bena. Ena ali no kwipusha ukusuminisha kwa ba nyina. Nalitwalilile ukubika cena pa mbali ilyo lyonse ilyo ningacita, pantu calempela fye umwensho ukutontokanya fye pali cena. Mukulekelesha, inshita imo iya cungulo bushiku nalisosele usendame bwino kabili nali mupepi no kuya ilyo Hope asokoneshe kuli ine no kusonta kuli ba wishu. Owe, mwe! Nalishibe ifyo cilya capilibwile. Inshita yalifikile; ine tekuti njifumyepo nakabili. E ico nalibepwishe bena nga kuti nalanda kuli bena palya pa lukungu pali miniti. Atile, “Mucine, Bill.”

Ilyo ifwe twafumine pa lukungu natile, “Cena cungulo icisuma, bushe tacili, ba Charlie?”

Ena atile, “Mucine, Bill.”

Elyo natile, “Cisuma-uh-uh,—.”

Ena atile, “Ee, Bill, iwe kuti wa musenda.”

Natile, “Natotela, ba Charlie.” Owe mwe! Bena balimpuswishe ku bwafya ubwingi. Elyo natile, “Nomba lolekesheni, ba Charlie, ine tekuti mupangile ubwikashi nge fyo mucita.” Bena bali ni umo uwabaleteyanya pa Pennsylvania Railroad Brotherhood. Owe, mwe; bena balepanga indalama ishishuma, kabili kulya nalepanga ama centi amakumi yabili pali ora na piki na fosholo. “Lelo nalishiba ici cintu cimo,” nalitwalilile, “Nshatalamonapo umuntu nangu umo mwi sonde natemwa nga wene. Nalimutemwa wene no mutima wandi onse. Ndi no kulaya ici kuli imwe, ba Charlie, ndi no kubomba ilyo lyonse ni nga bomba kabili nkacita ifintu ifili

fyonse ifyo ningacita ukuba uwa cishinka kabili umusuma kuli wene. Ndi no kucita ifintu ifili fyonse ningacita uku mupangila ubwikalo.”

Atile, “Ine kuti natemwa iwe ukukwata ena ukucila uuli onse naishibapo pantu cilya e cipendelwa, Bill. Cena tendalama; caba ifyo waba uwansansa.”

Ndi uwansansa nganshi ena aumfwile ulya musango palwa cena. Insansa tashabela mu bwingi bwafipe ifya mwisonde wakwata, lelo ifyo waba uwaikushiwa ne cakaniko icapelwa kuli iwe. Cilya cishinka. Nga cakutila naukwata ifingi napamo naukwata ifinono, totela fye Lesa pali cena.

Ifwe twalyupene kabili nshilecetekela kwaliko incende ili yonse pe sonde iyansansa nganshi ukucila akayanda kesu akanono. Ndeibukisha ifyo ifwe twakwete ilyo ifwe twatendeke ukusunga inga’nda mu fipinda fibili. Nalishitile icitofu icakale ukufuma ku ushitisha ifipe ifyakale pali dollar umo na hafu kabili naliposele amacent amakumi cinelubali na fisano ukubikamo utufyela muli cena. Na mayo alitupele ubusanshi ubwakale ubwa kupeta. Naile kulya ku Sears Roebucks kabili nashitile kamo aka filye fipe ifinono ifya cakulya ca lucelo ifyo imwe mulingile ukupenta mwebene.

Tafyali ifingi, lelo mwe banandi, yali ni nga’nda; kabili ine kuti natemwa ukwikala muka musakuta kabili no kukwata ububile na Lesa ukucila ukwikala mu nga’nda iyawamisha iyabako ukwabula ububile Bwakwe. Ifwe tatwakwete ifingi nganshi ifipe ifya ili sonde. Ndeibukisha inshita imo naebele umukashi wandi ukutila ine nali no kwipusha ulukuta ukumpelako umusangulo ukwafwilisha ifwe ukulipila inkongole shesu. Ilyo iyi nshita tailabako nshatalile nsendapo umusangulo mulukuta lwandi. Lilya pa Mulungu icungulo bushiku nalipwishe umo uwabakalamba ukusenda icisote cakwe no kusenda umusangulo. Lelo panuma ilyo nabilishe ico nali nokucita, nalimwene umunono nacifyashi umukote ukwisula akakwama kakwe no kusendamo shimo indalama shakwe isha penshoni. Owe, mwe! Nshakwete umutima uwakusenda indalama shakwe. E ico naliminine no kubeba ukutila nacilaseka fye kabili nokusunguka nga kuti bacicita cena. Panuma membala wa lukuta alimpele incinga iya kale iyo na pentele no kushitisha.

Panuma ya myaka ibili aka mulumendo akanono kaishile mu nga’nda yesu. Ilyo ena afyelwe cilya calitukakile fye bwino capamo. Ilyo umuku wakubalilapo na mumfwile ukulila mucipatala icintu cimo calinjebele ena ali umulumendo. Natile, “Shikulu, ulya palya umulumendo wenu. Nalamwinika Billy ilyaba wishi kabili Paul ukufuma muli Baibele. Ishina lyakwe akaba Billy Paul.”

Doctor aishilefuma kabili atile, “Umulumendo obe ali mulya.”

Natile, "Ee. Ishina lyakwe ni Billy Paul."

E ico kansi ifwe twali abansansa. Ndeibukisha ifwe twabombele capamo. Ena alebomba uko babila ifyakufwala ukweshwa ukutwafwilisha ifwe ukupanga ubwikashi. Ine kuti nashimikila cila nshita ya bushiku. Akasuba konse ine kuti nabomba mu mifolo. Inshita shimo ilyo nalebwela ku nga'nda ubushiku amaboko yandi aya fitusha ayauminina, kabili ilingi line ukusuma umulopa. Hope kuti aikala no kuwamyama mu maboko yandi mu bushiku ilyo nshilaya ku chalichi. Elyo ena atile alefwaya ine ukukwata icuti. Ena alikwete ama dollar ikumi limo na yabili ayasungilwe, kabili ena aleefwaya ine ukuya pa bulendo bunono ubwakuloba. E ico natile, "Cisuma. Lelo bushe taulefwaya ukuya mukuloba, na iwe?"

Ena atile, "Iyo. Ine kuti natemwa ukuba kuno pa mulandu we Sukulu ilya Baibele ilya mu Lusuba."

E ico naile kulya ku Lake Pawpaw mu Michigan, ku mulundu fye wa Indiana, no munandi kapyunga uwa kale. Indalama shandi tashakokwele inshita itali kabili naishilebwela. Pa bulendo bwandi ukubwelelamo ilyo naleabuka umu Mana wa Mishawaka nalimwene ibumba ilikalamba ilya bantu na balongana ku misonkano. Ukusunguka wali musonkano nshi, naishile iminina. Kulya eko naishileishibana na bantu ba Pentecostal.

Abantu balilongene ku musonkano. Bena baleimba "Nalishiba cali mulopa, nalishiba cali mulopa." Lilya line fye bishop aishileiminina no kutendeka ukushimikila pa kubatishiwa na Mupashi wa Mushilo. Nalisalile ukutila ine nali no kwikala mpaka ubushiku bwakonkelepo. Nshakwete indalama isha mucipinda ca mu hotel, e ico naile kunse mumpanga no kuyabika motoka mucilime ca nyanje uko nasendeme lilya mubushiku. Ulucelo ulwakonkelepo nalishibwike ulucelo celo no kubwelelamo ku chalichi. Nalishitile ama banshi yamo no mukaka pakutila indalama yandi ipwa. Ilyo nabwelele ku chalichi, abantu abengi balilongene kale ku mapepo ya lucelo.

Ilya nshita ya bushiku kwaliko impendwa ikalamba iya bakashimikila abaikele kuntanshi. Intungulushi ya tile, "Ifwe tatukwete inshita ukumfwa imwe bonse ukushimikila e ico ifwe twalaipusha fye cila umu ukwiminina fye no kutweba ishina lyenu." E ico ilyo baishile kuli ine naliminine kabili natile, "Rev. William Branham," no kwikala panshi.

Icungulo cakonkelepo balikwete umwaume umukote umusweshi ukwiminina no kushimikila. Ena ali ngo wanakuka kabili ine nali uwapapushiwa panono ukumona bena ukusala umuntu wa musango filya ukushimikila ku ntanshi ya lulyo lukuta ulukalamba. Ena ashimikile ukufuma muli Yobo 7. "Iwe wali kwi ilyo nalengele umufula we sonde, ilyo intanda sha

lucelo shaimbile capamo?” Cisuma, ulyo mwaume umukote asendele nalimo ba million ikumi limo ilyo isonde talilalengwa. Ena ali ngo walandle ifintu fyonse mu mulu, aishileisa pa mukola mfula no kushimikila pa fintu fyonse pe sonde mpaka Ukwisa kwa Cibili kwa kwa Kristu.

Lilya mu bushiku nalile ku cilime ca nyanje nakabili no kulala. Mulucelo, ngefyo natontonkenye tapali nangu umo uwanjishibe, nalisalile ukutila nalafwala ilyakale itoloshi lya kodolo. Ilyandi limbi lyaishile kwata amafuta pa kubomfya lyena nga pa kusaila. Ubu bwali ubushiku bwakulekelesha ubo ningasangwako apo nakwete fye indalama ishalinga ukushita amafuta ukuya ku nga'nda. Nalibwelelemo ku chalichi kabili ilyo nafikile abantu baleimba.

Kapyunga uwaletungulula aliminine kabili atile, “Ifwe twacikwata fye ukulongana kwa ma bunte ukutungulula na kashimikila umwaice muno. Umbi kapyunga umwaice nganshi ni William Branham uwaku Jeffersonville.” Atile, “Isa kuno, Rev. Branham, nga iwe uli mucikulwa.”

Imwe kuti mwaba abashininkisha ici calimpapwishe ine. Nalilolekeshe panshi no kumona amatoloshi yandi aya kodolo. E ico naikete fye shilili nganshi. Mu cishinka, nshatalile monapo imibombele ya kubilishishapo pa cintu bwingi akale, kabili ine mucine nshalefwaya ukuya kulya no kushimikila ku ntanshi ya bonse balya bakashimikila aba maka.

Bena balibilishe nakabili, “Bushe kuliko uuli onse uwishibe apo Rev. Branham abelele?”

Nakontamine fye panshi mucipinda candi nganshi ukucila lyonse. Ubwite bwalibwekeshiwepo nakabili. Umwaume umusweshi uwaikele kulubali lwandi alipilibwike kabili atile, “Bushe walimwishiba ena?”

Natile, “Umfwa, nine Rev. Branham, lelo ni mfwala aya matoloshi ya kodolo kabili tekuti nje kulya ku ntanshi.”

Umwaume umusweshi atile, “Aba bantu tabasakamana umusango ufwalilemo. Bena basakamana pali cilya icili mu mutima obe.”

“Cisuma,” natile, “napapata wisosapo icintu nangu cimo palwa cena.” Lelo muntu umusweshi talolele nakabili.

Ena alibilikishe, “Uyu ali apa! Uyu ali apa!”

Umutima wandi waliputawike; nshaishibe ifya kucita. Inshita ya bushiku iya fumineko mulya mucilime ca nyanje nalipepele, “Shikulu, nga aba e bantu abo ine lyonse nalefwaya ukusanga, abo abalemoneka abansansa nganshi kabili abantungwa, imwe muli no kumpela ububile ku cinso cabo.” Cisuma, Shikulu alimpele ububile kuli bena, lelo nalipatite ukuya kulya kuntanshi ye bumba muli yalya amatoloshi ya kodolo. Cila umo alelolekesha pali ine kabili ine nalingile

ukucita icintu cimo. E ico nalile kulya kuntanshi. Icinso candi calikashike, kabili ilyo napilibwike nalimwene ifyakulandilamo, kabili nalitontonkenye ne mwine, “Ni finshi filya fintu?” Nalipepele, “Shikulu, nga mwalitala ukwafwilishako umuntu uuli onse, ngafwilisheni nomba.”

Naliswile Baibele kabili amenso yandi yalolekeshe pali vesi, “Umuntu wa cuma aiswile amenso yakwe mu mbo.” Kabili elyo aishile lila. Takwali Abenakristu kulya, kabili elyo alilile. Takwali calichi kulya, kabili alilile. Takwali amaluba kulya, kabili alilile. Takwali Lesa kulya, kabili alilile. Ilyo naleshimikila, nalilile. Icintu cimo calinjikete ine kabili amaka yakwa Lesa yalikile pa lukuta.

Ukulongana kwalitwalilile nalimo ama ora yabili. Panuma ilyo kwapwile, nalifumine pane. Umuntu umukalamba umukulu nafwala ne nsapato shakwa kacema wa ngo'mbe aishileishibisha umwine kuli ine. Ena atile, “Ine nafuma ku Texas kabili nalikwata ulukuta ulusuma kulya lubali. Inga palwa kwisa nkwatilako ukulongana ukwa milungu ibili?”

Kashimikila umbi ukufumaku Florida alishile kabili atile, “Nga palwa kwisa kulya no kunkwatilako ukulongana ine?”

Nalisendele ipepala no kulemba amashina na ma keyala, kabili mu maminiti ayanono nalikwete ukupuputulwa ukwalinga ukwa tantikwe mpaka umwaka fye onse. Cisuma, nali uwansansa. Nalitolokele mu yandi inono iya musango wa “T” Ford kabili ukuya ukupita mu Indiana nalile, ba mailoshi 30 pali ora— ba mailoshi 15 pali ora ukuya fye pa ntanshi kabili ba mailoshi 15 pali ora ukuninika no kutentemuka.

Ilyo nafikile kunga'nda, umukashi wandi aishile alebutuka kabili aishile nkumbatila. Ilyo ena alolekeshe kuli ine ena alipwishe, “Ni cinshi ico ubelelepo ne nsansa?”

Natile, “Ni nkumanya ibumba lyansansa nganshi ilya bantu nshatala kumanyapo mubumi bwandi. Bena bali ne nsansa nganshi, kabili tabakwata insoni pali bukapepa bwabo. Abantu balengele ine ukushimikila pa musonkano wabo, kabili na cimbipo, ine nimpokelela ukulalikwa ukushimikila ku nkuta shabo. Bushe uli no kuya pamo na ine?”

Ena alyaswike, “Mutemwikwa, nalilaya ukuya pamo na iwe ukuli konse mpaka imfwa ikatupatulanye.” Shi Lesa engapala umutima wakwe uwa cishinka.

E ico nalisalile ukuya no kuyaeba ba mayo. Ilyo nafikile kulya nalibelele palwa bwite. Bena balipwishe, “Ni cinshi ico uli no kucita pa ndalama?” Ifwe twalishibe Shikulu ali no kupela. Bena balinkumbete no kumpala ine kabili bacili balampepelako ine. Bena batile, “We mwana, bena balekwata bukapepa bwa musango filya mu lukuta naishibe imyaka yapitapo, kabili nalishibe bwena butuntulu.”

Kabili mwebanandi, ifyo ndesosa nomba, lekeni cibe icakusambililako kuli imwe. Lekeni ifilubo fyandi fibe isambililo kuli imwe. Abanandi na balupwa balinsokele ine ukukanasumina ifyo naishibe cali bwite bwakwa Lesa kuli ine. Bamo batile ukuti abantu ine nakumenye pa musonkano bali ifisoso fya bantu. Ine panuma naishilesanga, kabili ndesosa cena no mucinshi, ukutila ico caicitilwe “ifisoso” cali “icilimwa icawamisha.” Balinjebele ukutila umukashi wandi akalakwata ifyakulya fye ubushiku bumu kabili no kukanakwata icakulya ubwakonkapo. Bambi balinjebele ukutila cali mulimo wandi ukwikala kulya no kulolekesha pa mulimo mu Jeffersonville. Umukashi wandi alilandile kuli ba nyina kabili bena batile bena bali no kuya kunshishi yabo no mutima uwa kontonka nga Hope aile pamo na ine. Umukashi wandi alilile kabili nalimwebele ukutila ifwe tulingile ukuya kunga’nda no kulanshanya cena ukupwisha. Ena alisalile ali no kuya pamo na ine, lelo ine natile ifwe tatulingile ukucita. Mwe batemwikwa bandi, apa epo amafya yandi yatendekele. Nalyumfwile kufyo mwanakashi aselese mu cifulo pa fyo Lesa alingile ukusosa. Mukati ka myeshi ikumi limo na cinekonse konse nalilufishe batata, munyina, mulamu, umukashi no mwana kabili mupepi fye no bumi bwandi bwine. Ine nshakatale ukulabako cena.

Muli iyi nshita nalebomba nga game wardern mu Buteko bwa Indiana. Ishakufola isho nalepoka ukufuma kuli uyu mulimo shapendelwe ku mpendwa yabo naikete. Lelo nshatalile ukukaka nangu umo. Mucifulo naleikala panshi no kulanda kubalepula mu mafunde palwa myangalile, ico naishibe caletele icibweshi icikalamba ukucila ukulipilisha ine ningabikapo.

Muli ilya nshita umukashana wesu umunono aishilemonekela, umunono Sharon Rose. Upalwe umutima wakwe unono usuma, ena ali ku mulu ilelo. Ena ali uwatemwikwa kuli ine. Nalitemwa fye abana banono, kabili ndeibukisha ifyo ifwe twali abansansa capamo. Nalefwaya ukumwinika ishina lya muli Baibele. Ine tekuti mwite wene Rose wa Sharon ilyakwa Yesu e ico ine namwinike wene Sharon Rose. Twaleikala mukayanda akanono akakale. Ndeibukisha naleisa kunga’nda mu nshita ya cungulo bushiku kabili ena kuti aikala kunse kulya mulubansa ne linono ilya fifutu fine kabili ilyo naleisa ukufika pa cifutu ine kuti natinika pali uta ya motoka iyo nalebomfya nga game wardern. Ena kuti aishiba ukutila ine naleisa, kabili ena kuti asosa, “goo goo goo.” Lyena kuti atambalika utumaboko twakwe utwakale utunono kabili kuti na mwimya wene no kumukumbata. Mwe, ena ali fye umusuma fye nge fyo ena engaba.

Lilya line fye umukashi wandi alilwele no lwambu ulwa kuli bapwapwa. Icakonkelepo munyina alipaiwe mupepi fye na ine. Mwamona, inshila ya upula mu mafunde intu yakosa. Elyo batata pa ciimo ca 52, balikwete ukwikatwa kwa

mutima inshita imo iya bushiku kabili bafwilile mu maboko yandi ora panuma. Inshiku ishinono fye ilyo tabalafwa bali mucikulwa ca bwalwa kabili umo muntu alibalombele ukunwa. Bena basendele kapu lelo batendeke ukututuma. Ukwikala panshi, bena batendeke ukulila no kulanda pa mwana wabo uyo waleshimikila. Bena batendeke ukusosa ukutila yonse iyi myaka bonse bali mucilubo no mwana wabo ali uwalungama. Batile, "Pantu ndi cakolwa mwileka cena cimonekele pa balumendo bandi. Uku e kunwa kwakulekelesha nkatala ukukwata mubumi bwandi bonse." Bena balimishe kapu no kwesha ukunwa ifyalimo lelo bwaitikile pa cinso cabo conse. Nakabili balilile, baimishe icisote cabo no kwenda ukuya panse. Ici cacitike caebelwe kuli ine kuli umo ubomba ku insurance uyo panuma naishile tungulula kuli Shikulu. Lilya line ilyo tabalafwa, bena bapele umutima wabo kuli Shikulu.

Lesana ali acili alelanda ku mutima wandi. Lyena mulamu wandi umwanakashi alifwile kulya kwine mu nga'nda yakwe. Ifintu fyonse tafyamoneke ukwenda bwino kulya kwine ku lukuta lwandi nako. Inshila ya utoba amafunde intu yakosa. Mwamona, nalitwalilile ukulabwelela kunuma lilya. Lelo ilyo nafililwe, ndecetekela Lesana nalyo line acingilile icabupe Cakwe. Lyena natile, "Owe, ni cinshi ico ningacita; nalipanga icilubo." Ukusubwa kwakwa Lesana kwafumine pali ine kabili kwena mucine takwatalile bwela mpaka ilyo Malaika ankumenye mu 1946. Iyi myaka yali inshita ya mfifi iya bumi bwandi. Fyonse ifi cali ni pa mulandu wakukanacita ifyo naishibe Lesana alewaya ine ukucita.

Panuma ya kashita umukashi wandi aishilekwata akalaso. Ilyesha lya mu 1937 lyaishile mukupumikisha kabili ena aliketwe muli lyena. Ndeibukisha lilya mu bushiku. Nshakatale ukulabako cena. Icibumba caliponene kulya lubali kabili umusumba walefumishiwapo pali map. Nali musendele Hope na bonse babili abana ku cipatala ica pa kashita fye, icabikilwepo ku buteko. Kulya bena bonse bali kulya abalwele nganshi. Hope ali na temperature iya 105°. Ilyo naile mukupepa lilya mucungulo bushiku ena alilwele, nalilolekeshe mu mulu kabili natile, "Shikulu, kwateni uluse pa mukashi wandi kabili mundapeni. Bushe mwalacita, Shikulu? Pantu nali mutemwa ena." Camoneke kwati nalimwene icintu cimo cileika kwati ni nsalu iyafita kabili caishile fye panshi filya fine. Nalishibe fye lyena icintu cimo cali no kucitika. Nalile no kweba abantu bandi aba mu lukuta. Bena basosele ukutila cali ni pa mulandu naliposeleko sana amano no kumfwa ubulanda pa kuba ukutila ali mukashi wandi. Natile, "Iyo, kuliko iketani iyafita pakati kakwa Lesana na ine. Icintu cimo nacimpatula ukufuma kuli Wene kabili Ena talengu'umfwa ine."

Owe, nali uwafunshika. Inshita ya bushiku ilyo ilyeshi lyaishilepongoloka, nalipe bumba ilyaleafwilisha pa mu mana.

Nalepokolola abantu ukuli konse, ukubatinta, no kubatulika pamo nge ngo'mbe. Balinjitile lilya no kunjeba ukuya kulya ku ncende uko ilyeshi lyapongolweke ku lubali lumbi. Nali butukile kulya lubali bwangu bwangu nganshi. Ine kuti na umfwa abantu balelila. Nalyumfile umwanakashi alepunda, "Ngafweni! Ngafweni!" Nalitontonkenye ifyo ningacita kabili elyo nalibutwike no kusenda ubwato ububutukisha. Nalitendeke ukuya lelo tekuti mpule muli yalya matamba. Icibumba calitobeke kabili yalya mayanda yabili iya miputule ya pa mulu yalitenshiwe fye pa mifula yaiko. Nangula nalyeseshe ukuya ukupita muli yalya amatamba, ine nalifililwe ukucicita. Mukulekelesha naile nshila imo kabili nalisendelwe pa kutila ningasenda intambo kulya ku cilu capalukungu ilyo nalepita. Nalikakile ubwato no kusha mota ilelila ukwikatilila bwena ukukana sendwa na matamba.

Nalibutukile mu nga'nda no kusanga batatu atemwa abana bane abanono, nalibemishe no kubatwala mu bwato. Elyo nalisendele nyina, no kumubika mubwato kabili nalitendeke ukuya. Cali nalimo wanu koloko mulucelo, kwali amenshi makasa kabili yaleloka, ilyo natolokele mu bwato no kutendeka ukubwelelamo. Lilya line fye ilyo nafikile ku mulundu uko ibumba lya bantu lyalelilela ukunina ubwato ilyo twaleisa, umwanakashi atendeke ukulila, "Umwana wandi, umwana wandi!" Natontonkenye ena alishile akanya kakwe kunuma kabili e ico ukubasha bena kulya ine nalibwelelemo nakabili. Iciputulwa ca nga'nda cali nacidendwa kale, ilyo mukulekelesha nafikile pali yena. Nalibutukilemo no kulolekesha monse fye ukwabula ukusanga nangu umo. Panuma naishilesanga ukutila umwana ali nalimo ne myaka ibili iya kufyalwa. Natontonkenye ena alikwete akanya akanono mulya. Elyo ilyo naumfwile ulubali lwa nga'nda ukusendwa, nalibutwike no kutoloka ukufumina pe windo kabili naishileisanga pa mulu wa lukungu. Ilyo nacidile, nalimwene ubwato bwandi buleya. Nalikatilile ntambo no kwingila mu bwato uwabomba fye nge fyo ningaba. Nalyeseshe ukutendeka bwena, lelo kwaliko amenshi makasa konse ku ntambo iya kulishishako. Nalitintile no kutinta lelo bwena tekuti bulile.

Umukuku walinjike mulya mu mumana kabili ubwato bwali fye no kupilibuka; ine nalifililwe ukulenga mota ukulila. Nali no mukashi umulwele kabili na bana abalwele babili mucipatala. Nalishikile fye batata imilungu inono iyapitapo ilyo takulaba cilya. Kabili ine nali palya. Nalifukeme mubwato kabili natile, "Owe, Lesa, kwateni uluse pali ine, ne mubembu. Nalishiba nalicita icilubo, lelo napapata, Lesa umutemwikwa, mwileka ine inshe umukashi wandi na bana babili no kunwena muli uyu mumana." Nalitintile nakabili nakabili. Kulya ine naleya fye ukulola fye ku fipoma. Nalitintile intambo lelo bwena bwalikene ukulila. Nalipepele nakabili kabili natile,

“Lesá, kwateni uluse.” Nalikwete inshita ukutontonkanya ifintu ifingi nganshi, mwe banandi. Ndemwebá, ilyo ilya ora yaisa kabili imfwa ilesunkila fye ukutitikisha imwe, imwe mukatontonkanya ifintu ifingi nganshi ifyo imwe tamuletontonyapo nombá. Nalitintile kabili nalitintile, kabili ku nkumbu shakwa Lesa mota yaishilelila. Nalibwelelemo no kupula mu matamba nakabili kabili naishilefuma kulya lubali mu Howard’s Park, kulya kwisamba lya Jeffersonville, nalimo fili koloko mulucelo.

Elyo bena balinjebelé ulubali lumbi ulwa cibumba calitobeke kabili lyaishile ukupita mu Lanky Kank Creek no kupatulanya Government Depot. Nalile kulya lubali bwangu bwangu nganshi kabili nasangile amenshi yalifikile pa cipatala icapakashita fye. Nalikumenye captain aliminine kulya kabili natile, “Captain, mukwai, bushe kwacibako umuntu umo uwacinwena?”

Ena atile, “Iyo, takwaciba nangu umo uwacinwena.”

Natile, “Nalikwete umukashi kabili na bana babili abalwele mulya.”

Ena atile, “Cisuma, ndetontonkanya cila muntu alifuma ukulingana nge fyo naishiba.”

Nalile pantanshiko panono kabili nalikumenye kacema uo twaampána nankwe. Ena alibikile amaboko yakwe pali ine no ku nkumbatila ilyo alesosa, “Billy mulumendo, nga nshakatale ukukumona nakabili, ine nkakumona ulucelo.” Ilya eyali nshita ya kulekelesha na mumwene. Ena alipaiwe mu nshita ye lyeshi.

Panuma nalikumenye Major Weekly uyo watile, “Reverend Branham, umukashi obe na bana bacinina pe tolokoshi lya ngo’mbe ukulola ku Charlestown, Indiana.”

Yaleloka kabili na mabwe ilyo nabutukile mukusenda ubwato bwandi no kutendeka ukuya kulya lubali uko Lanky Kank Creek afumina. Umo muntu atile, “Owe, cilya icitolokoshi ca ngo’mbe calisendwa ukufuma mu nyanji kulya lubali kabili cila umo muli bena balinwena.” Owe, mwe!

Elyo umo muntu atile, “Iyo, tacali; cena calipita. Ifwe twalyumfwa ukubilisha ukutila cena calipita.”

Cisuma, nalingile mubwato bwandi kabili balitendeki kulya lubali. Nalimwene ulyo mukuku ukulaisa ukulapita; ine tekuti mpule muli yalya menshi. Yena yalinjisalile ine kabili kulya nalikele mu ncende itwa Port Fulton pa nshiku nalimo cinelubali. Elyo nalikwete nshita ukutontonyapo nakabili. Elyo nalipepele. Nalibilikishe no kusunguka ngo mukashi wandi alifwile atemwa ali uwa mweo. Abana bandi bali shani, ba mayo? Mukulekelesha, ilyo amenshi yacepele nalyabwike no kutendeka ukwenda. Naleya kulya

mu misebo kabili nalikumenye umunandi uwa kale, Mr. Hay, ukufuma ku Charlestown. Nalipwishe, “Bushe umukashi wandi eko ali kulya?”

Atile, “Iyo, Billy, Mrs. Branham taliko kulya lelo ifwe tuli no kumusanga ku cifulo cimo.”

Natile, “Kwaliko ishitima ilyaleisa ne citolokoshi ca ngo’mba icaisulamo abantu abalwele.”

Atile, “Lyena talyaiminine kulya.”

Naile kulya ku Dispatcher’s Office. Atile, “Owe, injiniya uyo wasendele cilya icitolokoshi ca ngo’mba ali no kuba kuno muma miniti fye ayanono. Ena aciba kuno pa kashita akapitapo.”

Iyo ena abwelele ena alinjebele, “Ee, mukwai, ndeibukisha nacifyashi umulwele na bana babili. Nalibasha kulya ku Columbus, Indiana. Bena bali abalwele nganshi.”

Cilya cali nalimo cinelubali atemwa inshiku cinekonse konse ilyo tacilacitika, kabili nalisungwike nga cakutila bena bacili bali no mweo. Nshakwete inshila iyakwendelako, e ico nalitendeke fye ukwenda mulya mu musebo. Iyo naleya ukupita mulya ukulila, motoka yalishile kuli ine. Muli yena mwali umunandi uyo wasosele, “Bill, ninjishiba uo ulefwaya. Iwe ulefwaya Hope, bushe taulecita?”

Natile, “Ee.”

Atile, “Cisuma, ena nalala kulubali lwa mukashi wandi pa cipatala capa kashita fye ica Baptist mu Columbus, Indiana, ne cifuba cantandabwanga, mupepi ne mfwa.” Ena atile, “Nshishibe uko abana bobeba bali. Nshatalile bamona bena, lelo namwene Mrs. Branham kulya. Iwe tawamwishibe ena nga wamona ena. Nalufya nalimo ama pound amakumi yabili na fisano ukufina. Ena aletontonkanya iwe walifwa.”

Owe mwe, mwe banandi, ilyo natontonkanya pali cilye cintu cimo cibilima fye mu mutima wandi. Nalingile muli motoka kabili mukulekelesha nafikile ku Chalichi caba Baptist ico cabomfiwe nge cipatala ca mukampampa. Nalibutukilemo; incende yalifubene. Nalibilikishe, “Hope! Hope!” Ukubilikisha fye nganshi nge fyo ni ngacita. Nalilolekeshe palya pa busanshi ubwakale mu cifutu kabili nalimwene ukuboko ukunono ukwa mafupa ukwimishiwa no kusokonya kuli ine. Cali ni ena. Icinso cakwe cali icaonda sana kabili nalibutukile kuli ena bwangu bwangu no kuwila panshi kulubali lwakwe ndelila. Owe mwe! Ena ali fye mupepi no kuya. Amenso yakwe ayafishi, ukulangisha ukucula ukwabipisha uko ena apitilemo, aolekeshe pali ine ilyo naikete ukwakwe ukwa butulukila, ukuboko ukwaonda mukwandi no kupepa mu busuma ubo naishibisha. Lelo camoneke tacali no kwafwilisha. Takwali ubwasuko. Elyo nalyumfwile ukuboko ukunkumya panuma. Cali ni doctor uyo wasosele, “Bushe niwe Reverend Branham?”

Natile, “Ee mukwai.”

Atile, “Bushe kuti nalanda kuli iwe pali miniti?”

Kabili natile, “Ee mukwai.”

Ine nalyendele kulubali lumo kabili ena atile, “Bushe iwe tauli umunankwe wakwa Doctor Sam Adair mu Jeffersonville?”

Natile, “Ifwe twaba pamo, ukuloba pamo, ukulala pamo; ifwe twaba fye ifibusa ifisuma.”

Ena atile, “Cisuma, ndefwaya ukukweba, umukashi obe alefwa, Munyina Branham.”

Natile, “Iyo, Doctor, Lesa taleke ena afwe.”

“Cisuma,” atile, “ukulingana nge fyo bwafwilisho bwa muti bwaba, ena napwa. Ena nakwata icifuba cantandabwanga icishingapola kabili nshiletontokanya icintu icili conse kuti capwisha cena, nomba ukutila cena na cimwikatilila wene.”

“Bushe abana bandi bali fye bwino?” Nalipwishe.

Atile, “Bena bali mucipinda cimbi. Umulandu bena tekuti babaleke bena ukuba mupepi nankwe ni pa mulandu ena nakwata icifuba cantandabwanga. Umo uwa bana bobbe ali fye bwino nganshi, lelo umbi mulwele nganshi.”

“Bushe kuti wantwala kuli bena, Doctor?” Nalipwishe. Nalile kulya lubali ukuyamona abandi banono aba busu Billy na Sharon nabalala palya. Nalilolekeshe pali bena kabili elyo nalibwelelemo kulya uko Hope abelele. “Mutemwikwa,” natile, “Iwe uli no kuba fye bwino. Iwe uli no kwisa ku nga’nda, kabili ifintu fyonse fili no kuba fye BWINO.” Nalilile no kulomba Lesa no mutima wandi onse; nalicitile ifintu ifili fyonse ifyo naishiba umusango wakucitilamo. Doctor Adair, umutima wakwe upalwe, abombebe uwacishinka nge fyo umuntu uuli onse engabomba. Ifwe twalilaishe ku Louisville ku waishibisha ukwisako, Doctor Miller, ukufuma ku Sanatorium. Ena aishile mucipinda bulya bushiku, ali mupimine monse, kabili apandile amano pa miti imo.

Doctor Adair alimwebele, “Ilya eyo ena alepoka kabili filya fye fyeka efyo twingacita.”

Kabili natile, “Doctor, bushe takuliko isubilo ilili lyonse nakalya?”

Atile, “Takuli isubilo nakalya, mukwai, kano fye Lesa akwate uluse. Ndetunganya ukutila ena Mwinakristu kabili iwe uli Mwinakristu.”

Natile, “Ee mukwai. Ena ali uwaiteyanya ukuya, lelo Doctor, nalimutemwa ena. Bushe tapali icintu cimo ico wingacita?”

Ena atile, “Rev. Branham, amaboko yandi nayakakwa. Ifwe natucita icintu icili conse ico twaishiba ukucita pa cifuba cantandabwanga.”

Natile, “Owe mwe!” Nalilolekeshe pali ena kabili natontonkenye, “Owe, ni cinshi ico ningacita?”

Natile kuli ena, “Ndetontonkanya iwe uli no kuba fye bwino, bushe tawabe?”

Ena atile, “Nshishibe, mutemwikwa. Tacili mulandu; icintu fye ceka napata kusha iwe kabili na bana.”

Natile, “Cisuma, mutemwikwa, ndetetekela iwe uli no kuba fye bwino.”

Ena atile, “Ndefwaya ukulanda kuli iwe pali miniti fye, mutemwikwa.”

Natile, “Ee.”

Ena atile, “Bushe ulya Doctor nakweba icintu icili conse?”

Natile, “Winjipusha, mutemwikwa. Ningile ukuya ku ncito nomba lelo nakulaisa panuma ya ma ora ayanono.” Ine kuti nalolekesha pali ena ukupepa no kulila no kulomba no kupapata. Camoneke kwati imyulu shali butale kuli ine. Ine tekuti ncite nangu cimo.

Ndeibukisha mu Scottosberg, Indiana, ukulaenda ubushiku bumu, ilyo naumfwile ukubilisha ukwisa pa cilimba- “Ukwita Warden William Branham. Wise ku cipatala. Umukashi alefwa. Isa bwangu. Umukashi alefwa.” Owe mwe! Nalifulileko icisote candi, nalolekeshe mu mulu kabili natile, “Tata, nincita fyonse ifyo ninga cita. Namwishiba Imwe muleputaula umweo wine uwa mubomfi Wenu, lelo ine nalimo nimputaula umweo Wenu ilyo naumfwile kufyo nacitile mu cifulo ca kumfwila kuli Imwe. Napapata, mwiputaula umutima wandi ukufuma kuli ine. Bushe Imwe tamwaleke abepo? Lekeni nande kuli ena, Mwalacita, Shikulu?” Nalyashishe icakusokelako kabili naile ulubilo nganshi nge fyo ninga cita ku musumba nalimo ba mailoshi amakumi yatatu ubutali. Nalifikile kulya, naposele mfuti muli motoka, mukubutukila ku cipatala. Ilyo naleisa ukubutukilamo, kulya ukwisa mulya mucikulwa cali munandi uwakale, Dr. Adair. Ena ni doctor wa cine. Ena alimwene ine kabili aponene mukulila kwati fye kanya kabili apilibukile kumbali. Natile, “Sammy, ngapalwa cena?”

Atile, “Bill, ena naya.”

Natile, “Owe, iyo, doctor, cena tekuti cibe. Isa pamo na ine.”

Ena atendeke ukulila kabili atile, “Bill, ine tekuti nje pamo na iwe, Hope aba nga nkashi kuli ine. Ine tekuti nje mulya no kulolekesha nakabili pali ena. Ine tekuti ncite fyo. Pano, ita umo uwaba nashi.”

Natile, “Iyo, nalaingilamo ne mwine.” Naishile ingila mulya no kulolekesha pali ena. Nshakatale ukulabako cena. Ena ali na menso yakwe ayaisalwa kabili akanwa kakwe akaisuka. Nalibikile ulupi lwandi pali ena kabili ena aumfwike uwatalala

nganshi ne libe. Nalimwene ukutila ena ali talati aye. Nalikete ukuboko kwakwe kabili natile, “Mutemwikwa, bushe wanjishiba ine? Lolekesha, mutemwikwa, bushe wanjishiba ine?” Nshakatale ukulabako yalya menso ayakulu, ayo ayaba yakwa malaika nomba, ilyo yena yaiswike no kulolekesha pali ine. Ena alimwentwile kabili ine nalifililwe ukushipikisha ne mwine.

Ena ancebwishe ine ukuti nkontame kabili ena atile, “Ine nshikwete amaka nangu panono. Ni cinshi ico wanjitila?”

Natile, “Mutemwikwa, nacikwata icintu cimo icakusosa kuli iwe.”

Ena atile, “Ndeya, Bill.”

Natile, “Owe, mutemwikwa, iwe tawaye, bushe walacita?”

Ena atile, “Ee.” Nashi aishile mucipinda kabili ilyo Hope apampenshe kwisaya lyandi ena alolekeshe pali nashi kabili atile, “Ndesubila ilyo iwe ukopwa iwe ukakwata umulume ngo wandi. Ena musuma sana kuli ine.” Owe, mwe banandi, cena cakontwele fye umutima wandi.

Natile, “Iwe uli no kuba fye bwino, mutemwikwa.” Nashi afililwe ukushipikisha cena kabili alifumine panse.

Hope atendeke ukunjeba palwa Paradise iyo namwitile ukufumako, ifyo yamoneke iyaemba ne fimuti ifyawama na maluba ne fyuni ifyalelila. Pakashita natontonkenye ukutila nalimo ine nga nshamwitile ena. Lelo umutima wakwe upalwe, ena aba aleipakisha ilye ncende inshita itali nomba. Ena amoneke ukupuputulwa pa nshita inono kabili atile, “Kuliko fibili atemwa ifintu fitatu ifyo ndefwaya iwe wishibe.”

Nalimwipwishe, “Cilya ni cinshi?”

Atile, “Bushe uleibukisha inshita imo ilyo wali kulya ku Louisville kabili iwe walefwaya ukushita ilya inono .22 rifle?”

Natile, “Ee.”

Ena atile, “Ibukisha iwe tawakwete indalama ukulipila ishakupila ishacikatilo?”

Natile, “Ee, ndeibukisha.”

Ena atile, “Ine lyonse nalefwaya iwe ukukwata rifle. Ine nalesunga shonse isho ningakwata ukushita yena. Ine tekuti ncite cena, lelo ilyo wafika ku nga’nda, uye lolekesha pe samba lye pepala pali bulya ubusanshi ubwakale ubwakupeta kabili iwe uli no kusanga indalama isho nasunga kulya lubali.” Imwe tamwakatale ukwishiba ifyo naumfwile ilyo naile kunga’nda no kusanga mutanda atemwa ba dollar cinelubali kulya muli ba nikelo na ma kobili isho ena asungile ne sho asendele ukufuma uku na kulya ukunshitila ine rifle. Kabili ena atile, “Bushe ulendaya ine ukutila uli no kushita Rifle?”

Natile, “Ndi no kucita, mutemwikwa.” Nalishitile yena kabili ncili nalikwata yena. Ine ndafwaya ukusunga yena ilyo lyonse ilyo ndi no mweo. Panuma yakashita, ikaba yakwa Billy.

Ena alitwalilile, “Ine ndefwaya iwe undaye ukutila iwe takwakekale weka.”

Natile, “Owe, mutemwikwa, wilalanda muli uyo musango.”

Ena atile, “Iyo, nshilefwaya iwe ukuba weka kabili abana besu ukulatintwa ukufuma ku cilu ukuya ku cilu. Iwe ukasende umo umusuma nganshi Umwinakristu umukashana uyo ukaba umusuma ku bana, kabili ndefwaya iwe ukope nakabili.”

Natile, “Mutemwikwa, ine tekuti ndaye cilya.”

Atile, “Ndaya. Wileka ine ndeya ifi fine. Pakashita fye akapitapo nacilaya ku mpanga iyaembesha nganshi uko kushaba amalwele, nangu ubulanda. Caciba fye icaanguka kabili takwaciba no kukalipwa. Kulya uko ifibumbwa ifyabuta fyacilaenda kulubali lwandi ukuntwala ku nga’nda yandi. Nacikumfwa iwe kulya ukutali mu musebo ulenjita kabili nacisabwela ukumona ifyo wacilafwaya.” Mwefibusu, ndecetekela impongolo sha Paradise shalesuka kabili ena ali fye uwaiteyanya ukwingilamo. Ena alandile ku batemwikwa bakwe kabili ena alibetile amashina yabo. Ine lyonse ndasunguka ilyo imfwa yaisa, nga Lesa tekuti asuminishe fye bamo abatemwikwa besu ukwisa ku mumana ilyo ifwe tuleabuka pali Jordan. Nalimo Lesa atila, nomba ukutila mayo aleisa kumushi, iwe kabiye kulya no kuyaiminina pa mpongolo no kulolela mpaka waisa kuno. Mwebanandi, kwalibako impanga ukuciluka umumana, ku cifulo cimo ukwalepesha, nalimo ba million aba myaka ya lubuuto ubutali. Lelo eko yaba kulya—kabili ifwe tuleenda ilya nshila.

Elyo ena atile, “Mutemwikwa, iwe walishimikila pali yena, iwe walilanda pali yena lelo iwe tawaishiba ifyo yena yaba iya bukata. Nomba ndeya. Bill, iwe ukantwale ine kulya ku Walnut Ridge no kunshika kulya. Nshilesakamana ukuya apo nimona ifyo yena yaba iyawama.”

“Bushe mucine uleya nomba, mutemwikwa?” Nalipwishe ne filamba.

“Ee.” Ena alolekeshe mu menso yandi kabili atile, “Bushe uli no kundaya lyonse wakulashimikila iyi Mbila nsuma iyawama?” Nalilailile. Ena atile, “Bill, Lesa ali no kukubomfya iwe.” (Paleni umutima wakwe. Ine lyonse nalisunguka nga Lesa tekuti amusuminishe ena ukulolekesha panshi pali ifwe ilyo tuleya ukufuma ku ncende ukuya ku ncende muli bukapyunga bwesu, ukweshu ukunakila ubwite ena aumfwile ukutila Lesa akatuma.)

Nalimwebele, “Mutemwikwa, nkashikwa kulubali lobe, mupepi fye na iwe. Nga ni fyo, ine nkesambwela kuno pa cifulo cimo mwibala lya bulwi e ico ngafwilisheni Lesa.” Natile,

“Nomba, nga iwe uli no kuya ukuntangilila, abafwa muli Kristu bakabuka intanshi, iwe ukaye kulubali lwa kukabanga iya mpongolo kabili kulya ukandolele ine.” Imilomo yakwe yatendeke ukututuma. Ifilamba fyaleisa mu menso yakwe.

Atile, “Ndi uwansansa nganshi.” Nali mutintilile mupepi na ine no kumufyompa kafikepo pa bushiku bwandi ubwakulekelesha ukuba pamo nankwe mpaka ine nkamukumanye ena kumbali ya kumpongolo ya ku Kabanga. Ku nkumbu shakwa Lesa no bwafwilisho ndi pa musebo ilelo. Nkaba kulya bumo ubwa ishi nshiku. Cilya cishinka.

Owe, cali icakosa ukuya kunga’nda panuma ya kuya kwakwe. Nalimwene ikoti lyakwe ilyakale nalikobekwa palya. Ifintu fyonse fyanjibukishe pali ena. Nalitendeke ukulila ilyo nalelekesha ukushinguluka. Lilya line fye umuntu umo alikonkweshe pa mwinshi kabili nalipwishe ali ni nani. Cali ni membala wa mu lukuta lwandi. Atile, “Billy, bushe naumfwa ilyashi ilyabipa?”

Natile, “Ee, naciba na Hope mpaka ku mpela. Ine nacifuma fye kucipatala.”

Ena atile, “Umwana obe ali mupepi no kumfwa, nao.”

Natile, “Cinshi?”

Ena atile, “Sharon Rose alefwa.”

Natile, “Tekuti cibe, Munyina Brin.”

Ena atile, “Ee, efyo cili. Ena alefwa nomba. Doctor Adair elyo acimupima fye ilyo nshilafuma ku cipatala.”

“Bwafyanshi?”

“Ena acitile ngo wayambwile akashishi ukufuma kuli nyina kabili ena nakwata menigitis iya cifuba cantandabwanga.”

Nalibutukile kucipatala. Bena balinjikete pa mwinshi kabili batile, “Iwe tekuti wingile mulya.” Nalitendeke ukwingilamo nangu cibe fyo. Nashi atile, “Lolekesha, Rev. Branham, iwe ulingile ukutontonkanya pali Billy Paul. Ulya umukashana umunono alafwa mu maminiti ayanono.”

Natile, “Ulya mutemwikwa wandi umunono. Ningile ukumumona ena.” Natontonkenye nalyumfwile umwana wandi umunono alenjita kabili nalikonkomeshe ine ningile ukuya mumona.

Ena atile, “Iwe tekuti umumone ena, Rev. Branham. Ena ali mulya eka.” Wene alibwelelemo no kwisala icibi. Ilyo wene acitile, naliingilemo inshila imbi no kuya kulya mu muputule uko bena bamubikile eka. Cali icipatala icibusu nganshi. Ena alikwete net inono iya ba mungwi’ngwi pa cinso cakwe, lelo balunshi balingile mwisamba kabili pa tumenso twakwe utunono. Nalibatamfishe no kulolekesha pali ena. Upalwe umutima wakwe unono. Ena alesamfula. Pa mulandu wa

kukalipwa ukwabipisha, imishipeshipe yakwe yonse yalingile mukati. Natile, "Sharon, mutemwikwa, bushe walimwishiba tata?" Imilomo yakwe inono yatendeke ukututuma. Ena alishibe nalipalya. Lelo ena alecula nganshi icakutila ilyo ena alelolekesha pali ine amenso yakwe ayakanya aya blue yalicingenye. Owe mwe! Umutima wandi walekontoka. Ine tekuti nshipikishe ukulolekesha pa menso yakwe ayacilinganishiwa. Mpaka buno bushiku, ndebukisha Sharon wandi umunono ilyo lyonse namona abana abacilinganishiwa amenso. Nalimona ukucila imyanda ine iya bana abacilinganishiwa amenso ukundapwa muli nalimo imyeshi itatu iya kulongana kwandi. Inshita shimo Lesa alingile ukufikina Rose ukuletamo icena cisuma ica yena. Namwishiba cilya cishinka. Nalilolekeshe pali kalya kantu akanono akabusu na menso ayacilinganishiwa, kabili natile, "Owe, Lesa!" Amaka yandi tekuti yanjikatilile fye ine nakabili. Nalimishe ukuboko kwandi kabili natile, "Owe, Tata, Imwe mwalisenda umukashi wandi. Mwisenda umwana wandi no kunsha. Napapata, Lesa uwatemwikwa, ndelomba ubwelelo pa filubo fyandi fyonse. Nkaya mukushimikila. Nkacita icintu icili conse, icintu icili conse ico Imwe mukasosa, Shikulu uwatemwikwa. Napapata mwisenda umwana wandi, napapata, napapata." Elyo lyalishile lilye ketani ilyafita. Nalishibe cena calipwile. Natile, "Kafikepo, mutemwikwa. Ba malaika bakwa Lesa balaisa kusenda ili line. Iwe uli nokuya ukuba pamo na banoko. Tata alasenda umubili obe unono no kuubika mu maboko yabanoko. Ubushiku bumo tata akakumona nakabili." Nabikile ukuboko kwandi pa mutima wakwe ilyo nasosele, "Owe, Lesa! Te bufwayo bwandi, lelo lekeni Ubwenu bucitwe."

Mukashita fye akanono ba malaika bakwa Lesa balikile no kusenda umweo wakwe unono nokuya ku Bukata na bwena. Munyina Smith, kacema wa ku Methodist kulya, ashimikile ukulongana kwa cililo. Ilyo imbokoshi yalebikwa mu mushili, ena alisendele iloba limo kabili atile, "Imito ku mito, ulukungu ku lukungu, iloba kwi loba." Ukufuma kulya mu miti iya kale iya mikedari kwamoneke ukwisa ulwimbo ulwaletotosha.

"Kuliko icalo ukuciluka umumana,
Ico twita icawama lyonse,
Kabili tufika fye kulya kwi shilya kucitetekelo
ceka,
Umo na umo tulafika ku cifulo,
Uko tukekala naba shifwa,
Ubushiku bumo bakalisha shilye nyenjele sha
golde kuli iwe na ine."

Owe mwe! Naile kunga'nda no mutima uwakontoka. Nalyseshe ukuya ku ncito. Pali ilya nshita nalebomba incito ya malaiti. Nali kalungisha wa malaiti ku mulimo. Ulucelo lumo ulucelo nganshi nalininine ku mulongoti ukwikisha

mita ukufuma ku mulongoti. Naleimba, “Pa lupili ukutali. . .” (Naleikisha intambo ya cibili. Nga muli ulungisha amalaiti, namwishiba ico ndelandapo. Iyakubalilapo yendela fye kulubali lwa iyi.) “Pali ulupanda ulwa kale ulwakalabana, ilamfya lya kucula ne nsoni. Kabili nalitemwa lulyo lupanda lwa kale. . .” Nalilolekeshe panshi pa mushili kabili palya icishingwa ca mubili wandi kabili no mulongoti, ukupanga ulupanda no kunjibukisha ine pa Lupanda ulo Kristu amfwililepo ine.

Nalikakile umushipi wandi uwakuncingililako sana. Naishilekwata umwenso nganshi. Nalifulileko ifyakufwala ku minwe yandi ifya mupila ukubika ukuboko kwandi pali ilya iyakubalilapo—iyalepitamo 2300 volts. Yena nga yalitobele ifupa ili li lyonse mu mubili wandi. Natile, “Lesu, nine kuwe ukucita ici.” “Lelo,” natile, “Sharon, mutemwikwa, tata aleisa ku nga’nda ukukumanya iwe mu maminiti ayanono. Ine tekuti nshipikishe cena nakabili.”

Mwe banandi, nshakatale ukwishiba mpaka buno bushiku ico cacitike, lelo ndetetekela Lesu alicingilila Icabupe. Icintu cimbi ico naishibe naikele pesamba lya mulongoti na maboko yandi ayacilinganishiwa fye pa makufi yandi, ukulila no kupiba. Natontonkenye palwandi, “Ndi uwa fye; ine tekuti mombe.” Nalibulile ifibombelo fyandi kuli motoka no kuya ku nga’nda.

Nalefwaya ukuya no kuba na batemwikwa bandi abo abali pamo na Shikulu. Ubumi pesonde tabwankwatilepo icintu nangu cimo nakabili. Fyonse ifyo nakwete ukubelapo no mweo fyali mwi sonde limbi; ukwabula bena umutima wandi uwakontoka tekuti usange ukushipa ukutwalilila no kulalwisha. Lelo cali bufwayo bwakwa Lesu, ndemona, mukwikatilila Icabupe Cakwe. Ena alikwete ipange kabili lyena lilingile ukubombwa. Ndi uwashininkisha casendele ubusanso bonse no bulanda ubwashika ifyo napitilemo ukundeta ku cifulo uko Ena enga bomfya ine. Lesu alishiba ico cili icawamisha.

Ba mayo balisosele bali no kwisa no kwikala pamo na ena. Bambi bapele nga’nda yabo. Lelo lolekesheni, nalefwaya ukwikala uko Hope na ine twaikele. Ifwe tatwakwete icintu nangu cimo kano fye fimo ifipe ifyafipuna ifyakale lelo fyali fyesu. Yali ni nga’nda. Ifwe twali abansansa capamo kabili nalefwaya ukwikala na filya pantu fyali ifyakwe ne fyandi. Umwina mupalamano alesunga Billy Paul kabili ilyo naya ku nga’nda ine naleya mukumusenda ukuya nankwe ku nga’nda.

Bulya bushiku ilyo naishileingila nalibulile kalata. Kalata wakubalilapo na mwene asosele, “Miss Sharon Rose Branham.” Cali isho alesungisha isha Krishimishi—80 cents. Owe mwe! Nalilele panshi no kutendeka ukulila. Nalitontonkenye palwandi ukutula kuti nasenda imfuti

yandi no kusenda ubumi bwandi. Nalefulungana, ukulufya amano yandi. Nalesakamana palwa cena sana nganshi. Nalitendeke ukulila kabili nalilile mpaka nalisendeme. Nshakatale labako cena. Nalilotele naleya kulya mumbali ye bala. Nalebomba ku Masamba pa famu. Naleisa kulya lubali ukulaimba, "Umupeto mwiceleta naukontoka." Imwe mwalilumfwa lwena. "Kulya ku famu kukushitishiwa." Nali ngo walelolekesha mumbali kabili kwaliko celeta uwakale uwaku masamba uwa mwibala no mupeto uwakontokako. Umupeto pali celeta uwakontoka. Natile, "Ee, cilya cishinka." Ukulaenda ukufuma kunuma, kulya kwaishile umwaice, uwaemba umukashana umusuma, nalimo 18 nalimo imyaka yakufyalwa 20. Ena ali umukashana uwaembesha nshatalamonapo. Nalifulileko icisote candi kabili natile, "Uli shani, Miss?" Kabili nalitendeke ukulaenda ukufumako.

Ena atile, "Shani, tata."

Natile, "Njelelako? Bushe wacisosa tata?"

Ena atile, "Ee. Bushe tamwanjishiba, tata?"

Natile, "Iyo."

Ena atile, "Cinshi ico musambilisha pa kukana fwa?" Ndasambilisha ukutila takwakatale ukubako umuntu nangu umo umukote umutuntulu ku mulu atemwa utunya utunono. Ifwe bonse tukaba iciimo cimo cine, nalimo iciimo cakwa Yesu ilyo Ena afwile, nalimo imyaka ya kufyalwa 30. Ena atile, "Bushe tamwaishiba ifyo musambilisha palwa kukana fwa?"

Natile, "Ee, lelo cinshi cilya cikwete icakucitapo na iwe?"

Ena atile, "Owe, tata, bushe tamwanjishiba ine? Panshi pe sonde nali Sharon wenu umunono."

Natile, "Sharon?"

Ena atile, "Cinshi ico mulesakamanapo, tata?"

Natile, "Mutemwikwa, iwe tauli Sharon?"

Ena atile, "Ee, alikwi Billy Paul?"

Natile, "Cisuma, mutemwikwa, nshilekumfwikisha iwe."

Ena atile, "Ninjishiba tamwishibe. Ba mayo balemufwaya imwe."

Natile, "Mayo! Alikwisa mayo?"

Ena atile, "Tata, tamwishibe uko muli?"

Natile, "Iyo."

Ena atile, "Kuno ni ku mulu."

Natile, "Ku mulu?"

Ena atile, "Ee, na bamayo bali pa mulu kunga'nda yesu ipya."

Natile, "Inga'nda ipya?"

Ena atile, “Ee, inga’nda yenu ipya, tata.”

Natile, “Mutemwikwa, nshakwata inga’nda ipya nangu imo. Abantu besu bonse balulumba fye. Ifwe tulenda fye, ukusonkela, apa na palya. Tacatalile acicitika ku mwina Branham ukuikwatila inga’nda iyakwe umwine. Ine nshikwete inga’nda nangu imo ipya.”

Ena atile, “Lelo, tata, imwe na mukwata imo kuno lubali.”

Nalilolekesha mumbali. Camoneke kwati ubukata bwakwa Lesa bwaleisa pa mulu. Elyo nalilolekeshe pa ikalamba ikulu inga’nda isuma yali palya.

Ena atile, “Palya epo mwikele nomba, tata. Bamayo bali pa mulu palya balefwaya imwe. Ine ndi no kulolela Billy Paul. Bushe tamwaye mukubamona?”

Natile, “Ee, mutemwikwa.”

Ena atile, “Imwe kabiyeni kulya kunga’nda. Ine nalalolela Billy.”

Naile pa mulu. Ine nalifililwe ukwiluka cena, lelo ilyo naleya pa mulu pa matabo palya pali Hope. Ena ali fye uwaemba ngefyo atalile ukuba, umwaice, imishishi yakwe iyafita ukulebela palya pa mapeya yakwe. Ena afwele mucabuta. Ilyo ena atambalike amaboko yakwe kuli ine, nawile fye pa nkasa shakwe.

Natile, “Mutemwikwa, ine nshileiluka ici. Ni mona Sharon.”

Ena atile, “Ee, ena acisoso kutila ena aleya pesamba ukulolela iwe.”

Natile, “Mutemwikwa, kulingile kuliko icintu cimo icilubene pano pa cifulo cimo. Bushe ena tali na mayo uwacaice uwaemba? Bushe umwana wesu umwanakashi tali umukashana uwaemba?”

Ena atile, “Ee, ena musuma nganshi.”

Natile, “Owe, mutemwikwa.”

Ena atile, “Iwe ulesakamana nganshi, bushe taulecita?”

Natile, “Ee.”

Ena atile, “Ninkumona iwe. Iwe walelila no kusakamana palwakwa Sharon na ine. Ifwe tuli bwino nganshi ukucila ifyo iwe uli. Wisakamana nakabili.”

Natile, “Hope, ndi no kwesha ukukanasakamana, mutemwikwa.”

Ena atile, “Nomba iwe tawandaya nangu cimo mubumi bobo, kano ico iwe wacita.” Ine lyonse nalyesha ukusunga ubulayo bwandi. Ena alisosele, “Lolekesha, iwe undaye ine ukutula iwe tawakasamane nakabili.”

Kabili natile, “Nkesha ukukanacita, mutemwikwa.”

Ena abikile amaboko yakwe pali ine. Elyo alilolekeshe mumbali kabili atile, “Bushe tawaikale panshi?” Nalilolekeshe kabili kulya kwali icipuna icikalamba icikulu icali palya. Nalilolekeshe nakabili pali ena. Ena atile, “Ninjishiba ifyo uletontonkanyapo, palwa cipuna icakale ico walekeleko.”

Natile, “Ee.” Amatontonkanyo yandi yali kunuma kulya ku nga’nda yesu iya kale. Nali uwanaka nganshi kabili ifwe twakwete fye filye fipuna ifyakale ifyakwata iminyololo pe samba, na mwishiba ifyo fyena fyaba; imwe mulingile ukwikala uwaololoka nganshi pali fyena. Ifwe twalefwaya ukusenda icipuna ca Morris. Fyena fyaleshitwa ukucila ba dollar ikumi limo na fisano lilya, kabili ndeibukisha ifwe twalikwete ukulipila ama dollars yabili ukubalilapo kabili dollar umo mu mulungu. Ifwe twalishitise cimo kabili nalilipile nalimo mutanda atemwa ama dollars cinelubali pali cena kabili nafikile fye pa cifulo apo ine nafililwe ukulipila isha kulipila nakabili. Bena balinjebete ukutila bena bali no kwisa no kucisenda. Ndeibukisha bulya bushiku. Hope alishibe nalitemenwe cherry pie, upalwe umutima wakwe, kabili e ico ena alimpangile cherry pie. Ine kuti naisa mu nshita ya bushiku uwanaka nganshi panuma ya kushimikila no kwikala panshi pali ici cipuna no kusoma Baibele pakashita. Inshita ishingile nalelala mutulo muli cena. Kabili lilya mubushiku alishibe icipuna calile, e ico ena alefwaya ukunenga ine ukusansamuka. Ulya mukashi umwine mwine; ulya mutemwikwa umwine mwine. Nalishibe ena alesakamana ububi nganshi palwa cintu cimo. Ena alefwaya ine ukuya kulya ku mumana no kuloba pakashita lilya mu bushiku. Nalitontonkenye kwaliko icintu cimo icalubene. Natile, “Natuleya mucipinda ca kuntanshi.” Nalimwene impumi yakwe ukuwa. Nalishibe ilyo twaingile mucipinda icipuna cesu calile. Ena alolekeshe pali ine no kutendeka ukulila. Ifwe twalikumbatene umo no mubiye kabili natile, “Owe, mutemwikwa, ifwe tapali ifyo twingacita. Ifwe tapali ifyo twingacita.” Nomba, ilyo ena alolekeshe pali ine na cilye cipuna icikulu, ena atile, “Mutemwikwa, bena tabakatale ukwisa no kusenda ici cimo. Cilya calilpilwa kale.” Ifwe twalikele panshi no kutusha pakashita.

Owe, munyina na nkashi, inshita shimo ndanaka sana kuno lubali. Ndafunshika. Ukwabula ukutusha. Ukulaya akasuba no bushiku. Ilyo naya kunga’nda mukutusha kulaba abantu ukuli konse ukukabila ukupepelwa. Owe, Lesa, ni cinshi ico ningacita? Lelo icintu cimo ico naishiba, bumo muli ishi nshiku ndi no kwabuka umumana. Ilyo nkaciluka kulubali lumbi ninkwata inga’nda kulya lubali. Ninkwata icipuna ico calipililwapo kale. Abatemwikwa balendolela. Kabili bumo muli ishi nshiku nkaciluka pali Yordan kabili lyena ine kuti natusha.

Lesa Impalume alipatikishiwe ukumbika ine muli uku kwishiba ukwabipisha pantu nalikene ukumfwila ubwite

Bwakwe. Ifya bupe no bwite fyaba ukwabula ukulapila. Nga nalyumfwile kuli Lesa mucifulo ca muntu Icabupe limbi nga calitendeke ukubomba lilya line fye kabili e ico kanshi bukapyunga bwandi nga bwali imyanda ingi pafyo bwena bwali akale. Mukulundapo ine nganalisungilwe imyaka iyabula ubulanda ubushingalandwa.

Pantu nalilapile kabili ine lyonse ndesuminisha Lesa ukutungulula no kubomfya ubumi bwandi, Ena nabwekesha kuli ine, nge fyo Ena acitile kuli Yobo wakale, kabili ndetotela.

Musende Wene mu mutima obe no kupela ubumi bobbe kuli Wene, we ulebelenga mutemwikwa. Kristu ena talekelesha. Iwe tawakatale ukumfwa ububi pali cena. Lesa akupale mwi Shina lyakwa Yesu.



William Marrion Branham

ICIKOPE ICA FYA KUPAPUSHA

Ici cikope icakusungusha bakopele Munyina William Branham mu Houston, Texas, mu January mu 1950, na ba Douglas Studios. Cena calikopelwe munshita ya musonkano umo wine umo Munyina Bosworth aletele kuli wene icakupepelapo icakwa Florence Nightingale, uo lyashi lyakwe lyalandwa mu cipandwa ukulanda umusango William Branham asalile pa kutandalila South Africa.

Ilyo abalekopa, Mr. James Ayers na Mr. Theodore Kipperman, basamfische icikope bena balisungwike ukusanga icishininkisho ca lubuuto pa mulu wa mutwe wakwa Rev. Branham. Tabatala monapo icintu icili conse akale kabili tapali nangu umo uwa bena uwingeluka uyu mulola wa lubuuto. Akasuba akakonkelepo balandile kuli Munyina Branham kabili na bambi mwi bumba lyakwe. Cena lyena calilondolwele kuli bena ukutila ifikope fyapalana ne ci fyalikopelwepo kunuma lelo takwatala akubako ulubuuto ukushininkishiwa nganshi nge fyoo cali muli ici cikope.

Negative yalitwelwe kuli George J. Lacy, Ucecenta Makalata Ayaipushiwa, pakutila bengasanga nga cakutila atemwa iyo ulubuuto pa mulu wa mutwe wakwa Munyina Branham kuti caba pa mulandu wakukana sungwa bwino, ukusamfya atemwa ukukumyako. Mr. Lacy alisumine ukupima negative kabili elyo kupela itontonkanyo lyakwe palwa cena. Pa nshita iyasantwa ilyo ena ali no kukwata ukupima kwakwe ukupwishiwa kabili no kusondolwela kwakwe ukucitwa, ena aishileingila mucipinda cakwe icakutushishamo umo ba membala ne bumba lyakwa Branham, bakalemba we lyashi kabili na bambi balelolola. Ukwingila mu cipinda aliipwishe ni nani William Branham. Munyina Branham aliminine pa nkasa shakwe no kuilenga umwine ukwishibikwa. Mr. Lacy atile, "Rev. Branham, iwe ukafwa nga bonse abena kufwa lelo ilyo lyonse ilyo kuli ubuyantanshi ubwa Bwinakristu, icikope cobe cikatwalilila ukubapo."

Ici cikope nomba calyambulwako, icikope ca cibumbwa ica fyakupapusha. Cimo ica cena cakobekwa muli cimo icafikulwa ica mu Washington, D.C.

George J. Lacy
Q (werenta Amakelata Ayepeshiwa
Johannes on Shell
Houston, Texas

January 29, 1950

ILYASHI NE TONTONKANYO

Re: Negative Iyapushiwa

Pa 28 mu January, 1950 ukupitila mukulomba kwakwa Reverend Gordon Lindsay, uyo uwaleimninaako Reverend William Branham uwa ku Jeffersonville, Indiana, napokelele ukufuma ku Douglas Studios iyaba ku 1610 Rusk Avenue muli uno musumba, filimu iyo bakopelemo no kusamfya iya 4x5 inch. Iyi filimu balandile ukuti yapangilwe na ba Douglas Studios abakwa Reverend William Branham ku Cibansa ca Sam Houston muli uno musumba, lintu atandalele iyi incende kuno ku kupwa kwa January, 1950.

UKULOMBA

Reverend Lindsay alombele ukuti nkwate ukufwalisha ukulingana na science pali negative iyo Ilumbwilwe. Alombele ukuti nshiminkisha, nga kuti cacitwa, nga cakutla atemwa iyo mu kumona kwandi negative yali-kwesawike nangu "ukupulunganihiwa" mu nshila ili yonse, lintu filimu yalesamfiwa, cilya kuti calenga ulubuuto ulunono ukuba ngo lubuuto ulwashingulwike pa mulu wa mutwe wakwa Reverend Branham.

UKUFWALISHA

Ukufwalisha kwa macroscopic na microscopic no kusoma kwacitilwe kumbali shonse shibili isha filimu yonse, iyo iyali Eastman Kodak Safety Film. Imbali shonse shibili isha filimu shalilekeshiwepo no lubuuto ulukalamba ulwa ultra-violet lubuuto lwa fikope ulo filimu yapangilweko.

Ilyashi ne Tontonkanyo -Ibula 2- January 29, 1950

Ukufwalisha kwa microscopic kwalifililwe ukusanga apali ponse pantu filimu yakwesawike ukupitila mukusamfya kwa ma filimu inshila ili yonse. Nakabili, ukufwalisha kwa macroscopic kwalifililwe ukulangisha ukuli konse ukwafulungenyel ubuuto lwa filimu mukati atemwa ukushinguluka kwa lubuuto ulwamoneke ululeipushiwa.

Ukufwalisha mukubomfya ulubuuto ulukalamba kwali fililwe ukulangisha icintu icili conse icasangilwepo fye, atemwa pa mulandu wa miti basamfishako ama filimu ku mbali shonse isha negative, ico icingalenge lubuuto ukumoneka, mu nshita ya kusamfya negative.

Ukukopa ukupitila mu malubuuto ayakalamba nako kwalifililwe ukulangisha icintu icili conse ico cingalangisha ukutula filimu yali iyakwatwako atemwa ukukwesauka.

Ukufwalisha nakabili kwalifililwe ukusokolola icili conse ico icingalangisha ukutula negative iyapushiwa yakopelwe imiku ibili nangu ukusamfwa imikubili.

Tapali nangu cimo icasangilwe ico icingalangisha ukutula ulubuuto ulwa ipushiwa lwapangilwe lintu yalesamfiwa. Nangu kwaliko cimo ico icasangilwe icingalangisha ukutula filimu tayasamfiwe mu nshila iyalinga kabili iyatantikwa. Takwali nangu cimo ico icasangilwe panuwa ya kupisha no kupashanya muma lubuuto ayakalamba ayapusana pusana ico icishali ica mu nshila iyatantikwa.

ITONTONKANYO

Ukulingana no bulondoloshi ubo ubupelwe pa mulu ukupitila mukufwalisha no kusoma ndi ne tontonkanyo iline line ukutula negative iyaletelwe mukufwalisha, tayakitwemo napamo ukukopwa imiku ibili atemwa ukusamfwa imiku ibili.

Nacimbi, ndi netontonkanyo iline line ukutula ukubalika kwa lubuuto ukomonekela pa mulu wa mutwe mu musango wa shinguluka cacitilwe no lubuuto ukusamika pa negative.

No mucinshi iyapelwa,



GJL/II

Ikicope icaambulwa ice lyashi lyakwa George Lacy ilya kuma ku cikope cakwa Munyina William Branham no lubuuto lwakupapusha.

Iyabupe Fyakundapa Nafimbipo

Na F. F. Bosworth

Ukucila pa myaka amakumi yatatu mu nshita iya misonkano ikalamba iya bukabila wa mbila nsuma, nalibombeshe ukucilapo, ukupepela abalwele na bacushiwa. Munshita ya myaka ikumi limo na fine iya iyi nshita, ifwe twalikwete National Radio Revival ni muli iyi nshita ifwe twapokelele kota wa makalata ba million, ayengi muli yena yakwete ifya kulomba ifyakupepelwapo ukufuma ku balwele na bantu abalecula abo nga tabaishileba abatuntulu ukwabula ukubomba ilyo line ukwa Mupashi wa Mushilo mukwasuka kwi “pepo lya citetekelo.” Ifwe twalipokelela amakana ukufusha aya mabunte ayabulo kwipushiwa ukufuma kuli abo abaundepwe mu musango wa kupapusha kukucula ukuli konse ukwa mubili naishibapo icintu icili conse, ukubikapo ne fibashi. Kuli Lesa kube ubukata bonse pantu ifi fyacitike fyaba ifishingacitwa kuli onse kano Wene. Pa mulandu wa ifi fipeshamano, abengi amakana balipilibulwa mukusangalala, abo ifwe nga twali no kulufya nga tatwashimikile iciputulwa cakundapwa ica mbila nsuma umuku umo mu mulungu mu misonkano yesu yonse iya kubila kwa mbila nsuma.

Pantu ubu bukapyunga bwakundapa bwalefwaikwa ukubomba ukucila pa maka ya buntunse, ifwe twalipepa, owe no mukosha nganshi, ukutila Lesa engemya ababomfi abengi ukwafwilisha muli ici ciputulwa icalekeleshiwa nganshi ica bukapyunga. Kabili mukati ka myaka inono iyapitapo, ine lyonse nalelila no kusangalala pa cabupe cakwa Lesa ica ili line ku Lukuta icakwa munyinefwe umutemwikwa, William Branham, ne cakwe icawamisha “Icabupe ca Kundapa.” Uyu mulandu wakwa Lesa ukucita “ukufushako ukucila ifyo tulomba atemwa twelenganya” (Abena Efese 3:20), pantu nshatala monapo atemwa ukubelenga pa icintu icili conse ukupalanya na bukapyunga bwakundapa ubwakwa William Branham.

MALAIKA AMONEKELA

Pa May 7th, 1946, Malaika uyo walandile kuli Munyina Branham mwi shiwi ilyaleumfwika pa nshita shimo shimo ukufuma ku bwaice bwakwe ukwisafika kuli ino nshita, mukulekelesha amoneke kuli wene, kabili pa fintu fimbi alimwebele ukutila Ukwisa kwakwa Kristu kwali mupepi. Kabili Inkombe iya ku Mulu yatile: “*Nintumwa ukufuma mu mulola wakwa Lesa Impalume ukukweba iwe... ukutila Lesa natuma iwe ukutwala icabupe cakundapa ku bantu aba mwisonde.*”

Pe bula ilya 1291 ilya Baibele yakwa Scofield, Dr. C.I. Scofield, D.D., mu fyalembwa fyakwe pesamba pali ba Malaika atila: “Nangula ba malaika mipashi (Amalumbo 104:4; Abaheb. 1:14), amaka yalipelwa kuli bena ukuba aba kumoneka mu mimonekele ya cipasho ca muntu (Ukutendeka 19:1 na yambi ayengi Amalembu muli fyonse fibili ica Kale ne Cipingo Cipyu). Mu Kufuma 23:20, Lesa atile kuli Mose: ‘Mona nintuma Malaika ku ntanshi yobe, uku kusunga mu nshila no kukuleta mu ncede iyo nateyanya.’ Kabili mu Kutendeka 24:40, ifwe tulebelenga, ‘Shikulu... akatuma Malaika Wakwe kuli iwe, no kulundulusha inshila yobe.’”

Ici ni filya fine ifyo Lesa acitila Munyina Branham. Ena tatendeka ukupepela ukundapwa kwa ba cushiwa mu mubili mu mulongo wa kupepelwa cila nshita ya bushiku, mpaka Lesa amusuba kukubomba kwa ca Bupe, kabili mpaka ena akwata ukwiluka pa mulola wakwa Malaika pamo nankwe kuntanshi. Ukwabula uku kwiluka, ena amoneka ukuba umupwilapo uwabula amaka.

FISHIBILO FIBILI FYAPELWA

Nomba moneni ukutila Lesa tatumine fye Malaika ukuba na Mose, Ena nacimbi ali mupele wene ifipeshamano fibili ifyapwililika nge fishibilo ne fishininkisho ku bantu ukutila Lesa ali monekele kuli wene kabili ali mupele umulimo wine, ukupitila mukutungululwa kwa bulesa, ukuba kapokolola wabo (Ukufuma 4:1-31). Icishibilo cakubalilapo cali ni cilya ica nkonto yakwa Mose ukusanguke nsoka, kabili icishibilo ca cibili cali icakubika ukuboko kwakwe mukwapa no kukulenga kwena ukuba “nge fibashi nga menshi makasa,” na fimbipo. Lesa atile kuli Mose, “Cena cikesafikilishiwa, nga bena tabakatetekele iwe, nangula ukumfwa kwi shiwi lya cishibilo ca ntanshi, bena bakatetekela ishiwi lya cishibilo ica cibili” (Ukufuma 4:8). Muya kulekelesha ama vesi yatatu aya ici cipandwa ifwe tulebelenga ukutila ilyo ifi fishibilo fibili fyabwekeshiwe “mu cinso ca bantu, abantu balitetekele... kabili balikontamike imitwe yabo no kupepa.”

Pa kutila fye, mukulundapo kukutuma Malaika ukuba nankwe no kulundulusha Munyina Branham, Ena nacimbi ali mupele wene ifishibilo fibili ifyakupapusha ifyapwililika ifyo fyabomba ku kusha icitetekelo ica makana aya bantunse abashingondapwa kumulingo uko “Icabupe ca Kundapa” cibomba.

UKULONDOLOLA KWA CAKUPAPUSHA

Icishibilo cakubalilapo: ilyo Malaika amonekele kuli Munyina Branham, ena alimwebele umusango ena ali no kuba uwalinga ukwishiba no kulondolola amalwele yonse ne

fya kukalipwa; icakutula ilyo cabupe calebomba, pa kusenda ukuboko kwa kulyo kwa mulwele ena kuti aumfwa ukututuma ukwapusana pusana ukwa mubili atemwa ukutunta ico calelangisha kuli wene amalwele ayapusana pusana ayo cila umo umulwele aleculako. Amalwele yakashishi, ico calelangisha ukubapo no kubomba ukwa “ukutitikishiwa” (Imilimo ya Batumwa 10:38) umupashi wa fyakukalipwa kuti wamoneka palwalala. Ilyo mupashi wa fyakukalipwa waisa mukukumana ne cabupe cilabika ukumana nganshi ukwa kumubili icakutula cilesa mukumonekela pa kuboko kwakwa Munyina Branham, kabili icituntulu nganshi icakutula cileminika inkoloko yakwe iya pakuboko apo pene fye. Ici cilomfwika kuli Munyina Branham kwati kwikata kuli waya ilebomba no mulilo wa malaiti ayengi kuli yena. Ilyo mupashi wakutitikisha watamfiwa mwi Shina lyakwa Yesu, imwe kuti mwamona ukwakwa Munyina Branham ukwakashika kabili ukuboko ukwafimba ukubwelela mu mibebe ya kwena ukutuntulu. Ngo kukalipwa tacili ubulwele bwakashishi, lyena Lesa lyonse alasokolola ukukalipwa kuli Munyina Branham ku Mupashi. Ici cishibilo cakubalilapo ilingi line cilemya icitetekelo ica muntu umo umo ku cipimo ca kundapwa; lelo nga tacili fyo, icishibilo cacibili cilacita.

KAMONA

Icishibilo ca cibili: Malaika alimwebele ukutula ukusubwa kwali no kumulenga wene ukumona no kwafwa wene ukweba abalecula ifintu ifingi ifya bumi bwabo ukufuma ku bwaice bwabo mpaka ino nshita. Ena alabeba bamo amatontonkanyo yabo ilyo bena baleisa kuntanshi atemwa ilyo bena tabalaisa mukulongana. Nali mumfwile ica ili line fye ukusosa kuli nacifyashi uwaletete akanya kakwe aka kashana akanono, “Na mayo, umwana obe afyelwe nkomamatwi kabili cibulu; kabili lilya line fye ilyo iwe waishileishiba ukutula ena tekuti omfwe, iwe wali mutwele kuli doctor.” Kabili lyena Munyina Branham aebele nyina filya fine fye ifyo doctor asosele. Nyina atile, “Cilya cishinka nganshi.” Ibumba ilikalamba lilomfwa fyonse ifi pa mibombele ya kulandilamo pa cintu bwingi. Munyina Branham mucine alamona cena ukucitwa kabili ukusunka kumbali icakulandilamo pakutula ibumba liumfwa cena, ena eba umulwele ulubembu ululi lonse ulushatumbulwa kabili imembu ishishalekelwako mu bumi bwabo isho ishilingile ukulekelwako lintu ica Bupe tacilabombwa pa kupokololwa kwabo. Lilya line fye ilyo abantu ba musango filya basumina no kulaya ukukana ulubembu atemwa imembu isho shisokolwelwe, ukundapwa kwabo lyonse kulesa mu nshita ilyo Munyina Branham talakwata inshita ya kupepa. Aya malyashi ukufuma kuli Malaika yalashininkishiwa mukulongana kwakwa Branham cila nshita ya bushiku kuntanshi ya menso amakana.

E ico amabumba ayakalamba yalapela bukambone cila bushiku lyonse lyonse nakabili fitatu ifipeshamano ifyapusana. Ifyakubalilapo fibili tafyundapa abalecula, lelo fibomba fye nge fishibilo ukwimya icitetekelo ca ulecula ku mulingo uko “icabupe ca kundapa cibomba pa kupokololwa kwabo.” Mucine, ifi fibili ifishibilo ifyakupapusha ficitwa fye ilyo kusubwa kwa Mupashi wa Mushilo kuli pali Munyina Branham pali uyu mulimo.

UKUCILA “IFYABUPE FYAKUNDAPA”

Ukwabula ukutwishika Abenakristu abanono kuno na kulya, mu kati ka Nshita ya Lukuta, kabili bamo pali ino nshita balipelwa “Icabupe ca Kundapa” ico catantikwa pamo ne fyabupe pabula ifya bumupashi mu cipandwa ca 12 ica 1 Abena Korinti, cila cimo cilumbulwa nga “Icilangisho ca Mupashi” (1 Abena Korinti 12:7-11). Kulingile kwabako abaume abalesambilila mu lukuta ululi lonse abo abapelwa.

Lelo Munyina Branham aba inshila iya cila pa ca bupe fye icakundapa; ena nacimbi ni Kamona nge fyo bali ba Kasesema aba mu Cipingo ca Kale. Ena alamona ifintu ilyo fyena tafilacitika. Nalimwipwishe wene, “Ni cinshi ico ulepilebula? Musangonshi ubamona bena?” Alyaswike, “Ngefyo ndemona iwe; ciba fye ndeshiba cena cimonwa.” Palwalala fye nge fyo umo amona ifintu ifyakubomfya ifibashingulwike, Munyina Branham, ilyo ali mumapepo mu nshita ya kasuba, alamona mu cimonwa fimo ifipeshama mano ifikankala ilyo fyena tafilacitika. Ena alamona bamo na babasenda muli ba ambulance pa macila, atemwa ukwikala mu ficinga, kabili kuti alondolola ifyo bena balemoneka kabili ifyo bena bafwele, na fimbipo. Ilyo kuli ukulangishiwa ifi fipeshamano kabela, ena ilingi line alesa mukuba, pakashita, uwabulo kwishiba pa fintu ifilecitika pantu ali. Tapaba inshita nangu imo ukucila imyaka mutanda ukutula ilyo apokelele icabupe aya mabusokololo tayatala ukufilwa ukuleta ifipeshamano ifyapwililika filya fine fye nge fyo ena amwene kale fyena mufimonwa. Pali ishi nshita ena kuti asosa ne cishinka icashininkishiwa, “Efyo asosa Shikulu,” kabili ena tatala ukulufyanyapo. Ena alinjebile ukutula ena abomba fye ifyo amwene kale umwine ukucitwa mucimonwa. Ukulunduluka ukwa ici ciputulwa ca bukapyunga bwakwe cili filya fine 100%.

UKULOLEKESHA PA FISHIMONEKA

Ilyo icabupe cilebomba, Munyina Branham aba umo muntu uwiluka sana ku mulola no kubomba kwa Mupashi wa Mushilo na ku fituntulu fya bumupashi ifya muntu uuli onse natala ukwishibapo. Muli kulyo kusubwa uko kubomfya fye ifya bupe fyakwe ifya bumupashi kabili ilyo ena aishiba

ukubapo umulola wakwa Malaika, ena amoneka ukupita ukupula mu cipembe ca mubili ukuya mwi sonde lya mupashi, kabili alamoneka uwaikatwa nganshi kabili nganshi ne lyano lya icishimoneka. Paulo alembele (2 Abenakorinti 4:18), “Pa kuti tatulolekesha pa fintu ifimoneka, lelo pa fintu ifishimoneka: pantu ifintu ifimoneka fya pakashita fye; lelo ifintu ifishimoneka fya muyayaya.”

Amashiwi yakwa Paulo pano yalangisha ukutila ifwe tuleikala nomba mufyalo fibili pa nshita imo ine—icalo ca mano, kabili ne calo ca mupashi. Icalo ca mupashi calishinguluka, ukufumbatila, kabili cilenga ukongola mu calo ca mano. Fyonse fibili ifyalo fyaba mu ncende imo ine pa nshita imo ine. Ifituntulu ifyo tubomfya ifyo tumona na menso yesu ayacifyalilwa epo fyaba mukati ka fituntulu ifya wamisha ukucilapo ifyo fishimoneka no mushipeshipe wakumona. Amalemba yalatusambilisha ukutila ifyapulishamo “ifya muyayaya” ifituntulu nafitushinguluka ifwe nomba. Fyonse ifintu twingamona cila umu uwa muli ifwe pa nshita ili yonse iya kubapo kwesu, pa kushoka ukuli konse mu nshila yesu, nga twalikwete amenso ayasubwa ayakumwenako fyena! “Ifimoneka” fyabapo mukati ka “fishimoneka,” ifya “pakashita” mukati ka fya “muyayaya.”

Paulo atila, “Uyo wakumbinkana na Shikulu baba umupashi umu.” Ilyo tuli abaisushiwa na Mupashi wa Mushilo, umupashi wesu no Mupashi wakwa Lesa filampana muli cimo mu musango umu wine ifyo bamba kabili no musoso fyaba umu pantu bamba apongolwela umusoso umu. Lyena caba ukutila ifyabukata ifya bumupashi ifituntulu filakwata ukongola kabili filesa mukuba ifya maka nganshi. Tulamona icine ne fituntulu ifya bumupashi ukupitila mu menso yakwa Lesa. Pa nshita sha musango filya ifintu fya kuntanshi fimoneka ukubapo kwati ukumoneka kwa cikope ica bunkolanya icileisa ica kutemuna. Yesu atile ukuti, “Umupashi ukamulangisha ifintu ifyo fili no kwisa.”

IFIPESHAMANO UKUMONEKELA LIBELA

Munshita ya kulongana kwa ku Fortwayn na mayo aishile mu mulongo wakundapa asendele no mwana uyo wafyelwe no lukasa ulwalemana ulo lwali no kulu muli citute. Inshita Munyina Branham amwene bena, ukwabula ukwiminina ukupepela ukundapwa kwa mwana, ena atile kuli na mayo, “Owe, ee, bushe walacita ifyo ndekweba ukucita?” Na mayo alyaswike, “Nalacita.” Elyo ena atile kuli wene, “Kabiye ku nga’nda no kuyafumyako ico citute, kabili ilyo ukabwela mailo bushiku, ukalete umwana, kabili ena ali no kukwata ulukasa ulutuntulu.” Icakulandilamo casendele aya masihiwi kuli bonse mwi bumba ilikalamba. Caba sendele ukucila pali

ora lilya mu bushiku ukufumyako citute. Ilyo na mayo aletele umwana inshita ya bushiku ubwakonkelepo, umwana alikwete ukulu ukutuntulu kabili alifwele insapato ishitya ishinono ishabuta kabili aleenda. Doctor alikopele x-ray ulukasa no kulusanga ulutuntulu. Nalipwishe Munyina Branham ubushiku bwakonkelepo cinshi ico ena apishishe na mayo kabili no mwana ukupita mu mulongo wakupepela ukwabula ukupepela ukundapa kwa mwana. Ena alyaswiye, “Cena tacali icikankala, pantu mucimonwa mu cungulo na cimona umwana naundapwa.” Kuti calenga ili lyashi ukuba ilitali nganshi nga kuti nalondolola amafya nayambi ayengi ayawamishapo umwashika ukucila ubu bwafya. Ici ciputulwa ca bukapyunga bwakwe ceka kuti capela iyashi lye buku.

Mu cipandwa ca 5 icakwa Yohane Washila, Yesu atile, “Tata alebomba nomba, na ine ndebomba . . . Umwana tekuti acite akantu Umwine, lelo ifyo Ena amona Tata alecita; pantu fyonse fintu ifyo Ena acita, ifi na fyo efyo Mwana nao acita, pantu Tata alitemwa Umwana kabili alamulangisha ifintu fyonse ifyo Mwine acita.” Ni finshi ifyo Yesu apilibwile? Mucine, Yesu ali ni Kamona nge fyo bali ba Kasesema aba mu Cipingo ca Kale. Ena amwene ifipeshamano ilyo fyena tafilacitika. Ena amwene umuntu uyo wakwete ukulwala pa myaka 38 uyo walefilwa ukwingila mucishiba ilyo Malaika aleikamo no kufundaula amenshi. Yesu alishile kuli wene kabili atile kuli wene, “Senda ubusanshi bobo, no kwenda.” Yesu alimwene Lasaro ukwima ukufuma ku bafwa ilyo Ena talabomba icipeshamano. Ena atile kuli Nathaniele, “Ilyo ulya Filipi talakwita, ilyo wali mwisamba lya muti wa mukunyu, nali ni nkumona” (Yohane 1:48). Ena amwene apo mwana wa musepela akakilwe ukwabula ukubako kulya. Ena atile ku basambi Bakwe babili: “Kabiyeni mu musumba, kabili kulya muli no kumukumanya umwaume nasenda umusukupala wa menshi; mukonkeni . . .” (Marko 14:12-16). Kabili Kristu uwaba mukati ena nomba alebomba imilimo Yakwe ukupitila mucibombelo ca muntunse ukulingana no bulayo Bwakwe kuli ino nshita: “Uyo watetekela muli ine, imilimo iyo ncita nao akacita . . . pantu ndeya kuli Tata, kabili conse ico mukalomba mwi Shina Lyandi, cilya nkacita, pakutila Tata engacindamikilwa mu Mwana” (Yohane 14:12, 13).

UKUTINTA KWACITETEKELO KULEUMFWIKA

Mu mulandu wa mwanakashi uyo wakumishe kwitelo lyelaya lyakwa Yesu kabili alengelwe umutuntulu, Yesu atile, “Ndemoni ukutila ubulumba nabufuma muli ine” (Luka 8:46). Ilyo ici calengwa ukwishibikwa, ifwe tulabelenga muli Marko 6:55, 56, ukutila, “Konse uko Ena aile, mu mishi, atemwa imisumba, atemwa icalo, bena balebika abalwele mu misebo, kabili bale mupapata Wene ukutila limbi kuti bakumya itelo lyelaya Lyakwe: kabili abo bonse aba mukumishe Wene

balengelwe abatuntulu.” Kutasha Lesa ukutila bulyo bulumba bumo bwine bucili bulepongoloka ukufuma kuli Kristu ukwikala mukati ka mibili ya balwele na balekalipwa, kabili bena balelengwa abatuntulu.

Ifishibilo fibili ifya fipeshamano ifyo Lesa alangishe ukupitila muli Munyina Branham ukwimya icitetekelo ica abo abali mu mulongo wakupepelwa ku mulingo uwalinga, filapelwa na cimbi ukwimya icitetekelo cabalekalipwa mwi bumba ku mulingo umo wine. Ici citetekelo cilatinta ubulumba bumo bwine ukufuma kuli Kristu uulimo uyo ulebomfya ica bupe, kabili alondapa abo abekala mwi bumba. Tacipanga ubupusano nangu bumo nga cakutila ubulwele bwenu bwalondololwa mucakupapusha, atemwa umuntu mu mulongo wakundapa, ifishibilo fyaba fimo fine, kabili no kukwata amaka yamo yene pali abo abekele mwi bumba. Mulandu nshi ifishibilo fingabwekeshiwapo pali cila muntu uyo ufimwene kale? Mose tabwekeshapo ifishibilo fyakwe fibili kuli cila umo umwina Israele. Amakana kuti bapela bukambone ukulangisha kabili no kulengwa ukutetekela pa nshita imo ine. Icitetekelo ku mulingo uwalinga muciputulwa icili conse ice bumba ilikalamba cilatinta ubulumba muli Kristu uuli mukati, uyo ulebomfya icabupe; kabili ici tekuti cicitike ukwabula Munyina Branham ukwishiba cena. Ena alomfwa cena bwino bwino nganshi nge fyo imwe mwingacita nga ine nalitintile kwi koti lyenu, kabili aleshiba icifulo apo cilefumina; kabili ena alasonta no muntu uo icitetekelo cilekumya Kristu.

Inshita imo mukulongana kwa mu Louisville, ilyo ena alepepela abalwele kuntanshi, ena aumfwile ukutinta ukwabula ukutenshiwa ukwa citetekelo ukufuma mwi bumba, kabili lilya line fye ilyo kutinta kwapwile, ena asontele pali cilya cifulo kabili atile, “Na mayo kulya kwine naundapwa fye ku mpwalonda.” Kabili ena aishileba.

Ilyo alebelenga Amalembo kwi bumba limbi, ena alilekele no kusonta pa mwaume ena tatala monapo, kabili atile kuli ena, “Munyina, icitetekelo cobe ili line fye nacundapa ilya impwalonda ilepitana pekufi lyobe nakatende kobe.” Impwalonda yalyumine ilyo line fye.

Ilyo alepepela balya mu mulongo wakupepelwa mukulongana kwa ku Flint, ena alilekele no kusontelela pa mulu ukulola pa muputule wa cibili kukwakulyo kwakwe, atile, “Nacikwata fye nombaline icimonwa cakwa na mayo ufwele suti ya blue iyakwata imindoloshi mu musana. Ena naundapwa fye ku mpwalonda.” Umwanakashi aliminine pa nkasa shakwe kabili no kusangalala kukalamba atile, “Nine na mayo.” Icitetekelo cakwe cali mucitile ena mu muputule wa cibili ifyo icitetekelo cacitile abo abali kuntanshi.

Na mayo wa caice uyo wafyelwe na menso yakwe ayacilinganishiwa kabili uyo walesambilila ku Bible School mu Fort Wayne mu nshita ya kulongana kulya atile kuli ba Mrs. Bosworth abo abali kulya apaleikala amabuku, "Ine tekuti mone umusango ningatala ukwingila muli ulyo mulongo wakupepelwa, kuli abengi nganshi." Mrs. Bosworth atile kuli ena, "Iwe taulingile ukucita. Iwe wikale fye kunuma kuno no kulomba Lesa ukwimya icitetekelo cobe ku mulingo wakundapwa, kabili iwe walatinta ukufuma ku cabupe ica bulumba bwa kundapa." Ena alicitile ici, kabili mu nshita ya kulongana Munyina Branham alilekele no kusonta uko abelele kabili atile, "Na mayo wa caice kunuma sana kulya ili line fye nomba naundapwa ku menso ayacilinganishiwa." Amenso yakwe yaba ayaololoka ukutula lilya.

Na mayo wacaice alisendelwe mukulongana pa busanshi. Ena alefwa kuli lukemia. Konse kubili ku Johns Hopkins kabili na ku Mayo Clinic ena alyebelwe ukutula ifintu fyonse ifingacitwa fyalicitilwe kabili ukutula takwali isubilo ilya ena ukuba no mweo. Amano yakwe yalitendeke ukupwa. Nalifumine kuntanshi ukuya pa busanshi bwakwe kabili nalimwebele ukulapepa ukutula Lesa engemya icitetekelo cakwe ku mulingo wakundapwa kabili ukutula cena limbi kuti cabomfya icabupe atemwa ukutinta Munyina Branham ukumuleta kuli ena. Nalimwene imilomo yakwe ilesele mwi pepo kabili pa muku fye umo Munyina Branham alyumfwile ukutinta kwa citetekelo, alitolweke ukufuma kuntanshi no kuya pa busanshi bwakwe, ali mupepele ena, kabili atile, "Mwi Shina lyakwa Yesu ima pa busanshi bobo, pokelela amaka ya bulesa no kuba umutuntulu." Ena alinakile kabili na maboko yakwe pa mulu kabili ne filamba fya kusangalala no kushinshimuna ukukonkoloka mu masaya yakwe, ena aendele uku no ku kuntanshi ya bantu bonse na mulya umwakupita. Nkashi yakwe alinjebele panuma, "Nkashi yandi ali fye bwino."

Mu cikalamba Icikulwa ica Fair Park ku Dallas, Texas, inshita imo iya bushiku ilyo mulya balishisha ifilimba mwaiswile amafya ayabali pa macila na bali pa ficinga, ilyo Munyina Branham ali uwapamfiwa ukupepela abo abali mu mulongo wakupepelwa, ena alitwalilile ukumfwa ukutinta kwa citetekelo ukufuma ku kwa kulyo kwakwe ico mukulekelesha kwalilekele. Ilyo ena apwishishe nabo ena alebombelapo, ena asontele pa mwaume pa busanshi mucipinda ca balisha ifilimba, kabili atile kuli ena, "We mwaume, iminina, iwe naundapwa nalimo ama miniti yasano." Ena aliminine ukulumbanya Lesa. Umukashi wakwe alishile kuli wene kabili bena balikumbatene umo no mubiye no kulila capamo mukusangalala. Ena aletelwe ukufuma ku Chicago mu mibele ya mfwa na bapwapwa bakwe ukuba abalikwa ku mpwalonda. Ena alyundepwe kabili aishile mukulongana ukwakonkelepo

mu Ft. Wayne nshiku ishinono panuma ukupelo bunte bwakwe. Ena alisangilweko mukulongana kumbi kubili ukutula lilya. Ine kuti natwalilila ukuya pantanshi ukulondolola amabula ayengi ayakundapwa kwa musango umo wine kuli abo abaundepwe ilyo baikele atemwa na balala pa macila mwi bumba ukwabula Munyina Branham ukutala ukukumya bena.

TAKWABA AMAFYA AYAKOSA

Takwaba icintu camusango ifi ngo bwafya ubwakosa na Lesa. Na mayo ukufuma ku Greece uyo ushakwete inshila mu mukolomino wakwe aingile mu mulongo wakupepelwa. Ena tekuti amine itoni nangu limo ilya menshi atemwa icakulya ica musango uuli onse. Lilya line fye ilyo Munyina Branham apepele wene ena alinwene kapu ya menshi kabili alile candy bar. Inshita ya bushiku imo atemwa shibili panuma muli kulyakwine ukulongana ba nkomamatwi pabula na bacibulu balishilemo mu mulongo wakupepelwa kabili bonse pabula balyundepwe.

Abo abafyelwe impofu bapokelele ukumona kwabo. Panuma ya kupepela umo mwaume uwali uwapofula umupwilapo, Munyina Branham atile kuli ena, “Kabiye ku cintamba kabili kabike umunwe obe pa mona wa ulya kashimikila.” Ena aendele fye ukutonta kuli kapyunga no kutinta umona wakwe, ukulenga ibumba ukuseka.

Uwaishibikwa nganshi mishoni ukufuma ku Palestine mu ciputulwa cakulekelesha ica T.B. aliletelwe ukufuma ku Yakima, Washington, muli ambulance mu Cikulwa ca Civic mu Seattle, Washington. Ubuteko bwalipilile ena mu ndeke ukuya ku nga’nda. Ilyo ena aebelwe, mwi Shina lyakwa Yesu, ukwima no kuba umutuntulu ena alicitile ifyo, kabili nshiku shibili panuma ena alebomba imilimo ukushinguluka inga’nda yakwe.

UKUNDAPWA KWA CINTUBWINGI

Kwati fye ubwite bwa kucipailo ukulalikwa ku ba bembu kulakonka imbila iya kubila kwa mbila nsuma, e ico panuma ya kulondolola kwa kupapusha no kundapa mu mulongo wakupepela, ukulalikwa kuli nomba ukupelwa kuli abo mwi bumba abali abaityanya ukusumina ukundapwa kwabo. Ukundapwa kwa umo pa nshita kuntanshi kwaba fye ukwakubalilapo ukukankala mukulongana kwa kundapwa. Caba fye isambililo line ilya mbila ukulanda ifyo ku uuli onse mwi bumba abo abalekabila ifisuma ifya ciputulwa ca kundapwa ica Mbila nsuma.

Kwati fye aba bembu umwanda kuti baasuka ukulalikwa kwa kwa kabila wa mbila nsuma no kwishiba na lyo line icipeshamano icapulishamo ica kufyalwa kupya mu cintu bwingi, e ico cena calilangishiwa mukusungusha icakutila

abalwele kuti baundapwa mucintu bwingi ku cabupe ca kundapa. Ukufika kumpela ya kulongana Munyina Branham ilingi line alasontelela bwangu bwangu kuli umo panuma ya mubiye ukusosa, “Kristu nakundapa iwe.” Bamo abantu balaposa amakadi yabo ayakupepelwapo mu mwela, balaposa panshi ifikonto fyabo kabili balya abalefilwa ukwiminina atemwa ukwenda balema pa nkasa shabo, bamo muli bena balatoloka no kulumbanya Lesa ku kusangalala. Ukulangisha kwa musango filya kwacila pa kulondolola. Pa kulongana kumo umulumendo mucipuna uyo ushingeminina atemwa ukwenda, atolweke pa nkasa shakwe ukulumbanya Lesa. Ama miniti ayanono panuma, nalicebwishe kuli ena kabili nalipwishe ibumba ukupanga inshila no kuleka wene ukwisa kuntanshi. Ena alyendele kucakulandilamo kabili bwino nganshi ashimikile kwi bumba ilyalelila. Icabupe cabombele ukundapa kwa cintubwingi nge fyo cacitile kale mu mulongo wakupepelwa uko bena baundepwe umo pa nshita.

ABA BEMBU BAIPELA MUCINTUBWINGI

Kabili icawamishapo pali ifi fyonse, aba bembu balaletwa mukushininwa palubembu kabili balafwaya ukupusushiwa. Mu BenaRoma 15:18, 19, Paulo alelanda palwa kulenga “Abenafyalo ukunakila, ku Cebo na kumulimo, ukupitila mu fishibilo ifyapulamo ne fipapwa, na kumaka ya mupashi wa kwa Lesa. . . ukufuma ku Yerusalemu, kabili ukushinguluka ukuya fika ku Illyricum.” Nalimona abengi amakana amakumi yatatu aba bembu mukasuba kamo ukwiminina pa nkasa shabo mufilamba ukupela imitima yabo kuli Lesa. E mulandu wine Yesu atile, “Mu uuli onse umusumba uo mwingilamo—undapeni abalelwe abo abalimo.”

Ukubelenga Amalumbo 68:18, Umutumwa Paulo atile mu Bena Efese 4:8, “Ilyo Ena aninine mu mulu, atwele umulalo muli bunkole apele ne fyabupe ku bantu.” Ilyashi ilya ici ca bupe ca bulesa ku Lukuta mu inono imyaka mutanda na cenda ukushinguluka isonde, kabili ba lanya ba mukampampa baleisa ukufuma mu ncende shonse ishe sonde. Bamo abalwele balibaleta ukuciluka amenshi ukufuma ku fyalo fimbi ne ndeke ku United States mukupepelwa.

Ilyo nshilaisala, ndeumfwa ukutila ningile ukusosa kuli abo abalebelenga iyi mishilwa lelo bena nabafilwa mukusangwako mu Kulongana kwakwa Branham, ukutila ici tacilefwaikwa ukumucingilila imwe ukukana undapwa, na imwe. Amakana balyundapwa mukupapusha ukupitila mu mapepo yabo abene. Lesa alakabila ukundapwa kwenu ukucila ifyo cingaba icingacitwa kuli imwe ukukabila kwena. Yesu afwile ukulenga cena ukucitwa. Kalbale ilalenga ifintu fyonse ifyo Lesa alaya icipe cenu mwebene. “Conse fye icashala” caba

bufwayo bwakwa Lesa ubwashininkishiwa no kulangishiwa ku cintu bwingi. Icitabo cesu icakundapa capamo ne “pepo lyacitetekelo” fyalileta ukundapwa mukati kwa kwiluka kwa bengi amakana. Ukutwalilila kwa mabunte ayabulo kulomba yacili yaleisa kuli ifwe ku banensu abapacilimba kabili ne fibusa fyabo. Ibuku lyandi, “KRISTU KONDAPA,” nomba mukulembwa kwa yena umuku walenga cinelubali (amabula 250), lyalikwata kabili lilalondolola palwalala ifishinka fya Baibele ifyo fyalenga icintu bwingi ukuba abantungwa ukufuma ku misango yonse iya kukalipwa kwa mubili wa muntu ukushingondapwa ilyo tapali nangu umu uwalipo ne cabupe icakundapa, apabula nangula umukalamba ukupepa ipepo lyacitetekelo. Bena balyundepwe pa kutetekela fye no kukonka Amalembo aya kundapwa palwa kundapa umubili wabo, mu musango umu wine umu aba bembu batetekela no kukonka Amalembo palwa kundapwa kwa mweo wabo. Ibuku lyandi iliyainikwa “Ukulumbula Kwa Mwinakristu,” ilyo lilangisha ifyo ukulumbula kwesu kulingile ukuba pa kupokelela amapalo yonse ayakulubulwa, lilebomba ifipesha amano. Fyena fishinka, ukubombwa, fikaleta ukufikilisha ubulayo bwa kwa Lesa ukundapa atemwa ukucita icintu cili conse ico Ena alaya muli Baibele.

REV. F. F. BOSWORTH

Mulandunshi William Branham


Atandalile South Africa?

Cila bushiku kulesa kunga'nda yakwa William Branham impendwa iyabula ukupenda iya fyakulombelapo mu mapepo. Ifingi pali ifi fiba pamo na matiketi ya ndeke ukumulomba wene ukwisa mukupepela abalwele. Cali ni cimo ica pali ifi fyakulomba ico calengele Munyina Branham ukucilenga ukuba ilyashi iline line ilya mapepo ukukuma kubulendo bwakwe ku South Africa. Ena alitontonkenyepo pali South Africa akale, lelo Shikulu lyonse alemutungulula wene ukuya ku ncende imbi. Uno mwaka ena atontonkenye pali Australia na Japan, lelo Shikulu mucine ali mutungulwile ku Africa.

Mu nshita ya mweshi wa January, 1950, Munyina Branham na Munyina F. F. Bosworth balikwete ukulongana mu Houston, Texas. Pa cungulo bushiku bumo bwine ilyo icikope cakopelwe icakwa Munyina Branham, ico calangishe ulubuuto pa mulu wa mutwe wakwe, Munyina Bosworth alangishe Munyina Branham icikope cakwa na mayo. Cali pamo ne nkalata ne tiketi lyandeke ukufuma kuli Florence Nightingale uwa ku Durban, South Africa, uwalupwa uwapatali uwakwa Florence Nightingale uyo watampile Red Cross. Ena ali fye amafupa yokoyoko kabili cabebukishe bena pali Georgia Carter, na mayo uwacaice ukufuma ku Milltown, Indiana, uyo wali mumibeke imo ine ilyo ena talapokelela ukundapwa kwakwe. Mupepi ne myaka pabula ali pa busanshi bwakwe ne cifuba cantandabwanga kabili tafinine nangula ama pound yane pa nshita ilyo Munyina Branham amupepelele ena.

Uyu Florence Nightingale uwaku Durban alecula ne mpwalonda apakwingilila munda ico cilenga umu ukufwa ne nsala. Ena afinine fye nalimo ama pound amakumi yasano. Ena alelishiwa ukupitila mu mishipeshipe na glucose mpaka cilya tacali nakabili icingacitwa. Pa kumfwa pali Munyina Branham, ena ali mulilile wene ukutila engesa no kumupepelako ena. E ico ali mulembele wene ukwisa, ukutuma pamo icikope cakwe ne tiketi lya ndeke.

Lilya mu bushiku mu Houston bena balipepeleko Florence Nightingale, ukulaya Lesa ukutila nga Ena kuti amundapa wene no kulenga wene umutuntulu nganshi, bena bali no kucisenda nge cilangililo ukufuma kuli Lesa ukutila bena balingile ukuya ku South Africa.



Ici e cikope icakopwa ico cali pamo ne cakulomba mwipepo icakwa Florence Nightingale.

Imilungu cinekonse konse panuma ibumba lyakwa Branham lyafikile mu England pa bulendo bwabo ukuya ku Finland. Imfumu ya ku England yatumine amashiwi ukulomba Munyina Branham ukwisa no kupepela yena. Ilyo ibumba lyakwa Branham lyafumine mu ndeke, ishina lyakwa William Branham lyalilwe pa cakubilishishapo. Florence Nightingale alifikile pa cibansa ca ndeke ama miniti fye ikumi na fisano ilyo tabalafika kabili na balya abali pamo nankwe balipele uku kubilisha kuli Munyina Branham ukwisa bwangu bwangu pantu bena batontonkenye ena ali mukufwa. Incende yalifubene nganshi icakutula bena balibebela ukuya kumana nankwe pa Picadilly Hotel. Ici calicitilwe kabili ukuteyanya kwalicitilwe kuli wene ukwisa ku hotel yakwe.

Cali ni bumo pali shilye nshiku sha fubefube mu April ilyo baensenshe ukuya ku hotel uko bena baleikala. Tapali nangu umo mwibumba uyo watalile ukumona umuntunse imibele iyabulanda nganshi nga ulya umwanakashi muli cilye cipinda. Ena ali uwaonda nganshi icakutula inkanda yalambatile ku mafupa yakwe. Imitima yabo yaenshiwe ne cikuku. Florence Nightingale tekuti alande nangu panono ilyo ifilamba fyalekonkoloka mu masaya yakwe pantu ena alecula no kukalipwa nganshi.

Bena bonse, ukubikapo na kapyunga wa Church ya England nakabili na banashi bakwe, balifukeme no kutendeka ukupepelako ena. Ilyo bena batendeke ukupepa inkunda yalishile no kwikala pa mulu we windo, ukulolekesha mukati ilyo yatendeke ukulila. Panuma ye pepo, ilyo Munyina Branham asosele, “Ameni,” inkunda yalipupwike no kuya. Kapyunga atendeke ukulanda ukusosa, “Bushe na mumona ilye nkunda?” Ilyo ena talapwisha ilipusho Umupashi wakwa Shikulu waishile pali Munyina Branham ukulanda aya mashiwi— “Efyo asosa Shikulu, ali no kuba no mweo, nkashi.”

Imyeshi cinekonse konse panuma Munyina Branham apepeleko Florence Nightingale mu England ena apokelele icikope cimbi ukufuma kuli ena. Pali iyi nshita ena ali icikope icapwililika ica bumi busuma kabili afinine 155 pounds. Ena alipele umulapo wakwe kuli Lesa kabili ali nomba uwashininwa ukutula ena alingile ukuya ku South Africa. Lesa alimwitile ku South Africa kabili nomba ukukabila kwakwe kwali kwakutula ena engaba ipalo ku bantu abo ena aitolweko ukupyungilako.

Ilyo ifwe twali tucili mu Johannesburg, kabili imilungu ilyo ifwe tatulaisa ku Durban, Munyina Branham alitwebela ukutula ukulongana kwesu kukalamba nganshi kukabela mu Durban. Ena lyonse alelanda pali Durban no kwenekele ukwa fintu ifikalamba ukucitilwa Lesa. Pantanshi muli ili buku muli no kusanga ilyashi lyakulongana uko kwacitilwe kulya, ukulongana ukukalamba nganshi uko kwalipo mu South Africa. Ifwe tatwakwete ishuko lya kukumanya Florence Nightingale ilyo ifwe twali tucili mu South Africa pantu ifwe tuleumfwa ukutula nomba ena ekala mu England.



Ici cikope cali pamo no bunte bwakundapwa kwakwe.

Ukulongana Ukwaishibikwa

Icungulopo mukwai, mwe banandi. Uluse lwakwa Lesa ulukalamba no mutende fibe na imwe bonse. Ukwikala kwandi muno mu musumba wenu kwipi, lelo ninjipakisha cila ora ya kwena. Ndeumfwa mumutima wandi ukutila ubu tabwabe ubulendo bwandi ubwakulekelesha ku South Africa. Nga Lesa ali no kusuminisha, ifwe kuti twaba abasansa ukubwela nakabili. Ukwabula ukutwishika imwe muli no kukwata icitetekelo nacimbi icingi, pa mulandu pafyo imwe mwamona kabili mwalamona muno bushiku. Ninjishiba ukutila mwibumba muno bushiku muli abantu abengi abo abondepwe kale. Imwe tekuti mwishibe ici ino ine nshita, lelo poseniko amano pafyo ndemweba. Mu milungu ileisa mukesamona abantu abo abali inshita imo abalwele bakesa kuli bakacema wabo ne fibusa no kusosa, “Bulyo bwafya bwa mumala na buya,” “Impwalonda—nshikwete yena nakabili,” kabili “Lolekesheni ukuboko kwandi; ine kuti nabomfya kwena,” kabili nafimbi ifintu ifingi ifyapala filya. Muli no kumona ukutila nimweba icine.

Ine kuti natemwa ukumona ukupuputulwa mu machalici yonse mu South Africa. Ifwe twaba umu muli Kristu. Ifwe twaba umu mu Mupashi abampama mu mubili umu. Bushe teti cibe icawama ukumona amalanga ya filonganino ukutobwa pakutila ifwe twingabomba nga umu muli Yesu Kristu? Ici cili no kuleta ukupuputulwa.

Nomba ndefwaya ukubelenga fye iciputulwa ca Malembo pantu ndetontokanya ukutila takwaba ukulongana ukwaba ukwapwililika ukwabula ukubelenga Icebo. Ifyebo fyandi fikafilwa, nge fya muntu uuli onse, lelo Icebo cakwa Lesa tacakatale ukufilwa. Ibukisheni, Icebo cakwa Lesa cikacimfya Satana apali ponse, inshita ili yonse kabili mu mibele ili yonse. Ilyo Yesu ali pano, Tata ali muli Wene kabili Ena ali uwalingana na Tata. Nangu cibe fyo, ilyo Ena akumenye Satana, Ena tabomfyeshe ifya bupe Fyakwe ifili fyonse. Ena asosele fye, “Calilembwa.” Cila nshita Yesu asosele, “Calilembwa,” ena acimfische Satana. Imwe mwalikwata ubulayo mu Cebo cakwa Lesa, kabili cila nshita mwabomfya Icebo mu citetekelo, Satana akamusha imwe. Ici Cebo cakwa Lesa kabili nga cakutila ifyo ine ndesosa tafilelingana ne ci, lyena amashiwi yandi teyasuma nakalya. Lelo nga mashiwi yandi yalelingana ne Cebo cakwa Lesa, lyena Lesa ali no kupela umucinshi yena, icili Ena nacita kale ukulongana kwesu.

Nomba ndefwaya ukubelenga ukufuma mucipandwa ca cibili icakwa Luka Washila, ukutendeka pa vesi yalenga amakumi yabili na fisano.

“Kabili, moneni, mu Yerusalemu mwali umuntu, ishina lyakwe ni Simeone; uyu muntu ali uwalungama kabili utina Lesa, uwalelolola icisansamushi icakwa Israele: no Mupashi wa Mushilo wali pali wene. Kuli wene kwasokolwele ku Mupashi wa Mushilo, ukuti tali no kumona imfwa, kano abala amona Kristu wakwa Shikulu. Wene aishile mu Mupashi kwi tempile; na bafyashi pakwingisha umwana Yesu, no kumucita umwabelo lutambi lwa malango, Epo wene amupokelele mu maboko yakwe, atashishe Lesa, ati, Shikulu, nomba lekeni umusha wenu aye umutende, umwabele Cebo cenu: Pakuti amenso yandi yamona ipusukilo lyenu, Iyo mwapekanisha ku cinso ca bantu na bantu; Ku kubo lubuuto lwakusokolwela Abenafyalo, no bukata bwa bantu benu abena Israele. Kabili Yosefe na nyina balesunguka pali filya fintu ifyalemusoselwa. Lelo Simeone alibapalile, nakuli Maliya nyina atile, Moneni, uyu mwana nabikilwa kukuwa kabili ukwima kwa bengi aba muli Israele; nabikwa kabili ukube cishibilo icakupilikwa; (ee, na mu mutima obe wine mukapulo lupanga,) Ku kuleka kusokolwele amatontonkanyo ya mu mitima ingi. Kwaliko umo Anna, kasesema mwanakashi, umwana mwanakashi wakwa Phaniele, uwa mu mukowa wakwa Ashere: wene ali uwapelule nshiku ishing, uwaikele no mulume wakwe imyaka cinelubali ukufuma kubukashana bwakwe; no kuba mukamfwilwa imyaka amakumi cinekonse konse na ine, wene talemfuma pe tempele, ubushiku nakasuba alepyungila Lesa ukuleka ukulya kabili ukupepa, wene pakubako mu nshita ilya ine aletota kuli Shikulu, No kulanda ulwa wene kuli bonse abalelolola ukulubulwa kwa Yerusalemu.”

Lekeni Shikulu Yesu alunde amapalo Yakwe kukubelenga kwa Cebo.

Ndefwaya ukulanda pa nshita fye inono palwa kwenekela. Ilingi line imwe mulapokelela ico muleenekela. Nomba nga mwalile mukulongana mukwebaula fye, Satana ali mucine ukumilangisha imwe icintu cimo icakususha. Imwe nga mwaisa mukupalwa, Lesa ali no kumona ukutila mwapalwa, pantu conse ico imwe muleenekela muli no kupokelela.

Lekeni mipele icilangililo paco ndepilibula. Ba mayo inshita imo balintumine ku malila kabili balinjebele ukutila ndi no kukumanya nkashi yabo. Bena balondolwele bena kuli ine, batile ukutila bali abaonda, lelo ne mimonekele iya kampuka, balikwata impumi itali, ne mishishi yabo ukusakwila kunuma, no kushipombela shena panuma. Naile mukufwaya bena. Nalikwete itontonkanyo limo ifyo bena bengamoneka.

Nomba, nga imwe muleishila ukundapwa kwa Bulesa, mulingile ukukwata itontonkanyo limo ifyo Lesa aba. Bushe mulecetekela filya? Nomba, Lesa mupashi, lelo kuti mwamona ifyo Ena enda. Yesu asosele ukutula Ena akatuma Mupashi wa Mushilo kabili Ena akapela ubunte pali Kristu, no kuleta ifi fintu mukutwibukisha ifyo Yesu asosele. Ena nakabili akatulangisha ifintu ifyo fikesa. Atile, “Uyo wacetekela muli ine, imilimo iyo ncita nao akacita; kabili imilimo ikalamba ukucila iyi nao akacita; pantu ndeya kuli Tata.” Ena nacimbi atile ukuti Ena teti acite akantu mpaka Tata amulangisha Wene, kabili elyo ilyo Tata amulangishe Wene icimnwa, Ena alicitile cilya. Nomba, Yesu aba cimo cine mailo, ilelo no muyayaya. Lyena ifwe tulingile ukukwata ifilangisho fya musango umo wine mukulongana kwesu nge fyo Yesu akwete mu bushiku Bwakwe.

Inshita ishingi imwe mwalyumfwa abantu ukusosa, “Ukumona e kutetekela.” Imwe mwalyumfwa ilye nsoselo. Ine nalashininkisha kuli imwe ukutula cilya caba fye icalungama panono. Pano pene ndemona umwaume nauminina kulubali lwandi nafwala suti iyafita. Ena nafwala tai iyabuta no tumatoni utwakashika pali yena. Ni banga abatetekela ukutula cilya cishinka? Mucine, imwe mulemona ena; imwe namwishiba ukutula ena ali pano. Nomba nalapilibuka no kulolesha kumbi. Ine nshilemumona ulyo mwaume lelo ena ali pano nangu cibe fyo. Musangonshi njishibe? Pantu ninkwata ilyano limbi. Kwaba amano yasano mu mubili wa muntu—ukumona, ukusonda, ukukumya, ukununsha no kumfwa. Yena yalipatukana, limo ukufuma kulibiye. Intanshi ninjishiba ena ali pano kwi lyano lya kumona. Ukupilibuka tekuti mumone ena, lelo ninjishiba ena ali pano pantu ninkwata ukuboko kwandi pali ena kabili kuti namukumya wene. Nomba ilyano lyandi ilya kumona talilebomba, lelo ilyano lyandi ilya kukumya lilebomba. Ukupilibukila kuli ena nakabili no kufumyapo ukuboko kwandi pali ena, ukukumya takwamulangishe ena, lelo kumona kwalacita. Imwe namukwata ilyano limbi. Umfweni, ndeumfwa ulwimbo. Ni banga abaletontokanya ndi uwalungama? Bushe na mumona lwena? Bushe na mukumya lwena? Bushe na mununsha lwena? Bushe na musonda lwena? Iyo. Lelo na mukwata ilyano lya kumfwa. Nomba, ukumona te kutetekela. Nga nifyo ukumfwa e kutetekela. Nomba, kwaba amano yasano.

Lesa alengele umuntu mu cipasho Cakwe cine—umuntu umupashi. Lyena Ena abikilemo muli ena amano pakutula ena engabombelako incende yakwe iye sonde. Yena tayakwatapo icakucitapo na Lesa. Amano yasano yapelwa ukubombelako icifulo ce sonde. Lelo umweo wa muntu, umupashi, walikwata ilyano nao, ico caba icitetekelo. Ukupitula mucitetekelo umuntu alalanda kuli Kalenga wakwe. Amano yasano tayakwatapo

icakucita na yena. Yena yalakumya incende ye sonde lelo umupashi wenu ulakumya incende ya myulu. E ico ilyano lya kukumya, kwati ine ukwikata uyu mwaume, lyabe lituntulu ku mubili. Ukumona kwaba ukutuntulu ku mubili. Cena caba icituntulu. Lelo icitetekelo caba icituntulu nganshi ku mweo wenu. Nomba umfweni, icitetekelo caba lishintililo lya fintu tulesubilapo, inte ya fintu ifyo imwe tamumona, ukusonda, ukukumya, ukununsha atemwa ukumfwa. Nomba lyaba fye ilituntulu nganshi, ilituntulu nganshi ukucila yambi ayashala amano yasano.

Nga cakutila nangu umo tatalamonapo mu bumi bwakwe kabili mukupumikisha umo muntu apokelela amenso kabili kuti amona. Ifwe kuti twatontonkanya ukutila ulya muntu ali uwafulungana ilyo ena asosele ukutila ena kuti amona ifintu ne fipe na kasuba akabalika, nafimbipo. Nga ifwe twalikwete fye amano yane, ifwe kuti twatontonkanya ukutila ulya muntu alipenene. Lelo kuli wene caba icituntulu. Efyo caba ne citetekelo. Bushe kuti mwasoso kutila lilya ilaya lintu lya buta? Nibanga abatetekela ukutila lilye laya lintu lya buta? Cilya cilelangisha imwe ukutila mulemona. Nomba, nge citetekelo cenu cilesosa ukutila imwe mwalaundapwa, kabili cili fye icituntulu kuli imwe ngo kumona kwenu uko kulesoso kutila lilye laya lintu lya buta, imwe na mundapwa. Icitetekelo cilelangisha cena. Cena cintu capwililika.

Nomba natuleya kwisambililo lyesu pakashita. Simeone ali umuntu umukote uyo waikete mwi tempile. Kuli bakasambilila wafya bulesa ifwe balitweba ukutila ena ali mu ciimo ca makumi cinekonse konse. Ubushiku bumo ena alikwete ubulayo ku Mupashi wa Mushilo ukutila ena tali no kusonda imfwa mpaka akamone Kristu wakwa Shikulu. Ena aleenda ukweba uuli onse, "Ine nshakafwe mpaka nkamone Kristu." Bena batile ena alifulungene. Batile, "Dabidi na bonse bakasesema balelelela Kristu, kabili nomba lolekesheni fye kuli ulyo mwaume, umukote nge fyo ali, lelo nomba aletontonkanya ena akamumona Kristu." Ena alikwete insambu ukutetekela cena pantu Umupashi wa Mushilo tekuti ubepe. Nomba moneni, ena tali na nsoni. Tacasakamike ukucindama uko ena akwete, ifyo bwikashi bwakwe bwali kunuma, napamo efyo ali uwacindikwa. Ena ali no bulayo ku Mupashi wa Mushilo ukutila ena tali no kumona imfwa mpaka ena akamone Kristu wakwa Shikulu. Ena tali na nsoni ukupela ubunte pali cena, pantu Mupashi wa Mushilo wali mwebele ifyo.

Nomba, Mupashi wa Mushilo umo wine uyo wali na Simeone ali muno ino ine nshita ya bushiku. Ni banga abatetekela mukundapwa kwa Bulesa? Cisuma, nga imwe mwalitetekela cilya, ibukisheni Dabidi atile, "Ilyo itenga lyabilikisha kwi tenga." Mu masihiwi yambi, nga kuliko itenga umu ililebilikisha, kuliko itenga kunse kulya ukumfwana na

lyena. Cili nge fi: ilyo takulati kube akapepe kunuma ye sabi kwalingile ukubako intanshi amenshi aya yena ukowamo. Nga te ifyo, lyena ngatalyakwete akapepe. Ilyo takulati kube icimuti ukumena mu mushili kulya kwalingile ukuba intanshi umushili, nga teifyo nga takwatala akubako icimuti ukumena mu mushili. Mulemona ico ndepilibula?

Nomba, akale sana nalibelengele mwi pepala lyelyashi pa mwana umunono uyo walelya futa ya cipedulo caku ncinga kabili na futa ukufuma ku mapensulo. Bena bali musendele kuli doctor uyo walemupima wene kabili atile umuntu umunono takwete sulphur nangu imo mu mubili wakwe. Futa yalikwata sulphur muli yena, e ico ena alelya futa ukuti akwate sulphur. Nga mwaliko icintu cimo muli imwe ukukabila sulphur, kulingile kwabako sulphur ku cifulo cimo ukwasuka kuli kulyo kukabila. Ilyo kuliko icalengwa mu mutima wa muntu, kulingile kwabako kalenga ukulenga cilye calengwa.

Nga mwapepa ukufwaisha Lesa onse, kulingile kwabako Lesa onse uwakupokelela. Ilyo imwe mwali umubembu, umweo wenu walelilila Lesa. Abasenshi babilikisha kuli Lesa. Kwilibako icintu cimo muli bena icibilikisha ukushinshimuna. Bena tabaishibe icakupepa, e ico bena bapangile icimpanshanya no kupepa cilya. Cali ukukana ishiba Lesa, lelo cilelangisha kwaliko icintu cimo icalebilikisha pali Lesa, ukulilila ukupepa. Kwalingile ukubako Lesa ku cifulo cimo ukulenga cilye cilengwa, nga teifyo nga takwali kulyo kukabila muli bena. Nomba imwe mwe bantu muno mwe bacimya amaboko yenu kabili mwacisosa imwe mwalicetekela ukutila kwaliba ukundapwa kwa Bulesa, ukutila imwe mwalekabila kwena, kulingile kwabako akamfukumfuku akakundapa akaisuka pa cifulo cimo nga te ifyo imwe tekuti mukwata kulyo kukabila. Mwamona, caba itenga ukubilikisha kwi tenga.

Simeone alilaiwe ukumona Kristu. Lekeneni tusose cali ni pali Cimo ulucelo ilyo Yesu afyelwe. Bena tabakwete amapepala yelyashi ne filimba ifwe twakwata ilelo, lelo nshila fye yeka iyo baletuminamo imbila cali ukufuma ku milomo ukuya kukutwi. Kwaliko abanono abatamba intanda abo abaishile no kumwishiba Wene kufishibilo. Ba malaika baishileika no kubilisha ukufyalwa Kwakwe. Ba kacema abanono baishile mukushinshimuna Wene, lelo te bengi abaishibe. Kwaliko nalimo abantu ba million babili mu Israele lilya, kabili nalimo inshita imo iya bushiku kwaliko abana abengi abafyelwe. Nge fyo mwata lutambi lwa ciYuda lwali, pa bushiku bwalenga cinekonse konse nyina aleisa no kupela ilambo lya kusangulula no kukwata umwana ukusembululwa. Elenganyeni fye abantu abengi palya pe tempile lulyo lucelo, cila muntu ukulalolekesha uku no ku. Umulongo utali uwaba nacifyashi baliminine no tunya twabo, kabili kulya ku musebo kwaiminine na cisungu umunono ne cifimbo pa cinso cakwe ukwikatilila utukunda

tubili nge cakuninika ca kusangulwilako. Abana ba bakankala kuti bapela umwana wa mpanga lelo ici cali cakuninika ica mulimi umunono, utukunda tubili utunono atemwa utupele utunono. Kabili elyo akanya akanono kalipombelwe munsalu ishapekoli lya ngo'mbe.

Maliya alikwete ishina ilyafita icakwambilapo. Bena balimwebele ena ukutila ulya Ali umwana wakwa Yosefe, ukutila Yosefe ali ni wishi. E ico kuti namona fye abanakashi ukutampwila kunuma ukufuma kuli ena no mwana wakwe, ukufyalwa kunse ka cupo ca mushilo. Lelo mu unono umutima wakwa nacisungu ena alishibe cali Mwana wakwa Lesa, nangula Ena munsalu sha pekoli lya ngo'mbe. Ulya Ali palya, Emanuele, naikala mu mubili. Ena asunsuntile akanya, cila muntu ukusela ukutaluka ukufuma kuli ena.

Kulya lubali mwi tempile kwaikele Simeone alelemba. Ena alikwete ubulayo ukutila ena ali no kumona Kristu. Ine kuti naelenganya ukumona Mupashi wa Mushilo aleika no kusosa, "Simeone, ima. Kabiye panse, Simeone." Ena taishibe uko ena aleya lelo ukufuma mwi tempile ena alile. Mukati ka ulya mulongo wabanacifyashi ena alyendele, ukwiminina pa ntanshi yakwa ulya nacifyashi umunono na lilye shina ilyabipa. Ena asendele akanya mu maboko yakwe, ifilamba fyalekonkoloka ku mwefu wakwe. Ena alipepele, "Shikulu, nomba lekeni umubomfi wenu aye mu mutende, ukulingana ne Cebo cenu: Pantu amenso yandi nayamona ipusukilo lyenu. . ."

Kulya lubali mucifutu kwali umwanakashi uwalepepa. Pa myaka ena alelolela icisansamushi ca Israele. Ena ali ni mpofu kabili ena ali ni kasesema mwanakashi. Pali iyi nshita Mupashi wa Mushilo atile, "Anna, ima pa nkasa shobe." Kulya ena alishile, uwapofula, ukwenda mukati ka bantu, ukutungululwa na Mupashi wa Mushilo. Ena aishile kulubali lwakwa Maliya, abulile akanya mu maboko yakwe, no kupala Lesa.

Kabili ulya wine Mupashi wa Mushilo uyo watungulwile Anna impofu kuli Kapususha ali muno ino ine nshita ya bushiku ukutungulula imwe kuli Kapususha, Kristu wakwa Lesa, Uyo uwafwile pa Kalbale no kutuma Mupashi wa Mushilo. Lelo bushe cilamoneka iceni kuli imwe ilyo namweba ici, ukutila imwe mwe bantu mwebakwete insala pali Lesa ukundapa imwe mwalikwete kulyo kukabila ukulengwa mu mutima wenu ku Mupashi wa Mushilo. Ngefyo Ena atungulwile Simeone na Anna abakale, efyo Ena atungulwile imwe ino ine nshita ya bushiku. Imwe mwaleenekela cena. Nomba kwena kuli muno pa mulandu wa imwe. Pantu kuliko akafukauka akaisushiwa no mulopa, akalepongoloka kulubali lwakwa Immanuele, uko muntu onse kuti aingila pesamba lye lyeshi ukufumyapo amatoni yakwe aya mulandu kabili umuntu onse umulwele kuti akakulwa ku malwele yakwe.

“Ena afwantilwe pafya bupulumushi fyesu, Ena alashilwe pa mampulu yesu: akalimunwa akakuti tumwenemo ubutuntulu kaponene pali wene; kabili na mufilaso Fyakwe twalyundepwe.” Cila umo muli ifwe. Kabili imwe, mwe bantu abatempikwa, abo abatetekela ukutila kuliko akafukauka ku cifulo cimo, ako akali apa—akaisuka kuntanshi yenu, ubupe fye. Uyo onse ulefwaya, lekeni ena ese no kupokelela ukundapwa kwakwe. Umo wine Mupashi wa Mushilo uyo wapele Simeone ubulayo, alepela imwe ubulayo. Umo wine Mupashi wa Mushilo uyo watungulwile Simeone kuli Kristu na mutungulula imwe ku kafukauka akakundapa. Ena Mupashi umo wine mailo, ilelo no muyayaya. Mulecetekela ici imwe? Cena cishinka. Abo abali abana baume na bana banakashi bakwa Lesa balatungululwa na Mupashi wakwa Lesa. Imwe mulecetekela ici?

Ndi fye umwaume lelo nalifyelwe kasesema, ukumona ifimonwa. Nalimo imyaka isano iyapitapo malaika amonekele kuli ine. Ena afwele ifyabuta, kabili pa mulu wakwe pali ulubuuto ulwabalikisha. Ena afinine nalimo ama pound imyanda ibili, ali uwabeya ubusaka, ukwabule ndyato, kabili ali ne mishishi ukufika pa mapeya yakwe. Ena aendele ukwisa kuli ine kabili atile ukuti ine nafyelwe mwi sonde ukupepela abantu abalwele. Ena alinjebele ukutila ena atuminwe ukufuma kuli Lesa Impalume ukunjeba ifi. Ena atile, “Nga iwe uli no kuba uwabufumacumi no kulenga abantu ukutetekela iwe, takuli nangu cimo icikeminina ku ntanshi ye pepo lyobe, nangu ni mpwalonda.” Elyo nalimwebele ine tekuti nje; nshasambilila. Ena atile ukuti nge fyo kasesema Mose apelwe ifishibilo fibili, e ico na ine ndepokelela ifishibilo fibili ifyo fikaba inte pafyo ndemweba. Ine kuti nasenda umuntu pa kuboko kabili ena atile ena akalanda kuli ine, ukusokolola ubo ubwali ubwafya no muntu. Ifintu ifingi fyali no kucitika kabili ine nali no kumona ifimonwa. Ine kuti naishiba inkama sha mitima ya bantu, ukwiluka ifya kale fyabo kabili na cimbi ifintu fya kuntanshi.

Ilyo ena talaya nalimwipwishe ifyo ifi fintu fingaba. Ena atile ukuti ifyo Yesu ali pano Ena tekuti acite akantu mu Mwine, lelo ifyo Tata amulangishe Wene. Nibanga abantu abaishiba ukutila cilya cishinka? Ni finshi ifyo Baibele isosa? “Yesu Kristu aba cimo cine mailo, ne lelo, no muyayaya.” Nga Ena aba cimo cine ilelo nge fyo Ena ali bulya bushiku, lyena Ena ali no kundapa umusango umo wine ilelo nge fyo Ena acitile lilya. “Nomba, pakashita akanono, kabili isonde talyakamone nakabili; lelo imwe mulemona...” Bushe cilya tacili icalungama?

Nomba, ninkwata fye akashita ukumupela imwe ubunte ifyo ifwe tatulatendeka ukupepela abalwele. Inshita imo mu America, ifyo naninine mwi shitima ukuya ku kapinda

ka ku Kuso ukukumanya Munyina Bosworth, nalipokelele icimonwa. Nalimwene umulumendo umunono nalambalala pa mushili ne fyakufwala fyakwe fyonse nafiipuka. Nalimwene ifimabwe ne fimuti; cali icalo iceni. Umubili wakwe unono wali uwafwantaulwa onse, kabili palya ena alifwile. Lilya mu bushiku mukulongana nalyebele abantu pali ici cimonwa. Natile, "Lembeni cena muli Baibeke yenu kabili moneni nga cakutula cena tacakese fikilishiwa."

Inshiku shinono panuma bena balintwele ku mulumendo umunono uyo uwaponene mucishiba batapilishako. Lelo ena tali umulumendo namwene mucimonwa, uyo wali nalimo cinekonse konse atemwa imyaka yakufyalwa ikumi limo kabili alipaiwe mubusanso. Uyu mulumendo uwanwenene mu menshi ali muntu umunono, umufishi, uwafwala bwino. Ena tali ulya umwana. Monse mu America na Canada nalipele ubunte no kubeba bena, "Lembeni cena muma Baibeke yenu." Cena calilembelwe muli Baibeke amakana. Nalibebele bena ukutila ilyo icimonwa cikafikilishiwa kabili umulumendo akabwelela ku mweo, cikamonekela mwi "Shiwi Iya Kundapa."

Mu April, 1950, ilyo tucili mu Finland, ifwe twafumine ku Helsinki no kuya ku Kuopio. Ibumba lyesu twali kulya ku lupungu bamwenako ukufuma uko ifwe twingamona icalo ca Russia. Nalipakuleka ukulya nganshi kabili natile kuli ba manager bandi, "Icintu cimo cili nokucitika." Mulya mu musebo ifwe twaile palya apacitikile ubusanso. Motoka yalipunkile abalumendo babili. Umo ali punkilwe kulubali lwakwe no kuposelwa ku cimuti, ukutoba umutwe wakwe ne mbafu shakwe. Motoka, iyaleenda nalimo ba mailoshi cinelubali pali ora, yapunkile umulumendo umbi kuntanshi fye, yali mukunkulwishe pe samba Iya motoka no kumusunkila kunuma ya mupeto wakunuma ukumuposela mulwelele. Mu maminiti amakumi yabili panuma ifwe twalifikile. Kwaliko ibumba ilikalamba Ilya bantu. Bena balimubikile panshi ne koti lyakwe nalifimbwa pa cinso cakwe.

Mr. Lindsay kabili na bambi balifumine no kulolekesha pali wene, lelo ine nshale. Natontonkenye pa mulumendo wandi ne mwine kabili umutima wandi wali no bulanda. Mukulekesha bena balipwishe, "Mulandu nshi iwe tauleilako?" E ico nalicitile. Ilyo nalolekeshe pa mulumendo umunono, bena balifimbwile ikoti pa cinso cakwe, umutima wandi mupepi walilekele ukutunta. Nalitononkenye pa munono Billy Paul ba mailoshi amakana ukufuma kuli ine. Bonse muli bena balelila. Nalitendeke ukupilibuka, ilyo naumfwile ukuboko pali ine. Natile, "Nshileiluka ifyo ici cili." (Bamo abantu abaiminine kulya batile, "Ulya palya umuntu uwafipeshamano ukufuma ku States. LekenI tumone ifyo ena alacita." Mwamona ifyo abantu tabeluka.) Nalipilibwike kabili natile, "Cilemoneka kwati nalimonapo ulyo mulumendo pa

cifulo cimo. Lekeni tulolekeshe nakabili.” Kabili balifimbwile ikoti lyakwe nakabili. Natile, “Nalimonapo ulya umulumendo.” Nali uwansansa nganshi, ine nalifililwe ukumwishiba pa kubala. Natile kuli bakapyunga, “Bushe ena ni membala wa nkuta shenu?” “Iyo,” eflyo basosele. Lyena nalishibe ena ali umulumendo uo ine namwene mucimonwa kulya mu America nalimo umwaka na hafu ilyo takulaba ici.

Imwe tamwakatale ukwishiba ifyo naumfwile. Takwaliko ifiwa ifyalinga mulya ifyaba mukucula ifyo fingamwikatilila wene. Natile, “Iseni kuno kabili mwalamona ubukata bwakwa Shikulu.” Nalifukeme umusango fye cena calangishiwe kuli ine mucimonwa kabili nalipepele: “Lesa Impalume, ku mpaanga ya kumwesu umwaka umo na hafu uwapitapo, Imwe mwalinangishe uyu mulumendo kabili Imwe mwalinjebele ukutula ena akema.” Palya ena nalala, uwakontaulwa onse, kabili natile, “Owe, Shikulu, umfweni ipepo lya mubomfi Wenu. Kabili nombamba imfwa—iwe tekuti umwikatilile nakabili, pantu Yesu Kristu alipela ubulayo ukutula uyu mulumendo akaba no mweo.” Umulumendo alimine pankasa shakwe, uwa mweo kabili umutuntulu. Kulya kwaiminine abaume bashimakwebo, abaume abakankala aba mu musumba. Nalikwata amalyashi ukufuma kuli bena ukushininkisha ici, iyalembwapo nabasuminishiwa mwi funde.

Kuti natwalilila pa ma ora ukumupela imwe ama bunte umusango uo Lesa aundepe mukupapusha, lelo ifwe tekuti tusende inshita naimbi ingi pantu tulingile twaingila mukulongana kwa kundapa. Ndekabila nga nalipepele cila umo muli imwe palwakwe, lelo cilya tekuti cicitwe. Nalapepa ipepo ilye bumba lyonse kabili imwe bonse kuti mwaundapwa, kwati fye umubumbu ukusenda Icebo no kutetekela alengwa icibumbwa icipyya. Ningile nalenga imwe ukutetekela. Imwe mulakwata ukundapwa kwenu kucitetekelo cimo cine ico cipususha atemwa ukundapa umweo wenu.

Muno bushiku nakabili nga lyonse tulefwaya kuno kuntanshi nalimo ikumi atemwa ikumi limo na fisano ilya imwe mwe bantu abali uko mwe bakwete amakadi yakupepelwapo. Uku te kulongana kwa kundapa lelo kulangisha pali ico cingacitika kuli imwe bonse kunse uko. Umwana wandi Billy acipela amakadi yakupepelwapo bwangu mucungulo bushiku. Billy Paul, nimpendwa nshi isho wacipela muno bushiku? “L-50 ukushinta L-100.” Cisuma, ena acipela amakadi amakumi yasano mubushiku kabili ndetetekela ifwe twalaita ayakubalilapo ikumi limo na fisano, ukufuma L-50-ukushinta L-65. Lolekesheni pa mpendwa ili kunuma ye kadi lyenu kabili moneni nga na mukwata impendwa ili yonse ukufuma L-50 ukushinta L-65. Nga mwacita, mwise kuno bwangu bwangu nge fyo mwingacita pakutula twinga mutantamika imwe no kutendeka umulimo wa mapepo.

Mwitontonkanya pantu tamupokelele ikadi lyakupelwapo ukutula imwe tamwaundapwe. Ndefwaya imwe ukumona ukutula tacikwetepo nangu cimo icakucita na makadi yakupelwapo. Ndetabantu abanono ukwisa kuno pakutula mwingamona ica Bupe ukubomba kabili elyo kutetekela. Nacimbi cilafwilisha ukuleta Ukusubwa pali ine.

Ilyo bena balekwata ukuteyanya umulongo wakupepela ine ndefwaya ukusosa, mwe banandi mwe Benakristu, ukutula nshisa kuli imwe nga kondapa wa bulesa. Njisa nga munyinenwe. Ine nshisa mukusenda icifulo cakwa doctor wenu. Ine ndesa ukumupepela imwe kubusokololo bwa Bulesa, ifunde lya Bulesa ilyakwa Lesa. Ifyabupe no bwite bwakwa Lesa fyaba ukwabula ukulapila. Ba doctor babomfi bakwa Lesa kabili bena balacita fyonse ifyo bengatucitila ifwe. Lelo amaka yabo no kwishiba fyalipelela. Amaka yakwa Lesa tayapelela. Nga ba doctor na ba nashi tabalefwaikwa, bena tekuti babe pano. Bena baba ubwafwilisho ubukalamba kuli ifwe. Ine mucine ndetasha ifyo banashi bacitila abalwele na banakuka muli uku kulongana. Shi Lesa enga mupala imwe bonse, ba doctor na ba nashi capamo. Umukashana wandi umunono, uo nashile kunuma ukwisa kuli imwe, adefwaya ukuba nashi, kabili umwana wandi umwaume nga tekuti abekapyunga ndekabila wene ukuba doctor.

Abantu abengi batila balishiba Lesa ali uwalinga, lelo bushe Ena alafwa? Mu Malumbo 103, ukundapa amalwele kwabikwa mu musango umo wine ngo kulekelelwa kwa mampulu atemwa imembu. Kabili e ico nga cena bufwayo bwakwa Lesa ukulekelela ulubembu, cena bufwayo Bwakwe ukundapa amalwele.

Ndefwaya ukupepela pali utu tutambala. Pano pali imyanda ya makalata. Cila mweshi ndapokelela amakana aya yena ukufuma mwi sonde lyonse kabili ifintu ifikalamba fyalicitika. Ici caba ukulingana na Baibele, Imilimo ya Batunwa 19. Paulo alishiba ukutula Lesa ali muli wene, kabili imwe nga kuti mwailuka fye ukutula Lesa ali muli imwe. Nomba, beni no mucinshi ilyo ndepepa.

Tata uwa luse, utu tutambala utuli pano muli ifi fibokoshi kabili na pa fipuna, ndemulomba Imwe mwi shina lya Mwana Wenu Yesu, ukupala twena. Ukutali mukati ka calo muli banacifyashi na ba shitata na bana, abalelolela ukubwela kwa utu tutambala. Abengi balwele nganshi, kabili ndebapepelako bena, Tata uwatemwikwa. Kuliko umubusu tata umukote uyo uli ni mpofu naikala mung'anda, na cifyashi nalala pa busanshi alecushiwa, ukulolela pali utu tutambala ukubwela. Calilembwa mu Malembo ukutula balisendele ukufuma mumubili uwasubwa uwakwa Paulo Washila, ututambala no tusalu, na malwele ne mipashi iyakowela fyalifumine mubantu.

Tata, ifwe natwishiba tatuli Paulo Washila, lelo Imwe mucili Yesu umo wine, uyo wali pamo na Paulo Washila na bantu Benu bonse. Owe, Lesa, citileni cilya bena nakabili, pakutila abantu bengeshiba ni Mwe Yesu, Umwana wakwa Lesa, cimo cine mailo, ilelo no muyayaya.

Imwe mwaliba bwino nganshi kuli ifwe, Tata uwa mu Mulu, kabili inshita ilapita bwangu nganshi ilyo tulelanda pali Yesu, ukulanda pa milimo Yakwe iyawama. Ilyo Ena ali pano pe sonde Ena atile pakashita akanono kabili isonde talya Kamone nakabili. Lelo isonde taliluka. Bena balipofushiwa no mulungu wa ili sonde, ukwenda mu mfifi mu nshila yabo abene kabili mulunkumbwa lwabo abene ulwa lubembu. Lelo ifwe tuletotela Imwe, Imwe mwalisoso kutila Imwe mukaba na ifwe, na muli ifwe mpaka na kumpela ye sonde.

Muno bushiku, uko konse Imwe mwingasanga umutima wa bufumacumi, Imwe muli no kubatungulula bena no Mupashi Wenu. Owe, Lesa, ino nshita ya bushiku pa Cibelushi ilyo abantu abengi bareshita ifintu, abengi bali kufikulwa fyabwalwa kabili na kuncende sha bulalelale, kabili abalumendo abacaice nabalambalala panshi mu fikulwa fya bwalwa, kabili abakashana abacaice mu musebo uyo uuli uwalubana—ukushanina inshila yabo ku nshishi iyabula Kristu, owe, Shikulu, mu nshila imo tungululeni balya bantu. Muno bushiku landeni kuli bena kabili lekeni basange incende pa cipailo icisuma ica nshita yakale no kuba ababomfi Benu, Shikulu.

Kuliko abengi muno ino nshita ya bushiku, Tata, abo abali abalwele no kubulisha. Ndeumfwa Umupashi Wenu nombamba kabili ifwe bonse natwishiba ukutila Imwe muli muno. Imwe mwatile, “Ponse apali babili atemwa batatu balongana, nkaba mukati kabo.” Ifwe tuleumfwa Imwe, mubutuntulu no kumfwa kwa bumupashi, kabili natwishiba ukutila Imwe muli muno.

Kabili nombamba, Tata, nge fyo mpele ubunte kuli aba abantu palwa ca bupe Cenu ica Bulesa, bena bakwete fye ishiwi lyandi kano fye Imwe mwalanda, Shikulu. Lelo ninjishiba ukutila Imwe muli no kulanda, ukushininkisha, ukupela ubunte, kabili amalumbo yonse no bukata fibe kuli Imwe, Imwe mwe Mwana wakwa Lesa uwawamisha. Imwe muli basuma nganshi kukutulubula ifwe fwe babembu aba busu abaluba, abalingwa ukufwa nokupatulwa, abalinga ukuya kumbo, lelo Imwe na mutulubula ifwe. Owe, ifyo mutima wandi utoloka ilyo natontonkanya ukutila nalilubulwa kabili mucine fye nge fyo Imwe mwabukile ukufuma mu nshishi, ubushiku bumo ifwe tukesafuma no mubili upya kabili ifwe tatwakatale ukulwala atemwa ukucula nakabili.

Nombamba, Lesa uwatemwikwa, paleni muno bushiku abo abali muno. Lekeni Mupashi wa Mushilo ende fye mukati fye

ka ili bumba nomba. Leken i mubusuma ba musumine Imwe no kupusushiwa no kundapwa muno bushiku, pantu twalombela cena mwi Shina Iya Mwana Wenu, Yesu. Amen i.

Ndeteleni umulwele uwa ntanshi.

Icungulopo mukwai, na mayo. Nomba, nkashi, bushe uletetekela no mutima obe onse ukut i la Lesa nantuma kukwafwilisha iwe? Nshikwete nangu cimo icakundapilako. Nga nali doctor, ine kut i nakupela umuti. Ine ndi mubomfi wakwa Lesa kabili ukupit i la muli cilya ine kut i naputam o icitetekelo cobe pakut i la Lesa engakwafwa iwe. Ine tekuti ncite ifyo Lesa acitile kale. Ine ndi kasesema kabili kut i nakweb a fye iwe ico cili icalubana na iwe ku cimonwa. Nga kut i nakweb a iwe nomba ico cilubene naiwe, bushe walatetekela ukut i la Lesa nantuma ine?

Ilyo taulaisa mukulongana muno bushiku iwe waciba mu mapepo. Bushe eflyo cili? Iwe wacipepa ukut i la iwe limbi kut i waitwa muno bushiku. Iwe waba mukucula pa nshita itali nganshi ukufuma mukukalipwa kwa mutwe ukwabipisha. Bushe ulecetekela no mutima obe onse? Kanshi, kabiye ku nga'nda no kusumina ukundapwa kobe.

Isa, we mwana umunono. Bushe walitemwa Yesu? Umupashi wakwa Lesa uli kale pali uyu mwana. Nga Yesu alim i ne kuno kuntanshi kabili Ena alikwebele iwe, mulumendo umunono, ukut i la kuliko ifintu fimo ifyalubana na iwe, bushe kut i wamutetekela Wene? Nomba, nga nakweb a, bushe walatetekela ukut i la Lesa ali ntuma ine? Ine ndi fye icibombelo cakwa Lesa. Ndemona icimonwa ica uyu mulumendo umunono kuntanshi yandi. Iwe ulacushiwa ne filonda mukanwa kobe. Bushe co cishinka? Nge fyo cili, imya ukuboko kobe. Kabiye kunga'nda no kusangalala, pantu Lesa nakundapa iwe.

Uli shani, na mayo. Bushe uletetekela no mutima obe onse? Iwe naukwata uwawamisha umukashana umunono umusuma. Ninkwata umukashana umunono ku nga'nda, uwacepeshapo panono ukucila iwe. Ishina lyakwe ni Rebekah. Lelo ine nacisha Rebekah umunono ukwisa kuno lubali mukupepelako iwe.

Nga Yesu, Umwana wakwa Lesa, aciba pano, nawishiba Ena alitemwa fye abana banono, Ena kut i abemya mu maboko Yakwe no kupala bena. Ena atile, "Leken i abana banono, kabili mwibakanya, ukwisa kuli ine: pantu kuba musango ifi ubufumu bwa mu mulu bwabo." Nga Yesu aciba pano muno bushiku, Ena ngacikupala iwe. Ena kut i abika indupi Shakwe pali iwe kabili Ena kut i aishiba ico icili icalubana na iwe. Bushe uletetekela cilya? Bushe uletetekela ukut i la Yesu kut i alangisha Munyina Branham ico cili icalubana na iwe? Ndetontankanya iwe uli mukashana umunono umusuma.

Mayo, umwana obe alifyalwa muli iyi ine imibele. Caba mibele ya lukanko. Calilenga umwana obe ukuba uwanakuka

no kufunshika. Imibele ya mubili wakwe onse uli uwabipa nganshi. Tacili nganshi ubwafya bwa cilundwa lelo mibele ya nakuka fye iyaseka fye iya mwana. Umukashana aliba uwanenuka, ena talya bwino kabili lyonse lyonse alakwata impepo iyabipa, bushe tacita? Bushe cilya te cishinka?

Nomba, namwishiba ukutila ifintu fyonse filabomba capamo kukuletako ubusuma kuli abo abatemwa Lesa. Ndefwaya ukumipusha icintu cimo. Umukashana alapilibula ifingi kuli iwe ukucila ubumi bwine. Bushe walalaya nga cakutila Lesa alalenga uyu mwana ukuba umutuntulu no bumi busuma iwe uli no kumukusha, tacili ngo mukashana wa nshita ipya, lelo ukukusha wene ku bukata bwakwa Lesa, ukutila Lesa ali no kusenda ubumi bwakwe mu maboko Yakwe? Bushe uli no kumusambilisha muli ulya musango kabili iwe we mwine ukwikala umusango umo wine no kuba icilangililo ku ntanshi yakwe iya watetekela uwacine cine, uwaisulamo na Mupashi wakwa Lesa? Bushe uli no kucita cilya? Ifyo nakweba palwa mwana, bushe cilya cishinka? Nomba, ndetekela kuliko isubilo pa mwana. Lesa alalanda munga'nda yobe. Uleumfwa ifyo ndepilibula, bushe taulecita? Nangula ilyo nshilalanda cena, iwe wacishiba. Nacicumfwa ukulembwa nakabili, e ico nshilingile ukusosa cena. Iwe kabiye no kubombela Lesa ubumi bobo bonse. Ndefwaya ukupala umwana obe umunono. Isa kuno, mutemwikwa. Bika amaboko yobe pali ine.

Lesu Impalume, Umwine wa mweo, Kapela wa cabupe conse icisuma. Uyu mukashana umunono umubusu, uwiminine pano namenoma yakwe aya kanya aya blue ukulolekesha pali ine, cilenenga ine ukutontonkanya pa wandi umunono Rebekah, abengi ba mailoshi amakana ukuciluka bamba.

Lesu, beni no luse pali uyu mwana umunono. Umfweni ipapo lya mubomfi Wenu, Tata. Imwe na mumfwa ubulayo ubwa mutemwikwa. Imwe namupela icimonwa, kabili Imwe mwalishiba ifintu fyonse. Kabili ilyo ena eminine muno bushiku nakamubili kakwe akanono ukushintilila pa wandi, lekeni cibe nga mu bushiku bwakwa Eliya ilyo ena abikile umubili wakwe pa mwana uwafwa kabili ena aishile ku mweo. Leken i ubutuntulu na maka fise pali uyu mukashana munono. Leken impepo na malwele fipwe mu mubili wamwana kabili shi ekalabako ino nshita ya bushiku. Leken ici cibe ubushiku bwa kupilibuka ilyo amapalo yakwa Lesa yali nokuba pa mwana. Leken ena alembela Imwe inshiku shakwe shonse, kabili na batemwikwa nabo. Ndepala uyu mwana umunono nga kasesema Wenu, mwi Shina lya Mwana Wenu uwapalwa, Yesu Kristu Shikulwifwe. Amen.

Mutemwikwa, wi umfwo mwenso nomba. Iwe walaba fye bwino. Iyo impepo iyakale ne fintu fili no kupwa. Lesu akupale, mutemwikwa.

Pano napeminina na mayo uo nshishibepo nangu cimo, lelo Tata alimwishiba wene kabili Ena kuti ampelako iciputulwa icili conse icakwishiba Kwakwe. Tetekela no mutima obe onse kabili iwe naundapwa. Yesu aba cimo cine mailo, ilelo no muyayaya.

(Ena apilibukile kwi bumba.) Ndemona umuntu naiminina palya alecula. Nimona ico icili icalubana na iwe, lelo ine tekuti nkundape iwe, mukwai. Bushe uletetekela ukutula Yesu Kristu kuti akulenga ukuba umutuntulu? Nga kuti naba uwalinga ukusosa ico cili icalubana naiwe, kanshi iwe utetekele. Bushe co cishinka? Iwe ulecula no kulepuka pabili kwi bula. Nga ico cishinka, imya fye ukuboko kobe. Nomba, nga watetekela, kuti waya ku nga'nda no kuba umutuntulu. Lesa akupale. Kwata icitetekelo muli Lesa. Tetekela Wene no mutima obe onse.

Cintu icawamisha ukwiminina kuno no kumona umusango Shikulwifwe aleenda muli lino ibumba. Kuliko naumbi umwaume ukwete ukulepuka kwe bula. Ena alekabila ukuba umutuntulu, nao. Bushe co cishinka, mukwai? Nga watetekela, iwe kuti waba umutuntulu. Kwata fye icitetekelo muli Lesa. Twalilila ukutetekela. Ena kuti akundapa iwe.

Uyu mukashi obe uwikele mupepi naiwe, ulya na mayo palya. Bushe uletetekela kuti nakweba ico cilubena na iwe, na mayo? Bushe ulentetekela ine ukuba kasesema wakwa Lesa? Ulecita? Cisuma, iwe naukwata ukubutukisha kwa mulopa, bushe taukwete? Bushe co cishinka? Nga uli no kutetekela no mutima obe onse kuti waya ku nga'nda no kulengwa ukuba umutuntulu. Lesa akupale.

(Ena apilibukile ku bantu mu mulongo wakupepelwa.) Cisuma, na mayo, isa. Bushe uletetekela no mutima obe onse? Bushe uletetekela ukutula Yesu Kristu ali pano ukulenga iwe ukuba umutuntulu? Ndemona ico cilubene naiwe kabili cena cintu ico ine ndekabila nga cena tacatala ukuba. Lelo cilya cintu icakubalilapo ico Lesa alaile ukundapa, icifuba cantandabwanga. Bushe co te cishinka? Isa kuno pakashita fye. Ubu bulwele ubwabipisha, nalimo imyaka ikumi limo na fisano iyapitapo, bwafumisha nyina wakwa Billy pe sonde. Ici cali ilyo ici cabupe facilalangishiwa kuli ine. Ine lyonse ndasusha T. B. Shi Lesa engampela amaka muno bushiku kukulenga iwe ukuba umuntungwa ukufuma kuli ici.

Owe, Tata, kwateni uluse, Lesa. Tata, nga nalishiba ifyakuba uwa bufumacumi, eflyo ndi nomba. Tata, nde mulomba Imwe no mutima wandi onse, umfweni ipepo lyandi kabili mpeleni icitetekelo ilyo ndeya muli aka kashila uku kumanya iyi ngulu, iyo nga te ifyo ili no kutwala uyu mubusu umunono umwanakashi mu nshishi ishafikapo. Kwateni uluse, Lesa, kabili talusheni yena ukufuma kuli wene. Peleni umubomfi wenu, ne nkumbu ne citetekelo ili line fye, ilyo ndeya mukukumanya uyu mulwani uwabipisha.

Nomba, we ngulu we witwa icifuba ca ntandabwanga, naisa muli ubu bulwi bwacitetekelo no kushinina, nalikwata icabupe cakundapa ca Bulesa ica pyungilwe kuli ine na malaika. Iwe nawishiba cilya. Fuma mu mwanakashi. Mulekeleko mwi Shina lyakwa Yesu Kristu. Fuma muli wene pakutila engaba umutuntulu.

Nkashi yandi, ndi fye umweni kuli iwe ilelo ucite nge fy ndekweba. Walacita? Ubushiku bumo ukuciluka bema kukesa kalata kuli ine ukusosa, “Munyina Branham, ndi muntungwa nomba ku cifuba ca ntandabwanga.” Kabiye ukufuma kuno uwansansa, ukusangalala, ukulya icili conse ico wingalya, kabili iwe ukatendeka ukukwata ukufina no kuba umutuntulu. Lesa akupale. Ukanembele ubunte bobo ku America.

Umulwele ukonkelepo, napapata.

Kuliko malaika wakwa Shikulu uyo uuli pano pamo na ifwe. Satana ali no kwesha ukukukanya iwe ukutetekela, lelo malaika wakwa Shikulu alefwaya iwe utetekele. Cili no kuba imibele yobe iyo ili no kuleta ukupalama kobe kuli ubu bwafya. Twalilila ukutetekela.

Iwe uli uwaiteyanya ukutumbulwa. Kulingile kwabako ukutumbulwa ukucitika ili line. Ubwafya buli munda yobe, cimumena ico balepekanya ukufumya. Ndi uwalungama? Kanshi imya ukuboko kobe. Bushe uletetekela ukutila uli no kuba umutuntulu? Lesa akupale. Kabiye ulesangalala, icitetekelo cobe nacikulenga ukuba umutuntulu. Shikulu alumbanishiwe.

Uyu namayo alecula ku cintu cimo cine. Uletetekela no mutima obe onse. Lesa nakundapa. Kabiye nomba. Ulya e musango wakucetekela.

Iwe naukwata ifilonda mu mala. Bushe co cishinka? Iwe kuti waya ku nga'nda, iwe uli no kuba umutuntulu.

Nga Lesa ali no kulanda kuli ine no kunjeba ico cilubene na iwe, bushe walasumina ukundapwa kobe? Diabetes. Bushe co cishinka? Kanshi ni cinshi ico wacita? Naupokelela ukundapwa kobe, bushe co te cishinka? Lesa akupale. Lekenituse Shikulu alumbanishiwe. Nomba, munyina, iwe kabiye, kabili panuma yakashita ilyo wakulatwalilila ukuluya kuli doctor obe, ena ali no kukulekelako. Iwe kuti watulembela ubunte bobo. Lesa akupale.

Muli shani, mukwai. Bushe uletetekela ukutila naundapwa nomba? Ulecita? Mucine, kabiye kunga'nda no kulya ico ulefwaya. Ubwafya bobo ubwa mumala nabufuma pali iwe. Lesa akupale. Kabiye kunga'nda no kulya. Cabe nshita itali ukutula ilyo iwe walelya ifyo walefwaya.

(Nakabili ena apilibukile kwi bumba.) Nimona icintu cimo cileisa ukwisa kuno kwine. Ine tekuti njishibe ifyo cena cili. Tetekela nomba no mutima obe onse. Owe, ni cinshi icingacitika nga ifwe bonse twalitetekele!

Na mayo uwikele uko lubali, iwe walikwete ubwafya bwa canakashi. Bwena bwafuma pali iwe. Lekeni tusose Shikulu alumbanishiwe.

Iwe kuti watemwa ukufumyapo ici citumbile, bushe tekuti ucite, nkashi? Kabiye ku nga'nda no kuba umutuntulu. Lesa akupale. Owe, bushe Ena tawama!

Ndi uwashininkisha imwe kuti mwatotela ici pantu kuliko nalimo imyeo amakana yasano abaleesha ukutinta pa Cabupe. Caba kwati ni nkafi, ukusunkila kunuma na kuntanshi. Ine tekuti mone ifyo cena cili, lelo ninjishiba ukutila Yesu Kristu, Umwana wakwa Lesa, ali pano ukumilenga imwe ukuba abatuntulu. Tetekeleni no mutima wenu onse.

Umwaume wacaice, iwe we uuli uko lubali ku cibumba, ulentetekela ine ukuba kasesema wakwa Lesa? Bushe uletetekela ukutila ifwe natwiminina mu mulola Wakwe nombamba? Ine nshilebelenga amano yobe. Nawishiba ifyo ubwafya bobbe buli. Icakulya cobe cilatwalilila ukulafuma. Iwe ulanaka sana, tekuti wiminine nangu panono. Iwe naukwata insala mu mutima obe. Iwe ulefwaya ukubombela Lesa. Iwe tawatala mubombela Wene umusango walefwaya ukucita. Bushe cilya te cishinka? Iwe musumine Wene nombamba nga Kapususha obe, no kubatishiwa mu Mupashi wa Mushilo kabili no kundapwa.

Iwe apo, muli cilya cicinga. Lesa nakundapa iwe ku mibebe yobe iyabulema. Kabiye kunga'nda ukutetekela no kulumbula ifyo Kristu akucitile iwe, kabili iwe uli no kulengwa onse fye umutuntulu. Iwe uli no kuipakisha ubumi busuma ubwapwililika.

Cisuma, leteni umulwele ukonkelepo.

Isa, na mayo. Bushe uletetekela no mutima obe onse? Ena tomfwa ici Ngeleshi. Mwebe fye ukutila ena naundapwa. Ena alikwete ubwafya bwa mutima. Mwebe aleya kunga'nda no kusangalala. Ena tekuti alande ici Ngeleshi lelo mucine ena naishiba ifyakukwata icitetekelo.

Isa kuno lubali, mukwai. Bushe walanakila ine nga kasesema wakwa Lesa? Cisuma, iwe walikwete arthritis inshita itali, bushe tawaba? Imya amaboko yobe mu mulu, imya inkasa shobe pa mulu na panshi. Enda ukufuma kuno kuntanshi. Yesu Kristu nakulenga ukuba umutuntulu. Lesa akupale. Lekeni tusose Shikulu alumbanishiwe.

Ee, nkashi, iwe ulesakamana palwa numa yobe, bushe taulecita? Cisuma, iminina. Sunkanya inuma yobe, kontama. Yesu nakundapa iwe kuli bulyo bwafya bwanuma. Iwe taukwete bwena nakabili. Ameni!

Pa mwana?

Lesu, mwi Shina lyakwa Shikulu Yesu nde mulomba Imwe pali uku kundapa. Lekeni amenso yakwe ayanono yabe ayatuntulu. Mulekeko, Satana. Ndekweba ukulekelako umwana.

Ni nshita ntali nshi aba uwa cilinganishiwa amenso? Cisuma, tali uwa cilinganishiwa amenso nomba. Amenso yali ayaololoka mukupwililika kabili ayatuntululu. Iwe kuti waya ku nga'nda nomba no kusangalala, mukwai. Umwana ali umutuntulu umupwilapo. Natusose ukutotela kube kuli Lesa. Lolekesheni pa mwana umunono. Amenso yakwe nayololoka umupwilapo. Soseni Shikulu alumbanishiwe.

(Ena apilibukile kwi bumba.) Ndefwaya imwe ukutetekela no mutima wenu onse no kuloleksha ulu lubali. Lesa alefwaya ukumundapa imwe kabili fyonse ifyo mulingile ukucita kusenda kwena, tetekeleni kwena na Lesa ali uwalinga ukucilenga ukufikilishiwa. Bushe mulemona ifyo cena cili icaanguka?

Ndemona umwaume kulya lubali ne mpwalonda ya mumala. Tetekela no mutima obe onse. Tetekela fye.

Cila muntu lolekesheni ulu lubali kabili tetekeleni no mutima wenu onse. Yesu Kristu ali pano no kumilenga ukuba abatuntulu. Kwateni fye icitetekelo. Ee, nkashi, iwe we wikele apo pa cifutu. Umwensho, bushe tauli, uwa fulunganishiwa, uwatitikishiwa onse, bushe cilya cishinka? Iminina pa nkasa shobe. Yesu Kristu nakundapa iwe. Ameni! Aleluya!

Umwana obe ali bwino, bushe tali, munyina? Atendeka ukuba bwino nomba, bushe tali? Yesu acimundapa muno bushiku mukulongana. Lekenituse Shikulu alumbanishiwe.

Bushe cila umo aleumfwa bwino kunuma? Inshita shimo ilyo Kusubwa kwaika pali ine kulalenga icinso candi ukumfwika icanakuka nganshi. Mwilatontokanya ukutila ndeumfwa ububi ilyo ndefikina icinso candi, lelo imilomo yandi ilomfwika kwati ileba iyatikama nganshi. Yena myumfwile iya bukata nganshi. Ine tekuti nondolole cena. Nalimutemwa Wene, nalishiba cilya. Nali mutemwa Wene no mutima wandi onse.

Kuliko na mayo uwikele palya alepepa, ukwasha fye ubusuma bwakwe. Iwe, nkashi, iwe apo we ufwele ikoti ilyafita. Loleksha kuno lubali ntekela ine no mutima obe onse. Ulecita? Bushe ulensumina ine ukuba kasesema wakwa Lesa? Cisuma, ubu apa ubwafya bobo, nkashi. Ndemona nomba. Tapali nganshi icilubene naiwe. Iwe naukwata ukutitikishiwa ne ngulu, ico e cili icalubana. Bushe co te cishinka? Iwe ulomfwa umwensho no kufunshika. Iwe uli fye onse uwafulunganishiwa. Nga cilya cishinka, imya ukuboko kobe. Lesa naumfwa ipepo lyobe. Satana tekuti akwikate iwe. Nomba, imya fye ukuboko kobe pa mulu nganshi ilyo ndepepa.

Shikulu Lesa, ukumona ubwafya bwakwe kabili ukwishiba umwanakashi umubusu ali uwakakwa, Satana ukwasha ukumweba ena ukutila ena nalufiwa, naisa kuli Imwe ukulomba uluse. Pa maminiti ayakulekeshana ayanono ena naesha na maka ukukwata ukulanshanya na Imwe. Nomba,

Tata, ndeeba ulyo mupashi ukufuma pa mwanakashi mwi shina lyakwa Yesu Kristu. Leken i afume muno uwasangalala ne nsansa kabili umutuntulu nakabili, ukupitila mwi shina lyakwa Yesu Kristu. Amen i.

Nomba, nkashi, iwe naupwishiwa na cena. Iwe uli muntungwa nomba. Iwe kwata fye icitetekelo kabili tetekela no mutima obe onse.

Nomba, imwe mulefwaya ukundapwa uko lubali, imwe bonse? Bushe muletetekela no mutima wenu onse? Mwe fibusa, ine kuti natemwa ukwikala pano ora naimbi lelo amaka yandi yalepwa bwangu bwangu. Fyena fimonwa kabili ine tekuti nondolole. Napapata ntetekeleni nomba. Nga muli no kucita nge fyo ndemulomba imwe ukucita, imwe mwalaya kunga'nda muno bushiku abatuntulu. Nga nasenda umo panuma ya mubiye cili no kuba icintu cimo cine. Mucine, mwe fibusa, namwishiba ninanda icine, kabili Lesa napela bukambone ukutula ninanda icine. Yesu Kristu alyundepe cila umo nalimo imyaka 1900 iyapitapo.

Ni banga muli imwe abakwete icitetekelo nomba ukusumina Wene nga Kondapa wenu? Imyeni amaboko yenu. Cilya cishinka, abo abali pa tuma busanshi kabili na mwikala mu fiipana fyenu kabili na fimbipo. Imwe kuti mwaundapwa. Ni ncita ifyo malaika anjebele ukucita. Ena atile ukubomba ifishibilo ngefyo kasesema Mose acitile. Lyena lomba no kuba uwabufumacumi ilyo wapepa, kabili tapali nangu cimo icikeminina ku ntanshi yepepo lyobe. Bushe mulecetekela cilya? Kanshi kontamiken i imitwe yenu pakashita fye.

Shifwe uwa mu Mulu, ndepepa kuli Imwe pa luse pali ino ora, uluse pa mutundu onse uwa bantu, kabili maka maka pali aba bantu abalele pano. Ni mpela ubunte pali Imwe, owe, Yehoba mukalamba, kabili na pa Mwana Wenu uwatemwikwa, Yesu, kabili na Mupashi wa Mushilo napela bukambone ubwa bunte bwandi ukutula cena cishinka. Kabili nomba, Tata, nimbeba ukutula Umwana Wenu afwile pa kundapwa kwabo kabili malaika wakwa Shikulu alinkumenye no kusuba umubomfi Wenu ukuya ne iyi mbila. Endeni pali ili bumba nomba. Leken i ubulumba ubwakundapa ukufuma ku Kalbale, ukufuma ku mulopa we lambo, umubili ne mfwa iyakwa Shikulwifwe Yesu, fise ku ulecula onse uleumfwa kwi shiwi lyandi. Tata uwatemwikwa, paleni cila umo uuli nomba mwipepo, cila umo uyo utetekele imbila. Peleni cena, Shikulu. Umfweni ukulila kwandi ukwapetama kuli Imwe. Ndepepa ukutula Imwe muli no kuleka ipepo lyandi ukwasukwa.

Mwi shina lyakwa Yesu Kristu, Umwana wakwa Lesa, ndeebaula umupashi onse uwabulwele, amaka ayali yonse aya ngulu, amaka ayali yonse ayo ayakakila abantu, abalemana, abacilinganishiwa amenso, impofu, na bacushiwa. Satana, iwe

walangishiwa. Iwe tekuti wikatilile aba bantu. Amaka yobe yaputaulwa. Yesu Kristu alikucimfishe iwe pa Kalbale. Ndepela Wene nomba mu cabupe ca Bulesa kabili waletwa palwalala no kwitwa ukufuma. Ndekweba iwe ukupitila mwi shina lyakwa Shikulu wandi Yesu Kristu, uo iwe ulingile ukunakila, pantu ndeita Ishina Lyakwe mukatina na mu mushilo pali aba bantu abalwele. Iwe fuma muli bena pakutila bengalengwa ukuba abatuntulu ukupitila muli Yesu Kristu, uwatemwikwa Umwana wakwa Lesa. Ameni.

Nomba, ilyo muli ne mitwe yenu iya kontamikwa ndefwaya fye imwe ukutetekela fye ilyo ndesosa aya mashiwi. Nalishiba ico cisenda ukucimfya Satana kabili nalasosa aya mashiwi. Ndefwaya imwe ukupepa yena ukufuma mu mutima wenu ilyo ndelanda yena. Leken i abantu abalwele apaliponse mwi bumba nomba, bapepe aya mashiwi ukufuma mu mutima wenu, panuma ilyo nasosa yena.

Les a Impalume, Kalenga wa myulu ne sonde, Umwine wa mweo wa muyayaya, Kapela wa cabupe conse cisuma, tumeni amapalo Yenu aya kundapa pali ine, umubusu umwinakufwa ulecula. Ine nomba ndesumina imfwa ya Mwana Wenu pa Kalbale, uyo wafwilile ukundapwa kwandi. Ku nkumbu Shenu, Shikulu, ukufuma ino nshita ya bushiku ukuya pantanshi, nakulapela ubunte pa kundapwa kwandi. Calilembwa ukutila ni Mwe Shimapepo Mukalamba uwafyakulumbula fyandi, kabili nakulalumbula ukundapwa kwandi mpaka naba umutuntulu umupwilapo. Ngu'mfweni, owe, Shikulu, pantu naipela ne mwine kuli Imwe pakundapwa kwa mubili wandi, ukupela Imwe amalumbo mwi shina lya Mwana Wenu wa mushilo, Yesu Kristu. Ameni.

Ilyashi Ukufuma Ku South Africa

Mu fipandwa ifyafumako imwe namwishibishiwa kuli William Branham, bukapyunga bwakwe kabili ne cabupe icakundapa ico cibombela ukupitila muli wene. Imwe mwalyebwa ifyo ena atungulwilwe na Shikulu ukuya ku South Africa. Pa kutila twingamwishibisha imwe bwino kuli bukapyunga bwakwe, ni mupela imwe iyaambulwa na malaiti imbila ye shiwi pe shiwi na ena mukulongana ukwaishibikwa uko ena apepela abalwele. Muli ici cipandwa ndefwaya ukumupela imwe ilyashi ilipi pa milungu ikumi ifwe twaikele mu South Africa.

Ukukalamba nganshi ukulongana kwa bukapepa ukwatalile ukubapo mu South Africa kwacitilwe na William Branham ne bumba lyakwe mu nshita ya myeshi ya October, November na December, 1951. Uku kwali ukushininwa ukwapwililika ukwa muntu onse ine nalandileko ukukuma kuli uku kulongana. Panuma ya kulanda kuli bakapyunga, ba minshoni, ababomfi bacintubwingi na bambi abali abasekelela mu fya bumupashi, imyangalile ne mikalile ya bantu, bali tulaile ukutila amaka aya uku kulongana yakomfwika pa myaka ikesa.

Imyanda amakana balilongene capamo kunse palwalala, mufikulwa, mu fibansa fya filangisho, icikulwa ca ndeke kabili nangula mucibansa babutukilamo ulubilo mukufwaya Lesa. Imyanda mishila nabatotela Lesa pa kundapwa kwabo. Bambi balyundepwe apo pene fye, bambi bapokelele ukundapwa panono panono. Bambi, panuma ya kumfwa ukukumishiwa kwakwa Lesa, bena kuti bapela ubunte pa nshita ne cifulo. Cena tacingacitwa ukutatika imisango iyapusana pusana abantu bapokelele ukundapwa kwabo. Kwaliko amalwele ya balya abaimine ukuya ku nga'nda no kusanga amacushi yabo nayaya. Kuli bambi ukundapwa kwabo kwapwishiwe mu misebo, muli ba motoka, muli ba bashi na muli ba motoka banono. Kabili elyo kwaliko abo abaile kunga'nda ukutetekela no kwishiba, ilyo bena balepimwa kuli doctor, ukutila icitetekelo cabo tacali apafye.

Abo abali pamo na William Branham ku South Africa bali W. J. Ern Baxter, manager we bumba, F. F. Bosworth, intungulushi muli bukapyunga bwakundapa ukwa Bulesa, Billy Paul, umwana wakwa William Branham, na ine wine. Mu nshita yakwikala imilungu ikumi, ukulongana kwalicitilwe mwi kumi limo na cimo iya misumba ikalamba ne mpendwa ukucila umwanda umo na makumi yabili ayakulongana kabili no kusangwako capamo ukwa bantu hafu wa million. Takwaba umusango umbi uwakwishibilamo nibanga imyanda mishila abengi abaiminine no kulemba pa makadi ya kusala pe pusukilo ilya cila umo napamo ni banga amakana abalipo abo ilelo baleipakisha pa mulandu wa uyu musonkano.



Icikope na J. J. Wesselo. Johannesburg

Ici e cikope ice bumba lyakwa Branham na ba membala ba National Committee abali no mulimo pakupekanya konse ukwakumine ku musonkano.

Umulongo wa ntansi: A. W. Preller, F. F. Bosworth, A. J. Schoeman, William Branham, W. F. Mullan na W. J. Ern Baxter.

Umulongo wa pakati: H. C. Phillips, D. Freeman, G. Vermeulen, J. H. Saayman na Billy Paul Branham.

Umulongo wa kunuma: E. D. Pettenger, E. King, J. W. Gillingham na Julius Stadsklev.

Ibumba lyakwa Branham lyakwete ukulongana mu misumba ikumi limo na cimo. Ilyashi ilitali kuti lyalembwa palwa kulongana muli cila imo iya iyi misumba, lelo tacingacitwa ukupela iyashi lyonse. Tacili icikankala, pantu ifingi ifintu ifyawamisha ifyo fyalipo fyacitike lyonse lyonse mu kulongana ukwapusana pusana mu Nko yonse.

Ifwe natweshwa ukulemba amalyashi yonse nga filya fine nge fyo cingacitwa. Nga kuliko umulandu uuli onse uwakutwishika ngo kulungamika kwe lyashi ilili lyonse, nalifumishiwapo. Ifwe kuti twatemwa ukucefyako ukucila ukufushako amabumba, impendwa ya kupokelela ipusukilo, ukundapwa, no kusangwako ukwa lyonse mukulongana. Impendwa nashipelwa pakutila imwe mwingomfwikisha bwino kabili ukumona amaka uku kulongana kwacita pali South Africa. Mukati ka aya mabula ayanono nalaba uwalinga mu musango onse ukubikamo ama bunte yonse, amalyashi ayasuma ne fyashika. Nalaba fye uwalinga ukumweba imwe iciputulwa cimo icakulongana, ukumwafwilisha imwe ukwiluka ico cacitike mukundapwa ukwa kupapusha ukwa konse kubili umubili no mweo uko kwapelwe bukambone cila nshita ya bushiku.

Cena kuti caba icishingacitwa ukulemba ilyashi ilyalinga pa kulongana mu South Africa ukwabula intanshi ukulumbula ukwampana ukwawamisha uko twapokelele ukufuma ku South Africa Police Force, ba Red Cross, ababomfi ba St. Johns Ambulance na ba nashi. Tatwatata atumonapo ibumba ilili lyonse ilya bantu abo aba bombele capamo mukuitemenwa nganshi kabili bali abakwafwilisha nganshi. Ukulongana panuma ya kulongana abengi muli bena balibombele ukwabula ukufola indalama ishili shonse. Nangula ishuko talyapele iline kuli ifwe ukubatasha cila umu, lelo nombu ifwe twalitashishe pa fintu fyonse ifyo bacitile kabili tukabila nombu ukutotela bena mubufumacumi.

Tacilingile ukulandwa, ukulunduluka ukukalamba ukwa kulongana kwalikulile pa mulandu wa bucishinka ubwa Benakristu—bakacema, ba minshoni, ababomfi, na balesambilila—abo abaiminine kunuma ye Bumba lyakwa Branham mwi pepo ne citetekelo. Umusonkano wa ku South Africa walipililwe na Apostolic Faith Mission, ba Assemblies of God, ba Pentecostal Holiness, na ba Full Gospel Church of God. Rev. A. J. Schoeman ali ni Chairman wa Kabungwe ka Nko na Rev. W. F. Mullan ali ni Kalembe wa Nko. Abenakristu abengi na bakacema aba filonganino fimbi balisangilweko mukulongana, balyafwile, kabili basendeleko imbali mu mapalo ayo Lesa apele ubupe fye kuli abo abenga tetekela.

South Africa caba calo icaemba, impaanga iya mimonekele iyaibela. Nge cilangililo, umusumba wa Johannesburg waba upya nge ingi imisumba iya mu America. Muciputulwa ca makumi cinelubli atemwa ba mailoshi amakumi cinekonse konse ukufuma ku musumba kabili ukwisa mu calo imwe kuti mwaensha ku ncende ya bekalacalo uko abekalacalo becala ngefyo mu nko, mu tumayanda twabo utunono.


Abakubalilapo aba Ngeleshi abaikele mu South Africa, aba makwebo ba Dutch, baikele mu Cape of Good Hope. Ukulwisha kwabo takwakumenye ifyalengwa ifya cifyalilwa lelo naba Bushmen na ba Hottentois. Panuma ba French Huguenots bafikile kukubelama. Mu 1688 imyanda ibili iya bena abo abaensheshe ku maka ukuya mu Holland, baile ku South Africa. Mu 1795, aba Ngeleshi batendeke ukwikala kulya. E ico kanshi, kwaliko ukulwisha pakati ka ba Ngeleshi na kabili amabulwi ya mulopa ne mikowa iya bekalacalo. Elyo kwatendeke ubukalamba “ubulendo ukuya ku kapinda ka ku Kulyo,” uko kwaletele abo abaishileikala muciputulwa ica kukapinda ka ku kulyo aka South Africa. Fyonse ifi filelenga ilyashi lyakale ilya South Africa ilisuma. South Africa yashele ukuba icalo ca ba Dutch mpaka 1902, ilyo yena yapelwe ku ba Ngeleshi pa mulandu wa Nkondo yaba Boer.

Uku kwiluka ifyo South Africa yatendeke ilesuminisha umu ukwiluka abantu no kwishiba ukutila South Africa

tayaba sana sana icalo ca mfimfi, ico caba iciputulwa. Union ya South Africa yalikuwata impendwa ukucila 3,000,000 aba Ngeleshi na 10,000,000 abashili aba Ngeleshi. Yalibombele umulimo ukankala mu Nkondo shibili ishe Sonde.

Ifwe bonse twalisalile ukufuma pa International Airport mu New York pa bushiku bwakubalilapo ubwa October, 1951, ukufika mu Johannesburg mubwa citatu. Ilyo ifwe twali pa cibansa ca ndeke kabili mupepi no kunina indeke, ifwe twalyumfwile ukutila William Branham na Billy Paul balifililwe ukuya pantu, ukupitila mukupanda amano ukwalubana, ba visa babo tabapwishiwe. E ico kanshi, W. J. Ern Baxter, F. F. Bosworth na ine wine twalile ukwabula bena.

Abantu baku South Africa baishile kwata ukupapushiwa kukalamba ilyo ifwe twafikile mu Johannesburg kabili bena balyumfwile ukutila Munyina Branham no mwana wakwe Billy tabalipo. Ipepala lyelyashi mu Johannesburg lyalandile ukutila abantu 4,000 balitendeke kale ukwisa mu Johannesburg ukumona ena. Imyanda ya bantu balifubene Icibansa ca ndeke



*W. J. Ern Baxter, William Branham,
Billy Paul Branham, F. F. Bosworth na Julius Stadsklev*

ica pa Palmietfontein ukukwata ukumumona ena, Kabila wa mbila nsuma uwaku United States uyo wamwene malaika mu 1946 kabili uyo wali no kufika pa bulendo bwa myeshi ibili ukushinguluka Inko.

Ilyo twaingile mu Johannesburg ifwe bwangu bwangu twalishibe ifyo bambi abaininine mu ndeke bapilibwile ilyo basontelele kuli wene nga "Umusumba wa Golde," pantu ukushinguluka na pa nshi pali imigodi ya golde ikalamba nganshi mwi sonde. Te Johannesburg yeka lelo ubunonshi bonse ubwa South Africa bwalikulwa pa mushili wa golde. Ukucila fye panono hafu wa myaka umwanda umo, Johannesburg ne mpendwa ya bantu 603,470, waba musumba ukalamba nganshi uwa South Africa.

Ukulongana kwa kubalilapo ukwa musonkano wa mu South Africa kwacitilwe mu Central Tabernacle mu Johannesburg. Nangula iyi ni imo iya machalichi aya kalamba nganshi mu musumba, abantu batendeke ukulongana pa sefen koloko mulucelo mukulongana kwa cungulo. Inshita itali ilyo kulongana kwa cungulo takulatendeka, icikulwa caliswile. Ukulongana kwa cungulo bushiku kwalicitilwe mu Maranatha Park Tabernacle pantu takwali icikulwa mu musumba wa Johannesburg icikalamba nganshi umwakwikala amabumba, ayo ayafikile mupepi ukucila amakana ikumi cila nshita ya cungulo bushiku.

Pa kulongana kwa kubalilapo ukwa nshita ya cungulo, Munyina Baxter aletele imbila pa fishinka fya kundapwa kwa



Icikoipe na J. J. Wesselo

Ukulongana kwa cungulo bushiku pa Maranatha Park Tabernacle, iyabela mu cibansa ca musonkano ica Apostolic Faith Mission.

Bulesa. Ena aletele ku mano yabo ama vesi ya Malembo ayo ayalangishe ku muntu uuli onse uwali uwa cishinka ukutila Kristu tafwile fye pa membu shesu lelo nacimbi alipile pa kundapwa kwa ku mubili ukwa mibili yesu.

Umo mwaume ukufuma ku Pretoria pali uku kulongana kwakubalilapo aishile mukusondolwela ukutula nga cakutula ifi fintu fya cishinka, ico fyena filingile ukuba apo fyena fyalefumina fye mu Cebo cakwa Lesa, ena kuti aya kunga'nda no kulomba ukundapwa ukwa mubili wakwe nge fyo ena alombele ukundapwa kwa mweo wakwe, ukulingana na mabulayo yakwa Lesa. Ici ena alicitile. Inshiku ishing'i panuma ena aile kuli doctor mukupimwa, ico casokolwele ukutula tapali nangu imimonekele ya mpwalonda iyo ena akwete ingasangwa.

Icine ca kundapwa kwa Bulesa casangile umushili wa mufundo mu mitima ya bantu aba mu South Africa. Ici cine tacili icipya kuli bena. Andrew Murray, umo pali bakalemba abakalamba nganshi pesambililo lya kundapwa kwa Bulesa, ali umwina South Africa kabili mu nshita ya bumi bwakwe ali ni ntungulushi ya Dutch Reformed Church. Ulukuta lwa

Cingelelshi nalo lwalitetekela kabili nalo lulabomba ukufika pa cifulo cimo, ukupepela abalwele. Ba Apostolic Faith Mission, umulimo ukalamba nganshi uwa Pentecostal mu South Africa, lwasangilwe na John G. Lake, uo bumi bwakwe bwalyongwelwe bwino bwino na bukapyunga bakwa Munyina F. F. Bosworth. Ne iyi ntendekelo iya bukapepa ibala lyali ilyapya ku kulobolola.

Munyina Baxter na Munyina Bosworth bakwete ukulongana mpaka October 6, ilyo Munyina Branham na Billy Paul bafikile ukufuma ku States. Bena bali no kufika pa faifi koloko lelo indeke tayafikile pa nshita kabili tayafikile mpaka ama miniti ayanono panuma ya naini.



Icimpashanya mukwibukisha Andrew Murray, ku ntanshi ya chalichi uko ena apyungile ku bantu bakwe.

Bena bali babutushishe ukupitila mwi ofeshi lyaba Customs, kabili babatwele ku Tabernacle pa Maranatha Park pakutula bengasondolwela ukulongana lilya mucungulo bushiku. Munyina Branham alandile fye ama miniti ayanono kabili elyo aisele ne pepo kuli abo bonse abakabila ukundapwa. Ifwe natukwata ama bunte ya bantu abo abapokelele ukundapwa kwabo muli ilya nshita ya bushiku iya kubalilapo. Pali bena ni Ernest Blom uyo waenseshe ukufuma ku Durban ukusangwa mukulongana mu Johannesburg. Imilungu ingi panuma ena alibwelele kunga'nda balimwipwishe ena kuli kasabankanya ubomba ku Durban Sunday Tribune, uyo walandile iyashi mu calembelwe pa November 11, 1951.

Inshiku isho shakonkele shali ni nshiku shakwenekela ukukalamba kabili ifwe twalimwene ifintu ifyo South Africa tayatalamonapo akale. Nge fyo cilandilwe kale, cena tacingacitwa ukutantika ukundapa konse ne fintu ifya pulamo ifyo fyacitike pali uku kulongana, lelo ndefwaya ukulondolola kuli imwe fimo ifintu ifyo fyaikala mukwibukisha kwandi.

Inshita imo mucungulo bushiku kulya mu Johannesburg ilyo Munyina Branham alelanda ku muntu umo ku ntanshi mu mulongo wa kupepelwa, ena bwangu bwangu apilibukile kwi

'MIRACLE' SETS BOY WALKING NORMALLY

(Sunday Tribune Reporter)

A FAITH cure, described by his mother as a "miracle," has enabled 16-year-old Ernest Blom, of Eastview Road, Red Hill, Durban, formerly a cripple, to walk normally for the first time in his life.

Last Sunday evening, Ernest astounded a packed congregation of more than 500 people at the Full Gospel Church in Beatrice Street, Durban, by rising from his seat and walking without the slightest difficulty to the pulpit to testify that "a miracle happened and I am now completely cured."

Excited groups of people gathered outside the church later to watch Ernest walking and to congratulate him on his recovery.

His mother, Mrs. Mary S. Blom, said: "Ernest is the youngest of my family of 10. When he started to walk, I noticed that his left leg was shorter than his right. He could only walk on the tips of his toes, and had to drag his left foot.

WENT TO HEALER

"From the age of four until a month ago, he was under the care of a specialist. For two years he wore a leg iron without any noticeable improvement. The specialist, latterly suggested an operation, but said he could not guarantee that it would be a success, so I gave up the idea.

"I heard of Pastor William Branham's remarkable faith-healing successes in the States. When my daughter and a friend heard he was to visit Johannesburg they motored from Durban three weeks ago and took Ernest along. They attended his opening meeting in the Maranatha Park Hall, at which 15,000 people were present."

Ernest himself here took up his story. He said: "I was right at the back of the hall. Pastor Branham asked all the people wanting to be cured to lay hands on each other. I laid my hands on those of a man sitting beside me. Pastor Branham said, 'I will pray for you.'

"WEIRD SENSATION"

"I experienced a weird sensation. It was just like cold water running through my body. I began to cry. My sister said, 'Are you healed, Ernest?' I replied, 'Yes, I am sure I am healed.'

"Because of the huge crowd I could not move, but as I was being helped from the back of the hall I kept repeating, 'I am sure I am healed.'

"Pastor Branham said: 'All you people who are healed, will you come forward.' I was assisted to the sick bay by others. He told me to walk up and down the platform on which he was standing.

"URGED ON"

"I broke into a sweat but something urged me on, and I managed to walk normally across the platform and back.

"When I got back to Durban and my school friends at Hunt Road School saw me walking into the classroom, they were flabbergasted.

"My left leg is getting stronger every day. I can now play cricket and other games."



bumba no kusonta na mayo wacaice uwalele pakabusanshi. Ena atile, "Na mayo, inuma yobe yalikontoka mu fiputulwa ifyapusana fitatu pa mulandu wakuwa. Yesu Kristu nakulenga ukuba umutntulu. Iminina no kusumina ukundapwa kobe." Na mayo alifililwe ukulanda, lelo mucitetekelo aliminine no kulumbanya Lesa pa kundapwa uko apokelele apo pene fye. Ubwakonkelepo icungulo bushiku ena alitilwe ukupelo bunte palwa kundapwa kwakwe kabili pali ilya nshita ifwe twasendele icikope cakwe, Mrs. Ann Weiblen, na Munyina Branham, Rev. A. J. Schoeman na Billy Paul.

Lilya line mucungulo bushiku umukashana wa caice nalimo imyaka yakufyalwa ikumi limo na fine alisendelwe pa kabusanshi na ba bomfi ba Red Cross. Ena nao alikwete inuma iya kontoka kabili alelila pa mulandu wakukalipwa sana ena aleculako. Mu nshita ya kulongana, Munyina Branham asontele kuli ena kabili atile, "Inuma yobe yalikontoka. Yesu Kristu nakundapa fye. Iminina no kusumina ukundapwa kobe." Pa kubalilapo umukashana tekuti atetekele ifyo ena

aumfwile. Ena atile, “Nani, ine?” Munyina Branham atile, “Ee, iwe.” Pali ici, ena aliminine. Ba nyina balikele pa cipuna mupepi nakabusanshi kabili ilyo mukashana aiminine banyina baliminine nabo. Bena balicimfiwe nganshi no kusangalala icakutula bena balitembawike no kuponena pa kabusanshi ako mukashana afuminepo fye. Ifwe na cimbi natukwata icikope cabo ico cakopelwe inshita fye inono ilyo nyina talatembauka.



Icikope na Wesselo

Panuma ya kulongana umukashana alyendele uku no ku ukusangalala mukundapwa uko ena apokelele fye. Nalimwipwishe ifyo inuma yakwe yakontweke kabili ena atile calicitike mu busanso bwa muli motoka nalimo umwaka umo uwafumako. Ukumwipusha ena miku inga iyo ena aenda ukutula inshita ya busanso ena alyaswike ukutula ena tatala ukuba pa nkasa shakwe ukutula pa nshita ya busanso mpaka ilya nshita ya bushiku ilyo Munyina Branham amusuntele kabili alimwebele ukwiminina no kupokelela ukundapwa kwakwe.

Uku kundapwa kubili kwali ukwakusekesha nganshi pantu kwalilangishe ukupwililika ukwa mashiwi yakwa Munyina Branham ayalandilwe mukusubwa. Nga Munyina Branham alipangile icilubo no kubeba ukutula Kristu alibondepe bena ilyo bena tabaundepwe, cena nga cali busanso. Takuli nangu umo ne numa iyakontoka uwingafuma pa busanshi bwakwe no kwenda kano fye ena alyundepwe. Ukwambilapo ena limbi tekuti asele kabili nga ena aliselele, ena limbi kuti aonaula umushipe shipe umo uyo wingalenga imfwa apo pene.

Nacimbi icintu icaibela nganshi cacitike ku ba Kalamba babili ukufuma ku Dutch Reformed Church. Bena balishile



Icikope na Wesselo

mukulongana no kulolekesha. Umo muli bena, ilyo ena aumfwile Munyina Branham ukulondolola amafya, ukweba abantu ico cali icalubana na bena, kabili lyena ilyo ena amwene ifipeshamano ukucitwa, aishileba uwashininwa ukutula cali cakwa Lesa. Umbi Umukalamba aikele palya kabili nao alelelekesha Munyina Branham ukulondolola amafya, ukweba abantu ifintu fya nkama ifya mu mutima wabo kabili cilya mwi Shina lyakwa Yesu bena balyundepwe kabili kuti baiminina no kuya kunga'nda ukupokelela no kusangalala mukundapwa kwabo. Ena aishileba uwashininwa ukutula cali ni pa mulandu wa maka ya ngulu. Abaume babili bonse bali aba bufumacumi lelo baishilekwata ukusondolwela ukwapusana. Uwa kubalilapo Umukalamba aile ku nga'nda; uwa cibili aile kunse pesamba lya cimuti ukuya pepa. Ilyo ena ali kulya alepepa ena alombele Lesa uku mulangisha ena nga cakutula ifintu ifyo amwene fyali fyakwa Lesa atemwa ifyakwa Satana. Ena ali uwabufumacumi kabili alisumine ukutetekela conse ico calino kusokolwela kuli wene na Lesa. Ilyo ena alepepa, ena aumfwile ukuboko pa kubeya kwakwe. Ena alipilibwike ukumona ali ninani, lelo tapali nangu umo

palya. Mucifulo ca kumona umuntu umo, ena alimwene icimonwa. Ena amwene amakumbi yabili, kabili pakati ka yena paikele Umukalamba umunankwe filya fine nge fyo ena aikele lilya line fye ilyo bena balelanshanya pali bukapyunga bwakwa Munyina Branham. Pa kupwa kwa cimonwa ena aile bwangu bwangu fye nge fyo engacita ku nga'nda ya Mukalamba ukuyalanda ifyo fyacitike. Ilyo ena alelondolola icimonwa kuli wene, ba membala bambi abalupwa abalipo palya bamwene icikope ca lupi pe laya lyakwe. Ilyo bena bacacente ilaya, bena basangile lyena lyalifwatikwepo, palwalala fye ukusha icikope ca lupi lwa kukuso. Ilyashi lyashile kuli Munyina Branham palwa ico icacitike kabili ena atile, "Ninjishiba fyonse palwa cena. Nacimona cena mucimonwa muno cungulo. Ndeteleni ilaya kabili ulupi lwandi ulwa kukuso lwalalinga mukupwililika icikope icafwatikwepo icashele pelaya." Ici calicitilwe kabili cena cali nge fyo Munyina Branham asosele. Ilya nshita ya cungulo bushiku ilaya lyaliletelwe mukulongana kabili imyanda balimwene icikope ica lupi icafwatikwepo pelaya.

Inshita imo iyacungulo bushiku ilyo Munyina Branham aitile umulongo wakupepelwa ukupangwa, ifwe tulesanga imo pa mpendwa ishaitilwe ukuluba. Billy Paul alipele amakadi yakupepelwapo bwangu muli kulyo kulongana kumo kwine e ico twali abashininkisha umuntu uyo wakwete ilye mpendwa epo ali. Munyina Branham alipwishe cila umo uwakwete amakadi yakupepelwa ukumona nakabili impendwa yabo kabili bena nga balikwete impendwa iyalubile napapata bese kuntanshi. Na mayo lyena aliminine nokulondolola ukutula ena alikwete ilye mpendwa. Nangu cibe fyo, ilyo ena intanshi apokelele ikadi lyakupepelwapo ena aumfwile icintu cimo ukupita mu mubili wakwe. Kwali ukwapalana no kusunkanishiwa na malaiti, kano fye panonoko lelo nshita itali. Ena alikwete impwalonda pa mulomo wakwe iyo yalekalipa lyonse. Panuma ya iyi myumfwile iyapala ngo kutenshiwa, ubukali bwalile. Ena aumfwile ukutula ena alyundepwe kabili e ico kanshi tacali icikankala kuli ena ukuya kulya mu mulongo wakupepelwa.

Umukalamba wa ku Dutch Reformed aishile mu mulongo wakupepelwa. Panuma ya kupepelela ena, Munyina Branham alimwebele ukutula ena alipokelele ukundapwa kwakwe kabili kuti aya kunga'nda ukulumbanya Lesa. Ena atile nacimbi, "Iwe naukwata umukashi obe uuli kunga'nda alecula ne mpwalonda. Iwe kuti wasangalala pantu ena nao mutuntulu." Panuma ilyo mwaume apaleme inga'nda yakwe ena amwene ukutula amanyali yonse munga'nda yalyakile kabili ba motoka bamo bali panse. Aishileba ngo wakusunkanishiwa, ukusunguka ico calecitika. Ilyo ena aingile munga'nda ena ali mwene umukashi wakwe alifumine pa busanshi, aleumfwa

bwino, no kutasha Lesa pakundapa mubili wakwe. Ena aitile abanankwe bamo ilyo ena aumfwile ukutula ena naundapwa, kabili bena balishile kulya. Capamo bena bonse balisangalele mukundapwa uko bonse babili bapokelele.



Rev. William Branham na Rev. A. J. Schoeman, National Chairman, uyo waleilula imbila mululimi lwa ci African's.

Icikope na J. J. Wesselo

Mu nshita ya kulongana na kumbi mu Johannesburg umulumendo wacaice nalimo cinelubali atemwa imyaka cinekonse konse iyakufyalwa aitulwe mu mulongo wakupepelwa. Munyina Branham alandile ku mulumendo pa ma miniti ayanono ukulondolola ukutula umutima uwanakuka uo ena akwete walengelwe no kutitikishiwa ne ngulu. Ena alimwebele ukutula ena ali no kupokololwa kabili ubushiku bumo akalashimikila Imbila nsuma imo ine iyo yaletelwe nomba ku bantu ba mu South Africa. Mukupumikisha Munyina Branham apilibukile kwi bumba kabili mukati ka nshita iya konkelepo inono iya kuba tondolo calishininkishiwe ukutula ena alemona icimonwa ica cintu cimo pe bumba. Ena alisontele palya pene ukucila icintamba kabili atile ukuti kwaliko naumbi umukashana umunono kabili no mulumendo umbi kunse kulya balecushiwa no kucula kumo kwine. Cila muntu aumfwile umwenso ilyo asontele mucifulo ena aishibe bena babelele, lelo tekuti abasange bena. Ilyo nshita yapitile, ena alikonkomeshe ukutula bena bali kulya. Ena atile ukuti umupashi uyo uwalekaka uyu mulumendo walebilikisha ubwafwilisho kuli shimbi ingulu ishapalana mwi bumba. Ena alitwalilile ukulolekesha lelo ena tekuti abasange. Munyina Baxter aishileisa ukufuma kunuma kabili ukubika ukuboko kwakwe panuma yakwa Munyina Branham amulengele wene ukuselela pantanshi. Ilyo ena acitile ici Munyina Branham aishile mupepi ku cintamba kabili ali uwalinga ukumona abo abali fye ku ntanshi ya cena. Palya bali babili ena alefwaya, umulumendo nalimo imyaka ya kufyalwa ikumi limo na ibili no mukashana wa myaka imo umwaicepo. Bonse babili balele pa tumabusanshi kabili balifishilwe mukumona kwakwe pa

mulandu wa cintamba. Ena alibapepelele bena kabili alibebele ukutila bena balipokolwelwe ukufuma ku ngulu iyo yalelenga umutima wabo ukunakuka. Ena alimwene icimonwa ca bonse batatu ukuba abatuntulu. Panuma nalipwishe nyina wa mulumendo uyo walele pa busanshi. Ena alinjebele ukutila umwana wakwe ali mu musango wakutila ena tekuti ekale ukucila pa ma miniti ikumi limo akasuba kamo.

Bukapyunga bwakwa Munyina Branham bwaba ubwaibela nganshi kabili nge fyo Munyina Bosworth ilingi line alatwibukisha ifwe takwatalile akubako icintu icili conse ukupalana na bwena ukutula inshita ilyo Kristu ali pano pe sonde. Lesa aba umusuma ku bantu Bakwe kabili ukufuma inshita ne nshita alitupela ifwe bakamona na bakasesema, lelo ilyo lyonse tuli abalinga ukusanga mu fyalembwa ifye lyashi lyakale takwatala akubako nangu umbi na bukapyunga



Munyina Baxter na Justus du Plessis uyo wali kelula walulimi lwa ci African's

ubwapala ngo bwakwa Munyina Branham. Ilingi line ena kuti amona pakati ka makumi yatatu ne fimonwa amakumi yane akasuba kamo kabili tapatala ukubapo nangu cimo ica fyena icalubana. Inshita ishingwi ena kuti amona ifimonwa fya kulongana ilyo nshita tailafika atemwa ifintu ifyo fyali no kucitika mu ntanshi. Ena inshita imo kuti atweba ifwe palwa ifi ilyo fyena mucine tafilacitika kabili ilyo ifwe twamona fyena ifwe kuti twaibukishiwa pa fyo ena atwebele ifwe.

Panono panuma ilyo twafikile mu Johannesburg, Munyina Branham alikwete icimonwa ukutila ubushiku ubwalekonkapo ena, Munyina Schoeman kabili nabambi bamo bali nokuba mu musumba. Bena bali no kumona umwikalacalo naiminina pa cifutu ne laya lya blue ne toloshi ilya buta. Munyina Branham alondolwele umukwikala calo, nokulondolola icifutu kabili ne fikulwa apo mwikalacalo aiminine. Ubushiku bwakonkelepo bena baile kulya mu musumba kabili Munyina Branham alondolwele ici cimonwa kuli abo abali pamo nankwe. Ilyo bena baleenda mulya mu musumba, bena bashingulwike pa cifutu kabili palya filya fine pa cifutu kabili palya filya fine pantanshi yabo kwaiminine uyu mwikalacalo, nafwala filya fine nge fyo Munyina Branham amulondolwele ena. Ulubansa, nalo, lwali ngefyo ena alandile.

Ubushiku bumo Munyina Branham amwene mucimonwa umukashana umwikalacalo uyo wali nalimo ne mpumi itali ne cibalapo. Ena alikele pa mushili ukulolekesha panshi kwati ena alecita icintu cimo ne minwe yakwe. Munyina Branham alondolwele ici cimonwa kuli bambi kabili nshiku ishinono bena kulya balensa ukupitana kabili ulya ali palya umukashana mumbali ya musebo aleshitisha ubulungu. Takwali umbi muli motoka pakubala uwaishibe umukashana ukuba umo uo Munyina Branham amwene mucimonwa. Panuma ilyo bena baenseshe nalimo hafu wa mailoshi, Munyina Branham alibalombele nga cakutula bena tekuti beminine no kwaluka pantu ena alefwaya ukumona uyo umukashana uyo waikela palya ku mbali ya musebo, ukupanga no kushitisha ubu bulungu. Bena balibwelelemo no kwiminina ukulolekesha pa bulungu bumo. Lilya line fye bali mupepi ukuya Munyina Branham atile, “Bushe tapali nangu umo uwishibe yu mukashana?” Ilyo balolekeshe pali ena bena balimwishibe ena ngo mukashana Munyina Branham abebelepo, naikala pa mushili, ukulolekesha pa nshi kwati ena alecita icintu cimo na maboko yakwe. Ilyo ena alolekeshe pa mulu bena nacimbi balimwene impumi yakwe itali ne cibala.

Inshita ya kubalilapo iya cungulo bushiku Munyina Branham ali munga'nda yakwa Munyina Schoeman, Chairman wa National Committee, ena alikwete icimonwa pali ico



F. F. Bosworth, intungulushi muli bukapyunga bwakundapwa kwa Bulesa.



Munyina Branham aleyungila ku bekalalaco na bakelula batatu.

cacitike pa mwana mwanakashi wakwa Munyina Schoeman. Ena alitumbwilwe pe linso lyakwe. Munyina Branham alilondolwele ukutumbulwa nge fyo kwacitike. Munyina Schoeman ashininkishe ifintu fyonse ifyo fyalandilwe; cali fye nge fyo cena cacitike.

Panuma yakwisala umulungu wa kulongana mu Johannesburg, ifwe twalyenseshe ku Klerksdorp. Uyu musumba umbi uo bembako amabwe nalimo ba mailoshi umwanda pakati ka kukapinda ka ku kulyo na masamba aka Johannesburg. Ukulongana kwa kubalilapo kulya kwalifumishiwepo pamulandu wa mfula kabili ukulongana kwa cibili kwalifumishiwepo pa mulandu wa nkuka no mwela uwatalala. Ulucelo pa Mulungu Lesa alandile kuli Munyina Branham ukupitila mu cimonwa, ukushininkisha kuli wene ukutula ifwe twali no kukwata umwela uusuma mu nshita yonse iyakulongana mu South Africa. Uku kulongana kubili kwali fye kweka uko kwafumishiwepo pamulundu wa mibele ya mwela mu bulendo bonse ubwa mu South Africa, nangula ukulongana kumo kwacitilwe mu misumba iyo yakwete nshita yaiko iya mfula.

Pa Mulungu, October 14, bwali bushiku ubusuma. Abantu balyenseshe ukufuma imyanda ba mailoshi mukulongana. Balinjebele ku bantu abengi aba mu misumba ukutula cali li bumba ilikalamba nganshi ilyo lyatala ukulonganapo mu musumba wa Klerksdorp. Munyina Baxter aletele ukubila kwa Imbila nsuma lilya mu cungulo bushiku kabili ilyo ena aipwishe kuli abo abengeminina kabili muli ico ukulangisha ukusumina kwabo pali Yesu Kristu nga Kapususha wabo na Shikulu, mupepi amakana yatatu aya bantu baliminine mukwasuka ku bwite. Ilyo abantu muli uyu musumba

bamwene ukusungusha ukwa kubomba kwa maka yakwa Shikulu, ukupitila muli Munyina Branham, bena nabo balisumine ukutila kasesema ukufuma ku calo cimbi alibatandalile. Bena balilwike ukutila nalimo bena tabakatale nakabili ukumona icintu icili conse nge ci mu nshita ya bumi bwabo. Pa Mulungu bwali bushiku bumo ubukalamba nganshi ubwa nshiku ubo Klerksdorp atalile ukumona. Kwali abengi abo abapokelele ukundapwa kuli fyonse fibili imibili yabo no mweo.

Ndetontonkanya pa mulumendo munono uyo wali ne kumi limo na cimo atemwa imyaka ya kufyalwa ikumi na fibili uyo wapokelele ikadi lyakupepelwapo kabili uo impendwa yakwe yaitilwe. Ilyo ena aitulwe kuntanshi nalimwene ukutila amenso yakwe yalicingene ububi nganshi. Lilya line fye ilyo Munyina Branham amumwene, ena alilondolwele ilyashi lya mukashana wakwe umunono uo amenso yalicingene pa mulandu wa kukalipwa ukwabipisha ena aculile mupepi fye ilyo talafwa. Munyina Branham taleka ukwenshiwa ne nkumbu ilyo ena amona umwana umunono na menso aya cilinganishiwa. Ena alipepele umulumendo elyo alimwipwishe wene ukulolekesha pa mulu. Ilyo ena acitile, amenso yakwe yaishile ololoka. Umulumendo apilibukile kwi bumba kabili abantu balisangalele mu cishinka icakutila amenso ayo ayali acilinganishiwa yali nomba ayaololoka mukupwililika. Doctor uwailya ncende apimine ulya umulumendo no kubilisha ukutila amenso yakwe yali ayatuntululu. Panuma ya kulongana nalipokelele icikope ca mulumendo ico tukwete apa.

Inshita imo iyacungulo bushiku panuma ya kulongana bamo muli ifwe twalikele ukushinguluka itebulo ilya mucipinda cakulilamo ku nga'nda yakwa Kacema P. F. Fourie, umo uwabakacema aba cilya cifulo. Ifwe twaleipakisha ifyakunwa fimo kabili na Munyina Branham alelanda kuli ifwe pa fishinka fya bumupashi. Panuma ilyo ba Mrs. Fourie baishile no kuba pamo na ifwe pe tebulo, nalimwene ukutila Munyina Branham alelolekesha pali cila umo uwa muli ifwe bwino nganshi, kwati fye ena alefwaya icintu cimo. Mukati ka ma miniti ayanono ena aikele kunuma mucipuna cakwe no kutweba ifwe ukutila ena alimwene icimonwa lilya mucungulo. Nomba ifwe twalikele ukushinguluka itebulo nge fyo ena atumwene ifwe. Munyina Bosworth aikele kulubali lumbi ulwe tebulo, Kacema na Mrs. Fourie kulubali lumbi, na Sidney Smith na ine twali ulubali lumbi ukucilinganya kuli Munyina Branham. Cila umo muli ifwe twali mu ncende ilya ine ne cifulo umo ena atumwene ifwe mucimonwa lilya mucungulo. Nomba ena kuti alanda ifyo Lesa asokolwele kuli ena. Ena apilibukile kuli Mrs. Fourie no kulondolola ifintu fimo ukufuma ku bwaice bwakwe. Ilyo ena aile umwashika,




Inshita imo amenso yakwe yali ayacilinganishiwa, nomba yena yatuntulu.

wene aikele palya uwa nsansa ukutontokanya ukutula Lesa alilandile kuli kasesema Wakwe palwa ena. Ena nacimbi alimwebele wene ukutula wene aleumfwa ububi ku mutima no bwafya bwa mumala ico calengelwe pa mulandu wa mwenso. Panuma ukulanda ukutantalila palwa cimonwa no kulanda amashiwi yakukoselesha kuli ena, ena alilaile no kufuma pe tebulo no kuya mukutusha icungulo bushiku.

Pambi apo twaiminine cali ukufuma pa October 17 ukushinta pa 21, pa Kimberley, umusumba ukalamba uwa diamond uwe sonde. Ukulongana kulya kwalibikilwe ku Cikulwa ca Musumba, lelo mu nshita ya kubalilapo iya kulongana ukwa cungulo bushiku icikulwa caliswile kabili kwaliko na bantu abengi panse ukucila abo abali mukati. Akabungwe ka cilya cifulo kalishibe ukutula icintu cimo cilingile ukucitwa pakutula kwingaba ukukwata icifulo ku makana abo abalefwaya ukusangwako mukulongana. Ukupitila mukwampana kusuma ukwa milimo ya bamba amabwe ifwe twalipokele ukubomfyako Icibansa ica De Beers, ico cakwete incende yakwikalamo nalimo amakana mutanda kabili capendwa nga cimo icibansa ica mangalo icawamisha mu South Africa. Umuyayaya fye weka ukasokolola ico cabombelwe pa mulandu wa fya kubomfya ifya lundilweko.

Ilyo Munyina Bosworth acili alelya mwi tuka umo balila, umwaume wa caice alishile no kwipusha ena nga cakutula ena tali ni membala we Bumba lya kwa Branham. Ena alimwebele

ukutula ena aishile ukufuma ku Southwest Africa kabili ukutula umwana wakwe umukashana uwa myaka yakufyalwa isano alefwa kumpwalonda. Ena aipwishe Munyina Bosworth ico cingacitwa pakutula umwana wakwe engapokelela ukundapwa ico ena ailwike ukutula Kristu alishitile. Munyina Bosworth alilondolwele kuli ena ukutula nangula ena limbi tekuti abe uwalinga ukupoka kadi yakupepelwapo, ena nalyo line kuti apokelela ukundapwa. Ena alimwebele ena ukutwalilila ukupepa pakutula Lesa engapela Munyina Branham icimonwa ca mwana wakwe uyo walecula ne mpwalonda. Umwaume aishile mukulongana ukutetekela Lesa. Ilyo ena aiminine kumbali, alepepa, Munyina Branham apilibukile kuli ena kabili atile, “Kabiye ku nga’nda; nga kuti watetekela, umwana obe uyo uli ku nga’nda alecula ne mpwalonda ali no kuba umutuntulu.” Panuma, nalimwipwishe Munyina Branham ico ena amwene mukwampana no uyu mwaume, kabili ena alinjebele ukutula ena alimwene icimonwa ca mukashana



Icikope na Howard Shaw

Lesa alasokolola inkama sha mu mitima ya bantu ku mubomfi Wakwe.

umunono nalala pa busanshi, alecula ne mpwalonda. Ulubuuto ulwalebele palya pene pa mulu wa mwaume calangishe ukutula cali umwana wa ulya umwaume.

Sidney Smith uwaku Durban, uyo waleenda na ifwe pali iyi nshita, alondolwele kuli ine icintu icacitike icawamisha nganshi. Mr. Smith aliminine fye panga’nda apo Munyina Branham aleikala ukumusenda mukulongana. Ilyo ena alefuma pa mpongolo ukuya mu musebo, bali mukumenye kuwaonda sana umwaume uyo waishibe Munyina Branham no kulomba ena ukumupepelako. Umwaume apetele ilaya mu maboko yakwe ukulangisha ifyo amaboko yakwe yali yaaonda; yena tayali ayakulu ukucila icipimo ica nkolokoso

ya muntu. Munyina Branham alolekeshe pali wene kabili atile, "Iwe ulecula kuli T.B. Bushe uletetekela Lesa?" Umwaume atile, "Ndetetekela Lesa." Munyina Branham ali mupepele wene no kulanda kuli wene pa ma miniti ayanono, panuma ena atile, "Leka mone ukuboko kobe nakabili." Iyi nshita ilyo mwaume apetele ilaya lyakwe, ena alipapile ukumona ukutila ukuboko kwakwe kwali kulile kabili nomba kwamoneke ukwakosa ukucila ifyo kwaciba ama miniti ayanono kunuma. Ubu bwafya ubo Lesa taundepe fye umwaume apo pene, lelo mukupapusha ali mupele amaka ya kumubili ayo nga lyonse yali no kubwela panono panono.

Mu musumba uuli onse uko ifwe twakwete ukulongana, abantu kuti batwiminika ifwe pa musebo nokutweba ifwe amalyashi ya kundapwa ayo bena bapitilemo atemwa baumfwilepo. Nshileibukisha umusumba nangu umu uko ifwe twaimikwe ku bantu abengi nganshi ukutweba ifwe ifintu ifyo Lesa abacitile bena ukupitila muli bukapyunga bwakwa Munyina Branham nge fyo kwaliko mu Kimberley.

Ifwe twalikwete insansa nganshi pa bulendo bwesu ku South Africa. Ifwe twalimwene abantu ukwiminina ku makana ukusumina Kristu nga Kapususha wabo. Abalemana balilengelwe ukuba abatuntulu, impofu shalimwene, bankomamatwi balyumfwile, ba cibulu balilandile, ushaleenda alime ukufuma pa busanshi bwakwe, kabili abo abali mukukalipwa balengelwe abantungwa. Lelo ifwe tatwakatale ukulabako insansa isha kumfwa abekalacalo na basweshi baleimba. Amashiwi yabo limbi tayasambilishiwe lelo camoneke ukutila fyonse ifyo balingile ukucita cali ukwisula utunwa twabo kabili ne nyimbo kuti shaumfwika. Iciunda ca musango ifi, ukubilikisha kwa cine ukwa ifi cali ukusangalala ukumfwa. Ndeibukisha mu Kimberley ukucila 6,000 amashiwi ya ampene capamo no kuleta inyimbo nga shilya isha organ ikalamba, ukulisha inyimbo sha bukapepa isha bantungwa.

Uku kwimba kuti kwaputamo uuli onse no kumulenga wene ukwimya umutima wakwe mukupepa kuli Lesa. Ilyo amalumbo kuli Lesa yaleimbwa kabili ne Cebo caletelwe ku mitima ya bantu, abaume na banakashi baikatilile pa mabulayo yakwa Lesa. Bamo baishileba ifibumbwa ifipya muli Kristu Yesu. Bambi abali mukukabila kukundapwa ku mubili baimine mucitetekelo ukutetekela Lesa, kabili bapokelele ukundapwa kwa mibili yabo.

Panuma ya kulongana kumo umwaume aishile kuli ine kabili atile ukuti ena alimwene malaika wakwa Shikulu naiminina ku ntanshi kulubali lwakwa Munyina Branham. Nalimwipwishe wene ukulondolola malaika pantu bambi bali mumwene wene no kumulondolola wene kabili nalefwaya ukwishiba nga cakutila atemwa imilondolwele yali cimo cine.

Ena atile ukuti ena ali umuntu umukalamba, mupepi icimo cakwa Munyina Baxter, uwabeya ubusaka kabili uwafwala mu mwingila uwabuta no tumasenkebele twa golde mwisamba. Ena aliminine palya pene kunuma yakwa Munyina Branham ilyo alelokesha mulya mwi bumba, ukumona ifimonwa fya bantu baleundapwa no kubasonta, ukubakoselesha bena ukwiminina nokusumina ukundapwa kwabo.

Muli kumo kulongana uko kwacitilwe ku bashali aba ngeleshi, Nsamyia aishile mu mulongo wakupepelwa. Munyina Branham alolekeshe pali wene kabili atile, "Iwe tauli Mwinakristu. Iwe ulecula ne mpwalonda ne filonda fya mumala. Iwe tawatala sumina Kristu nga Kapususha obe. Kristu alakundapa iwe, lelo intanshi iwe ulingile ukusumina Wene nga Kapususha obe na Shikulu. Lyena uleya no kweba abantu bobo ifyo Ena akucitile iwe kabili ukundapwa kobe kuli no kupwishiwa." Ena atile, "Nga iwe uli no kucita ici, imya ukuboko kobe ukwa ku kulyo." Ena alimishe ukuboko kwakwe ukwa ku kulyo. Ena aitile umo uwa babomfi bakwe ukusenda na mayo no kumutungulula ena kuli Kristu pa kutila ena engafikilisha umulapo uo ena alaile.

Ukwakonkelepo ukulongana ukwa konkene kwalicitilwe mu Bloemfontien, October 24 ukushita pa 28. Ishiwi Bloemfontien lipilibula iluba lya kafukauka. Wene musumba uwa emba no mwakutushisha mwauko, amaluba ne misebo ikalamba. Ukufika mu musumba, Ibumba lyakwa Branham lyalisengelwe ne bumba ilikalamba lya bantu kabili na bakemba abasankanishiwe baleimba "Tetekela Fye." Munyina Bosworth aebele abantu ukutula bali no kumona icintu cimo ico muntu nangu umo tatalamona ukutula inshita ilyo Kristu ali pesonde. Tapatala nangu limo mwi lyashi lya kale ilya lukuta Lesa ukwisa no kubomba muli uyu musango. Ifyo ici cali icacishinka pantu Lesa alibombele mu musumba wa Bloemfontein nge fyo Ena tatalacitapo. Amakana ya bantu balishile ukufuma ba mailoshi abengi. Nalipwishe umo umwaume uyo waishile ne ndeke ukufuma ku North Africa, nalimo ba mailoshi amakana yane. Balinjebele kuli kapokola ukutula bena balipendele ukucila ikana ba motoka ukufuma kunse ka musumba yali mu Bloemfontein. Nakabili takwali icikulwa icikalamba nganshi ukukwanisha amabumba ayaenekelwe. Akabungwe ka ilye ncende kalipekenye ukubomfya Fair Grounds, ico caleikalika nalimo abantu 6,000. Lilya line inshita ya kubalilapo iya bushiku ifibansa fyaliswile na makana abaikele pa fipuna na pa fipuna fya mbao mupepi fye ngefyo cingacitwa ku ntanshi.

Munyina Bosworth aletele imbila pa kundapwa kwa Bulesa. Ilyo amakana kuti balongana kulya ku Fair Grounds ilyo tacilaba six koloko, ilingi line ukulongana kuti kwatendeka pali ilya nshita. Ena kuti alondolola ifishinka fya kundapwa



Bakemba aba Kabungwe ka Kusengela abo abatukumenye kunse ka musumba.

kwa Bulesa nge fyo fyatantikwa muli Baibele no kulondolola ifyo kutila Lesa alebombela ukupitila muli Munyina Branham. Munyina Baxter kuti aleta imbila pe pusukilo lya cila muntu. Cila nshita kwaliko ukwasuka ukwapulamo kuli ubu bwite kuli abo abalefwaya ukusumina ipusukilo ilyo ilyashitilwe bena pa Kalbale. Kwaliko nshita sha cungulo bushiku ilyo kucila amakana yabili aya makadi aya kusala yalembelwe no kuletwamo. Abaume na banakashi tekuti basuke mu mpendwa ya musango filya, atemwa mu mpendwa ili yonse, kano fye Mupashi wa kwa Lesa wali palya no kulanda kuli bena. Bushe Bloemfontein atemwa imisumba imbi iyashala iya South Africa iyo yaishibe amapalo ya bukapyunga bwakwa Munyina Branham ikatala ukuba cimo cine?

Munshita ya kulongana kwa pali Cisano ubushiku mu Bloemfontein, Munyina Branham alimwene icimonwa icapusana ukufuma ku cili conse ena atalile monapo. Ena alepepela abalwele kabili pa nshita alekoselesha bena ukutetekela Lesa, ukusumina ukundapwa uko Lesa ashitile bena. Kristu alipilile ukundapwa kwabo lelo takwali inshila



Ayanono yamo ama tenti ayo ayabikilwe ukubikamo bamo abantu abafumine kunse ka musumba abo abaishile mukulongana.

nangu imo iyo Ena engapela kwena kuli bena kano fye bena kuti batetekela no kusumina kwena. Lyena ilyo Munyina Branham aiminine kunuma, nalyo line ukubakoselesha bena ukutetekela, ena amwene ilinga ilikalamba ukwima kulya kunuma ya cibansa, ukutantalila ukucila mubutali bonse ubwa yena. Ilyo ili linga lyatwalilile ukulaima lyaisihile pa bantu kabili amatoni ayakalamba aya menshi yamoneke ukutonena pali lyena. Ilyo ayamatoni ya menshi yaletona, yena lyonse yalepuma palya pene fye pa mutwe wa muntu umo. Munyina Branham apendele ukutula kwali nalimo 1500 amatoni yafilya kabili ena ali uwashininwa ukutula aba bantu balyundepwe, lelo cali kuli bena ukutwalilila mucitetekelo cabo pakutula bena bengakwata kulyo kundapwa. Ena apendele ukutula takwaba ukulongana nangu ukwaliko uko abantu abengi nganshi baundepwe nge fyo cali lilya mubushiku mu Bloemfontein.

Ilingi line Munyina Branham alebukisha abantu ukutula tekuti asose nangu cimo kano ico casokolwelwe na wene kuli Shikulu. Inshita imo iya cungulo bushiku na mayo alishile mu mulongo wakupepelwa kabili panuma Munyina Branham amwene icimonwa icakumine kuli wene ena alimwebele ukuba uwashininkisha ukutula ena ali uwaiteyanya ukukumanya Lesa wakwe. Panuma ya kulanda amashiwi yakukoselesha kuli wene ena ali mwebele wene ukubombela Lesa no mutima wakwe onse. Tapali nangu cimo ico calandilwepo pa bulwele bwakwe napamo pali wene ukuba umutuntulu.

Panuma ya kulongana twalipwishe Munyina Branham mulandu nshi ena alandile kuli na mayo umusango acitilemo. Ena alitwebele ukutula ena alimwene icimonwa ica basendele icililo kabili ukutula umwanakashi ali no kufwa ukwabula ukupose nshita. Te mulandu umusango ena afwaishe ukweba na mayo icintu cimo ena tekuti asose nakabili ukucila ifyo Shikulu amulangishe wene.

Ulucelo lwakonkelepo ifwe twaumfwile ukutula na mayo alifwile mu nshita ya bushiku.


Nangula ukulongana ukwingi kwalicitilwe ku ba Ngeleshi, lelo nomba ukulongana kutatu kwalipekanishiwe ku bekalacalo. Limo limo ifwe twali abalinga ukuipatikisha mubutantiko ubwafubana kale na kumbi ukunono ukulongana kwa bekalacalo. Pa Cibelushi icungulo Munyina Bosworth alandile kumo ukulongana kwa ifi. Panuma ya mbila yakwe ena aitile kuntanshi nalimo abantu ikumi limo na fibili abo abakwete ukulepulwa mukati ka kutwi. Aba bantu balikwete cimo icilundwa ica kutwi ukufumishiwamo. Pa kutula bena bengomfwa muli kulyo kutwi, Lesa alingile ukulenga icilundwa icipya ica kutwi. E ico Munyina Bosworth aitile abantu abo abakwete ukutwi kumo ukusuma icakutula bena balyumfwile Icebo cakwa Lesa kabili muli co bena balikwete icitetekelo



Imimonekele iya ifi yali iyaseka kabili ilingi line ba ambulance balewelelamo ukwabula nangu cimo.

ukutetekela ukundapwa ukutuntulu. Ena alibabomfeshe bena nge caculangililako, nge caculondolwelako ku mbila yakwe. Ena alibebele bena ukutula Lesa ali no kundapa bena nga bena kuti batetekela kabili nomba ena alitile mupepi abantu ikumi limo na babili ukushininkisha icishinka ena apele. Ena abomfeshe abo abakwete ubwafya no kumfwa, ukucila ukucushiwa ukuli konse, pantu cilya cali cintu cimo ico cingomfwika no kumoneka kwi bumba. Ena aeseshe ukumfwa kwabo pa kulenga bena ukubika umunwe wabo mukutwi kwabo ukusuma kabili elyo ukutotosha mukutwi uko kwakwete icilundwa ca mukutwi ukufumishiwamo. Cila umo uwa bena abo ena apepelele baleumfwa. Panuma ya ici cilangisho ena atungulwile abantu mwi pepo lya cintubwingi, ukulomba bena ukupepa ukukonka wene ishiwi pe shiwi. Ici bena balicitile, kabili imyanda balipokelele ukundapwa kwabo lilya mucungulo.

E ico umufula uusuma walibikilwe pa kulongana Munyina Branham akwete pa Mulungu ulucelo. Pali kulyo kulongana kwali ibumba ilyapendelwe 15,000 ilya bashali aba Ngeleshi. Kwali ukulongana ukukalamba nganshi kubashali aba Ngeleshi uko ifwe twamwene mu South Africa. Abekalacalo bafumine ku Basutoland kabili ukwabula ukutwishika ukulunduluka ukukalamba ukwa kulyo kulongana cali ni pamulandu wa kubyala ukusuma ukwa Cebo kuliba mishoni abo abapyungile kuli aba abekalacalo. Abengi abalemana abaletelwemo balyendele ukuya. Ndeibukisha umo uwalemana uyo waleenda na maboko yakwe no kusesha amolu yakwe lelo ali uwalinga ukwenda uwaololoka mukati ka nshiku shibili. Kwaliko umwana uwakwete amenshi mu mutwe uyo wali umutuntulu mukati ka nshiku shine na kumbi ukwingi ukundapwa ukwapulamo. Ba minshoni abengi balinjebela ine ukutula bena balitetekela kwaliko abantu abo abapendelwe ikana abo abaundetwe muli uku kumo ukulongana. Umunensu



Icikope na ba Oliver Studio

Iciputulwa ca kulongana ukwa pa Mulungu ulucelo ukwabekalacalo ku Bloemfontein.

umusuma, Missonary Kast, alembele ilyashi lyakulongana ukwa bekalacalo mu Bloemfontein kabili ndi no kubelenga ilyashi nge fyo ena alitumine kuli ine.

UKULONGANA KWA KWA BRANHAM KU BEKALACALO KU BLOEMFONTEIN, OCTOBER 27-28, 1951

Na Missionary A. Kast

Ukupitila mwi “Shiwi Iya Kundapa,” bukapyunga bwakwa Munyina Branham na Munyina Bosworth bwaishibikwe bwino nganshi kuno kabili amano yonse yalibikilweko ukusabankanya uku ukulongana kubili ukukankala monse mu Freestate na Basutoland. Kwali ukwashima babashi abengi na matelokoshi ayasuma mumashitima yonse yalicingililwe ukuleta ingi imyeo iya nsala na bacushiwa ku Bloemfontein. Iya cibili Chalichi ikalamba nganshi iya cilye Cifulo yalisonkelwe pa kulongana ilyo mutanda fimbi ifikulwa ifikulu fyalibomfiwe nge ncende ya kulalamo. Pa myeshi, amapepo ayengi yalituminwe ku cipuna cakwa Lesa, ukutila ukulongana kwingaba ukumonekela ukukalamba ukwa maka yakwa Lesa.

Ukulongana kwa ntanshi kwali no kuba pa Cibelushi pa 2:30 p.m., lelo abengi balifikile kale inshiku shibili ilyo takulatendeka, kabili lonse ulucelo pa Cibelushi abantu balishingulwike Chalichi ukulolela nganshi ukwingila mucikulwa. Apo Chalichi kuti yaikalika fye abantu 800, impofu fye, ba nkomamatwi, abalemana, na mafya aya pa macila balibikilwe mukati; ilyo abengi amakana bashela panse. Ifibi fyalikomenwe, lelo nangula cibe ulya musango bamo balyeshe ukwingila mu Chalichi ukupitila mu mawindo. Munyina F. F. Bosworth alifikile kabili ali uwasekelela ukumona ukulongana ukukalamba ukwa musango filya ukulumbanya Lesa ne nyimbo shabo. Icebo cakwa Lesa calishimikilwe kabili icitetekelo calekula ku mulingo uko cila umu alenekela ifintu ifikalamba. Nalimo abantu amakumi yatatu abo abalufishe ukumfwa kwabo mukutwi kumo ukupitila mukutumbulwa atemwa ubulwele balitilwe kuntanshi kabili balipepelwe kuli cila umu kuli Munyina Bosworth. Mubwafya ubuli bonse ukumfwa kwalebwekeshiwapo lilya line kabili ibumba lyalipapile pa fintu ifyo Lesa acitile ukupitila mu mubomfi Wakwe uwapetama. Abengi na bambi balikabile ukwitwa ku ntanshi pa kutila bengapepelwa mukubikwapo kwa ndupi, lelo Munyina Bosworth alandile ukubilisha ukwakushipa ukwa uyu musango: “Cila umu muli imwe kuti aundapwa kubulwele ubuli bonse, nga imwe kuti mwacetekela fye Icebo cakwa Lesa!” Ena alilaile ukupepela bonse pa nshita imo ine, ukwipusha ibumba ukubwekeshapo ipepo lyakwe. Ici

calicitilwe kabili Lesa alibombele ifipeshamano ifyapulamo. Lilya line panuma yepopo, Munyina Bosworth alombele ama bunte, kabili abengi baishile pa cakulandilapo ukulanda pa maka yakundapa ayakwa Lesa. Cila umo alilumbenye Lesa ilyo mwanakashi umukote atile: “Naishile mukulongana impofu kabili nkomamatwi, lelo nomba ine ndemoni kabili ndeumfwa.” Ilyo aipwishe ni banga abapokelele ukumfwa, kwaliko 67 mukati ka Chalichi kabili panse kwali abengi nganshi abaundepwe icakutila bena tekuti bapendwe. Cila muntu ali uwakutasha kuli Lesa pali ico cacitilwe, ukwenekela nalyo line ifintu ifikalamba mukasuba akakonkelepo ilyo Munyina Branham na Munyina Baxter balesubilwa ukwisa.

Pa Mulungu, 28 October.


Ubushiku ubushakatale ukulabwako! Ukwishiba ukutula takwali chalichi atemwa icikulwa ca cintubwingi icingekalika ibumba ilingenekelwa, calisalilwe ukukwata ukulongana mu cibansa ca mupila. Ulucelo celo nganshi kwatendeke umulimo wakubika ifya kubilishishamo no kupekanya incende ya kushimikilapo. Nakabili ama ora ayengi ilyo kulongana takulatendeka, amakana balishile mucibansa. Ba minshoni na babomfi bamunko bwangu bwangu balibunganishiwe ukwikalika ibumba mufiputulwa no kuleta bonse abalemana kuntanshi. Pa 9:30 a.m. kwali kale nalimo 5,000 abalongene. Ifwe twatendeke ukulaimba kabili balya abaumfwile ukwampama ukwawama tabakatale



Billy Paul alepela ikadi lyakupepelwapo pa kulongana kwa bekalacalo.

ukulabako iciunda ica mu myulu. Ilyo nshita ya mapepo yaishile, bonse abaume, abanakashi, na bana bafukeme pa mushili ukulapepa ukwabula ukuleka pa cipempu icapulamo icakwa Lesa. Cena cali ukulilila kuli Ena kabili ifilamba fyesu fyalekonkoloka fye, ukumona insala iya mutima onse. Panuma ya kubilisha kusuma kwa mbila nsuma kuli minshoni, abantu balikoseleshiwe ukwenekela ifintu ifikalamba ukufuma kuli Lesa. Bena balibebela ukutila tacali icikankala ukupepelwa cila umo umo, lelo umo kuti apokelela ukundapwa ukuli konse mwi bumba. Ubunte pa fyo Lesa acitile kale mu ncende shimbi bwa koseleshe icitetekelo ca bacetekela.

Pa 10:30 a.m. Munyina Baxter kabili na bambi balifikile kabili iipi imbila iya mbila nsuma yalikonkelepo no mubomfi Wakwe uwasubwa. Ilyo bwite bwapelwe ku kuipela kuli Kristu, amaboko amakana yalimishiwe kabili Lesa alimwene cila umo uwa bena. Ifyo lyali ipusukilo ilikalamba! Pali iyi nshita, bonse balelolela nganshi Munyina William Branham. Ilyo uyu



Munyina Branham alelanda kuli Albert Mokoma, umwikalacalo mu Basuto uyo uwaundepwe kuli TB ku Bloemfontein kabili ena nomba aleshimikila Imbila nsuma.

mubomfi uwapetama uwakwa Lesa afikile, ena aenshiwe ne nkumbu ilyo amwene abalemana abengi nabalala kuntanshi yakwe, lelo ne cishininkisho ca citetekelo ena alisosele ukutila abengi abashakwete ishuko bali no kwenda. Abekalacalo ikumi balitilwe kuntanshi kabili Munyina Branham, ku Mupashi wakwa Lesa, aebela cila umo amalwele yabo kabili elyo apepele pa kundapwa kwabo, uko kwapelwe kuli bena. Pali iyi nshita impendwa ye bumba yalifikile kuli 12,000 kabili Munyina Branham alipepele no mukosha kukundapwa kwa cila umo, ukweba Satana ukulekelako abacushiwa mwi Shina lyakwa Yesu Kristu. Lesa alyumfwile ipepo no kupususha abalwele. "Ipepo lya citetekelo likapususha umulwele kabili na Shikulu akabemya" (Yakobo 5:15).

Takuli ilinso ilingamona ifyo Lesa acitile muli shilye nshita sha mushilo. Takwali inshita ya mabunte mukulongana, lelo umu ukwabula ubwafya aebele umubiye: “Ning’undapwa. Ine kuti namona. Ine kuti naenda. Ine nshileumfwa ukukalipwa. Aleluya!” Ukulongana ukukalamba kwalishile mukwisalwa no lwimbo ulwapulamo ulwa malumbo.

Mukati ka milungu ilyo takulaba ukulongana, ukucila 4,000 amashina ya bantu yalipokelelwe ukulomba amapepo. Ba bashiketi babili abaisulamo bakalata balisendelwe mukulongana uko Munyina Branham abikile indupi shakwe pali yena, ukulomba ukundapwa ku balecula abashaishibikwe. Imilungu iya konkelepo twalyumfwire ama bunte ayengi ukufuma kuciputulwa icili conse ica ino mpanga. Ukufuma kuli iyi Mission Station, “Mount Tabor,” Basutoland, amakumi yasano baile mukulongana (ba mailoshi 115) kabili kano fye abanono, bonse muli bena babwelele na bondapwa. Ukufuma ku mushi umbi, Thaba Tsoeu, amakumi yabili na fitatu baile ku Bloemfontein kabili mu nshita yesu iyakutandala kuli ilye ncende, ikumi limo na basano bapele ubunte ukutila balipokelele ukundapwa. Ukuya pa ntanshi pakati, Mohaleshoek, umwine wabashi, alinjebele: “Nalisendele umuntu uwalemana muli bashi, lelo ilyo ena abwelele ukufuma mukulongana, ena kuti ayendela umwine.” Bambi abengi balyundepwe bwino nganshi kulya. Kabila wa mbila nsuma ukufuma ku mpili sha Basutoland alituletele ifwe ilyashi: “Mupepi bonse abo abaile ku Bloemfontein na bondapwa, umu mulumendo cibulu alelanda nomba, ukuboko ukwalemana na kundapwa, na fimbipo.”

Ilyo twalefika pa Zastron, O.F.S, imyanda balishile ku lukuta lwesu ulwa cilye cifulo kulya pa mulandu wa fyo Lesa acitile ku Bloemfontein. Umu mwaume uwapofula apele ubunte ukutila ena alamona nomba kabili alibelengele Baibele kuntanshi yesu. Umwanakashi uyo waculile ukucila imyaka amakumi yabili kabili alefilwa ukubomba imilimo ili yonse ali uwaundapwa umupwilapo kabili ena alebomba ukutula bulya bushiku. Abanakashi babili balipele bukambone ukutila bena tekuti bende, lelo balecita ico nomba. Nalimo hafu iya balya abasangilweko mukulongana kwakwa Branham ukufuma kuli ulya musumba balyundepwe. Uko konse twailepempula, abantu balelanda pa kundapwa ukwawamisha. Bambi balilembele kalata ukulanda pa milimo ikalamba iyakwa Lesa. Umu mwanakashi uwasendelwe mu ndeke ukufuma ku mpili sha Basutoland alyundepwe umupwilapo ukufuma kuli asthma no kubutukisha kwa mulopa, kabili na malwele na yambi ayengi. Ena talebomba imilimo pa myaka ikumi limo na fibili kabili ena nomba mutuntulu. Kapyunga uwalemana ukufuma ku Kroonstad alembele ukutila ena kuti aenda nomba ukwabula inkoto, kabili ukutila na bambi mutanda ba membala abalukuta lwakwe na bena balyundepwe.

Ifwe tuletontonkanya ukutula nalimo abantu ikana limo bapokelele ukundapwa kwabo mu nshita ya kulongana kubili, muli co tulepela Lesa amalumbo. Nangula imyeshi itatu yalipita ukutula lilya, ukulomba amapepo kulefika kuli ifwe cila mulungu. Bena bonse balesontelela kuli ifyo fyacitilwe mu Bloemfontein kabili balicetekela ukutula nabo bene kuti baundapwa. Amakana kuno balelolela nganshi no kupepa ukubwela bwangu kwe Bumba lyakwa Munyina Branham ku South Africa.

* * *

Ukufuma ku Bloemfontein ifwe twalyendele ku kapinda ka kuso na masamba pali nalimo ba mailoshi imyanda pabula ukuya ku Capetown. Capetown lyonse yasontelele ngo kwa Kufumina mu Africa. Ukusanga kwa bwikashi bupya mu South Africa kwabela mu Capetown iyabela pesamba lya Table Mountain. Cali ni kulya mu 1652 ilyo Jan van Riedeeck atendeke icifulo cakubalilapo mu nshila ya makwebo ukuya ku East Indies. Ilelo wena musumba upya na bantu hafu million, icabu icalumbukwa mwi sonde, ikalamba parliament iya Nko, kabili yalumbukwa ku mimonekele ya iko iyaemba.

Ukulongana kulya kwacitilwe pa Wingfield Airport, ukwalebomfiwa na ba South African Airlines abo abapele cimo ica fikulwa fyabo ukwabula ukulipila. Cila kulongana kwakwete basano ukushinta amakana ikumi aya bantu abalesangwako. Kuno nakabili nga lyonse icifulo cakwikalamo caleisushiwa pa six koloko mucungulo bushiku.



Icikope na Staples

Hangar No. 3 pa Wingfield Airport.

E ico kanshi, ukulongana ilingi line kuti kwatendeka pali ilya inshita, ukupela abantu ishuko lya kumfwa imbila ukufuma kuli Munyina Bosworth na Munyina Baxter, nacimbi ngo kumonekela kwa Cabupe ukubombela muli William Branham.

Ukulongana kwa bashali aba Ngeleshi kwacitilwe mu Drill Hall mu Capetown. Mu nshita yakulongana kumo ukwacitilwe kulya, abantu aba makumi yasano na fitatu balumbwile amenso yabo limbi yaliwamineko atemwa limbi yaishileba ayatuntulu umupwilapo. Abengi muli aba bali akale abapofula umupwilapo.

Ukulongana kwa pa Mulungu ulucelo, kwacitilwe na bashali aba Ngeleshi, kwali no kutendeka pa 10 koloko, lelo abantu batendeka ukulongana pa 1:30 mulucelo. Bena baikela ama ora ukulolela ukulongana ukuti kutendeka. Kanshi ilyo ifibi fyaiswile iciputulwa fye icinono ica abo abalongene panse bali abalinga ukwingila mukati ka cikulwa ico caleikalika ukukana cila abantu amakana yatatu. Pa kulongana kwa



Drill Hall, Capetown, South Africa.

cungulo nalilandile kuli ba kapokola abengi abo abanjebele ukutila bena balipendele ukuti nalimo abantu amakumi yasano balitembawike mu nshita ya kasuba ukulolela ukwingila mukati ka cikulwa.

Panuma ya mbila iyainikwe “Umulimo no Kukoseleshiwa” ipepo lya cintubwingi lyalipepelwe kuli abo bonse abalekabila ukundapwa. Panuma yepopo ifwe twalilombele ama bunte. Abengi balishile kuntanshi no kupela ubunte pa kundapwa uko bena bapokelele. Umo mukashana uyo waletelwe mu Cikulwa alikwete akatende akakontoka ako akashingondapwa. Ena alipokelele ukundapwa kwakwe, aendele kuntanshi



Iciputulwa icinono ice bumba ico cafililwe ukwingila mu Drill Hall.

umutuntulu nganshi, kabili alipele ubunte bwakwe. Bamo balilandile ifyo baleumfwa bwino. Babili abali mpofu balipele ubunte bena yena kuti bamona. Icitetekelo cabo cali pa mulu.

Ndeibukisha mu nshita ya mbila ilyo naikele ku ntanishi ukumona abantu kabili ne micitile yabo pa mbila ya citetekelo iyaletelwe kuli bena, nalimwene na mayo umo uyo waikele nalimo amafiti amakumi yatatu atemwa yane ku ntanishi ya kulya beminina. Alelolekesha pa maboko yakwe. Imwe kuti mwamona ku nkonkoni ishikalamba kabili ne mimonekele iya uminina iya minwe ukutila ena aliculile na arthritis. Ena alefilwa ukusesha iminwe yakwe lelo nge fyo ena aumfwile Icebo cakwa Lesa ukulondololwa, icitetekelo cakwe calikulile kabili ena alolekeshe pali ilye minwe iyalemana no kwesha ukusunkanya yena. Pakubala takwali mu butuntulu ukusela



Munyina Branham, mu Kusubwa, ukupepela pa tutambala ukulingana ne Milimo ya Batumwa 19:11-12

Icikope na Staples

nakalya. Ena alitwalilile ukubomfya icitetekelo cakwe kabili ilyo ena acitile cena caishile shininkishiwa ukutila ena ali uwalinga ukusesha yena ukucila ifyo ena acitapo kale. Panuma ya ma miniti nayambi ayengi, ena aliswile no kwisala indupi shakwe no mutende uwapwililika. Icimwemwe caishile pa cinso cakwe ilyo ena ailwike ukutila ena nomba ali mutuntulu ukufuma ku mibele iyalemana iyo yalengelwe na arthritis.

Ubushiku bumo ilyo Munyina Bosworth aleenda mu musebo, bali mupaleme kuli na mayo uyo watungenye ukutila ena ali umwina America kabili alipwishe wene nga cakutila ena ali pamo mu musango uuli onse no kulongana kwa kundapwa kwa Bulesa. Ena atile ena tali uwatetekela kabili e ico kanshi aposeleko panono atemwa ukwabula ukuposako amano ku musonkano, lelo doctor wakwe alimwebele palwa batatu atemwa bane abalwele bakwe abo abaliko mukulongana no kupokelela ukundapwa. Ena alyumfwilepo pafya Mipashi na Christian Science kabili alisungwike ngo ku kulongana kwalipililwe kuli bamo aba bena. Nge fyo doctor amwebele ena palwa kulongana kabili apandilwe amano ukutila nalimo ena kuti akwata fimo ifisuma ukufuma kuli bena, ena aumfwile ukutila bena kuti baba nalimo abalinga kuli ena ukusangwako.

Ilyo Munyina Branham ali uwasubwa, cabe cikankala nganshi ukutila umo acita fye filya fine nge fyo ena epusha. Amashiwi yakwe lyena te mashiwi yakwe umwine, lelo mashiwi ya Mupashi wa Mushilo, ukulanda bufwayo bwa Bulesa na Lesa Uiteka. Ine kuti natemwa kubelenga ukufuma mu nkatala iyo ilangisha ubukankala bwa ici. “Na mayo ukufuma ku Wingfield uyo waundepwe ku mpwalonda kabili alyebelwe kuli Munyina Branham ukubatishiwa alisangilweko mukulongana kwa lubatisho pali Cine uwafumako icungulo bushiku, lelo tabatishiwe. Ena atile kuli kacema, ‘Ukutontonkanya ukutila yonse iyi myaka nali membala wa lukuta kabili nshatala pusushiwa nangula nali kasambilisha wa Sunday School. Lelo nomba nalipusushiwa no kundapwa.’ Ena alisekelele mwi pusukilo lyakwe no kundapwa, lelo alilabileko ifyo Munyina Branham amwebele ukucita. Ena tabatishiwe. Cibelushi uwakonkelepo, ena alifwile. Ena alipile umutengo pa kukana nakila kwakwe.”

Ilyo Munyina Bosworth aleshimikila ku bekalacalo pa Mulungu icungulo mu Capetown ena asosele ifi, “Nga imwe bakapyunga abekalacalo muli no kutetekela Lesa, Lesa ali no kupela imwe bamo icabupe ca kundapa muno cungulo.” Munyina Bosworth aishile papa pa mashiwi ayo ena umwine alandile, pa kuyalanda yena ilyo ena talailuka ifyo ena alesosa. Panuma ya kulongana ena alinjebela ine, “Ndetetekela Lesa alitungulula pakusosa yalya mashiwi. Nga namukwata ishuko ukukonka ifi, ndetekela ifwe tuli no kusanga ukutila kwacibako umo kacema umwikalacalo kulya muno cungulo uyo upokelele icabupe cakundapa.”

Nalipwishe bamo ba minshoni nga bena balyumfwile pali kacema uuli onse umwikalacalo kulya uyo wapokelele icabupe cakundapa nge fyo Munyina Bosworth alumbwile mukulongana. Umo muli bena alinjebele pali kacema umwikalacalo uyo watetekele mukundapwa kwa Bulesa, lelo pa mulandu wakubulisha icitetekelo mu mapepo yakwe umwine tatalile pepelapo umuntu umulwele. Nangu cibe fyo, panuma ya uku kulongana, ena aile kubapusana pusana abo abali abalwele no kupelela bena, kabili abengi balipokelele ukundapwa kwabo. Panuma uyu wine minshoni alinembele kalata umu ena asosele ifi, "Umwikalacalo uyo wapokelele icabupe cakundapa ali mwikalacalo ukufuma ku Angola, Portuguese, Africa. Ena mututu nganshi icakutila ilingi line ena tekuti ailenge umwine ukumfwika. Ena mulumendo fye lelo Lesa nasansabika umubomfi Wakwe kabili ena nomba balamufwaya nganshi. Icimbayambaya umwaisula abalwele balaletwa ukufuma kuntamfu ishitali ukupepelwa ukufuma kuli ena. Mailo nalipitile pa ncende uko ifwe twakwete ukulongana kwa basweshi na bekalacalo, kabili kulya ena akwete ukulongana kwa palwalala."

Amalyashi yambi aya uyu mwikalacalo yalangisha icishinka ukutila Lesa apele icabupe cakundapa kuli kacema umwikalacalo kulya uyo ushingatetekela Lesa no kutampwila mucitetekelo.

Nakabili nalamubelengela imwe ilyashi ilyalembwa palwa kulongana mu Capetown ilyalembelwe mu British Isles naba *Redemption Tidings* kabili panuma mu America na *Herald of Faith*.

ILYASHI LYA KUSUNKANYA ILYAKUPUPUTULA UKUFUMA KU CAPETOWN

Na Frank G. Holder

Tacatala acibapo mwi lyashi lya kale ilya fya ndeke isonde lyonse ukutila icikulwa ca ndeke cingabikwa pa mulimo wa bunonshi nge fi, ne fyalecitika ifya pulamo nganshi pakati ka becala muli ilye ncende. Mubutuntulu icikulwa ca ndeke iya bantu, Hangar No. 3 lilya line yalisangwilwe mu "Cikulwa ca Mbila nsuma" ukwikalika nalimo amakana yane mukati kabili mupepi amakana yabili kunse.

Imipangilwe iya cena iya fyela ukwabula ukufimba kabili ne myumfwile iyabulo kutemuna yashile ifingi ifya kukabila ukuemba kwa kulenga, lelo kupimpa pakati ka kulongana kwe bumba bwangu bwangu kwaletele imibeke iyakwenekela ukwaibela. Iyi ncende pakuba iyabikwa ba mailoshi abengi kunse ka misumba, umu limbi kuti aelenganya umupya Yohane Kabatisha aleita ulukuta lwakwe kulya mu matololo ukumfwa imbila yakwe ukufuma kuli Lesa.

Ukulundwako kuli iyi yeni, ishacindamikwa imitantikile ya bukapepa kwali umulongo wa ba ambulance ukuleta amafya abalwele babo abali pa macila pa mushili uwa cement uwatalala kuntanshi ya kucintamba icabikilwepo. Ifite, abalemana, impofu, na balwele aba misango yonse balishilemo no kusenda ififulo fyabo umwaleisula lyonse mu Cipinda ca Balwele.

Munyina William Branham ne bumba lyakwe ukufuma ku United States alifikile mu Capetown ne mbila iyo ingabilwa no kushininkisha kumo kwine ukwa maka ya mu mulu ku fishibilo fya kupapusha ne fipapwa, mufikulwa ifikalamba ifipya, atemwa mufikulwa fya pa cibansa ca ndeke. Kale ilyashi lyalisunkenye incende, kuli abo abatenseshe Johannesburg, Kimberley, Bloemfontein kabili naimbi ingi imisumba iya mu South Africa balifikile mu Capetown.

Ukufuma pa bushiku bwakubalilapo ifipeshamano fyalitendeke ukucitika ilyo amaka ya Pentecostal no bukata fyasalanganishiwe konse. Ukulongana kwalefulilako mpaka ifipuna pali apakwikala apasuma, kabili ifipeshamano fyaishilefula nganshi kukulembwa. Abalemana baletoloka no kwenda; ba nkomamatwi baleumfwa palwalala; impwalonda shaleuminina, ingulu shalibutwike, kabili imitima iyanakuka yalilengelwe ukusosa lilya line. Ilyo Munyina Branham abilisha ku busokololo ifyo cakuilishanya ca muntu cili, tatala nangu limo abapo mucilubo, icitetekelo calimine kabili abantu balyundepwe. Amaka yakundapa kuti yawila pa lukuta kabili lwena lwalefwaikwa fye icitetekelo ukusenda ico calefwaika, kabili cena balicikwete. Imyanda yabashatetekela balishininwe palwa cine ca Mbila nsuma no kusumina Kristu nga Kapususha wabo.

Capetown naitenkanishiwa ku maka yakwa Lesa, kabili conse ici cacitike mu nshiku shisano. Nga cakutila kunina muli babashi atemwa ukwenda mu musebo, umu ukwabula ukuleka alyumfwile abantu ukulanda palwa kulongana ukwa ku Wingfield Airport kabili ne fipeshamano ifyawama.

Ukulongana ukwaibela kwalicitilwe ukwa kumbali ku bantu abasweshi, kabili mukati kabo ifintu ifyapulamo fyalicitike. Amaka yakwa Lesa epo yali ku kundapa, icakutila bena balebika indupi pali cila umu no mubiye no kupokelela ukupokololwa. Umo muntu uyo walemene pa myaka ingi alisalile ukweshwa amolu yakwe ayo ayalengelwe ayatuntulu. Ena alibutwike ukufuma mu misebo kabili bali mubutwishe kuli kapokola uyo wafwaile ukuti engalondolola. Nangula tacilandilwe ena alipokelele kwena! Kunse ka kulongana pa Parade Ground mu musumba, abantu abasweshi balepokelela ukundapwa kwa misango yonse iya malwele.

Tacatala acicitikapo ifwe kumonapo ukufula kwa musango ifi ukwa fishibilo ne fipapwa, nangula ifishininkisho

ifya musango uyu ifya busokololo ubwa bulesa na maka. Ici cipempu ukufuma kuli Lesa, kabili mukati ka cena, imitima yesu yalekabila kulya ku Mushi waku mwesu. Ifwe tulepepa ukutila cena cingasekesha Shikulu bwangu bwangu ukutuma amatamba ayengi aya mapalo pa Fishi fya British. Mpaka yena yakese, lekeni tulepepa, ukutetekela, no kuteyanya imitima yesu pali fyonse ifyo Lesa alingile ukupela!

—*Redemption Tidings*

—*Herald of Faith*

Ifyacitike mukulongana tafyaba fye ipusukilo lya myeo kabili nokundapwa kwa mibili lelo nacimbi icitetekelo ico caputilwemo na kasesema wakwa Lesa. Kabili ici icitetekelo nacikwata amaka yabuko pali bukapyunga ubwa babomfi bambi mwibala lya South Africa. Abengi ba kacema na ba minshoni balituma ilyashi ukutila bukapyunga bwabo abene nabukula pa mulandu wa kulongana kwakwa Branham. Ici cishinka muli iyi kalata iyapokelelwe na Munyina Bosworth ukufuma kuli minshoni uyo uletuma ilyashi pa musonkano uwacitilwe panuma ilyo Ibumba lyakwa Branham lyabwelele ku United States.

“Ndi uwashininkisha imwe muli no kusangalala pamo na ifwe pa maka ayapulamo ayakwa Shikulu Yesu ukutwalilila pamo na ifwe muno mu South Africa. Ifyo nasekelele ibuku lyobe ne mbila mu Pretoria ne misonkano mu Orando iya bekalacalo. Maka maka ine nalilolekeshe kunuma kukupilibulwa kwa umo umo no kwafwilisha muli kulyo kulongana. Nomba mu musonkano uwa mu Moroka—mupepi na Orlando—ifishibilo fyalekonka ukushimikila kwa Cebo mu musango uwawamisha nganshi. Abalwele balyundepwe, bankomamatwi balyumfwile, impofu shalimwene, kabili abalemana balyendele. Bonse ubukata kuwesu uwawamisha Shikulu! Cilya cali fye imilungu ibili iyapitapo.

Elyo mailo mucungulo bushiku ifwe twalikwete ubulwi ubukalamba mu nga’nda. Ba mayo, abo abamwishibe imwe mu nshiku shakubalilapo isha Sion, baishilekwata tetanus mumusango uwaibela. Ne mibango yabo iyakakana nganshi ifwe twalipepele umupwilapo mpaka bena abene bali abalinga ukupepa pamo na ifwe kukupokololwa ukutuntulu ukufuma kukukalipwa ukwabipisha. Elyo mulwani aishilemo ukubipisha ukucila lyonse. Amenso yabo yalipilibwike, imibango yalikakene ukubipisha ukucila lyonse kabili no kututuma kwa kukalipwa, mukulekelesha balifwile umutombo. Bwangu bwangu nalitumine umwana wesu umwanakashi Eunice ukutuma lamyia kuli Munyina W. F. Mullan. Ukusha itebulo lya cakulya ica cungulo ena alishile ilyo line. Panuma ye shiwi lye pepo ilinono ena aebawile umulwani mwi Shina iyapulamo iyakwa Shikulu Yesu, kabili ukucimfya kwaishilepo! Panuma

yakashita bena baishileba mukulumbanya ukwawamisha, ukulandila mu ndimi shimbi; balifumishe bandage pacifulo icakwete ubwafya kabili lilya line fye baishileima abatuntulu no kupekanya icakulya ca cungulo abene, nga imwe mulefwaya! Ifwe mucine twalikwete inshita iyawama iyakulumbanya no kutotela pa kupususha iyi nkangalume iya myaka amakumi mutanda na pabula iya lupanda, uyo pa myaka amakumi yatatu na fibili aba lyonse pa mushilwa wakulasa ukwabula ukuleka. Ifwe tulelekesha kuli Lesa kuli ulyo mukosha nomba ukutula bena bengaba ipalo ku nkuta isha ku mushi. Bena baba icimpanshanya ca bumi ubutali ku maka yakwa Shikulu aya kundapa ukwabula nangula ukutala ukukumya umuti ukutula mu 1907, nangula bena balikwete amabulwi yamo ayapulamo no mulwani. Mupepi no kupofula, icilema ukupitila mubusanso bwa kupona panuma ya kwa kabalwe, utulaso imiku ine, ubwanga bwatushishi no kukabisha ukwapulishamo ukwatala ukulembwapo kuno no kuba no mweo, kabili nomba uku ukukalamba kabili kucimfya kwa lubilo. Fyonse ifyo ningasosa ni aleluya.



Munyina Branham na kacema umwikalacalo.

Kumo pa mafya ayapulamo ayakundapa mumusonkano wa ku Moroka kwali ukwa ulya umwanakashi uwa makumi yakufyalwa cinekonse konse mupepi nkomamatwi kabili mupepi uwapofula, nacimbi uwalemana kulubali lwakwe ulwa kukulyo. Shikulu aundepe intanshi amatwi, elyo amenso yakwe, kabili ilyo icitetekelo cakulile ena aebelwe mwi Shina lyakwa Shikulu ukwimya ukuboko kwakwe. Pa mulu kwalimishiwe bwangu bwangu ukwabula ubwafya ubuli bonse kabili mukashita panuma ena aleenda ukwabula ubwafwilisho ubuli bonse. Ubukata!

Umo uwaletele amapalo ayasuma ku bekalacalo uyo watemwa sana abana cali mwanakashi uwafwele bwino nganshi uwali nkomamatwi kukutwi kumo kabili alisendele umwana uwakoma amatwi yonse yabili. Ifwe twalipepele intanshi ba nyina no kucimfya ukwapwililika kabili elyo pa

mwana. Ilyo ena asunkene ukulisha kwa minwe yandi kunuma ya mutwe wakwe abantu calibekete ukumona amenso yakwe ayanono ukulolekesha intanshi ukulubali kabili elyo limbi ukweshwa ukutontokanya pa congo. Shikulu alumbanishiwe!

Umo mukashana uwali nalimo ikumi limo na mutanda ali ni nkomamatwi amatwi yonse yabili kabili alyundepwe. Elyo umulwani aishilebwela nakabili no kwisala ukutwi kumo. Ena aishilebwela nakabili mu mulongo wakupepelwa kabili panuma yakwebaula umulwani ena aumfwile ukulila ukusuma ukwa nkoloko yandi iya pakuboko. Ili lyali lipalo nganshi ku bantu abo baishile ukufuma ku Witbank Bible School ukwafwilisha mukulongana.

Ukumona icitetekelo mu mulumendo uwali nalimo cinekonse konse uyo wali nkomamatwi ukutwi kumo, naumfwile Lesa kuti abomba mu musango uyo wingakoselesha icitetekelo ca bantu, e ico aliswile ukwabula ubwafya ukutwi ukusuma kabili nalipwishe, 'Bushe ulengu'mfwa?' Ukusunkanya umutwe wakwe kabili uwaiteyanya 'Ee' cali lipalo nganshi ku bantu. Alumbanishiwe Shikulwifwe Yesu umusuma.

Pakati ka cungulo na mukulongana kwa mucungulo bushiku ukwa bushiku bwakulekelesha, naletusha munga'nda yakwa kacema (David Mzolo) kabili mukati alingile umwanakashi nakontama no kukalipwa kwa nshita itali, ukushintilishisha nganshi pa nkonto. Ukumona icitetekelo mukulanshanya kwakwe ifwe twalilolekeshe kuli Lesa pa mapepo yacitetekelo, ukwipusha Shikulu ukumundapa ena ukufuma ku mutwe ukushinta ku nkasa. Ena acitile fye cilya! Ukutoloka toloka ngo mukashana wa kusukulu no kulumbanya Lesa pa kundapa ena, ena apo pene alilekele no kubilikisha, 'Ine kuti namona ukupitila mwi linso lyandi ilya pofula.' Ifwe tatwaishibe ukutila ena alikwete ilinso ilyapofula.

Lelo ifi finono fye pa fintu ifingi ifya citilwe ku maka aya wesu uwa bukata Shikulu Yesu uwabuka. Shi Ena engacindamikwa mu musango uwapulishamo mu misonkano ileisa.

Abengi balishile kuntanshi kukupusushiwa cila nshita ya bushiku—inshita shimo abengi nganshi nga makumi yasano na makumi mutanda balifukeme ukufwaya ipusukilo. Umo mwaume alipele ubunte pa kwikala ubumi bwa lubembu, lelo fyonse filya nomba fyalipilibwilwe. Umbi atile, 'Nomba ninkwata fyonse fibili umutima upya na matwi ayapya.' Ena alikwete ukupusushiwa no kundapwa. Mucine imitima yesu naisushiwa."

J.S.R.

Pali iyi nshita ifwe twalyenseshe ukuya ku Port Elizabeth ku nshila ya ku Garden Route. Iyi yapendwa kubengi ngo

musebo uwawamisha kuli conse icishilwa cakululamba icapabuka ica South Africa. Mumbali ya uyu musebo kwalibako ifimuti fimo ifya cila imyaka ikana limo kabili ukukula mukulepa pa mwanda umo na mafiti amakumi yabili. Kwaba incende ishinono mu Africa uko amaluba yakula bwino mukufula nganshi nge fyo yacita muli iyi nshita. Kulubali lumo ulwa musebo kwaba incende ishaemba isha cikabilila isha Indian Ocean kabili kulubali lumbi ulwawamisha ulwa Outeaiqua Mountain Range. Kwaba ukucila amakana yabili ayapusana pusana aya maluba ya mpanga muli ici ciputulwa. Tacaba icaseka ukusanga bacananika abo abapimwa ba inches cinekonse konse mu bwipi.

Umusonkano wa ku Port Elizabeth wacitilwe ukufuma pa November 7 ukushita pa 11. Pakubala ukulongana kwacitilwe ku Feather Market Hall lelo panuma kwaseshiwe ku Davis Stadium. Pano nakabili amabumba yali ayakalamba nganshi ayatala ukumonekapo mu musumba wa Port Elizabeth. Icingulo bushiku bumo Munyina Branham asontele umwaume umukalamba uyo uwalele pa busanshi. Ena alimwebele, “Shikulu alaundapa iwe. Iwe nomba kuti waiminina, peto bulangeti no busanshi bobo no kwenda.” Umwaume umukalamba aliminine no kutendeka ukupeta ubulangeti bwakwe ilyo abengi abaume ba Red Cross, abo abaliko lyonse mukulongana kabili abaiteyanya ukwafwilisha abalwele, baishile mukumwafwilisha wene. Ena alilandile mukubilikisha kabili mukukomaila ilyo ena asosele, “Munyina Branham nanjeba ine ukupeta ubulangeti bwandi no busanshi bwandi kabili cilya tacilepilibula ukutula imwe mulingile ukungafwilisha ine. E ico kabiyeni kabili mwincusha ine.”

Cali ntile icintu icakusekesha lelo nomba cilaleta icishinka icakuposako amano. Ilyo kasesema wakwa Lesa, ukulanda ukupitila mu Kusubwa, alanda ifya kucita, cabe cikankala nganshi cilya cilingile cacitwa filya fine fye. Nga Namani aibile fye imiku mutanda mu Mumana wa Yordan ena nga tapokelele ukundapwa kwakwe. Cali ukufikilisha filya fine ukwakusontelela ukwapelwe ena no mubomfi wakwa Lesa uko kwalengele wene ukumona imimonekele iyalemoneka iyakundapwa kwakwe. Efyo cali no uyu mwaume mu Port Elizabeth. Ena alipangile ukucita icintu icili conse ico Munyina Branham amwebele ukucita pakutula engapokelela ukundapwa ukwalailwe.

Inshita imbi iya cungulo bushiku Munyina Branham asontele pa mwaume uyo wakwete bandage ikalamba sana pa cinso cakwe, kabili atile kuli wene, “Bushe kuti wasumina Kristu nga kondapa obe, nga Ena ali no kusokolola kuli ine ico cilubene na iwe?” Umwaume alisunkenye umutwe, “Ee.” Munyina Branham atile, “Iwe naukwata impwalonda. Ima, kabiye ku nga’nda kabili uli no kuba umutuntulu.”



Feather Market Hall

Ilyo mwaume aishile ku cikulwa lilya mu cungulo bushiku, icinso cakwe califimbile icakutila umulomo wakwe uwapa mulu walilebele pa mulu ku wapesamba. Ilyo ena afumine mucikulwa lilya mucungulo bushiku, ukufimba sana kwalipwile kabili alitwebele ifwe inshiku shingi panuma ukutila impwalonda yaliponene ukufuma ku cinso cakwe, ukwabula ukushapo icibala mu mubili wakwe.

Munyina Branham na cimbi alisontele umu uwa banashi mu mulongo wa pantanshi kabili atile, “Na mayo, iwe nausakamana pa muntu umu. Tacili we mwine na pamo umuntu muno ino nshita ya bushiku. Cena ni pali ba noko abo abali pa nga’nda no bwafya bwa mutima uwabipisha nganshi. Nashi, kabiye ku nga’nda, pantu banoko na bondapwa.”

Mu nshita ya kulongana pa Mulungu ulucelo mu Feather Market Hall, Nsamyali mu mulongo wa kupepelwa. Ilyo ena aishile kuli Munyina Branham alyebelwe ena, “Iwe tauli Mwinakristu lelo iwe nautetekela nganshi aya ma miniti yasano ayapitapo pa mulandu wa ico cicitike kuno kuntanshi ukucila ifyo wacita mubumi bobo bonse ubwakunuma.” Umwaume asunkenye umutwe wakwe. Munyina Branham atile, “Ine tekuti njipushe Kristu ukuba Kondapa obe kano

fye iwe uli no kusenda Wene nga Kapususha obe ne Mfumu. Nga ine kuti naba uwalinga ukukweba ico ulecushiwako, bushe walasenda Kristu nga Kapususha obe kabili Mfumu?” Umwaume atile, “Ee.” Munyina Branham atile, “Iwe ulalwala diabetes. Nga cilya cishinka, imya ukuboko kobe.” Umwaume aimishe ukuboko kwakwe kabili elyo alyebelwe ukuya kabili pa kutetekela ena ali no kupokelela ukundapwa kwakwe.

Lilya mu cungulo bushiku nalilandile kuli na mayo wa ku Red Cross uwapele ubunte pa kundapwa kwa ba nyina. Ena lyena alinjipwishe ine nga kuti naibukisha Nsamyayo uyo waundepwe mukulongana kwa lucelo. Ena ali ni kalemba wakwe uwapambali kabili ali mukoseleshe wene ukwisa mukulongana. Ilyo ena anjebele ici, ine nalibukishe ifyo Munyina Branham asosele muli ora ya mukasuba. Ena alitwebele ifwe ukutula ilyo ena amwene icimonwa cakwa Nsamyana na diabetes ena nacimbi alimwene na mayo umu Ngeleshi. Nangula camoneke ena ali mumwenepo wene akale, ena tamwishibe wene napamo kuti apalanya mu musango umo uo wene ali uwaampana no mwaume atemwa ukundapwa kwakwe. Apo cili iciputulwa ca cimonwa tacamoneke bwino nganshi, ena tasoselepo icintu nangu cimo pali ilya nshita. Pali Cine uwafumineko icungulo bushiku Munyina Branham alisontele kuli uyu na mayo uo nalanshenye no kulanda nankwe palwa ba nyina, abo abali ku nga'nda no mutima uwabipa. Pali ilya nshita ena alifwele uniform yakwe. Lelo ilyo ena abombele Nsamyana nokulanda kuli wene palwa kulongana, ena afwele ifyakufwala fya lyonse. Uyu ali ni namayo uo Munyina Branham amwene mucimonwa mukusuntinkana pamo na Nsamyana, lelo ena tamwishibe wene, limbi pa mulandu ena amwene fye wene muli uniform.

Panuma ya kulongana umwaume alishile kuli ine kabili atile ukuti ena alimwene malaika wakwa Shikulu naiminina ukutonta munuma yakwa Munyina Branham. Nalipwishe umwaume ukumulondolola wene pa kutula ningeshiba nga kuti caba ifyo atemwa iyo imilondolwele yali cimo cine kuli ilya iyabambi abo abalandile ilyashi limo line. Umwaume alinjebele ukutula ulya uo ena amwene ali umukalamba nganshi ukucila Munyina Branham, uwabeya ubusaka kabili uwafwala mumwingila uwabuta. Ici cali ukwishibisha imilondolwele imo ine iyo napokelele ukufuma ku bantu bambi batatu ukufuma kuli malaika uo bena bamwene kuntanshi pamo na Munyina Branham. Uyu mwaume nacimbi alilondolwele ukutula ilyo Munyina Branham atambalike amaboko yakwe no kupepela abantu bonse icintu cimo calepona ukufuma mumaboko yakwe nga phosphrus. Camoneke mupepi nga menshi ayabengeshima lyonse yaletona ukufuma mu ndupi shakwe na mu maboko. Justus duPlessis, kelula wa lyonse mu nshita ya kutandala kwakwa Munyina Branham ku South Africa, alinjebele ukutula

inshita ishingwi ilyo Munyina Branham alepepela abalwele ena amwene icinshingwa panshi. Ilyo ena acencentente ne nyali takwali mucine nangu cimo icakumoneka pakati ka lubuuto kabili na panshi, lelo nombamba paleba ici cinshingwa. Ena ali uwashininwa nganshi ukutula ici tekuti cibe nangu cimo lelo icinshingwa cakwa malaika wakwa Shikulu.

Panuma ya kumo kulongana nalimwene umwaume aletalantanta pa nkonto shakwe mu musango uwakosa nganshi. Ilyo ena afumine panse ya mwinshi aliminine pakashita, akontamike umutwe wakwe, alekeleko inkonto shakwe nokutenda ukwenda umutuntulu mukupwililika.

Cali ni mu Port Elizabeth umo mwaume aishile no kunjeba ukutula inshita ya bushiku iyafumineko ena aile kunga'nda muli tax, mucine mukupapushiwa pantu ena tapokelele ukundapwa kwakwe. Umuntima wakwe wali no bulanda kabili uwafina pa mulandu ena ali uwashininkisha nganshi ukutula ena ali nokupokelele ukundapwa kwakwe lilya mucungulo bushiku. Ilyo ena atampwile ukufuma muli tax ena alishibe ukutula imibele yakwe iya bulema mu mubili wakwe yalile kabili ena ali uwalinga ukwenda umutuntulu mukupwililika.

Ulucelo ifwe twafumine ku Port Elizabeth, Munyina Baxter, Munyina Branham na Billy Paul baile kulya mu musumba. Pa kubwelelamo kwabo muli bashi, Munyina Branham aebele bambi ukutula kwaliko na mayo muli bashi uyo waleesha ukulanshanya nankwe. Ena asontele na mayo mu ndeshi iyakashikila uyo waikele ku tanshi ya bashi. Munyina Baxter alimwibukishe wene ukutula na mayo tekuti eshibe nangu panono ukutula bena bali pali bashi pantu ena alikele kuntanshi kabili bena baingile kulya kabili baikele kunuma. Tapali nacimbi icalandilwepo pali cina mpaka na mayo aliminine no kwenda kunuma ya bashi. Ena aishile kuli Munyina Branham no kwipusha nga ena ali ni Rev. William Branham. Ena atile, "Ee, na mayo, kabili iwe ulalwala no bwafya bwacanakashi kabili ne cipute. Na cimbi naukwata umwana kunga'nda uuli umulwele nganshi. Iwe nombamba kuti waya ku nga'nda nokuba umutuntulu, pantu icitetekelo cobe nacikulenga ukuba umutuntulu." Panuma ya ici na mayo atendeke ukusagalala ne nsansa.

Ukufuma pa Port Elizabeth ifwe twalyenseshe ukuya ku Grahamstown, uwawamisha nganshi kabili umusumba uwa ci Ngeleshi. Akabungwe ka cilya cifulo kalitusungile ifwe Iculwa ca Musumba icaleikalika abantu 1200. Abantu batendeke kulongana pa sefen sate ulucelo pa kulongana kwa mucungulo ukwacitilwe pa 2:30. Ilyo ibumba lyakwa Branham talilafika akabungwe ka cilye cifulo kalefwaya ukubika icakukushishako ishiwi kunse ka Cikulwa ca Musumba kukwafwilisha abantu abo abashingalinga ukwingila mucikulwa. Uwalesunga icifulo atile ukuti ici tacali icikankala

pantu tacatala mwilyashi lyakale ilya Grahamstown kwalitalile akubako ukulongana ukuli konse ukwa bukapepa mu Cikulwa ca Musumba, atemwa ukuli konse mu musumba uko imibombebe yakulandila pa cintubwingi yafwaikwe. Bena balipapile ilyo bamwene amabumba ukwisusha icikulwa kabili imyanda baliminine panse.

Kwaliko kundapwa ukwingi muli uku kulongana kubili uko kwacitilwe mu Grahamstown lelo kwaliko ifintu fitatu ifyo ndefwaya ukuleta ku mano yenu. Cimo cili pa mwaume umukalamba uwaleikala fye pa cicinga. Ubunte bwakwe bwalibikwapo mucipandwa icapelwa ku mabunte. Munyina Branham asontele kuli wene no kumweba ukutila ena alyundepwe kabili ukutila ena kuti aiminina. Umwaume



Billy Paul Branham, uo icikuku no kutontokanya pali bambi kwa mubikile wene ku mitima ya bantu.

aliminine. Panuma nalilandile kuli wene naipwishe wene ni lilali ilyo ena aendelepo. Ena alyaswike ukutila ena tatala endapo pa myaka ibili mpaka lilya mucungulo bushiku.

Munyina Branham nacimbi asontele kuli na mayo. Ena atile, "Iwe na ukwata TB. Iminina no kusumina ukundapwa kobe." Namayo taselele. Ena atile, "Iminina. Kristu nakulenga ukuba umutuntulu. Iminina no kusumina ukundapwa kobe." Nalyo line takwali ubwasuko. Munyina Branham lyena apilibukile ku muntu umbi pali ulya ena amwene mu cimonwa. Cali ni na mayo umbi uwalele pa busanshi. Ena alimwebele wene, "Na mayo, iwe walikwete imibele iyabipisha iya mutima. Cena tacingacitwa kuli iwe ukuba no bumi inshita itali kano fye Kristu akulenga iwe ukuba umutuntulu. Nga iwe uli no kwiminina no kusumina cena, Kristu alakulenga iwe ukuba umutuntulu." Na mayo aliminine kabili ifwe panuma twapokelele ubunte ukutila ena lilya ali umutuntulu. Ndefwaya ukuleta amano yenu kuli na mayo wakubalilapo, uyo ushaiminine ilyo Munyina Branham amukoseleshe ukucita. Ifwe tatwaumfwapo ukutila ena alipokelele ukundapwa kwakwe. Cena cakutwishika ukutila ena alicitile pantu ena tacitile nge fyo kasesema wakwa Lesa amwebele ena ukucita.

Cali panuma ya kulongana kwa chungulo bushiku ilyo Munyina Branham, Munyina Baxter na Billy Paul bafumine mucikulwa ilyo na mayo aishile kuli Munyina Bosworth ena kabili na ine ne wali kunuma ya cintamba. Ena aletungulula umulumendo nalimo imyaka ya kufyalwa mutanda. Kuli Munyina Bosworth atile, “Ninjishiba ukutila iwe tekuti upepele umuntu onse, lelo iwe napapata tawapepeleko umulumendo wandi?” Ena alilondolwele ukutila ukutula mukufyalwa umwana wakwe alefilwa ukulolekesha bwino. Ena kuti aelenganya icipasho ca muntunse nga cali amafiti yatatu kuli ena. Icili conse ukucila pali fine atemwa ama fiti yasano ubutali ena alefilwa ukwishiba. Munyina Bosworth alipepelele umulumendo kabili aebele nyina ukuya kulya ku cifutu apatali, nalimo ama fiti amakumi yatatu ukufuma apo twabelele. Ena alimwebele ukwiminina palya kabili no kukanapanga iciunda icili conse ilyo ifwe twacenente ukumona nga ukulolekesha kwa mulumendo kwaishilebako bwino. Munyina Bosworth lyena aebele umulumendo ukuya kulya kuli nyina. Lilya line ena atendeke ukwenda ukufuma kunuma ya cintamba ukutonta fye kuli banyina. Ba nyina baponene mufilamba fya kusangalala, pantu tacatala acicitikapo ku mulumendo ukutala ukwishiba ena atemwa uli onse uwashala ukukana cila yatatu atemwa amafiti yane. Uku ukweshwa kwalicitilwe



Munyina Bosworth pa lulamba lwa Mumana wa Vaal.

umiku ingi. Umulumendo ashininkishe ukutila amenso yakwe yaliwamineko nganshi epa kusoso kutila ena kuti amona ba nyina apatali kulya mu cipinda. Ena ali uwansansa kabili ne cimwemwe pa cinso cakwe ena atile, “Ine ndemumona imwe, mayo.” Cali icilangisho cimbi ica maka ya citetekelo.

Ukulongana mu East London kwacitilwe ukufuma pa November 14 ukushinta pa 18, pa Border Rugby Union Grounds, incende fye yeka mu East London iyo yali iyalinga ukwikalikamo amabumba. Impendwa yabalesangwako bali mupepi 6,000 kabili icungulo bushiku ubwakulekelesha ilyo

ifwe twali kulya ibumba lyalipendelwe ukuba 15,000. East London e cifulo icikalamba icakwa Munyina Bhengu, umu paba pulamo bakapyunga abekalacalo aba mu South Africa. Ena alikwata ukongola ukusuma pa bantu abashili aba Ngeleshi muli ici ciputulwa ca South Africa. Balinjebile kuli bamo bakapokola ukutila panuma ilyo Munyina Bhengu aishile ku musumba wabo, ubupupu pakati kabashali aba Ngeleshi bwalicepele 30% mu nshita ya myeshi mutanda iyakubalilapo.

Inshita ya kubalilapo iyacungulo bushiku ilyo ifwe twali mu East London kwali umwela sana pa kutendeka kwa kulongana. Lilya line fye ilyo Munyina Branham aishile kuntanshi, umwela walicepele kabili kwalitalele. Ici calilembelwe mu *Daily Dispatch* ubushiku bwakonkelepo kabili iciputulwa icalembelwepo nacifumishiwa umu.

Cisano uwakonkelepo twalikwete ukwishiba kwa musango umu wine pa mfula. Camoneke kwati ukulongana kulingile ukusalanganishiwa. Lelo ilyo Munyina Branham afikile pa cibansa, yalilekele ukuloka kabili mukati ka ma miniti ayanono ulwelele lwalisangulwike. Elyo nakabili pa Mulungu mu bushiku ifwe twalikwete icilangisho nacimbi ica musango umu wine ico cacitike pali Citatu icungulo bushiku.

Mu nshita ya kulongana ukwacitilwe mukulongana kwa bekalacalo, Munyina Branham asontele umulumendo no kumweba ukutila ena afumine ku cipatala kabili alecula kuli TB. Ena lyena alandile ku mwaume uwaikela mupepi kuli ena kabili atile ukuti ena nao alikwete TB. Cakonkele ukutila Munyina Branham asontele kuli basano muli bena palya pene mu mulongo, cila umu ukucula ukufuma ku malwele ayabipisha aya TB. Ena alibebela bena ukutila nga bena balitwalilile ukutetekela, Lesa kuti abalenga bena cila umu ukuba umutuntulu. Panuma ya kulongana nalilandile na bena no kukopa icikope cabo. Bena balinjebile bena bonse bafumine ku Isolation Hospital mu East London.

Ilyo twaleensha ukufuma ku East London ukuya ku Durban, Munyina Branham alikwete icimonwa ca kayanda aka mwikalacalo pa kalupili kamo. Ilyo bena batwalilile mu bulendo bwabo, ena alimwene aka kalupili na ka kayanda aka mwikalacalo. Ena aipwishe uwaleensha ukwiminina. Ilyo bena baleenda ukuya kuli kena, Munyina Branham asontele akayanda, akali pakati ka tumbi akapalana na twena. Ena atile ukuti muli kena bena bali no kusanga umwanakashi umwikalacalo nalala pa busanshi umulwele nganshi kuli TB. Uyu na mayo ali no kuba Umwinakristu kabili ali uwalinga ukulanda ici Ngeleshi. Ilyo baingile mukayanda, ulya ali palya na mayo umwikalacalo nalala pa busanshi ngefyo Munyina Branham alondolwele. Ena asosele ukutila ena alepepela pa kundapwa kabili ukutila Shikulu ali mulaile ena ukutila Ena ali no kutuma kasesema ukufuma ku calo cimbi ukupepelela wene kabili ena ali no kupokelela ukundapwa kwakwe.

AMAKANA BALONGANA KU KUMFWA BRANHAM UKULANDA

Takwali Ukundapa pa Kulongana Kwa Ntanshi

Uwatalala umwela uwabipa walepupa ukulaya mukati ka Cibansa ca Boder Rugby Union uko ibumba lyalongene mailo ubushiku ukulolela ukwisa kwakwa William Branham, intungulushi iya Branham Evangelistic na Kabungwe Akasabankanya Ukundapa Kwabulesa.

Inyali ishatalukana isha lubuuto shasalangenye imfifi ukuletamo ubwafwilisho ubwapulamo amacila ayalipo ifipasho ifyafimbilikishiwa nganshi na malangeti. Kwaliko utumabusanshi, nato. Pali kamo akatwena palele uwaonda icinso, umwana wa menso ayakulu kabili pali kambi umwanakashi wacaice uo iminwe yakwe iya misakalala yaikatishe ukwabulo kulekelako na fyakufimbilako. Iyaakanikana imilongo itali iyafipuna pali umwina panuma ya mwina uwafipuna fyaonaika.

Ukwakalabana, ukwa kwiminina ukwa pakashita, ukwafimbwa ifisalu, kwali umulongo wa fipuna, ifyakulandilamo kabili ne cintamba. Ukulongana kwaiswilwe na umu uwa babwananyina uwaletungulula ukulongana mukwimba kwa nyimbo, "Owe Uwacingilwa ku Cilibwe," uo ulwaumfwike nganshi mukubilikisha elyo lwaishilepwa mumwela uwa mutonshi uwaisulamo umume. Akanya kalilile, ne ciunda cakulila kwa ambulance caumfwike apatali. Munyina Baxter, kashimikila umwina Canada, aile mu cintamba kabili ukwenekela kwasunkenye icintubwingi ca bantu abalelolela. Ena alandile pa mulimo uwa Kusabankanya, alandile icintu cimo icaba Apostolic Faith Mission, alandile pa milimo yakwa William Branham, ne cakwe ica bulesa "Icabupe ca Kundapa."

BRANHAM AFIKA

Kwaishileba tondolo pakashita, kabili elyo caumfwike ukutila uyu mwaume, kuli uyo malaika batila alimonekeleko imyaka isano iyapitapo no kwebwa ukusenda icabupe icakundapa ku bantu ba mwi sonde, alifikile pa cibansa, kabili nombaline alaisa kuntanshi ku cintamba.

Ena alishile, umwela waishileisa. Ukuba tondolo ukwine kwine kwaishile wila pa kulongana. Ena mwaume umunono. Ena talanda bwino, lelo tutile, ulanda

mukuputwamo. Ena alanda ukufuma mukati ka mweo wakwe kabili no bufumacumi ubo bashingakana. Kabili ubufumacumi bwakwe ubwashika kuti bwamoneka ukuba umwisulo wa maka yakwe.

Munyina Branham tasoselepo ukutila ena kuti abomba imibombele yakundapa. Tutile, ena atile, ali icibombelo ico Lesa asalile ku kundapa. Lelo kano fye abo abacetekele muli Yesu Kristu, abo abacetekele ukutila Ena alifwile pa kutila bengaba no mweo, abo mucine kabili mubufumacumi bonse bacetekele, ukusumina, ukutila imyaka 1,900 iyapitapo bena mucine balyundepwe, ukutila calilembwa ukutila bena balyundepwe, aba fye beka kuti baundapwa.

Ena tekuti abombe ukundapa pali uku kulongana kwa kubalilapo, ena atile, lelo kuti apela abo abalongene pa cibansa inshita ukulolekesha mu mitima yabo, ukusumina icebo, no kwisabwela mailo ilyo ena akomfwa uwashininkisha ukutila uluse lwakwa Lesa lwali no kupelwa, kabili abengi balya abo abali abalemama amolu, abalemama ne mpoftu, kuti baenda no kumona, lelo kano fye nga bena basumina icebo. Ukulongana kwaiselwe mwipepo ilyatungulwilwe na Munyina Branham.



Icikope na Howard Shaw



Icikope na Howard Shaw

Inshita imo amenso yakwe yalicilingene, lelo nomba yena yalyololoka.

Ici cikumo ica mukashana cali kulile bwangu kulupi lwa kukuboko kwakwe. Ifwe balitwebele ukutila bena balifililwe ukutumbula ukundapa ici pantu imishipeshipe no tushinga twa mulopa fyaile ukucilinganya ukufuma ku munwe ukwisa kulupi lwa kuboko kwakwe. Cilya cili, umunwe wali iciputulwa icalupi lwakwe. Ilyo Munyina Branham akwete ukulongana kwa kundapa limo mucungulo bushiku mu East London ena afikile mucitetekelo, palya pene apo ena aikele, no kulomba ukundapwa kwakwe. Panuma yakulongana, ena alitulangishe ukuboko kwakwe uko kwali ukutuntulu umupwilapo.

Ilyo twaleenda ukupita mululamba lwa pakati ku kapinda ka kuso nakabanga aka South Africa cali lishuko lyesu ukupitamo no kutandalila incende shimo isha bekalacalo. Ilyo lyonse twaiminine no kulanda kubekalacalo ifwe twalisangile bena ukuba abasuma nganshi kabili abacishinka. Abengi abekalacalo kuti balanda shine atemwa indimi shisano isha mukowa kabili tacali iceni nganshi ukusanga umu uyo wingalanda ici Ngeleshi. Ifwe twalisekeshiwe nganshi ku cishinka icakutila aba bantu lyonse balemoneka ukuba abansansa. Bena tabali mulubilo kabili bena lyonse balefwaya ukumwentula kuli ifwe ilyo twalekopa icikope cabo. Ifwe tatwatalile ukusanga umuntu umu uyo uwakene ukumfwana na ifwe mukukopa icikope atemwa ukutweba ifwe pa bulungu bwabo, imilimo iyapusana pusana iya fyakulenga atemwa umusango wabo bena bekalilamo.

Durban musumba uwaemba. Umwela walisulamo ne ceena cisuma ica myanda ya fyapusana pusana ifya mpanga na maluba ya mu mushi ifishitishiwa mu fisankano fyamaluba. Kulya kwaba ululamba uko kwalumbuka isonde lyonse. Wene



Icikope na Howard Shaw

Munyina Branham ukupyungila ku bekalacalo.



Ukulongana kwa bekalacalo mu East London.



Caliwene ukusabankanya.

nacimbi waba mushi wa ba moneka bwino ba ricksha boys. Elyo, nacimbi, kwabako Icisankano ca ba Nsamy, incende apo Kabanga na Masamba fikumana. Umo aleisanga umwine mu mibele ya mikalile iya ku Kabanga, pantu mukati no kushinguluka Durban kwaba mupepi ba Nsamy 200,000, abo abasendelwe intanshi ukufuma ku Asia nga basha ukubomba mu mine. Fyone ifingacitwa ukwishibisha amatontonkanyo yakumasamba kuli aba bantu yalifilwa kabili bena bekala nge fyo ifikolwe fyabo fyaikala pa myaka imyanda. Kwalibako ifisuma ifyabaswa ifyaku kabanga na fimbi ifyapangwa ku minwe. Abanakashi ba Nsamy bafwala insalu sha siliki saris, ilyo abengi abaume ba Nsamy bafimba imitwe yabo ne fisalu ifyakashika. Umusumba wa Durban walikwata na cimbi impendwa yaba Ngeleshi yaba mupepi 130,000 kabili impendwa ya bekalacalo 110,000.



*Abaume basano Munyina Branham
asontele abo abafumine mu Isolation Hopspital.*

Ukwapulamo ukulongana kwa musonkano onse uwa South Africa kwacitilwe mu Durban, Miami Beach iya South Africa, uku kulongana kwacitilwe ukufuma pa 21 ukushinta pa 25 November. Ukongana kumbi kwacitilwe mu City Hall, kumbi kwacitilwe ku Greyville Race Course.

Pakwisula ukulongana pali Citatu icungulo bushiku, ukwacitilwe mu City Hall, nacifyashi aletele umwana wakwe umulumendo uwa myaka ikumi limo na cimo mucicinga. Ena ashile umulumendo wakwe mucicinga cakwe kulya



Munyina Branham na bekalacalo babili mupepi na East London.

kuntanshi uko abashala abalwele balongene no kuyaikala pacipuna umwine kunuma nganshi. Ilyo Munyina Branham apepele bonse abantu abalwele pa mpela ya kulongana, umulumendo aliminine. Ba nyina batontonkenye umu muntu alimwikatilile wene. Ilyo bafumine panse, bena balipwishe pali wene no kusanga ukutula umulumendo aliminine ukwabula ubwafwilisho ubuli bonse. Ena atile kuli wene ukutula nge fyo ena ali uwalinga ukwiminina palwakwe, nalimo ena kuti aenda. Wena alimwebele ena ukufuma mucicinga no kwesha. Ena alicitile kabili ali uwalinga ukwenda, pa nshita yakubalilapo pa myaka ingi.

Mupepi abantu 20,000 bali mukulongana pali Cine icungulo pa Greyville Race Course. Munyina Bosworth aletele imbila pe pusukilo lya umu umu. Amakana yalimine ukulangisha ukukabila kwabo ukusumina Yesu Kristu nga Kapususha wabo kabili Shikulu.

Panuma ya kupela imbila yakwe pe pusukilo lya umu umu, Munyina Bosworth alandile kuli wene pa ma miniti ayanono pa fishinka fya kundapwa kwa Bulesa. Elyo ena alibapepelele bena no kukoselesha bena ukupoka ukundapa uko Kristu ashitile ilyo Ena alipile pa kukandwa kwa lubembu. Mukati ka ma miniti ayanono abantu basano abapusana, bonse abashaleenda pa myaka, balishile no kupela ubunte pa kundapwa kwabo. Bamo muli bena balibana abo abashatalile



Iciko pe na Lynn Acutt

Abantu, ukufilwa ukwingila mu Durban City Hall, baiminine mu City Gardens no kukutika ku kulongana pa fya kusabankanishishamo.

endapo bwino, umbi ali ni namayo uyo wali mucicinga pa myaka isano. Minshoni we shina lyakwa Kacema Brown alandile ukutula kulya kwine kuntanshi yakwe kwaikele bane ba nkomamatwi kabili bacibulu. Bena tabaumfwileko nangu kamo mukulongana lelo ilyo bamwene aba bantu basano ukwiminina ukufuma pa ficinga fyabo no kwenda, bamo muli bena abatuntulu umupwilapo, bambi muli bena ukulwisha lelo kutetekela Lesa ukupokololwa ukutuntulu, bena balingile balilwike ukutula Lesa aleundapa abantu kabili cali ni nshita kuli bena ukupoka ukundapa kwabo. Nangu cibe fyo, icili conse icakusondolwela bena bafikilepo ilyo baikele palya, ukwabula ukumfwa kano ukumona ifyo Lesa alecita, Lesa alibwekeshepo ukumfwa kwabo. Pa nshita ya kubalilapo mu bumi bwabo bena bali abalinga ukumfwa ifiunda. Kacema Brown alondolwele kuli ine ukuti ena tatale monapo nangu umo uwansansa nganshi nge fyo aba baume bane ilyo bena bailwike ukutula bena bali abalinga ukumfwa.

Pali Cisano Munyina Branham aile kulya ukuyashita amasilipasi. Ukwingila mwi Tuka lya Nsapato ilya Cuthberts, ena bali mupaleme kuli kalaliki uyo wamwishibe wene. Kalaliki asontele umwaume, uwaleenda fye ukufuma mwituka, uyo wali mukati kabili alishitile nsapato shakwe ishakubalilapo mu myaka amakumi yabili. Amakasa yakwe yalilemanikwe nganshi icakutula ena alefilwa ukufwala insapato. Munshita ya kulongana kwa cungulo bushiku



Bamo ba membala ba St. John Ambulance Brigade abo abaipele ku kubomba.

ukwakubalilapo kulya mu Durban ilyo Munyina Branham apepele abantu bonse fye, uyu mwaume apokelele ukundapwa kwakwe kabili nomba amakasa yakwe yali ayatuntulu.

Ni nanda kale kuli imwe pa bantu ukutweba ifwe ukutila bena balimwene malaika wakwa Shikulu kuntanshi na Munyina Branham. Ilyo twali mu Durban nalipokelele kalata kabili ndefwaya ukubelenga kuli imwe iciputulwa ca yena.

“Nalepepa pa nshita imo ukutila Lesa kuti ansuminisha ine ukumona malaika wakwa Shikulu, ilyo Munyina Branham atandalile Durban. Pali Cine ubushiku, pa 22 November, nalisangilweko kuli kulyo kulongana kukalamba, ukwacitilwe maka maka ku bashali aba Ngeleshi, pa Greyville Race Stadium. Panuma ilyo Munyina Branham ali kuntanshi pa kashita akanono, ine ilyo line nalimwene imimonekele yapalwalala iya mwaume umbi naiminina ukutonta fye kunuma yakwa Munyina Branham. Imimonekele yasendele icipasho ca lubuuto ulwabalikisha. Uyu mwaume ali uwalepako nganshi mu mushinku ukucila Munyina Branham. Nalefwaya ukushininkisha ukutila ici tacali ukwelenganya ukwa mu mano e ico nalitontele amenso yandi nganshi pali Munyina Branham. Ici cipasho cimbi calisokolwelwe kuli ine imiku itatu. Kunse ka ici, nacimbi nali ne shuko ukumona, ilyo Munyina Branham aimishe ukuboko kwakwe ilyo aleshimikila, ifintu ifyapala amenshi ifyo fyamoneke nga phosphurus (ifyabeka nganshi), ukutona ukufuma mulupi lwakwe no kuboko. Nali uwaikushiwa ukutila Lesa naasuka amapepo yandi. Lesa alumbanishiwe pali Munyina Branham, kasesema uwatuminwe ukufuma kuli Lesa.”

Ubushiku bwesu ubwakulekelesha mu Durban cali ni pa Mulungu, November 25, ubushiku ubo tatwakatale labako. Ubu bushiku bulingile ukulembwa mufilembo ifyakashika, pantu bwali bushiku bwa cilembo icakashika ku bantu amakana mukati no kushinguluka Durban nacimbi na bonse ba membala abe bumba lyakwa Branham.

Imilimo ya bulya bushiku yatendeke pa 6 a.m. ilyo bakafwa baile mukubomba pa Greyville Race Course. Abantu balilongene pa mwinshi ukutula 4 lokoloko mulucelo kabili ilyo abakwafwilisha bafikile bena basangile abantu abengi nganshi cali icakosa ukutungulula ibumba. Mu nshita ya kasuba kwali ukucila amakumi cinelubali na fisano bakapokola pa mulimo kabili balilombele ubwafwilisho ukutungulula ibumba pakwita Active Civilian Force. Nge fyo nandile kale, ba South African Police bali abacikuku, ukubomba bwino, abasuma kabili lyonse abakwafwilisha.

Munyina F. F. Bosworth, intungulushi muli bukapyunga bwa kundapa kwa Bulesa, atungulwile ukulongana kwa lucelo. Ilyo ena afikile ena alimwene ibumba ilikalamba nganshi ilyo ena tatala monapo ukulongana capamo pa kulongana kwa bukapepa mumyaka amakumi yane aya bukapyunga bwakwe. Ena aletele kubantu iya Bulesa imbila iya putwamo pa fishinka fya kundapwa kwa Bulesa kabili alondolwele icabupe ico Lesa apele kuli William Branham. Iciputulwa icikalamba icakulunduluka icakulongana cali ni pamulandu wa mufula uwabikilwe kukupyunga ukwalinga ukwa kwa F. F. Bosworth mu mitima kabili na mano ya bantu ukufuma ku fishinka fya Baibele ifya kundapwa kwa Bulesa kabili ne cabupe icaibela ico cibombela ukupitila muli Munyina William Branham.

Panuma ya kulondolola kwa Baibele pe sambililo, ena aitile abantu abengi ukwisa ku ntanshi pa kutila engalangisha ifyo ena alebasambilisha bena. Ena aipwishe abo abakwete ukutumbulwa pa cilundwa ca mukutwi kumo; ukutwi kumbi kwalingile ukuba ukusuma, icakutula umuntu uwaumfwile Icebo cakwa Lesa, kabili ukumfwa Icebo cakwa Lesa alipokelele icitetekelo. "Icitetekelo cisa mukumfwa, kabili ukumfwa ku Cebo cakwa Lesa." Abena Roma 10:17. Pa kutila wingakwata icitetekelo, kulingile kwaba icintu cimo ukubikamo icitetekelo cenu. Panuma ya kwesha ukumfwa kwa mafya yatatu ayakubalilapo ayo Munyina Bosworth apepelepo, ifwe tulesanga ukutula cila umo uwa bena kuti baumfwa no kutwi kwabo uko kwali ukwakoma. Bena balipokelele icilundwa cipya icakutwi ku maka ayalenga ayakwa Lesa. Ilyo ena apwishishe ukupepela umuntu uwalenga cine, ifwe nga filya fine twalyeshe ukumfwa kwakwe lelo twalisangile ukutula ena tekuti omfwe. Ifwe twalisambilile ukutula umwaume taumfwile imbila napamo amabulayo yakwa Lesa, kabili e ico kanshi takwete icitetekelo. Ici cali ukulangisha pa bukankala ubwa kumfwa no kutetekela Icebo.

Ilyo Munyina Branham talaisa kukulongana kwa cungulo, Munyina Ern Baxter apele imbila, muyakwe iyakumfwika ukwabula ubwafya lelo nomba umusango uusuma, ukulondolola ipange ilyawama ilyakwa Lesa ilye pusukilo ilya umo umo. Panuma ya kukomaila icishinka ukutula ili pusukilo lyaletelwe no mutengo ukalamba kabili nga bena bali no kupokelela ifisuma fyonse ifya lyena bena balingile ukupela ubumi bwabo kuli Wene nge fyo Kristu apele ubumi Bwakwe pali bena, ena alipwishe abo abalefwaya ukuba Abenakristu ukwiminina. Bena baliminine ku makana. Ukuli konse abantu baiminine pa nkasa shabo. Abo abali mufiputulwa ku ba Ngeleshi na bashali aba Ngeleshi ifyo fine balangishe ukukabila ukukalamba ukusumina Yesu Kristu nga Kapususha wabo na Shikulu. Munyina Baxter abwelele kuli ifwe fwebaikele kuntanshi kwati kusosa, “Bena balingile tabacingu’mfwikisha ine. Tekuti kube aba bonse amakana abo abalefwaya ukuba Abenakristu.” Panuma ya kulondolola ubukankala ulwa butantiko bwabo ena alipwishe abo abalefwaya ukuba Abenakristu ukusokonya amaboko yabo. Icikope ca musango ulya ifwe tatwatala monapo nakalya. Mu nshita ya kulongana kutatu ukwa bulya bushiku balipendelwe kuli bakacema ba cilya cifulo ukutula ukucila amakana amakumi yatatu baliminine nge cishininkisho ca kukabila kwabo ukusumina Yesu Kristu nga Shikulu wabo na Kapususha.



Icikope na Lynn Acutt

Babili pa makumi yabili na basano ba membala ba South African Police Force abo abatungulwile amabumba pa Greyville Race Course.

Bedridden Woman Walks At Evangelist's Command

A DURBAN woman who had been bedridden for the past 10 months, rose up from a camp bed in the Durban City Hall last night where she had been taken to hear the American evangelist, the Rev. William Branham, and declared: "I feel as if I were two years old."

The Rev. Mr. Branham after a succession of people had come on to the stage to receive God's blessing suddenly turned to Mrs. J. A. Naude, of Blythswood Road and said: "You, Madam, have been suffering from internal trouble, but you are now cured—set up off that bed."

Mrs. Naude immediately rose to her feet, swayed a little and then walked to the end of the bed where her husband and daughter looked on in amazement. Mr. Naude told a "Mercury" reporter that he had had a succession of doctors attending to his wife and they had told him that nothing could be done for her. He had spent his savings trying to make her well.

Pastor J. F. Wooderson, of Durban, said he had visited Mrs. Naude about a month ago at her home in response to Mr. Naude's request that he should go and pray for his wife.

TOLD SHE WAS CURED
Another woman from Sydenham who admitted that she had cancer and only a short time to live was told by the Rev. Mr. Branham

that she had been cured. First of all the evangelist diagnosed her complaint after she had confirmed that they were complete strangers and then, taking her hand in his, he pointed out to her that her disease had manifested itself in his own hand, which had become swollen. He told her that if her disease could be cured his hand would become normal. There was a hushed silence as the Rev. Mr. Branham prayed fervently for several minutes and the woman closed her eyes. When they both looked at his hand it was normal; the woman left the stage sobbing with relief.

Another young man was told that he had been cured of tuberculosis and he admitted that he felt much better after he had received the evangelist's blessing. The City Hall was packed, while thousands more people stood outside in the pouring rain listening to the service which was relayed through loudspeakers. People came on stretchers, in wheel-chairs and on foot. Some blind, others crippled and some


mentally ill, all hoping that something in the nature of a miracle might be achieved.

ANXIOUS RELATIVES

Nurses and first-aid men and anxious relatives ministered to their charges while the four-hour service was in progress.

All over the hall, as the tension mounted, women and even some men broke down and wept. Early yesterday morning people were queuing outside the City Hall in the hope of obtaining seats. In the afternoon there was a service at which the Rev. W. J. Ern Baxter was the principal speaker, as he was again in the evening.

*Icipututwa celyashi lyepepala
ityakumine mukulongana mu
Durban lyasendelwe ukujuma
kuli ba Natal Mercury, Durban.*



MRS. J. A. NAUDE, of Blythswood Road, Durban, was brought in to the Durban City Hall on this stretcher which she is holding. She picked it up after the American evangelist, the Rev. William Branham, told her last night that she was cured after she had been bedridden for 10 months with internal trouble.



Mrs. J.A NAUDE, uwa ku Blythswood Road, Durban, aikele umutende akasuba mailo, sana sana ukutusha, panuma ya ku ndapwa kwakwe pali Citatu ubushiku na kabila wa mbila nsuma uwa mu America, Rev. William Branham. Panuma yakulala fye pa busanshi pa myeshi 10, ena alimwebele ukwima ukufuma pa busanshi bwakwe ubwa pa nkambi no kwenda. Ilyo ukopa wa "Mercury" aishile mailo asangile Mrs. Naude alebika amaluba, ilyo umwana wakwe umwanakashi, uwa myaka yakufyalwa pabula Annie, alolekeshe, uwansansa pakubwelela kwa ba nyina ku bumi busuma.

Rises From Spinal Cast At Words Of Evangelist

A DURBAN woman who had not walked for four months rose from a plaster spinal cast and, supported by helpers, walked shakily across the City Hall stage last night after the Rev. William Branham had weakly spoken the words: "I have prayed for you. Go — you are cured." The woman, Mrs. M. M. van Niekerk, of Wentworth, has been in hospital for more than four months with spinal tuberculosis.

The City Hall was packed, and an overflow estimated at 3,000 people crowded the city gardens to hear Mr. Branham's words through loudspeakers.

An elderly man in the audience, whose disease Mr. Branham diagnosed as arthritis, was told to rise. He did—and the pain he once felt he felt no more.

"The lady next to you," Mr. Branham went on, "is your wife. And you, Madam, also suffer with arthritis. Rise—you are healed."

Another woman, Mrs. E. Raath, of Fynnland, rushed to the stage with an eight-year-old girl, who, she claimed, had had a squint. Her eyes had become perfectly normal.

Scores of people whom, it is said, doctors had given up for lost clambered on to the stage, declaring that they were no longer ill. "I lost my job because I had tuberculosis," said one. "Tomorrow I shall look for another job."

Cripples Rise From Wheel-Chairs And Walk

SCENES of mass-healing, of cripples and stretcher cases getting up from wheel-chairs and beds and walking, followed a prayer by an American evangelist, the Rev. William Branham, before many thousands at the Greyville Racecourse, Durban, last night.

Mr. Branham, who exhorted all cripples, sick, deaf and dumb people to be healed, was led from the platform sobbing and supported by two helpers. After he made his appeal one small boy, sitting in a wheelchair, staggered to his feet and, with the support of two men, walked towards the platform. One after another others followed until a huge crowd surged forward; crippled women and children threw down crutches and leg-irons; mothers wept as children took a few steps, for some the first in their lives.

A Native rushed forward with his boy, who, he said, had had a twisted foot and body. "I was crying," he told "The Natal Mercury," "when I saw my boy's foot was straight; it was flat. He is whole."

An Indian boy went up to the stage and gave up his crutches

and leg-irons. He walked up and down the steps. A club-footed Indian girl took up her discarded club boot.

One Indian girl, a tuberculosis and meningitis case, had been let out of hospital yesterday morning to attend the service. She was supposed to have gone back but she had not. Instead she went away, healed (she said) with her parents.

A cancer case who had not walked for nine months came to the service on a stretcher, got up and took away her stretcher. An Indian who had had a "locked" ankle for six months told "The Natal Mercury" that he was healed. He had come in the afternoon, he said, with his ankle stiff and immovable. He could now move it easily.

Men were praying over stretchers in cases where patients had not been healed. They prayed and urged the cripples to walk

and the sick to be healed. On the other hand scores of people, mostly non-Europeans, flocked to the platform to testify cures.

In the background stood little Native girls on crutches, people with twisted bodies—smiling for the recovery of others, yet weeping because they had not been so fortunate.

Earlier Mr. Branham dealt with a 17-year-old Indian boy who had been deaf and dumb from birth. He clapped his hands and the boy smiled. The first words that came from his mouth were "Mama," and "Papa."

"I AM HEALED"

Mr. E. C. Dennis (45), of 365a Flower Road, Clairwood, stood on the platform at Greyville, blocking his left ear. He had not heard with his right ear since he was seven.

Another Evangelist, the Rev. F. F. Bosworth, whispered into his right ear, and Mr. Dennis repeated combinations of numbers over a microphone. The crowd, mostly Natives and Indians, cheered as they heard him say: "I am healed."

Ilyo kulongana kwa cungulo takulatendeka, amalyashi yaleisamo pali abo abapokelele ukundapwa kwabo mu kulongana kwa lucelo. Cena tacingacitwa ukulondolola amafya ayengi ayakundapwa ukwine kwine uko kwacitike mu Durban bulya bushiku. Ilyo Munyina Branham amwene ifimonwa fya kundapwa ena asontele abantu no kubeba bena ukutila balyundepwe. Kwaliko abo abatampwile ukufuma muficinga fyabo no kwenda, bamo pa nshita ya kubalilapo mu myaka ingi. Kwaliko ba nkomamatwi na bacibulu abo abamwentwile no kupanga ifiunda fye shiwi ilyo bena bali abalinga ukumfwa pa nshita ya kubalilapo mu bumi bwabo. Kwaliko abana banono abo abashingeluka cena nakalya lelo nombamba abo abali abalinga ukwenda nge fyo bena tabacitapo akale.

Mucine ubu bwali bushiku bukalamba ubwakushibushiwa ukwa bumupashi mu musumba wa Durban. Ukulingana na bakapokola abantu amakana amakumi yasano na fisano ukushinta amakumi mutanda balishile ukumfwa Imbila nsuma mukulundapo ku makana ikumi limo ne myanda isano balya abo babweshe ukufuma kumpongolo pa kukana kwata icipinda muikalamba nganshi kabili icibansa icawamisha mu South Africa. Lesa alilandile ku mitima amakana kabili alibalengele bena ukwisa ukumfwa Imbila nsuma no kupokelele ukundapwa pali fyonse fibili umweo no mubili.

Mu ya mu January-March iyaba "Standard Bearer," iyalembelwe mu Durban, natukwata amalyashi ukufuma kuli bakacema batatu aba cilye cifulo. Aya malyashi tayapele fye icikope icisuma nganshi icakulongana mu Durban lelo itontokanyo ilya lyonse ilya musonkano onse.

ICIPEMPU ICICALAMBA ICA MU SOUTH AFRICA

*Na Kacema A. H. Cooper, Chairman,
Durban Branham Committee*

Ilyo Rev. Wm. Branham nabo ababomba nankwe, Rev. W. J. Ern Baxter kabili na Rev. F. F. Bosworth, batendeke ukulongana kwabo ukwa Misonkano ya Kundapwa kwa Bulesa mu South Africa, pa 4 October, te bengi abantu abaenekele ukusela kwa bumupashi uko kwakonkele bukapyunga bwabo. Mucine, Shikulu nacita ifingi ukucila pa kulomba kwesu no kutontokanya.

Takwatala akubapo ukulongana kwa musango ifi ukucitwa muli cino calo. Tapatala apabapo imyeo ingi nganshi ukuseshiwa ukulola kuli Lesa atemwa ukusangulwa mu nshita iipi nganshi. Tapatala ukubapo ifilangisho fya musango ifi ifya kupapusha kwakwa Lesa na maka ya kundapa ukutala ukumonekapo, kabili caba ukushinina kwa bengi ukutila amaka ayapulamo aya bumupashi aya misonkano yabo yali no kutwalilila mucine cine.

Mumisonkano yonse bukapyunga bwa fya kupapusha fyali palwalala. Ukusunga ilyashi ilya abo abaundepwe lyali kunse ka lipusho, lelo imyanda pa myanda balyumfwile ukundapa kwakwa Kristu, kabili batumine amabunte yabo. Impendwa ingi bakwete ukundapwa ukwabula umuntu ukubakumyamo.

Cila musonkano, kwasangilweko amakana na makana, ukucilapo nganshi no kwenekela ukwapulishamo ukwa bantu mu misumba iyapusana pusana iyatandalilwe. Abengi nganshi abantu 10,000 atemwa ukucilapo balisangilweko cila nshita ya bushiku ukulongana kwa ku Johannesburg pa Maranatha Park. Mu musumba uuli onse ifikulwa ifikalamba nganshi fyashininkishe umupwilapo ukukanaba ifyalinga ukwikalikamo ukulongana kwa cintu bwingi.

Akasuba nakasuba, imyanda ya baume na banakashi mukulongana ukwapusana pusana basumine Kristu nga Shikulu wabo na Kapususha pa mulandu wa kushimikila kwa cishinka no kusunkanya imyeo ukwa kwa kabila wa Mbila nsuma Baxter; imbila shakwe ishapatwamo ku Benakristu ifwe bonse tatwakatale ukulabako.

Nangula ifwe tukalabako ukusambilishiwa ukusuma ukwa ulya Umutumwa wa Citetekelo, Rev. Bosworth, uko kwabombele iciputulwa icikankala mu musonkano uuli onse, mukulenga no kukoselesha isubilo muli Shinga'nga Umukalamba. Nakabili nakabili, muli bukapyunga bwakwe, ifwe twalimwene imipashi ya bunkomamatwi ukutamfiwa ne filundwa fya mukutwi ukulengwa. Takwali ubwafya bwa malwele ubwanenwishe ukupimpa kwa citetekelo ica iyi nkangalume. Ena alibombele ukwabula ukuleka kabili ifwe mucine twalisambilishiwe ukutemwa wene.

BUKAPYUNGA BWAKWA MUNYINA BRANHAM

Calilandwa bwino nganshi ukutila kulyo kuibela muli bukapyunga bwakwa Munyina Branham caba icabupe icakupapusha ico cimwafwilisha wene ukwishiba no kulingulula amalwele ayo abantu bakwete. Uku kumonekela kwaba icipendo umwanda umo ukupwililika. Caba icakutwalilila kabili cintu cakupapusha. Pantu Munyina Branham, ku Mupashi wakwa Lesa, aba uwalinga ukwishiba mukashita akanini, ukwabula ukulufyanya, ico inshita shimo mu milungu fye iya kucencentu mu clinic bengaba abalinga ukulangisha. Ici e cishibilo icapulamo, ukushininkisha ukutila Lesa alepempula abantu Bakwe.

Nalyo line icikalamba icaishibikwa nganshi kabili ukumonekela ukwa ili line ukwacilamo muli bukapyunga bwakwa Munyina Branham caba cabupe cakwe ica Kulingulula kabili Cebo ca Kwishiba, ico cimulenga wene ilyo

ali uwasubwa ilyo line ukweba abantu inkama sha mitima yabo. Inshita shimo kulaba imembu isho abantu bafisa kabili isho ishishatumbulwa, isho shicingilila bena ukupokelela ukundapwa kwabo. Uku kulingulula ukwa kupapusha, limo kwamonekele muli bukapyunga bwakwa Kristu na Elisha, kwaba ukwashika, ukwaibela, kabili ukwabukata; imibombele ya kwena ileta umupashi wa katina mukulongana, kabili mucine kulatwala ulemonako ukumubwekesha ku shakupapusha inshiku sha Baibele.

Ukukana sosa amaka ayali yonse ayakwe umwine ukundapa, tatala nangu limo ukufilwa ukusontelela abaume na nabanakashi kuli Shikulu Yesu. Bakapyunga bafilonganano ifyapusana pusana balesangwako mukulongana—bamo balicetekele kabili balipalilwe nganshi, kabili bambi nakabili tabatetekele kabili bena nomba balesusha.


ILYASHI LYAKALE ILYA MUSONKANO WA KU DURBAN

Ilyashi lyakale ilya lukuta lyacitilwe pa bushiku bwakulekelesha ubwa musonkano ilyo mupepi ba Nsamya 45,000, abekalacalo na ba Ngeleshi balongene capamo mukulongana kwa cungulo pa Race Course. Bamo bapendele impendwa ikalamba. Inshita itali ilyo kulongana takulatendeka impongolo shaliselwe kabili amakana bashilwe kunse mu misebo. Mukulongana kwa lucelo mupepi 25,000 epo bali kabili mucungulo bushiku 23,000—ukulingana ne mpendwa iyapendwa bwino ku basabankanya ilyashi. Kabili ishi mpendwa ishakupapusha shalishipikishe—pa ma ora—icikabilila icakoca nganshi, ukukonkapo no mwela wa nkuka kabili panuma ne mfula. Tabakatale, tabakatale abo abakwete ishuko ukusangwako muli uku ukulongana ukulabako imimonekele iyakatina iyaputwamo, napamo ifyacitike ifya bukata ifyo fyakonkelepo.

Amaka ya bumupashi mu Durban aya ishi nshiku shisano ishawama isha kulongana yalyumfwika ku makana aya baume na banakashi muciputulwa icili conse ica bumi. South Africa tayatala ishibapo icili conse nga cena.

Ukulongana ukwacitilwe fye ku ba Ngeleshi beka kwacitilwe mu City Hall. Mwaliswile ukufikapo no lukuta impendwa mupepi 4,000, kabili imyanda ne myanda ukwiminina panse ukukutika ukupitila mufyakusabankanishako. Nangula kwali imfula, abengi muli bena balikele mpaka ku mpela ya kulongana kabili na maboko yabo pa mulu, balyampene ne bumba ilikalamba mukati ka balya abasumine Kristu nga Shikulu wabo na Kapususha.

Ubukata kuli Lesa mu Myulu. Takuli amashiwi ayakwa kalemba ayengalondolola ukutasha kwa bamakana abo abatungulwile kuli Kristu mu nshita ya uyu musonkano naimbi.



Icikope na Lynn Acutt

Imimonekele ya ulubali lumo kulongana kwa ku Durban uko kwacihike iyyashi iyonse iyafumako iyya baliko.



Iciko pe na Gorven

Iciputulwa cabashali aba Ngeleshi pa kulongana kwa pa Mulungu icungulo ku Durban.

UKUNDAPWA KWA CINTUBWINGI

Imo imimonekele ya kupapusha iya misonkano yali ukundapwa kwa cintubwingi. Munyina Branham ilingi line alekonkomesha abantu ukubika indupi shabo pali cila umo no mubiye mwi shina ilyapulamo ilyakwa Yesu no kulomba ukupokololwa kuli abo abalecushiwa mu mubili. Amapepo yakwe aya cikuku ayo ayakonkelepo yaleensha nganshi abantu kucitetekelo muli Lesa. Bena baleundapwa apo pene ku malwele ayapusana pusana no kucushiwa—ba nkomamatwi baleumfwa, abalemana balyendele kabili impofu shalimwene. *Ukupapusha!*

Ico cili icawamisha fye caba ukutila kulyo kundapa ukwapulamo kucili kulecitika—ukulingana na ma bunte kalemba alepokelela cila bushiku. Kuli Shikulwifwe uwa buka na Kapususha ifwe mukupetama tulepela umucinshi onse, amalumbo no bukata.

“Tetekela fye, tetekela fye, fyonse filacitwa, tetekela fye” lwali ulufungulo ulwacila musonkano kabili nangula imyaka 1900 yalipitapo ilyo yena yalandilwe na Kristu uwa Kalbale, amakana imintapendwa mu South Africa nabashibushiwa ku cishinka cakutila yena yali fye ayacine ilelo nge fyo yena yalandilwe pakubala.

UMUSONKANO WAKWA BRANHAM KU DURBAN

Na Kacema John F. Wooderson

“Pantu tawaishibe ubushiku bwacipempu cobe . . . inga’nda yobe yashala icipompa . . .” Ukulanda ku lukuta lwandi lwine pa nshiku shapa mulungu shibili ilyo Musonkano wa Kundapa wakwa Branham wali no kutendeka mu Durban, naliisangile ne mwine, ilyo nalelanda pa malembo ayalandilwe, ukupatikishiwa na Mupashi wa Mushilo ukulanda iyi nsoselo: “Ifwe ili line tulingile ukukwata ico ndetetekela cili no kuba icipempu icakupapusha icakwa Lesa Impalume kuli uno musumba. Mwileka cilandwe ku uuli onse uwa muli imwe, ‘Iwe tawaishibe icipempu ca bushiku bobo . . .’ Iseni mumulongo wa mapalo! Kabili nga Lesa alesala ukubomfya imwe mu nshita sha nshiku ishinono ishilekonkapo, ibikenipo mwebene onse fye kukubomfiwa na Ena.”

Ukupempula kwakwa Munyina William Branham pamo na banankwe, Munyina Baxter na Munyina Bosworth, kwashininkishe mucine inshita yakwa Lesa iya kupempula ku musumba wesu uwaemba. INSHIKU FYE SHISANO SHEKA . . . lelo inshiku shisano ishishakatale ukulabwako na makana pa makana ya baume na banakashi. Cena tacingacitwa ukupenda nangula akacepesha pali ifyo fyafikilishiwe muli



Icikope na Lynn Acutt

*Umulumendo Nsamyia uyo waundepwe apo
pene mwibumba ku kulu ukwabulebe kabili ukwipi.*

ilya nshita inono. Ukusondolwela fyonse—uyu musumba wapokelele ukusela ukukalamba nganshi ukwa bumupashi wena tawatala ukwishibapo.

Nangula kwaliko ukupekanya ukwine kwine pa milungu ingi palwa kulongana . . . ifya kusabankanishishapo ifikalamba fyabikilwe mu musumba onse, ba motoka ukuli konse ukusenda ifyalembwapo nge nshila iya kusabankanishishako . . . lelo nombamba tacali ukulongana kwa kubalilapo kwacitilwe mu City Hall pali Citatu icungulo, 21 November, ilyo abekalacalo aba ku Durban bailwike icintu cimo icabela calicitika. City Hall ukuba iyaisula na mabumba tacingacitwa ukukwata ukwingila mukulongana kwa bukapepa—kabili ukutila mukati ka mulungu icungulo, cali icintu cimo icishatala acicitikapo. Ilyashi lyasalengene ngo mulilo wa mwibala! Lilya mucungulo bushiku, kunse ka kulingana na bantu 4,000 *mukati* ka cikulwa, impendwa yalipendelwe kuli bakalemba we lyashi abacilya cifulo pali nalimo 2,000 abaiminine *panse* ukukutika kukulongana ukupitila mufyakubomfya ifya mibombebele yakulandilapo pa cintubwingi. Kabili nangula Durban yakwete inkuka iya nkuba iyabipa lilya mubushiku, abengi balikele mukati ka mfula iyalepongoloka, ukwikatwa na maka ya Cebo cakwa Lesa icalepyungilwa na Kabila wa mbila nsuma W. J. Ern Baxter. Ici cali kano kutendeka! Kabili ico cakonkelepo caba icakosa ukulondolola! Icishininkisho ca Cebo cakwa Lesa ne fishibilo ne fipapwa, ilyo abalwele bapepelwe muli kulyo kulongana kwa kubalilapo, kwalengele ukwenshiwa ukwapalana na kulya ukwacitike mu nshita ya bukapyunga bwa pe sonde ubwakwa Shikulu Yesu.

Ukufuma kuntendekelo cali palwalala kuli bonse ukutila ukukomaila ukukalamba kwali pe pusukilo lya mweo. “Imwe kuti mwaya ku Mulu no mubili uwalwala, lelo imwe tekuti muye kulya no mweo uwalwala,” eflyo asosele umubomfi wakwa Lesa mukwakwe ukwa maka, ukwakukaka kabili ukwa kushinina ukwa mipelele ya Cine. Kabili ukwabula ukusobolola ibumba, umutundu atemwa imimonekele, abaume nabanakashi balilengelwe ukwishiba ukutila kwaba fye inshila IMO, kabili ilya yali ni NSHILA YAKWA LESA . . . ukupitila mucitetekelo muli Shikulu Yesu Kristu . . . umo bena bengapusushiwa. Tacali icakusunguka lyena ukutila cila nshita ishuko lyalipelwe ukusala pali Kristu, abengi baiminine pa nkasa shabo kabili mukufwaisha baimishe amaboko yabo ukupokelela ikadi lyakusala. Ifyo kwali ukucenenta ukwapulamo ukwa mutima ukwakusela ukwa Mupashi wakwa Lesa ukwacitike! Abengi ukutula lilya balipele ubunte kucishinka icakutila nangula bena balishile mukulongana ne fyakukabila fyabo ifya kumbibili, ifi fyalilabilweko umupwilapo ukupitila muli kampingu wa lubembu no kushininwa uko kwaishile kuli bena. LESA ALI PALYA, kabili BENA BALISHIBE CENA! Ine palwandi nalilanshanya na bantu abengi ukucila ifyo

ningebukisha abo abali nomba “ifibumbwa ifipya muli Kristu Yesu”... ukupilibulwa bwino nganshi no kufyalwa libili ku Mupashi wakwa Lesa. Balinjiminike kuli umo kalemba we lyashi mumusebo kabili alinjebele ifi: “Mr. Wooderson, munyinane uyo wali ‘umukali nganshi’ umusenshi alipilibulwa ubusaka. Ine tekuti ncile pali cena, kabili nga Mr. Branham kuti aisa fye ku musumba kuli ico cacitike kuli wene... cali icayana nganshi.” **KABILI ICI CIPUTULWA ICA MUSONKANO WAKWA BRANHAM** caleta kuli ifwe ilyano lyashika ilyakutasha kuli Lesa kucipempu cababomfi Bakwe.



Icikope na Lynn Acutt

Aya mabashi “Ayasuma” yalelotelela ukusenda amabumba kunga’nda ukufuma ku race course. Durban waba musumba ukalamba kabili walikwata ayengi aya Municipale na mabashi ayo baikwatila lelo takwali babashi abalinga mu Durban monse ukusendelamo abantu bonse.

Lelo tacaba fye **BUKAPYUNGA BWAIFYA KUPAPUSHA** ukupelwa ku bantu na Lesa muli ishi nshiku ico cabe cintu icikankala nganshi kabili amaka ayapulamo mukushibusha kwa bumupashi ukwa nko she sonde? Bushe ubu te kwasuko bwakwa Lesa ku nshita ya basula, ukukana tetekela no kutwishika? Ukupitila muli bukapyunga ubwacindikwa na Lesa ubwakwa Munyina William Branham ifikope fyakupapusha nganshi fyalimoneke. Umo tekuti akanye kano ukwibukishiwa pa nshiku sha mu Cipingo Cipyu. Ukufuma ukuli konse abalwele balishile... ne misango yonse iyakucushiwa... bamo pa finkonto, ificinga, na macila. Icabupe icakupapusha icakwete umubomfi wakwa Lesa, ico calangishiwe mukulondolola kwa malwele ya baume na banakashi, capamo no kupetama kwakwe nganshi ne

cikuku icapulishamo kubantu abalecula cali cishininkisho icakushinina ukutila ena mucine ali “UMUNTU UWATUMWA UKUFUMA KULI LESA.” Tatwakatale ukulabako yalya mapepo ayo ayafumine mukati na nkati aka mweo wakwe, ilyo ena akutile pali Lesa “ukukwata uluse pali aba bantu aba busu NO KUBONDAPA BENA.” Kabili ilyo ena alepepa, ubwasuko bwalishile! Pali konse kulya kulongana ukukalamba abaume na banakashi balipokolwelwe ukufuma ku maka yakwa Satana mu mibili yabo. Imbafu ishaongama shalyolwelwe, impofu shalimwene, ba nkomamatwi balyumfwile. Impwalonda, fimumena, amalwele ya mutima yalyundepwe mwi shina lyakwa Yesu. Munyina Branham mucishinka asontelele ku mabumba yakwe ayakalamba ku ntulo fye yeka iyakundapa, kabili tatalile ukufilwa ukukanya itontonkanyo ukutila ena takwete amaka nangu yamo ukundapa.

Ukusambilisha bwino bwino pa kundapwa kwa Bulesa ukwapelwe na Munyina F. F. Bosworth, uo ifwe twasumina nga pioneer uwa mu 20th century uwa bukapyunga ubwafyakupapusha, ali putilemo nokupalamika icitetekelo cabengi. Icitetekelo cakwe ica bulo kutwishika ukupepela ba nkomamatwi kabili ifyacitike ifyo fyakonkelepo fyaishileba icakwafwilisha ku makana ukusubila Lesa pa kundapwa kwabo.

Ilyashi lya kale lyalicitilwe mu Durban pa Mulungu, 25 November, ubushiku bwakwisala ubwa musonkano. Ico camoneke cali umupwilapo ukucila ukusubila kwa ifwe bonse. Pa Greyville Race Course Stadium (mucikuku ukupelwa kuli ifwe pa ya 22 na 25 November) ukwapulishamo ukulongana kwe sonde lyonse ukwatalile ukucitwa muli cino calo kwalicitike. Cilolo uwa mu Race Course bwino bwino nganshi apendele ibumba mupepi na 40,000! Iyi mpendwa tayabikileko amakana abo abaiminine panse, abafililwe ukwingila mukati. Amakana na makana ya ba Nsamya na bekalacalo baliminine mukasuba konse ukufuma ilyo faifi a.m. tailakumana mukweshiwa kwa cilamo ukwa mibele ya mwela. . . ukukaba ukwapulamo mulucelo, inkuka iyabipisha mucungulo, kabili imfula mucungulo bushiku. Lelo nangula ni bena napamo abengi amakana aba Ngeleshi tabasunkanishiwe kuli ifi fintu. Mu kasuba konseponse pali ukufubana ukwapulamo ukwa bantu Lesa aleundapa abalwele. Ukuya kulya ku ciputulwa ca bekalacalo, uko Munyina Branham talemoneka nangu panono, ifipeshamano ifya kupapusha nganshi fyalibilishiwe. Ilyo umwela walepupa kabili ne mfula yaleloka, abaume na banakashi bakutike no kusekelela nganshi kuli bukapyunga ubwa kusunkanya umweo uwa babomfi bakwa Lesa. Ni cinshi icingaleta fyonse ifi kano ICIPEMPU ICAPULAMO ICAKWA LESA UMWINE KULI UNO MUSUMBA! Takwatala akumfwikapo ukwimba kwa ifi ilyo kwaiswile mwela ilyo Munyina Baxter aletungulula

ulukuta ulukalamba nganshi mulwakwe ulwawamisha ulu alepela ulwa ulu lwaishibikwa ulwimbo, “Yesu, Yesu, Yesu, Ishina Ilyawamisha naishiba; Lilesusha ukukabila kwandi konse, Lilanenga ukwimba ilyo ndeya.” Ifyalembwa fye fyeka ifya ku Mulu fikasokolola ifyo fyacitike pali bulya ubwa kwibukisha, ubushiku ubushingapashaniwa. Amakana balisumine Kristu nga Kapususha wabo, ukulangisha cena no kuboko ukwaimishiwa, kabili impendwa ikalamba bapokelele ukundapwa ku mibili yabo. Ukwimba ukwa lwimbo lwa kale, “Mube na ine, yalepona bwangu amatamba yacungulo,” kwali ukwapulishamo ukwa bukata ukulongana ukukalamba nganshi ukwatalile ukucitwa mu South Africa.

Cali ne myumfwile iyapusana pusana ukutila ifwe twalilongene akasuba akakonkelepo pa cibansa ca ndeke. Ilyo Munyina Branham ne bumba lyakwe bali mupepi no kunina indeke iyi mbila ilekonkapo yalipelwe kuli bena pa fya kubilishishapo; “Ukwita . . . Rev. Branham, Rev. Baxter, Rev. Bosworth na Billy Branham! Akabungwe ku Durban akakwa Branham, ukwimininako abekalacalo aba mu Durban, balefwaya ukulangisha ukutotela kwabo ukwa cishinka kuli Lesa kabili na kuli imwe, ababomfi Bakwe, pa cipempu cenu kuli uno musumba kabili na mapalo ayaletwa ku bengi amakana ukupitila muli cena; kabili tulepepa ukutila Shikulu ala mupela imwe inkumbu sha bulendo no kumubweshwa imwe kuli ifwe.” Kabili ilyo kuli ukupitulukamo fye ifyo kutandala kwa babomfi Bakwe kwapilibula mucine cine kuli uno musumba, ifwe tuleumfwa ukutila amashiwi ayalondolwele pa mulu tayafulile nganshi.

Ibumba lyakwa Branham lyalile . . . **LELO MULIMO WALITWALILE!** Ukwishiba ukwapulamo ukwa fyacitike pa nshiku shisano ishafumako kwaishile pali ifwe. Umusumba walisunkanishiwe! Cila ciputulwa ca mubekashi balyumfwile amaka ayapulamo aya ici cipempu cakwa Lesa. Kulya kwamoneke ukubako isambililo lyelyashi limo. Abaume na banakashi abo pali ilya nshita tabakwete itontonkanyo pali Lesa atemwa amabulayo Yakwe baishileba abakwipusha abafwaisha. Mu nshila imbi ishiwi lyabakasusha lyaisihilekulilako, kabili nga lyonse, takwali ukuposako amano ukufumyapo ukwebaula kwabo no kusenteka. Lelo no ku kususha kwaliko ama bunte ayengi ayaleisamo ukufuma mufifulo fyonse, palwa ku mubili na mapalo ya bumupashi ayapokelelwe . . . mpaka, nga mu bushiku bwakwa Kristu, “Kwaliko ukupatukana pakati ka bantu”; bamo balitetekele, bambi tabacitile. Ushatetekela lyonse akasanga cilya ico cili no kwafwilisha ukukanatetekela kwakwe. Lelo Shikulu Yesu Kristu atile: “Fyonse filacitwa kuli uyo uwatetekela.” Kabili ilyo amakana baimbile amashiwi aya lulyo lwimbo ulwatemwikwa nganshi, “Tetekela fye, tetekela fye, fyonse

fintu filacitwa, Tetekela fye"...ABENGI baimishe ukuboko kwacitetekelo, "bakumishe itelo lyelaya Lyakwe," kabili balengelwe abatuntulu.

INSHIKU SHISANO ISHAKUPUPUTULWA ISHI SHAKALABWEKO

Na Kacema H. W. Oglivie

Owe, pa cilembelo icakwa kalemba uwaiteyanya! Mukweshu ukulondolola ukwa ili line Umusonkano wa Kundapa uwakwa Branham uwacitilwe mu Durban ukufuma November 21 ukushinta 25, 1951, umo kuti atemwa ukukwata amashiwi aya fya kupapusha ukulondolola bukapyunga bwakupapusha ubwakwa Shikulu pakati ka bantu. Ici cipempu icaishibikwa icakwa Lesa, pamo ne fyalembwa ifyakupapusha ifya ma bumba ayo ayaiswile City Hall kabili na Greyville Race Course, calengele ukutandala kwakwa Munyina Branham nabalya abomba nankwe ukukanalabwako.

Cili icapendwa ukutila ba Nsamya 50,000, abekalacalo na ba Ngeleshi balisangilweko mukulongana kwa pa Mulungu icungulo—impendwa ikalamba nganshi iya bantu iyatala ukulongana palwa kulongana kwa bukapepa mu South Africa. Ibumba lya Kupuputulwa lyalisumina ukutila bena tabatala monapo icintu icili conse nga cena. "Lesu musuma!" "Cena caliwamisha!" Kwali ukulanda ukwaumfwike ukuli conse. City Hall yonse yali inono nganshi, kabili nangula incende naimbi iyakwikalapo tayali iyalinga. Mubutuntulu amakana bali abashalinga ukukwata ukwingila. Nangu cibe fyo, ifyakulandilamo fyalibikilwe kukwafwilisha abo abali panse kabili cali icikope icaputwamo ukumona abengi nganshi muli bena ukumona ukwimya amaboko yabo ilyo bwite bwapelwe palwa kusala Kristu.

Ifikalamba fyali filangisho fya maka aya kundapa ayakwa Lesa kabili abengi na malwele ayashalepola balyundepwe ukwabula indupi ukubikwa pali bena; ba nkomamatwi balyumfwile, abalemana balyundepwe! Bambi balifumishe ifyakufwala fyafyela ukufuma ku molu yabo kabili bambi nakabili baikete ifinkonto fyabo mu maboko yabo ilyo baleenda uku no ku ukulangisha ukundapwa kwabo. Elyo pali balya abo abasangalele kukulengwa cipya cipya ukwa cilundwa cipya ica mukutwi no kulumbwala ukutila bena kuti baumfwa ukutotsha ukwacepesha. Mucine, amaka yakwa Lesa ayapulamo yacila ukwiluka kwa muntu. Aleluya!

Amakana aya bantu mu Durban na District tabakatale ukuba cimo cine nakabili panuma yakusangwako kuli kulyo kulongana ukwawamisha. Ukushimikila ukwa maka ukwakwa

Munyina Baxter, ukusambilisha ukwashika ukwakwa Munyina Bosworth, kabili bukapyunga bwacikuku ubwakwa Munyina Branham nafipilibula imyeo, ukuputulaula amabufwayo aya bucintomfwa, ukubwekesha ababwelela kunuma, ukufumyapo ifilumba, ukupuputula icitetekelo no kusubila muli Lesa na mu Cebo Cakwe. Abengi abo ababombele ulubembu na Satana nombamba balabombela Shikulu. Abengi abo abapontele ishina lyakwa Yesu nombamba baleimba amalumbo Yakwe.

“Yesu, Yesu, Yesu,
Ishina ilyawamisha naishiba,
Lilesusha ukukabila kwandi konse,
Lilanenga ukwimba ilyo ndeya.”

* * *

Ilyo twali tucili mu South Africa ukwambula kwa matepu kwalicitilwe mukulongana ukwingi. Aya matepu yashilwe kuli Sydney Smith uwaku Durban uyo wa ashime yena kuuli onse uyo walefwaya ukubomfya yena ku ya ci Ngeleshi atemwa ukulongana ukushali kwa ci Ngeleshi. Pano ninkwata iciputulwa ca nkalata ico ena antumine kabili nalabelenga: “Twalipele ukwambula kwakubalilapo ukwa kulongana kwakwa Branham mailo ubushiku pa Full Gospel Church mu Wentworth, kabili nangula yalepongoloka ne mfula yali ni nshita ya bushiku ikalamba nganshi ndetontokanya ulukuta lwatalile ukukwata. Uku kulongana kwa matepu ayayambulwa yaibukishe abantu ukutila nangula Munyina Branham alile ku States, lelo nombamba ishiwi lyakwe talyaya iyo. Bena kuti baba abalinga ukwisa no kumfwa amaapepo ayapulamo ayo Munyina Branham apepele mukupapatila abalwele, kuli fyonse fibili umubili no mweo.”

Panuma yakwisala kwa kulongana mu Durban, William Branham, Ern Baxter, na Billy Paul Branham baile mundeke ku Salisbury, Southern Rhodesia, no kukwata ukulongana kulya November 28 na 29. Amalyashi ya kulongana yalangishe ukutila shilye nshiku shibili shashininkishe ukuba ipalo kubengi amakana. Abantu imyanda baishilemo ukufuma ku ncende ishapusana pusana isha Southern na Northern Rhodesia abo abafililwe ukusangwa mukulongana mu South Africa.

Pali ilya nshita, Munyina Bosworth na ine twaile ku Pretoria, uko ena apyungile ku bantu, ukushimikila itatu atemwa imiku ine mukasuba kamo. Pretoria e musumba ukalamba uwafya ncito iya Nko kabili walibomba iciputulwa icikankala nganshi mwi lyashi ilya kale ilya South Africa. Ukucila umwanda umo uwapitapo walibikilwe na ba Boer Trekkers abo abaishile ukufuma ku Cape, pa kusunkilwa ukulola ku kapinda ka ku kulyo ku bekashi abapya ukufuma ku Europe. Mupepi na Pretoria paba

icikalamba kabili icimpashanya icaemba icaishibikwa nga Voortrekkers Monument. Umulongo wa mabwe aya emba ayabaswa yalalanda ilyashi lya kale ilya Kwenda ukufuma ku Cape Colony. Umo tekuti akanye lelo ukupapa no kwiminina mukatina, ukwishiba umutengo uo ishi ntungulushi shalipilepo mukwisula mukati ka Southern Africa ku mutundu waba buta. Ici cimpashanya cakulwa ukukonkelela icipasho ca fipailo ifyo fyakulilwe mu nshita yakwa Abraham. Ukupalana kwalilengwa pakati ka kuya kwakwa Abraham ukufuma ku Ur uwaba Kaudi kuli kulyo kwaba Vootrekkers abo abafumine ku Capetown no kuya mukufwaya icalo cipy. Takwaba icimpashanya icipilibula ifingi ku bantu aba cena ukucila ifyo ici cimpashanya cipilibula kuba Africaan aba mu South Africa.

A Recording of a Complete
Healing Service by

**WILLIAM
BRANHAM**

(A Man Sent From God)
will be given at the

**Divine Healing
Service**

in the
**FULL GOSPEL
CHURCH
WENTWORTH**
(7 Brighton Road, Jacobs)

TO-NIGHT (SUNDAY)
7 p.m.

For those who did not hear Rev. Branham this is an opportunity to do so. Come and hear the mighty prayer that healed the sick, blessed the stricken and cast out all manner of evils.

NOTE: At the conclusion of the recording the Healing Ministry of the "Laying on of Hands" (Jms. 15.4) will be administered to the sick in Jesus's Name.

**COME BELIEVING . . .
GO AWAY WITH HEALING !**

67M2

Iciputulwa ce pepala lyelyashi ukusabankanya Ukulongana kwakwa Branham ukupitila mukwambula kwa tepu.

Munyina Branham, Munyina Baxter, na Billy Paul balibwelele ukufuma ku Salisbury mu nshita pa kulongana kwa cungulo bushiku pa Pretoria pa Cibelushi ubushiku. Ukupekanya ukusuma kwalicitilwe nakabungwe ka cilya cifulo. Abantu balisambilishiwe bwino kabili necitetekelo no kwenekela balikutike sana ku mbila na Munyina Baxter elyo kabili Munyina Branham.

Pa Mulungu bwali bushiku bumbi ubwa bengi basangile Kristu nga Kapususha wabo kabili baliipele abene ukundapwa kwa ku mubili ico caba iciputulwa ica Cikonsolwelo icakwa Kristu. Ukulongana kwesu pa Fairgrounds mu Pretoria kwaiselwe pa Mulungu ubushiku, 2 December, mupepi fye na bantu 10,000 abasangilweko.

Ili e lyashi ukufuma kuli Munyina Gschwend ukukuma ku fyacitike uko uku kulongana kwakwete pakati ka bekalalalo.

“Cindika Shikulu, We mutima wandi, kabili wilabako ifya kutesa Fyakwe fyonse; E ulekelela amampulu yobe yonse; E



Iciputulwa icinono nganshi ice bumba pa kulongana kwa pa Cibelushi icungulo bushiku.

uposha amalwele yobe yonse; E ulubula umweo obe ku nindi; E ukufwika ku mutwe uluse ne nkumbu; E wikusha akanwa kobe ifisuma; ukuti ubwaice bobbe bulengwe cipya cipya ngakapumpe” (Amalumbo 103:2-5).

Cili no mutima uwaisulamo ukutasha ukutila ifwe tulepela ubuntu pa mapalo ayapokelelwe ukupitila muli bukapyunga bwe Bumba lyakwa Branham. Cali mucine cine icipempu cakwa Lesa ukupitila mu babomfi Bakwe abakwete ifyabupe. Nangula bukapyunga bwabo ku cintubwingi cabekalalalo bwali panono ukupitila ku milimo yabo ku mabumba ya ci Ngeleshi ifwe tuletotela Lesa ukutila amaka Yakwe tayali ayaapelela! Ifwe twalitungulwilwe ukutendeka no kulongana

kwe tenti ilikalamba pa 28 November, icali pa kutendeka kwine kwali abaishilesangwako abengi nganshi. Cila lucelo pa six koloko imyanda ingi iya baume na banakashu balilongene ukukwata amapepo. Ukulongana kwa mukasuba ne cungulo bushiku kwalisangilweko amabumba ayakalamba nganshi ayo ifwe tatwatata ukumonapo muli ishi ncende. Ama bumba yakulile ukucila 6,000 (nangula bambi bapendele impendwa ukuba iyapulamo). Ama tenti yane ayakalamba yaliminikwe, limo mwaikela ba Nsamyana na Basweshi abali ku Pretoria.

Icungulo cine icakubalilapo ilyo Munyina Bosworth apyungile, Lesa apalile bukapyunga bwa mubomfi Wakwe uwa cishinka mumusango uwawamisha nganshi. Ukushimikila kwa Cebo mucine kwasangile umwinshi mu mitima yabakomfwa, ukulenga icitetekelo pa kundapwa kwa mibili yabo ukupitila muli Kristu Yesu. Panuma yakupepa ne mpendwa ya bamo abalwele, pakati pali bamo ba nkomamatwi na bacibulu, bonse balyundepwe apo pene kano ukufumyapo umo uyo, nangu cibe fy, ifwe tulesubila nalyo line kuti aundapwa. Ici, mucine, caletele icitetekelo kubaleumfwa ku mulingo nalyo line uwasansama. Elyo Munyina Bosworth apilibukile ukupepela icintubwingi, ukubeba bena ukubika indupi shabo kucitetekelo pa ciputulwa cabulwele ica mubili wabo, kabili ilyo bena baampene mwipepo pamo nankwe, Lesa munkumbu Shakwe ishawamisha akumisha imibili ingi iyalwala no kundapa bena apo pene.

Umo umwaume uwali mpofu umupwilapo uyo wali uwapofula pa myaka ikumi limo na cinelubali kabili umunankwe uwacipatala ica bapofula ica bekalacalo mukupumikisha atendeke ukulumbanya Lesa ukubilikisha, “Kea bona, kea bona”— (Kuti namona! Kuti namona!) Kabili ukutotela kube kuli Lesa ena acili alemona ilelo. Umukashana nkomamatwi kabili cibulu nalimo imyaka yakufyalwa ikumi limo apokelele ukumfwa kwakwe elyo kabili no kulanda



*Bakapokola abekalacalo abo abatungulwile
amabumba pa kulongana kwa bekalacalo mu Pretoria.*

kwakwe, nangula ukukanatala ukulandapo akale ena aishilesambilila ukulondolola amashiwi, lelo alisambilile bwangu bwangu. Umwanakashi uyo wali uwabulebe kulubali lumo pa myaka amakumi yane, kabili ena alefilwa ukulala kuli lulya lubali, nangula ena kuti abomfya amaboko yakwe, aisangile umwine nasendamina kulubali ulwalemana ulucelo ulwakonkelepo panuma ilyo ena aundepwe akasuba akafumineko, kabili nacimbi aishilekwata amaka ukubomfya amaboko yakwe. Umo pali bakabila wa mbila nsuma besu aishile uwaisulamo ukusangalala, ukulumbanya Lesa, ukutweba ifwe ukutila ena aliletele abantu bane abalwele, kabili bena bonse balyundepwe! Umo ali ni nkomamatwi, umbi ukucila imyaka ikumi limo akwete umukoshi uwafimba no mukolomino, ico calengele wene ukumfwa ubukali nganshi no kumusompwela wene ukulanda kwakwe, lelo ena taundepwe mukupwililika, kunge ka bambi na mafya ya mukati. Umo pa ba bomfi besu umwikalacalo alikwete cimumena mwifumo lyakwe pa myaka ingi, kabili abafyashi bakwe balilipile inama shitatu kuli bashinga'nga pakundapa ena ukwabula ukukwatako ubwafwilisho ubuli bonse. Ena balimwebele kuli ba doctor aba Ngeleshi ukukwata ukutumbulwa, lelo ena atetekele Lesa. Nomba Lesa ali mukumenye ena pa kulongana kwa kubalilapo kwa kundapa kwa Bulesa ilyo cimumena cakwe cafuminepo, pali co ifwe tuletasha Lesa.

Umukalamba umwanakashi uwapofula umupwilapo apokelele ukumona kwakwe, icakutila ena nomba kuti abomba umulimo wakwe nakabili, ukulumbanya Lesa. Umwanakashi umbi alilipile icaili line fye ama pound amakumi yatatu na fisano ne ngo'mbe iyabuta kuli umu uwabashinga'nga umwikalacalo, lelo ali no mwenso ukutila ubundapishi bwakwe kuti bwaipayaya ukucila ukundapa ena. Pa kumfwa palwa uku kulongana ukwawama, ena alibutwike ukwisa no kukutika ku fyo Lesa engacita. Lesa ali mukumenye wene no kundapa wene ku mafya yakwe yonse aya mukati, kabili ena alyundapwa umupwilapo. Umo umwanakashi uyo wali uwapofula mwilinsu lyakwe kabili nkomamatwi kukutwi kwakwe ukwa kukuso aishile kuli ine no kunjeba ine ifyo Lesa aundepe ilinsu lyakwe ilyapofula pakutila ena engamona bwino bwino, lelo ena alefwaya ukwishiba mulandu nshi Lesa taundapile ukutwi kwakwe. Ukulolekesha pali ena nalimwene isikiyo ilikulu ukulebela kukutwi kwakwe ukwakoma, ilyo ena takwete isikiyo kukutwi ukwaleumfwa. Ici canengele ine ukwiluka ukutila ena afwele lilye sikiyo nge cishimba pa kundapa ukutwi kwakwe. Natile kuli ena, "Iwe walitetekela Lesa pe linso lyobe, kabili Ena naundapa ilinsu lyobe. Lelo iwe uletetekela ako aka mulungu ke sikiyo kukutwi kobe kukundapa ukutwi kobe, kabili mucine Lesa tekuti akucitile icintu icili conse iwe. Fumyako ako akalubi no kutetekela Lesa pa kutwi kobe nge fyo iwe watetekele pe linso lyobe, kabili

Ena ali no kukundapa iwe.” Panuma ya kukonkomeshiwa kuli bambi ena alifumisheko aka mulungu kakwe akabufi, kabili Lesa mubusuma ali mukumenye ena no kwisula ukutwi kwakwe. Ici cali icakwisula ilinso kubengi abo mubumfisolo bacili batetekele imiti yabo iya busenshi ne fishimba fya bashinga’nga.

Ifwe twali ne nsansa ukumona abengi ukuposa utumilungu twabo utwabufi pakutila Lesa uwa mweo engakumana pamo nabo. Ifwe nacimbi tuletasha Lesa pa kubomba mu mitima ya abo pa kutila bena tabalefwaya fye ukundapwa kwa mibili yabo, lelo ipusukilo lya myeo yabo. Mu nshita sha cungulo bushiku shibili impendwa ikalamba yaishile kuntanshi ukuposa fwaka yabo, imipaipi ya fwaka, utubokoshi twa nsuko, ifishimba fya busenshi ne miti. Nangula ba dice abo balebomfya ukuteya icunka fyaletelwe kuntanshi, kabili ifwe twalipapile ukumona bamo ba “Tsofis” naba “Amalites” (ifipondo abena Africa) ukuleta imyele yabo iyo bena balebomfya kukulashilako abantu. Nangula ifwe tatwaleshimikila ukususha imifwalile ya kunse iya banakashi, ifwe twali abansansa ukumona abengi na masikiyo yabo, amakosa, nafimbipo, ukupela fyena kuli Lesa, ilyo bena bapele imitima yabo kuli Wene. Ilyo kulongana kwa kundapa kwatwalilile cila cungulo, Lesa nao alitwalilile ukubomba no kundapa abengi abacushiwa ku nkumbu Shakwe ishawama. Umo mwanakashi uwalemana uyo ushingenda nangu panono, pakuba uwaongamikwa pa myaka yakucula, alikakulwilwe ukufuma ku fyakukalipwa kwakwe kabili kuti aenda uwaololoka nakabili. Bambi abo abashingamoneka nangu panono ukupitila muli asthma, TB, na yambi amalwele balyundepwe. Ama bunte yacili yaleisa pali abo abashingapela ubunte mukulongana, lelo bena nomba balelemba ukufuma ku mayanda yabo ayapusana pusana ukutweba ifwe ifyo Lesa abakumenye.

Ifwe twali ababulanda nganshi ukutila bukapyunga bwa mutemwikwa wesu Munyina Branham bwali ubwipi nganshi lelo ifwe tuletasha Lesa pali bukapyunga bwakwe ubwipi pa Mulungu icungulo, kabili ukutila Lesa ku nkumbu Shakwe acitile pali bwena pakukumya nakabili abengi abacushiwa ku maka Yakwe aya bulesa. Ukuboko kwakwa Lesa ukwa mapalo kwaikele nganshi pa kulongana uko Munyina Bosworth apele ubushiku bwakwe bumo ubwakusususha no kupyungila nakabili pali Cimo ubushiku, ubo bwali bushiku ubwawama, umulola wakwa Lesa ukumonekela bwino nganshi mukulongana kutatu ukwacitilwe.

Ilyashi lya kubomba ukwawama ukwakwa Lesa bwangu bwangu lyasalengene mu nko yonse icakutila nangula panuma ilyo kulongana ukwaishibikwa kwapwile kabili na matenti yalifumishiwepo, amabumba ya bantu ukufuma mu nko yonse

balitwalilile ukulaisa. Bena balishile pakutila umulungu onse chalichi yesu ipya, yaiswilwe fye imyeshi inono iyapitapo mu Lady Selborne, yalisushiwe ne myeo iyalekabila na bantu abalwele abo abalelelekesha kuli Shikulu ukundapa bena. Kutatu atemwa ukulongana kune kwalicitilwe cila bushiku kukumokaula Umukate wa Mweo kuli bena, pantu nangu maka maka ababomfi bakwa Lesa abakwete ifyabupe baliile ifwe twalishibe ukutila Lesa ali acili na ifwe, kabili Ena alitumine Icebo Cakwe ukundapa bena, kabili Icebo Cakwe caikalilila na ifwe umuyayaya.

Cena cintu cakosa ukulondolola ukulongana kwa ifi. Amapepo aya mukosha aya bengi amakana, ukwimba kwakutwalilila, ukushimikila ukwawama ukwa Cebo cakwa Lesa na maka ne filangisho fya Mupashi wa Mushilo tekuti filondololwe-cena kuti capelwa fye ubunte. Ifwe tekuti tutotele Lesa nganshi umusango Ena akumenye imyeo iyalekabila ne mibili iyalwala, kabili pa bengi abo abaundepwe mwibumba, nangula ukucila balya abo abapepelwe umo umo. Ici cali icakwiswilako ilinso ku bantu besu abekalacalo. Cali icisuma ku bekalacalo besu ukumona ukutila Lesa kuti aundapa abantu ukwabula ukubomfya amenshi yabo aya mushilo, imito, ukufwala ifyakufwala ifyaibela atemwa imishipi, atemwa ukubomfya ifili fyonse ifintu fimbi ico citwibukisha ifwe ifingi nganshi pa mibombele ya bashinga'nga.

Ifwe tuletotela Lesa nakabili pali ici cipempu icawama kabili no kukoseleshiwa kwena kwapela kuli bonse abekalacalo besu Abenakristu na babomfi, kunse ka kuba icipe icawama ice sambililo kuli abo abapyungila kubalwele. Cena nacimbi nacitukolesha ifwe nganshi ukutwalilila ukupepa ukutila ukwapulamo ukwakwa Lesa, ukupususha, ukundapa na maka yakusangulula yengamonekela ukucila lyonse mukuteyanya ukwa kwisa Kwakwe bwangu.

* * *

Munyina Bosworth apokelele kalata ukufuma kuli minshoni no mukashi wakwe, ukulanda pali kumo ukundapwa uko bena bamwene mukulongana kwa mu Capetown. Kalata ilebelengwa iciputulwa pano.

“Umulume wandi na ine twaba ba minshoni aba ba Assemblies of God aba ku Great Britain, mu India, kabili mu nshita yesu iciputulwa cakulekelesha panuma ya nkondo mu Hyderabad State, ifwe twalisumine ukulalikwa ukufuma kuli ba Full Gospel Churches mu South Africa ukuyasenda bukapyunga kulya. Ifwe twali ntungulushi iya imo iya machalichi yabo mu Capetown ilyo musonkano wakwa Branham wacitike. Lelo Lesa alelanda kuli ifwe palwa kubwelela ku mulimo wesu ku India, kabili Ena alitwiswile inshila ukubwelelamo ku England, uko ifwe twafikile

pa January 11. Ifwe twaleya ukupita pali ba Assemblies pa mulimo uwakuba inkonkani kabili twalilipililwa ukubwelelamo mubwato ku India pa September 16, Lesa ngasuminisha.

Ifwe bonse babili kuti twatemwa ukumweba imwe ifyo caba ipalo ilikalamba ilya bumupashi no kuputwamo cali kuli ifwe ukuba muli kulyo kulongana. Ine palwandi nalipokelele ukukumishiwa mumubili wandi (ku kukalipwa kwa mushipeshipe panuma pa mukoshi) muli bumo ubushiku mailo pa Mulungu atemwa ulucelo lwakonkelepo ilyo ifwe twalandile kuli iwe na Munyina Branham pa Pentecostal Park.

Ndesunguka nga imwe mwalishibe ukutila mu nshita ye pepo lyakwa Munyina Branham kuli bonse abashala abalwele lintu fye ena talafuma kuntanshi, umulumendo umunono nalimo imyaka itatu iyakufyalwa uyo wafyelwe impofu apokelele ukumona kwakwe?

Naikela fye kunuma, kabili mu nshita ya mapepo ena atendeke ukulila no kufikina amenso yakwe. Ilyo nalolekeshe pa mulu nalimwene ba nyina balelila kabili bena balinjebele ukutila umwana wabo uyo wafyelwe impofu napokelela fye ukumona kwakwe. Nacimbi, munyina wakwe, nalimo uwacimo ca myaka cinekonse konse ali uwacilinganishiwa amenso ububi nganshi, kabili muli ilya ine nshita amenso yakwe yalilengelwe ukuba bwino ukupwililika. Nalimwene ababene abana ne mwine, kabili umuntu umunono alelila pantu ayabalikisha amalaiti yaleumfwisha ububi amenso yakwe ayasuma ayappa! Nalipwishe ba nyina nga bena bali Umwinakristu, kabili bena batile bena efyo bali kabili bali aba ku Dutch Reformed Church. Nalibebele ukubwelelamo no kweba abantu ifyo Lesa acitile no kwikalila Lesa inshiku shonse isha bumi bwabo.

Nalimo abantu basano mulukuta lwesu fwebene ulunono balyundepwe mu musonkano, umo mulumendo ku bwafya ubwabipisha ubwa mutima. Ena ali uwapilibulwa umupya; panuma ya bumi bwafyabuwelewele, umutima wakwe wali mu mibele iyabipa, kabili icinso cakwe cali lyonse icabutuluka mumfwa, kabili ena alikwete ukusuma umulopa mumona ukwabipa, panuma ya kuba mucipatala pali ici lintu fye takulaba umusonkano. Nangu cibe fyo, ena alipele mwine kuli Kristu, alibatishiwe kabili aliminine kunuma ya Hangar nga kafwilisha. Munyina Branham asontele kuli wene kabili atile, 'iwe we uli kunuma, no bwafya bwa mutima, Yesu akundapa iwe nomba.' Dabidi atile ukuti ulubuuto ulwabalika lwaishile ukutonta kuli wene, ena alisele amenso yakwe kabili icikabilila calingile ku mutima wakwe, uyo wamoneke ukuba uwakakwa kabili no kupilibulwa, elyo ena aliswile amenso yakwe kabili ulubuuto lwalibwelelemo kuli Munyina Branham. Ubushiku bwakonkelepo icinso cakwe tacakwete ukubutuluka,

ena alipele ubunte kukundapwa ukwapwililika. Kabili umulungu umo atemwa ibili panuma ena alingile ukukwata ukupimwa kuli doctor pakutila engalemba ukwipusha incito mu Rhodesia. Ena alituletele ifwe certificate iyo yalembelwe wene 100% umutuntulu. Lesa alumbanishiwe.

Nkashi umukote ukufuma ku Lukuta lwesu, ulusuma, umwanakashi uwaisushiwa na mupashi, aikele fye kulya kwine kuntanshi pa kulongana kwa kulekelesha ukwapa Mulungu ubushiku, kabili ena alelila no kupepa ukutila Lesa kuti amukumya ena. Ena aliculile ku nshipa iyabipisha pa myaka amakumi yabili, ilyo yalekalipa nganshi icakutila bena tabalelala mu nshita ya bushiku. Ilyo Munyina Branham alepepela abalwele, ena mukupumikisha asontele panshi pali ena ukusosa, ‘Iwe, nkashi, apo mundeleshi iyakashika—ni cinshi ico ulelilila? Lolekesha, Yesu naundapa inshipa yobe.’ Ena alitolweke pa nkasa shakwe, na imya na maboko yakwe, ukulumbanya Shikulu, kabili ena alyundepwe. Ena alelengo mwana lilya mu bushiku no kupela ubunte kukundapwa kwakwe mukulongana kwesu panuma.”

G. Stewart

Ukufuma ku Pretoria ifwe twalibwelelemo ku Johannesburg, ukukwata umusonkano naumbi mu Maranatha Park Tabernacle, uko ifwe twasondolwele nakabili ukutendeka ukutandala kwesu mu South Africa. Ukwibukisha ifyo bena bamwene muli shilye nshiku shinono isho Munyina Branham ali mu Johannesburg, icitetekelo ca bantu cali pa mulu, ilyo bena balelolala ukupokelela ukundapwa uko Lesa abakwatile bena.

Ukundapwa ukufuma mukulongana kwa kulekelesha uko ine lyonse nakulaibukisha kwali ukwa ulya na mayo impofu. Munyina Branham alimwene icimonwa cakwa na mayo naikala kulya mwi bumba uyo uwaundepwe. Ena alisontele pali ena no kweba ena ukwiminina no kusumina ukundapwa kwakwe. Ena taaswike. Ilyo ena alemukoselesha wene ukwiminina, na mayo umbi mu mulongo umo wine aliminine. Ena alipilibwike no kulolekesha pali wene pa nshita inono nganshi. Elyo ena atile, “Ni cinshi ico wimininepo? Iwe uli kapepa wa ciYuda; iwe tauletetekela ukutila Yesu ni Kristu. Iwe uli mpofu. Bushe uletontonkanya ukutila Yesu Kristu kuti abwekeshapo ukumona kobe?” Pali ici asunkenye umutwe wakwe. “Lelo ine tekuti mulombe Wene ukuba Kondapa obe ukwabala intanshi ukuba Kapususha obe na Shikulu. Nga iwe uli no kusumina Wene nga Kapususha obe, Mesaya, Ena alaba na cimbi Kondapa obe. Nga ulecita, imya ukuboko kobe.” Ena alimishe ukuboko kwakwe kabili lilya line fye ena ali uwalinga ukumona. Ilyo ifwe twali pa cibansa ca ndeke ulucelo lwakonkelepo mupepi no kuya ku States, umwaume alishile no kupela ilyashi ukutila ena nombamba kuti amona mukupwililika kabili ena ali kumo ukutandalila abanankwe abo ena tamonapo pa myaka.

E ico yalipwile imilungu ikumi mu South Africa, muli iyi nshita abantu balimwene no kumfwa ifikalamba kabili ifintu ifyawama ukucitwa ku wesu umukalamba kabili Shikulu uwawama kupitila muli bukapyunga bwa mubomfi Wakwe, William Branham. Abantu tabatalile leka ukupapushiwa ilyo bamwene Icabupe ukubomba ukupitila muli Munyina Branham, ilyo ba mwene ena ukulingulula amalwele nacimbi nge fyakubulisha ifya bumupashi ifya bantu. Bena tabalekele ukusangalala ilyo ena apilibukile kwi bumba no kusonta umo muntu, ukulondolola ubulwele bwabo no kubikapo ifishinka ifyalekana lekana, no kweba bena ukutila Kristu na balenga ukuba abatuntulu. Abengi balilile ilyo bena bamwene abalemana ukwenda, impofu ukumona kabili na bankomamatwi ukumfwa, kabili abengi balile ukusosa ukutila mucine Lesa aciba mukati kesu.

Ifwe natutantika bwino bwino ifinono pa fingi ifipeshamano ifyo fingashimikilwa. Ku bantu abengi ukundapwa kwabo kwapilibwile ubumi mucifulo ca mfwa. Kuli abo abaishileba Abenakristu, cilepilibula ubumi ubwacilamo ne senge ilya muyayaya na Lesa. Ku makana aya Benakristu abo abasangilweko mukulongana, ukumona Lesa ukubomba no kwiluka umulola Wakwe, capilibwile ukuputwa ukukalamba ukutwalilila ukwenda mupepi na Lesa. Fyonse ifi cali ni pa mulandu wakufimbula ukwa Cebo kuli Munyina Bosworth na Munyina Baxter, ukushininkisha kwa ici Cebo kukubomba kwa cabupe cakwa Lesa ukupitila muli Munyina Branham no kubomba kwa cishinka ukwabikilwepo na Benakristu aba mu South Africa.

Mukwisala ilyashi pa fyo Lesa acitile mu South Africa ndefwaya ukusanshamo amalyashi yambi yabili ayo napokelela. Limo pali aya lyafuma kuli Kabila wa mbila nsuma, ilibiye ukufuma kuli Kalembe uwa Kabungwe ka Nko ako akabombele ukupekanya konse pa musonkano.

* * *

ILYASHI UKUFUMA KULI KABILA WA MBILA NSUMA

Na J. H. Grobler

Ndi uwansansa nganshi no kutotela kuli Lesa pali ili shuko ukulangisha ukushininwa kwandi no kutasha. Ndi no mwenso ukutila takuli ululimi ulwingaba ulwalinga ukulondolola ukumona kwandi no kwishiba.

Nine Kabila wa mbila nsuma uyo nao aba alepyungila ukundapwa kwa Bulesa no kulunduluka ukukalamba mu South Africa. Nge lyashi lya cishinka, nali fye neka uwa mulimo Kabila wa mbila nsuma ku mulimo wa Pentecostal mu



*Ipepala lyelyashi ilya Africaan
ukulangisha ukulanshanya na Munyina Branham.*

South Africa pa myaka ingi uyo wapyungile ukundapwa kwa Bulesa mu cintu bwingi. Nalikwete ishuko ukumona impofu ukulolekesha, abalemana ukwenda, bankomamatwi ukumfwa kabili ayali yonse amalwele yambi ayo mwingatontonkanyapo ukundapwa mwi Shina lyakwa Yesu ukupitila muli bukapyunga bwandi.

Iyo naumfwile pe Bumba lyakwa Branham ukwisa ku South Africa nalipangile ukuya no kufwailisha ne mwine. Naile ukwabula ukuitumika atemwa ukucindika abantu na mapange ayakukwata ukusoma ukwapwililika pali conse ico nali no kumona no kumfwa.

Icintu cakubalilapo ico cansekesho cali ukushimikila kwa Cebo, ica cine, icakosa, icapwililika kabili na maka. Cali icashininkishiwa ukufuma kukutendeka ukutila aba baume tabali kuno kukulangisha amaka yamo kukutemuna amano kubene beka, lelo kulondolola ipange lyonse ilyakwa Lesa. Calibikilwe kunga'nda cila nshita ya bushiku ukutila ipusukilo lya mweo lyali ilikankala nganshi ukucila ukundapwa kwa mubili. E mulandu wine impendwa ya myeo yalifyelwe mu Bufumu bwakwa Lesa cila nshita ya bushiku. Uyo ushinga sansamushiwa ne mimonekele ya musango filya, ilyo mukwete icikuku pa myeo?

Nshakatale ukulabako ukusansamushiwa ilya nshita ya bushiku iyakubalilapo ilyo Munyina Bosworth abilishe no kushipa nganshi icishinka ukutila ukundapwa kwa Bulesa kwalibikilwemo mu Cikonsolwelo kabili ukutila abantu kuti baudapwa ilyo balekutikako no kutetekele Icebo cakwa Lesa. Ifo caputilemo ine! Ilyo ulya umutemwikwa umubomfi wakwa

Lesá alondolwele ici cine umutima wandi walisansamwike kabili amenso yandi yalisushiwe ne filamba ifyakaba ilyo nasosele kuli ine ne mwine, “Umo wine Mupashi wa Mushilo uwansambilishe ine mu South Africa nao asambilishe Munyina Bosworth mu America.” Kuli Lesá kube amalumbo no bukata.

Cimbi icawamisha cali ukwa maka, lelo ukwapalwalala kabili ukusambilisha ukwaanguka ukwakwa Munyina Baxter palwa bumi ubwakucimfya. Owe, ifyo casansamwishe umweo wandi! Ifyo napalamikwe kuli Lesá mpaka naumfwile nshatalile ukufwaya ukubwelelamo nakabili kunika, kano fye cali ukwafwilisha ababusu abantu abalecula. Owe, ifyo filye fishinka ifyawama fyashininkishe bukapyunga bwandi ne mwine. Fyali kushishe icimonwa candi, icimonwa icantemwine pa myaka—icapala, ukwikala na Kristu mu myulu kabili ukufuma kulya ukuteka pa mulwani wesu kabili no kukwata amaka no kuyabomfya pali yonse amaka ya mubifi.

Icintu cakubalilapo icanjikete ine palwakwa Munyina Branham cali kutemwa kwakwa Lesá uko kwingalingululwa muli kulyo kwa cikuku “Icungulopo mukwai, mwe banandi,” ilyo afika kuntanshi cila nshita ya bushiku. Ilyo ena alandile, nalishibe Lesá alipamo nankwe. Muli bukapyunga bwakwe tacali ifipeshamano ifyakundapa ifyo fyanjikete nganshi, pantu nalishibe cilya muli bukapyunga bwandi ne mwine. Lelo ico cansekeshe nganshi ukucila ukulondolola cali ukubomba kwa fya Bupe ifye shiwi lya mano, ishiwi lyakwishiba kabili no kulingulula kwa mipashi. Nalipapile ilyo muntu umo panuma ya mubiye aishile ku ntanshi yakwe ku cintamba cila nshita ya bushiku kabili mu kashita akanono ena kuti alondolola ubulwele no kusokolola inkama ishafiswa isha mitima yabo ukwabula ukulufyanya.

Nalilolekeshe ukubomba bwino nganshi kabili pakuba uwa cishinka na Lesá nali uwaiteyanya ukusumina icilubo icili conse icacitilwe na wene mu nshita ya kulyo kubomba. Ubukata kuli Lesá, ine kuti nabilisha ukutila nshasangilepo nangu cimo. Fyena fyali icipendo umwanda umo ifyalungama. Lesá fye eka ewingacita ici.

Cimo icacitike ico cali icakusekesha nganshi cali ilyo mwaume aiminine mwibumba no kubilikisha, “Munyina Branham, ni kumaka nshi ucitilamo ifi fintu?” Ukwasuka mulubilo kwafumine pa milomo yakwe muli ico camoneke ukuba ishiwi lya cakupapusha, ishiwi ilyapusana nganshi ukufuma kuli ilyo tumfwa ilyo ena ne cikuku nganshi abombela pa balwele na balecula. Lyaumfwike ilya maka kabili no lupaka ulukalamba ulwa bulesa ilyo ena abilikishe, “Ukupitila mu mwaume uo iwe waishibapo ifinono nganshi, Yesu Kristu.” Ubwasuko bwalisansamwishe nganshi ibumba ilyali mupepi amakana ikumi limo icakutila bena batendeke ukutota indupi shabo. Ilyo kutota kwapwile

ena atile mukupetama kabili mukatina mwishiwi ilya kale ilya cikuku, "Napapata mwe fibusa, mwilasekelela, peni amalumbo kuli Lesa." Abo abaliko kulya tabakatale ukulabako cilya icacitike.

Les aishileba umukalamba nganshi kuli ine, umutuntulu nganshi kabili uwawama nganshi. Naishileumfwa ukuba umunono nganshi mu mulola Wakwe ine tekuti kano ukulila no kutemwa Wene. Ine kuti na mushininkisha imwe ubumi bwandi na bukapyunga na finonshiwa nganshi kuli bukapyunga bwa aba ababomfi bakwa Lesa. Kuli ine, Munyina Branham aba ukwabulo kutwishika kasesema wakwa Lesa, Munyina Baxter kabila wa mbila nsuma, Munyina Bosworth kasambilisha uwatumwa na Lesa ku South Africa mukwasuka ku mapepo ayengi palwa kupuputulwa.

NE BUMBA LYAKWA BRANHAM MU SOUTH AFRICA

Na W. F. Mullan

Kuti caba mupepi icishingacitwa ukulondolola ukwenekela ukwapulamo uko kwacimfishe mu South Africa ilyo twalelolola ukutandala kwe Bumba lyakwa Branham. Inshiku ne milungu fyalyendele ulubilo ilyo ifwe twakwete ukupekanya fyonse palwa kutandalila. Ukusabankanya kwalicitilwe no kulunduluka ukukalamba nganshi ukucila ifyo twasubilapo. Mu kwasuko ukufuma ku cintubwingi bwalikulile ilyo bushiku bwakutandala bwalepalama. Ifwe twalipapushiwe na makalata ayakwipusha kabili lanya yalelila lyonse lyonse fye icakutila umo taishibe ukusange nshita yakutusha.

Pa kulekelesha ifwe twali pa cibansa ca ndeke ica Palmietfontein, Johannesburg, ukulolekesha mulwelele ukumonekela kwa ntanshi kwa yalepalama indeke ya Pan-American Airways ukufuma ku New York. Insansa shaishilebapo ilyo ibumba lyalekulilako no kukulilako. Akamukwenene mu myulu apatali katendeke ukumoneka mpaka ibumba lyaishilelengwa ukuba tondolo mukwenekela ilyo balelolekesha icikalamba icuni ca mashini ukushinguluka icibansa ca ndeke mukupekanya ukwika.

Ama miniti ayanono panuma kabili ifibi fyandeki fyaliswilwe kabili abaninine batendeke ukwika panshi. Uwakucipuna na Kalemba uwa Kabungwe ka Nko abali no mulimo uwakupekanya ukutandala kwe Bumba lyakwa Branham ku South Africa, amashina yabo, A. J. Shoeman na W. F. Mullan, balikwete ukusuminishiwa ukwaibela ukufuma kuli bacilolo ukuya mucibansa ukusengela ba membala abe Bumba lyakwa Branham. Ifintu fyonse fyali mubutantiko; ukusabankanya kwacitilwe bwino nganshi kabili icalo calelolola iyi ine nshita.

Ukwika ukufuma mu ndeke kuti kwamoneka Munyina W. J. Ern Baxter, na Munyina F. F. Bosworth ukukonkapo no wacitatu. Ilyo bena balesengelwa Munyina Baxter atile, “Munyina Branham tali naifwe.” Elyo ena alondolwele ukutila Munyina Branham, uyo wali no kuba pamo no mwana wakwe umwaume, Billy Paul, balibacelesha pa cibansa ca ndeke mu New York kabili bali no kwisa mu ndeke iyo yali no kukonkapo. Membala uwa citatu uwe bumba ali ni Mr. Julius Stadskev.

Ilyo ibumba lyabo lyakwete inshila yabo ukufuma mucibansa ca ndeke ukwisa ku Customs Department bamo ba membala we bumba ilya balelolela balipwishe, “Ni nani Munyina Branham?” Ilyo ba membala bambi abe bumba baile pantanshi, Munyina Mullan alondolwele kwi bumba ukutila Munyina Branham tali pamo ne bumba lelo ali no kukonka mu ndeke iyaleisa panuma. Ici ciputulwa ce lyashi cashile abantu mupepi ukwabula ukukwata ishiwi. Ukutontonkanya fye ukutila Munyina Branham tali pamo ne bumba kabili ukulongana kwali no kutendeka mailo kabili cali no kuba nalimo inshiku shitatu ilyo indeke iyalekonkapo yali no kufika. Kwi bumba ubwabipisha nganshi kabili ubusanso ubukalamba mucine bwalicitike.

Ukwakubalilapo ukulongana kwa kukonkanya kwacitilwe mu Johannesburg, icifulo icikalamba ica makwebo ica South Africa, kabili icifulo icikalamba nganshi ica cintubwingi. Ukufilwa ukukana sanga incende iya pakati umwakukwata ukulongana akabungwe ka Johannesburg kalisumine ubupe ubwa cikuku na ba Apostolic Faith Mission ukubomfya icabo Icibansa ca Musonkano kunse ka musumba kukapinda ka ku kulyo. Lelo nangula icikulwa cabo icikalamba kuti caba icinono nganshi kabili akabungwe kakwete ukusuminisha kwabo ukukusha icikulwa. Umulimo walisendelwe no kucitwa munshita fye iipi kabili icikulwa calikushiwe ukwikalika mupepi abantu 8,000. Pa kusha ulubali lumo ulwa cikulwa ukwisulwa kuti caba icingacitwa ukwikalika na bambi abantu amakana yabili ukushinta yatatu pa ncende apo bena bengamona no kumfwa bwino nganshi, kabili lubali lumbi ulwa cikulwa na yambi yatatu ukushinta amakana yasano aya bantu kuti baikala bwino kabili kuti baumfwa lelo ukwabula ukukwata ukumona bwino nganshi.

Munyina Baxter na Munyina Bosworth mukushangila balolekeshe pa mulimo uwakosa sana. Balingile ukupyungila kwi bumba ilyo lyapapushiwe pakukana isa ukwakwa Munyina Branham. Munyina Baxter atendeke ukulongana ukwingi na bukapyunga ubo ubwaikete amatontonkanyo ya bantu no kushininkisha ukulunduluka kwa cipempu conse. Bukapyunga bwakwa Munyina Baxter bwaba bumo ubukula icitetekelo. Isonde lyalifulunganya nganshi “icitetekelo”

ne “subilo”! Munyina Baxter atendeke umulimo wakwe pa kupyungila pali “Umulingo wa Citetekelo” kabili akonkenye ici ne mbila ya kusunkanya pali “Ifyo Icitetekelo Cibomba.” Ishi nshiku isha kubalilapo ishinono isha bukapyunga ilyo twalelolela ukufika kwakwa Munyina Branham shali ishakwafwilisha nganshi. Icebo cakwa Lesa capyungilwe ku myeo yansala kabili amatamba ya citetekelo yalenina pa mulingo uwasansama. Munyina Bosworth abombele iciputulwa icikalamba mukulongana ilyo ena apekenye abantu kwi pepo kabili no kushipa ukukalamba ne cishininkisho icatekanya ica citetekelo aitile uuli onse uyo walufishe ukumfwa ukutwi kumo ukupitila mukutumbulwa ukwapwililika ukwa cilundwa ica kukutwi ukwisa kuntanshi mukupepelwa. Elyo ena alibapepelele bena kabili ukubwekeshapo no kubwekeshapo nakabili ifwe twalimwene amaka ayapulamo ayakwa Lesa ukumonekela mucipeshamano ukulenga cipya cipya ilyo amatwi ayakoma yaumfwile nakabili nangula icishinka icakutila ifilundwa fyonse fyalifumishiwemo mukutumbula kwaba shinga’nga kabili cali icishingacitwa ukutwi ukumfwa nakabili kunse ka maka yakwa Lesa.

Elyo Munyina Branham alifikile. Munyina Schoeman ali mukumenye pa cibansa ca ndeke kabili amuletele kulya kwine ku kulongana ukwafubene uko kwali abantu 10,000 kabili ukulolela mu kwenekela ukwapulishamo. Munyina Mullan ali musengele wene ukwimininako bantu aba South Africa. Yali ni nshita yakatina no kwenekela ukwapulamo. Panuma ya kulanda ku bantu pa nshita inono Munyina Branham alibapepelele “icintubwingi” kabili umo kuti asosa bwino ukutula ifipeshamano fyalicitike ilya nshita ya bushiku iya kubalilapo. Durban *Sunday Tribune* panuma yasabankenye ilyashi lya mulumendo umunono, Ernest Blom, uo kulu kwakwe kumo kwali ama inches ayengi ubwipi ukucila ukubiye kabili uyo waundepwe muli kulyo kulongana kwakubalilapo ilyo Munyina Branham apepele. Abasangilweko balifulile nganshi. Pa Mulungu icungulo ibumba lyafikile 10,000 pa Mulungu icungulo bushiku 12,000. Ukufika pali Citatu icungulo bushiku ibumba lyalifikile 14,000 mukupenda. Ukulongana kwalelandwapo ukuli konse. Nangu cibe fyo ukulongana kwaliselwe bwangu nganshi, ilyo kupekanya kwacitilwe kwi Bumba lyakwa Branham ukuya pa ntanshi kukulongana ukwalekonkapo ukwingi pa Klerksdorp, ba mailoshi umwanda ubutali. Nga ukulongana kwa mu Johannesburg kwalitwalilile inshita itali cena nga cali icishingacitwa ukukwata ukwishiba ifyacitike.

Mu milungu inono ipi Ibumba ilyakwa Branham lyalitandalile imisumba ikumi limo na ibili mu South Africa. Cali li shuko lyandi ukubashindika ku ingi iyi misumba kabili nalimona ifingi nganshi icakutila tekuti mpatulanye nangu

panono icishinka cimo icapulamo ukufuma kucibiye. Ukuli konse amabumba yaishile capamo, kabili nge fyo kalemba umo mu yalumbuka magazine iya cila mulungu alembele lyena, abengi abo abasangilweko mukulongana bali abaikushiwa ukutila bena mucine balimwene “ifishibilo ne fipapwa.”

Muli cila cifulo ukulongana ukwine kwine kwacitilwe pa bekashi aba Ngeleshi, lelo inshita yalipelwe kukulongana kwabashali aba Ngeleshi, nabo. Mu Blomfontein icungulo bushiku bumo Munyina Baxter alandile pe sambililo, “Takwaba ubupusano” (Abena Roma 3:22). Ilyo kulomba kwacitilwe ku baume na banakashi ukusala pali Kristu nga Kapususha wabo mupepi abantu 2,000 baliminine pa nkasa shabo. Cali ica bukata. Mu ncende ishingwi ubwasuko ku mbila ye pusukilo bwali ubwapulamo. Mucine imyanda, kabili mu ncende shimo amakana balimine ukulangisha icitetekelo cabo muli Yesu Kristu nga Shikulwibo na Kapususha.

Ukulongana kwakwa Branham kwacitilwe mu ncende ishalekana lekana pantu takwali icikulwa ica cintubwingi icali icalinga nganshi ukwikalikamo amabumba. Ifwe twalibomfeshe ifibansa fyapalwalala, ifibansa fya mipila, ifibansa fya mangalo, ifibansa fya filangisho, umwakubutukila ulubilo kabili ne ciyanda ca ndeke. Mu East London ukwa kushimikila kwali kulilwe pa Cibansa ica Mupila uwa Rugby kabili umwakwikala mwalibomfishiwe ukwikalikamo abantu nakabili na mucibansa umwakwanganalila. Ukwakushimikila uko kwacitilwe mu East London cali ni ncende iyaibela iyabomfiwe no lupwa lwa bufumu mu nshita ya kutandala kwabo mu South Africa.

Kwaliko nalimo 10,000 abashali aba Ngeleshi abalongene pa kulongana kwabo ku Bloemfontein kabili nalimo impendwa imo ine ku East London. Ku Durban ukulongana kwacitilwe pa cibansa babutukilamo kabili inko shonse shali ishalinga ukubungana mukulongana. Kuno amabumba yapendelwe abantu 50,000 abamitundu yonse pa Mulungu icungulo, ilyo amakana balibwelelemo, ukufilwa ukwingilamo.

Munyina Bosworth ali uwalinga ukubomba umulimo uuli onse uwapelwe kuli wene. Ena apyungile Icebo cakwa Lesa ku balongene amakana kabili apepele abengi abantu abalwele na Lesa apalile bukapyunga bwakwe. Ena nailenga ukutemwikwa umwine kubena South Africa. Ukuli konse Munyina Baxter alilumbanishiwe nga kashimikila uwapulamo kabili nshita itali panuma ifintu fyonse ifyashala filalabwako, nga mucine ukulongana kwa musango ifi kwingalabwako, bukapyunga bwakwa Munyina Baxter ubwa Cebo cakwa Lesa bukatwalilila ukubapo. Bukapyunga bwakwe bwaputilemo abantu ukutetekela Icebo cakwa Lesa, ukubomba icitetekelo cabo, kabili pali fyonse ukusumina Kristu nga Kapususha na Shikulu.

Ifwe twasangile Munyina Branham ukuba fyonse ifyo fyalandilwe palwa wene. Ena aishile mukati kesu ngo wabufumacumi, umuntu uwapetama kabili icashininkishiwa nganshi ukutila amapalo yakwa Lesa yali pamo nankwe. Libili kabili libili nakabili ifwe twalimwene Lesa ukulangisha amaka Yakwe ukupitila muli Munyina Branham. Ilyo abantu baishile mukulanshanya na Munyina Branham ena ilyo line kuti abilisha ubulwele atemwa ukulwala uko bena baleculako. Ilyo ena apepele ifwe twali abailuka pa luse lwakwe ulwapulamo no kucula ukwa mushingulwike. Inshita shimo ukwiminina kuntanshi ena kuti asendapo umu mulya mwi bumba no kubilisha umusango wa bulwele bena balecula nabo.

Ukucila inshita imo ilyo kulongana kwalingile ukucitwa palwalala ifwe kuti twapapa ukumona abantu na bekala umutalalilwa no kukutika nganshi nangula ilyo mfula yaletendeka ukuloka. Pano pali icishininkisho icalinga, nga kwaliko icili conse icalefwaikwa, ukushininkisha ukutila Lesa alatinta abantu ku Mwine ilyo icine conse cashimikilwa ku bantu abansala.

Panuma ya kushindika Ibumba lyakwa Branham kuingi imisumba iya mu South Africa iyatandalilwe ine kuti nasosa ukutila cali icashininkishiwa nganshi kuli ine ukutila abantu abatetekele nganshi balipokelele ifingi.

* * *

“Ici cafuma kuli Yehoba; cena cakupapa mu menso yesu. Aka e kasuba ako Yehoba acita; tulesekelelamo no kusamwa” (Amalumbo 118:23-24).

Amabunte

“Tutubwileni Yehoba ubukata bwe shina Lyakwe . . .”

1 Imilandu 16:29

Ici cipandwa cikwete nalimo umwanda uwa mabunte ayakubalilapo ayo ayaishile fye kuli Munyina Branham na ine wine. Ifwe tuleumfwa ukutula ayengi nganshi pali yena yatuminwe kuntungulushi sha muli filye fifulo kabili inshita tayasuminishe ifwe ukusenda yena.

Nshipele ishina lyonse panuma ya mabunte pantu nshasendele nshita ukupoka insambu ukubomfya amashina yabo yonse. Nangu cibe fyo aya mabunte yali umwakusungila kabili ishina lyabo ilituntulu na keyala kuti fyapokwa. Ayengi amabunte nayacefiwako ukupela fye ifishinka ifikankala nganshi.

Kafundisha Aundapwa Kuli Rheumatoid Arthritis Na Varicose Veins

Nalimo imyaka itatu na hafu iyapitapo naishileleka umulimo wandi uwa bukafundisha pantu nalecula nganshi na rheumatoid arthritis na Varicose Veins. Ubwafya bwandi bwatendeke nalimo imyaka ikumi limo na cimo iyapitapo. Tapali nangu cimo icamoneke ukungafwilisha nganshi. October 6 naile ku Maranatha Park kabili naliminine pa ma ora yatatu. Calinkosele ukwingila mukati pantu icikulwa caliswile. Mukulekelesha bali nsuminishe mukati kabili naliminine ukusaila kucibumba ulubali lwa kukuso.

Munyina Branham elyo afumine fye ukufuma ku cibansa ca ndeke kabili umo kuti amona ena alinakile nganshi panuma yakwenda ukufuma ku States. Ena asalile ukupepela icintu bwingi kuli bonse abalecushiwa. Ena alibepwishe bena ukubike ndupi pali umo no mubiye. Elyo ena asontele kumbali ya ciculwa uko naimininene kabili atile ukuti kwaliko umwanakashi uyo wakwete arthritis. Nali umwanakashi fye eka uwaiminine ukusaila ku cibumba. Nomba, takwali nangu umo muli lilye bumba ilikalamba uwaishibe nalikwete arthritis, kano fye Nkashi Quinn kabili ena taishibe ukutula nali kulya. Lelo ena na bambi abengi balyumfwile Munyina Branham, ukusosa, “Kuliko umwanakashi na arthritis.” Ubukata aleluya! Ukufuma lilya ukuya pantanshi naishileumfwa bwino nganshi. Naile mukulongana kwa konkelepo kabili nalimwene ukundapwa ukwingi, ukubikapo no bulwele bumbi uwa arthritis ubwabipisha ukucila ubwandi.

Ena aishile muli ambulance kabili panuma ena apepelelwe ali uwalinga ukwiminina no kulaenda enda. Nacimbi kwaliko ubwafya ubwa mukashana uyo wakwete inuma iyakontoka kabili aliminine, ilyo aebelwe ukucite fyo kuli Munyina Branham, kabili ali umutuntulu nganshi.

Lesi apale Munyina Branham kabili na bonse abo abaampene no kulongana abo abalengele ukundapwa konse kucitwe, ukubikapo no kwandi.

E. S.

* * *

Umongololo Uwali no Bulwele Waba Utuntulu ilyo Naletasha Lesa pafyo Ena Acitile pali Bambi

Panuma ya bulwele ubutali ubwa myeshi 18, nalishele no mongololo uwali no bulwele kabili tekuti nyende ukwabula ubwafwilisho bwa nkonto. Inshiku shimo ukukalipwa kwali efilyako, inshiku shimbi ukumfwa ububi nganshi; takuli amashiwi ayengalondolola. Mukwasha ukwenda, umongololo wandi kuti walila, ukusela no kukalipa nganshi. Ine nacimbi naliculile no kukalipa nganshi ukwa mishipeshipe pa myaka 25, ukulenga ukutikama no kuminina umupita umulopa. Iyakulekelesha imyaka ine nalipatikishiwe ukukakilila amolu yandi, nangu cali ifyo ine tekuti njiminine kuli yena.

Pa 7 October, 1951, nkashi yandi, Mrs. Scott, alinsendele ine kukulongana kwakwa William Branham pa Maranatha Park uko namwene amafya 56 ayakundapwa kwa Bulesa aya malwele ayapusana pusana, ukulangishiwa ukwawama ukwa maka yakwa Lesa mukupokolola abantu aba busu abalecula. Nali uwansansa nganshi ukumona bena ukupokololwa icakutula nalilile no kulila no kusangalala. Panuma ya kulongana nalikele muli motoka ukutontokanya pa fipapwa na mwene, kabili nalilabileko fyonse pali ne mwine, ilyo nalelumbanya Lesa pafyo Ena acitile kuli bambi abo namwene. Mukupumikisha nalyumfwile amaka yakwa Lesa ukubombela pa mongololo wandi. Nalitintilwe pa mulu na maka yakwa Lesa, ukwiminina pa nkasa shandi. Apa na palya uwatemwikwa Shikulu aolwele umongololo wandi kabili apo pene fye ubukali bonse bwafumine pali ine. Naile ku nga'nda no kulumbanya Lesa no kupela ubunte kuuli onse uo nakumenye. Icintu cakubalilapo nacitile ilyo naile kunga'nda cali ukufumya ifisalu ukufuma ku molu yandi; ku nkumbu shakwa Lesa nshafifwala nakabili. Ine ndi uwalinga ukubomba imilimo yandi yonse iya pa nga'nda. Nshatala ukukwatapo ukukalipwa ukutula lilya kabili nshikabila inkonto. Pali ino inshita amakufi yandi yali ayanakuka panono lelo ukwabula ukukalipwa. Ndesubila Lesa pa cintu icili conse ico cishili icakosa nganshi. Ena E mwine kabili Kapwisha uwa mulimo onse usuma, kuli uyo ndepela amalumbo yonse no bukata.

A. C. G.

Ukushininkisha Ukundapwa Kwakwa Nkashi Yakwe kabili Ukulanda pa Kwakwe Umwine

Uku e kusuminisha ukwa bunte bwakwa nkashi yandi, Mrs. A. C. Gribble. Ndelumbanya Lesa pafyo Ena amucitila wene. Ena aletelwe kuli ine umulwele nganshi, kabili nganshi. Munyina Hugle kuti ashininkisha cena. Pa myeshi ikumi limo na cinekonse konse ali mukusakamana kwandi.

Icungulo bushiku bumo bwine, mu nshita ya kupepela icintu bwingi, nalyundepwe ku katende akacenekwe kabili na mumala umwanakuka. Ifwe tulepela Lesa ubukata bonse.

M. M. S.

* * *

Ukundapwa mwi Bumba


Ndetasha Lesa uyo uwangu'ndepe ukufuma mukukalipwa kwa kutwalilila. Nshali mu mulongo wakupepelwa lelo nali fye neka mwi bumba uyo watetekele Lesa ilyo Munyina Branham apepele ipepo pali ifwe bonse. Ndelumbanya Shikulu ningu'ndapwa kuli kulyo kukalipwa ukwa kucusha nganshi. Ilyo naumfwile ukushimikila kwakwa Munyina Branham kabili umusango ena apepele abalwele, natendeke ukutontokanya palwa kwa Shikulwifwe Yesu Kristu ilyo Ena alandile kuli Malita ati, "Nga watetekela, iwe uli no kumona ubukata bwakwa Lesa."

H. K. M.

* * *

Ukundapwa ku Mongololo uwa Cenekwa

Ndebikamo amakalata yabili ayaba doctor bandi abo abalempela umuti pa mulandu wa numa yandi ilyo nshilapokelela ukundapwa kwa Bulesa pa kulongana kwa kwa Munyina Branham pa Maranatha Park. Aba ba doctor bali mpimine panuma ilyo nakwete ukundapwa ukwawama ukwakwa Lesa, kabili balipapile nganshi ukumona ine uwaundapwa umupwilapo. Ifwe twaliipekenye ukutumbulwa ukwabipisha pa mongololo.



Nalipokelele ukundapwa kwandi pa lefeni October, nineteen fifty one. Nali uwalwala filya fine fye umwaka umo, kabili bali mombele mu misango ingi. Nali uwashininkisha nalyundepwe lilya line panuma ilyo Munyina Branham alandile kuli ine. Munyina Branham

alinjebele ukutila nalicenekwe umwaka uwafumineko kabili alinjebele filya fine umusango naumfwilemo. Ena alinjebele ena alishibe nalikwete icitetekelo icakosa kabili ukutila Lesa kuti aundapa ine. Nalyundepwe apo pene fye.

Umwaka umo ilyo nshilapokelela ukundapwa kwandi nalishelele pawatelela umushili uwa cement uwabikwapo polish mu kitchen yesu, no kukontola akalifupa akanono pesamba pa mpela ya mongololo. Ifya citike fyali ine kuti naiminina fye pa nkasa shandi no bwafya ubukalamba panuma yakwikala atemwa ukulala, nalikwete ukukalipwa nganshi munuma yandi inshita ishing, kabili cali icabipa musukulu pantu tekuti njikale atemwa ukwiminina pa nshita itali ili yonse. Ukundapwa kwandi kwalenga icitetekelo candi ukukoselako, ulupwa lwandi luletasha, kabili tekuti luleke ukulanda pa maka yakwa Lesa ayawama.

Ninkwata ama filimu ya X-ray ukulangisha ifupa iya kontoka, kabili ndi no kuba uwansansa ukutuma yena kuli imwe nga mulekabila ifyo.

H. J. N.

* * *

Ukupokololwa ku Mpwalonda ilyo ndi Mwibumba

Ndefwaya fye panono ukupela ubunte bwandi. Yesu alinkumenye ine mu musango uwawamisha. Naliculile ne mpwalonda kabili ba doctor bacitile fyonse ifyo bengacita. Ine balintumbwile kabili nombamba imibele yandi yaishilebipisha, mpaka caishileba mukati. Nalekwata inshita isha bushiku isha bula ukutusha ukwishiba ukutila cali icafye ukufwaya ubwafwilisho ukufuma kukuboko kwa munofu, kabili e ico naitile pali Lesa.

Lesa alandile kuli ine kabili nalitambalike ukuboko kwandi ukwacitetekelo no kutasha Shikulu, Ena alyumfwile no kwasuka lilya line palya mucipuna candi. Ndelumbanya Shikulu, kabili bonse abantu baiminine abapapa pafyo Yesu ancitile.

Kutasha Lesa pali Kapususha uwawama twakwata. Lilya mubushiku Yesu alishile kuntanshi yandi pa lupanda, kabili ishiwi ilya nakilila lyalandile kuli ine. Yesu tatanikwe fye pa lupanda pa membu shobe lelo na cimbi ifyakunakuka fyobe.

Kutasha Yesu, Ena asendele ifyakunakuka fyandi fyonse lilya line fye, nge fyona acitile imemba shandi.

J. K.

* * *

Impwalonda Naiya

Ine pano ndefwaya ukupelo bunte pa maka ayawama mu mulopa wa kwa Shikulwifwe umusuma Yesu Kristu. Kuli Wene kube amalumbo yonse no mucinshi umuyayaya!

Yesu alingu'ndepe ine ku mpwalonda muli bukapyunga bwakwa Munyinefwe Branham.

Imwe kuti mwaisa no kumona. Ninkwata ifikope ifyo fyakopelwe kabili nacimbi ilyashi lyaba doctor.

Ishina Lyakwe Lilumbanishiwe!

N. J. O

* * *

Takuli Nakabili Ukukalipwa Munda

Pa Mulungu icungulo ilyo Munyina Branham ali kulya ku Olando, nalipokelele ukundapwa kwandi. Pa myaka ingi nalekwata ukukalipwa ukwabipisha munda yandi. Pa kwisala kwa kulongana Munyina Branham alitwebele ifwe ukubika indupi shesu pali cila umo no mubiye no kutetekela ukundapwa. Nalicitile ici kabili, Lesa alumbanishiwe, nalyundepwe. Ukutula ilya nshita, kabili cena nomba ni mupepi imyeshi itatu, nshatala umfwapo ukukalipwa munda yandi. Shikulu alumbanishiwe.

R. P.

* * *

Ulubali Lwa ku Kuso ulwa Cinsu Iwali Umupwilapo Ulwalemana

Ndelemba ici ukupela ubunte ifyo Lesa aundepe icinsu candi ku bulebe ubwapwililika kulubali lumo. Tekuti nseshe imishipeshipe ili yonse iya kulubali lwa ku kulyo ulwa cinsu candi no mukoshi. "Bells Paralysis" eflyo bwitwa.

Imilungu itatu ilyo imwe mwali mupepi no kufika mu South Africa nalimwene doctor. Nge fyo naba mu Ncito ya Municiple naishilesenda cuti iyakulwala kabili naletumwa kukufikinwa cila bushiku no kubombelwa ku malaiti ku cipatala. Ici calitwalilile pa milungu ibili kabili takwali ubwasuko kukubombelwa. Elyo nalipelwe imiti imo iyo yakwete ifisuma ifyo fyacitike mu mafya yambi, ilyo nomba catontonkanishiwa ukuba "virus" iyo ilenga ubu bulebe.

Ici cali fye ilyo takulaba umusonkano wakundapa kobe uyo watendeke pa Maranatha Park. Ine nshanwene iyi miti pantu naleenekela ukundapwa ukufuma kuli Shikulu. Nalipwishe Shikulu napapata nkumyeni pantu nali no kuya kucipatala panuma ya nshiku shine—re— ukubomba kwa muti uo ine nshalenwa. Ici cali ni pali Cine. Pali Cisano ifwe twalile mukulongana konse kubili, nakabili pa Cibelushi. Pa Cibelushi ubushiku nalyumfwile bwino ne mwine lelo icinsu cali nalyo line icalemana. Pa Mulungu nalibukishe Shikulu ukutula nali no kuya kucipatala pali Cimo, re—imiti iyo nshalenwa. Abengi

abanandi balepepa nabo. Pa Mulungu ifwe twalisangilweko mukulongana konse kabili nalitwalilile fye ukusumina ukundapwa kwandi ukufuma kuli Shikulu cila nshita ipepo lyapelwe ku lukuta lonse. Pa Mulungu ubushiku ine kuti na mwentula ne mbali shonse shibili isha cinso candi kabili imishipeshipe imbi yalitendeke ukuba bwino. Pali Cimo ulucelo ine kuti natuma lamya kucipatala no kubeba ukutila Shikulu alinkumishe ine kabili ukutila nshakakwate ukwafwilishiwa nakabili lelo nkabamona lilya line ilyo kulongana kukaleka; ico nalicitile kabili bena, doctor na ba nashi, bonse balipapile nganshi ukumona ine, kabili balinjebele ukuba uwaundapwa.

J. P. P

* * *

Ukuluka Ukushaleleka ne Cibukulo

Naliculile pa myeshi isano no kuluka ukwabipa. Iya kulekelesha imyeshi ibili kuti nanwa amenshi ayanono sana ne cakulya. Nalikwete kune ukukalamba nganshi ukutumbulwa kwa munda. Abengi abaishibisha babombele pali ine. Nalikwete kabili ukukalamba nganshi ukutumbulwa mukati ka myeshi mutanda mu Kroonstad, kumo panuma ya kubiye. Mukulekelesha Dr. Dykman alikene ukuncitila icintu icili conse na cimbi ine. Nali mu Johannesburg mu Cipatala ca Kensington inshita ishingi ukubombelwa na baishibisha. Ine nacimbi nalikwete icibukulo ico Shikulu ondepe umupwilapo.

Panuma ya kundapwa kwandi nalile kuli doctor kabili ali mpele kalata kabili atile imo kuti yapokwa ukufuma ku baishibisha.

W. J. G.

Mrs. J. G. aba umulwele wandi pa myaka ingi. Ena alikwete kune ukutumbulwa kwa munda mukusuntikana ne ndusha yakwe ne filundwa fya bwanakashi. Mukulundapo ena alikwete icibukulo. Mupepi ne myeshi isano ena alecula no kuluka ukushingaleka. Ena alibombelwepo kubengi abaishibisha mu Johannesburg. Ena nombamba mucine ali umutuntulu nganshi.

Dr. H. J.

* * *

Kacema Alanda Ukundapwa Kune

Ifwe twaliipakishe ukwatumwa na Lesa ukulongana kwakwa Branham ne mbila sha kuko ishapatwamo ishashimikilwe na ba membala abapusana pusana abe bumba, lelo no mucinshi kuli bukapyunga bwa umo uwa mutemwikwa wesu Munyina Branham ifwe tatukwete

amashiwi ukulangisha ukutasha kwesu kuli Shifwe uwa mu Mulu pa busuma ubwakutuma ena kuli ifwe, uyo wapokelele ukucila ifyo lulimi lwingalanda. Umukashi wandi na ine capamo no lukuta lwesu nge fyo caba twali abaputwamo nganshi nakatina no kusekeshiwa muli bulesa icakutula abengi balipokelele ukundapwa kwabo pa kulolekesha fye. Nkashi Fourie (umukashi wandi) aculile ukucila pa myeshi pabula pa mulandu wa kufyalwa kwa kanya kesu akanono, ako akali na Lesa nomba, lelo ilyo ena aleumfwa imbila ya bulesa iya kundapa, ena alisumine icishinka ca mulandu kabili alyundepwe apo pene fye. Cilya cali ni mu Klerksdorp.

Munyina Ben Mayor uwa mulukuta lwesu alecushiwa no mona uwafimba ububi nganshi, ilinso lyakwe nalyo lyalyambwileko kabili lyaishileba ilya mulopa kabili muli co ububi nganshi icakutula panuma ya myeshi itatu cali uyo musango kuli bonse abaishibe impwalonda ukutula munyina ali no kufwa imfwa iyabipisha nganshi. Nalikoseleshe munyina ukuya mukulongana mu Kimberley no kumweba pafyacitike kuli nkashi mumusumba umbi. Ena alisalile ukuya kabili alyundepwe mu musango umo wine ilyo ena alekutika kuli Munyina Branham ukweba bambi ukutetekela. Ena nacimbi alisumine cena ukuba ukwakwe umwine kabili panuma yakwenda ukucila ba mailoshi amakumi cinekonse konse lilya mu bushiku ukuya ku nga'nda, ukufimba kwa mona kwalipwile kabili ilinso lyaishileba cimo cine nge fyo lyatala ukuba.

Ukupita mu mushi wesu mu nshila yabo ukuya ku Kimberley ibumba lyalitungulwilwe na Lesa ukufika pa nga'nda yesu ilyo twalepepa kuli Lesa ukutuma munyina kuli ifwe ne mbila ya cila umo kabili na cimbi ukumubomfya wene pa kundapwa kwakwa Betty wesu umunono (imyaka ya kufyalwa isano) uyo uwalecula no kukalipwa ukwabipa ukucilinganya pa mala no kuselasela ukukonkapo kabili nacimbi icishibilo cimo ico catusakamike nganshi ifwe. Ilyo Munyina Branham aingile mucipinda cesu icakwikalamo ena ali mumwene ena no kulanda kuli ena mu musango uwanakilila kabili uwakutemwa ilyo natontonkenye mupepi ifyo Shikulu Yesu Umwine engacita. Ena asontelele ku wakwe umwine uwatemwikwa Becky kabili pali ilya nshita nalifililwe ukutekanya ne mwine kabili natile: Betty lyonse atila nga Yama Branham amupepelela wene ena kuti aundapwa. E ico ena atile, "Ine nalamupepelela wene," kabili ukubike ndupi shakwe pali wene ena aseseshe Imyulu ne pepo lyakwe ilyapetama ilya cishinka. Ukupilibukila kuli nkashi ena atile: "Nkashi, wisakamana nakabili, ena nomba naundapwa umupwilapo." Ena nacimbi alitwebele ifwe filya fine ifyo aleculako kabili kulya kwali e mpela ya kucula kwakwe. Ena alyundapwa umupwilapo, amalumbo yabe kuli

Lesa impalume. Cilye cishibilo naco caliya. Ndetotela nganshi ukusoso kutila bena bonse bacili balyundapwa. Ilyo munyina aile bulya bushiku ena nacimbi alisosele: “Nkashi, Shikulu Yesu akupela ukukabila kwa mutima obe.” Ifyo ifwe tuli abansansa pakwishiba ukutula Lesa acili alasuka amapepo.

Mrs. Wessels, Robyn Street, Christiana, alisontelwe kuli Munyina Branham ukulongana kwapa Cibelushi (20 October 1951) no kumweba ukutula ena alecula ukufuma mumfyo shakwe lelo ena naundapwa kabili cali fyo. Ena acili alyundapwa. Kwalibako abaitunga ukutetekela mu musumba lelo abengi nganshi balitetekela ukutula Munyina Branham aba umuntu uwatumwa ukufuma kuli Lesa, kabili palwa ba membala besu fwebene, ifwe bonse twalishiba cena kabili twalisumina cena ne mitima yesu yonse. Ukwishiba kwandi ne mwine kwaba ukutula ni mpalama nganshi kuli Lesa ukucila lyonse. Ndi muntu uwaibela ukucilapo kabili Lesa alepala bukapyunga bwandi ukucila lyonse.

Lekeni amapalo aya nonkesha ayakwa Lesa yabe pali bukapyunga bwenu.

D. P. F., Kacema

* * *

Nomba Aleenda Bwino Umupwilapo

Imishipa mu lutungu lwandi shalilepwike ilyo nalebutuka. Nali no kuya mukutumbulwa ukwakalabana nganshi pa lutungu lwandi. Panuma ilyo nafumine mucipatala ine nalesunta lelo mailo ubushiku nalyumfwile ukutula Shikulu alinkumishe ine ilyo Munyina Branham alepepela umuntu onse.

Ndetasha Shikulu ukufuma mukati ka mutima wandi ukutula ine kuti naenda bwino umupwilapo.

J. B.

Ukubelenga Palwa Bukapyunga Bwakwa Branham Kwaputilemo Icitetekelo pa Kundapwa Kwakwe Umwine

Pa myaka ikumi limo naliculile ku bwabipisha “Ubulwele Bwa Mutima.” Ba doctor tabakwete isubilo nangu limo kabili batile ukutula nalingile ukuba uwaikushiwa no kwikala ubumi umutima wandi wingasuminisha ukwikala. Nalekwata ukwikatwa kwa mutima ilingi line. Ine nacimbi balintwele ku cipatala pa mwela uusuma. Abana bakwa Lesa balepepa lelo naleumfwa panono panono ukulaibila. Takwali isubilo, takwali isubilo, mpaka pa kulekelesha ifwe twalipokelele ilyashi ilisuma ukutula Munyina Branham aleisa ku South Africa.

Umulume wandi ilyo line, kuli telegram wa mukampampa, ashitile ibuku lyakwa Branham mu Durban ukulipela kuli

ine ku kulibelenga, ukwishiba ukutila ilyo nabelenga ibuku icitetekelo candi muli Lesa cili no kukula. Ilyo nabelengele ibuku icitetekelo candi muli Lesa caishile koselako no kukoselako mpaka nali uwashininkisha ukutila kuti nasubila Lesa pa kundapwa kwandi. Ukwishiba Munyina Branham aleisa ku South Africa nalilwike ukutila amakana bali no kwisa ku kupepelwako kabili lisubilo nshi ine nkweite ukwisa mu mulongo wakupepelwa. Ine ilyo line natendeke ukuleka ukulya no kupepa, ukulomba Lesa ukumbika ine ntanshi mu mulongo wa kupepelwa, pa kutila Munyina Branham engalanda kuli ine wine.

Les a alyaswike ipepo lyandi. Pa 17 October, 1951, inshita ya bushiku iyakubalilapo iya musonkano wakwa Munyina Branham mu Kimberley, nalipelwe ikadi na Billy Branham yali ne mpendwa 3 pali yena. Impendwa 1-15 shalitiwe ukupanga umulongo wa kupepelwa kabili, Lesa alumbanishiwe, nali uwacibili ukupepelwa. Munyina Branham atile, "Icungulopo mukwai, nkashi, iwe uli uwatetekela. Iwe walecushiwa no bulwele bwa mutima. Iwe walyundepwe pe tebulo lya mulalilo imyeshi inono iyapitapo. Iwe walilekele ukulya no kupepa mucipinda cobe ica kukati, ukulomba Lesa ukukubika iwe mu mulongo wakubalilapo kabili ulya e mulandu wine iwe ubelele pano mu mulongo wakupepelwa uwakubalilapo. Nkashi, kabiye, Lesa nakundapa iwe umupwilapo nomb a."



Les a alumbanishiwe, nalipokelele ukundapwa kwandi apo pene fye kabili lilya nanomba nalikwete icishininkisho ukutila Lesa nangu'ndapa ine. Amalumbo na aleluya fyaiswile icikulwa ca mu musumba ilyo Munyina Branham abilish e ine ukundapwa. Uuli onse uyo wanjishibe alishibe umusango naleculilamo pa myaka ikumi limo kabili nomb a bena bonse balelumbanya Lesa pamo na ine pa kundapwa kwandi.

Munyina Branham alumbwile ukutila nalyundepwe pe tebulo lya mulalilo. Ici cishinka. Bumo pa Mulungu ulucelo kacema wa ku Kimberley Full Gospel Church of God no mulume wandi balimpepelele ine. Nalilwalishe nganshi. Nalekabila ukukwata umulalilo lulya lucelo. Kacema ukwishiba nali uwanakuka nganshi atontonkenye cena tekuti cicitwe. Ine nalikonkomeshe, kabili kacema alinsendele ku chalichi. Ulu lucelo cali ukushisha aba aba mu ma ofeshi. Konse akabungwe kalukuta na bakashi babo balipushiwe ukwisa kuntanshi. Panuma ya kushisha twalikwete umulalilo. Naliminine kumbali ya mulume wandi uyo wanjikatilile. Nali uwanakuka nganshi kabili ukulwishisha ukupema. Ulukuta

lwaloleshe amenso yabo pali ine ukwabula ukwishiba ico cali no kucitika ukukonkapo. Umulalilo walipelwe kabili ilyo nasendele Umukate (umubili wakwa Yesu) Lesa alingu'ndepe ine kabili nafumine pa lukuta ukwabula ubwafwilisho ubuli bonse kabili umutima wandi wali utuntulu. Lesa alumbanishiwe.

Panuma ilyo Munyina Branham ampepelele ine nalipwishe doctor ukumpima kabili ena atile: "Kabiye no kusangalala kabili wikatala ukutontokanya ukutila iwe walitala ukucushiwa no bulwele bwa mutima." Lesa na mpela ine umutima upya, kabili ine nomba ndi umutuntulu kabili uwakosa, lyonse ukulaya ukupela ubunte no kweba abantu umusango Lesa angu'ndapa ine.

Cisuma, imwe mulenjipusha bwafwilisho nshi ukundapwa kwandi kukwete pa bumi bwandi ubwa bumupashi. Icakubalilapo, ndelumbanya Lesa pa kundapa ine, lelo amashiwi Munyina Branham alandile, "Uli uwatetekela," yapilibula ifingi kuli ine. Ine lyonse nalilwike ukutila kuti naya ku mulu no mubili uwalwala lelo te mweo uwalwala. Uyu e mulandu wine yalya mashiwi yapilibula ifintu fyonse kuli ine. Ica bubili, abantu balipapile ilyo balolekeshe pali ine, bambi nakabili batile, "Iwe uli icipeshamano." Umulume wandi na ine nomba tuleya muli bukapyunga ubwine bwine ukuleta kuli bambi iyi iyabukata Imbila nsuma iye pusukilo no kundapa. Umuku na umbi, beni pamo na ine no kusosa "Shikulu alumbanishiwe." Natusose nakabili, Shikulu alumbanishiwe.

V. O. N.

* * *

Ukupokololwa Panono Panono Ukufuma Mukukalipwa kwa Munda

Nalecula no kukalipwa kulubali lwandi ulwa kukulyo kabili na munda yandi. Panuma ilyo Munyina Branham ampepelele pa Kimberley ine panono panono naishileba bwino mpaka nomba ndeumfwa ngo muntu umupya. Doctor alipapa ukumona umusango na belamo bwino. Ukutotela, pantu na Lesa ifintu fyonse filacitwa.

E. J.

* * *

Umuntungwa mu Musango Onse ku Malwele Ayapusana pusana

Pa myaka amakumi yabili na fitatu nalecula no kubombelwapo pali arthritis, impwalonda, ukubutukisha

kwa mulopa kabili icilonda icakutumbulwa icishingapola. Pa October 21, mu Kimberley, Munyina Branham alandile kuli ine. Ena atile ukuti nalikwete impwalonda na malwele yambi kabili ukutila Lesa fye eka ewingampususha ukufuma ku nshishi. Panuma ya ku mpepela ena atile kuti naya kunga'nda pantu nalyundepwe.

Ukundapwa kwandi kwaishile panono panono lelo mukati ka milungu itatu ukukalipwa konse kwalile kabili nali umuntungwa mumusango uuli onse. Kacema wandi uwaku Dutch Reformed ali uwansansa ukumfwa palwa cena kabili panuma ya kupimwa doctor wandi alimpele kalata ukulanda ukutila takwaliko impwalonda atemwa arthritis mu mubili wandi. Lesa alumbanishiwe calenga Shikulu abe umutuntulu kuli ine.

W. J. B.

Ilyashi lya kale ilyakwa W.J.B., Andalusia, iciimo imyaka 54.

Indusha yakwe yalifumishiwe kabili panuma ukutumbula na kumbi pa mishipeshipe. Umuti wa mpwalonda ukubikwa pali cimumena ku kuboko kwa ku kulyo pa myaka ukucila ikumi limo na fisano. Nacimbi ukukwata umuti pebele lya kukuso pali cimumena mwibele. Ena nacimbi alikwete ubwafya no kukalipwa munuma yakwe. Nomba pa kupimwa ena asangilwe ukuba uwa maka lelo nangu cibe umwanakashi uwalemoneka uwa bumi busuma. Takwali ukubutulukila atemwa umutuntulu. Icibala icikalamba kukuboko kwa ku kulyo nebele lya ku kuso, ifibala fyonse fibili ifituntulu. Tapali cimumena pebele. Takwali ifilundwa ifikulu mukwapa, pa mukoshi, atemwa apali ponse. Ifibala fya munda ifya ciunda—ilibu ilituntulu—pa cifuba, bapwapwa, no mutima utuntulu. Ena aleumfwa bwino kabili takwete ifyakwishibilako.

Dr. R. N.

* * *

Ukufimba pa Menso Kwalipwa

Ine kuti napela ubunte ukutila Lesa acili alikwata amaka ayakundapa. Mu nshita ya kutandala kwakwa Rev. Branham ku Kimberley nalyundepwe apo pene pa 21 October, 1951. Icungulo bushiku bumo bwine ilyo nafikile ku nga'nda, nalilolekeshe mucilola candi kabili kuti namona icishininkisho ca cipeshamano Lesa abombele.

Pa myeshi 3½ nalecula no kufimba kulubali lwa ku kuso ulwa mona wandi, icakutila umona wandi kuli lulya lubali wali uwaisalika mubutuntulu inshita fye yonse. Nalyumfwile umwenso ukutila wene walisangukile mu mpwalonda. Isubilo fye lyandi lyeka lyali ukufika kuli kasesema wakwa Lesa,

pakutila ine ngo mwana wakwa Lesa ni ngo ndapwa. Lesa alumbanishiwe, ukundapwa kwandi na kupwililika kabili kwakutwalilila.

B. P. M

* * *

Ukundapwa ku Bwafya bwa Mumala

Ndefwaya ukulumbanya Shikulu pantu Ena nangu'ndapa ine ku bwafya bwa mumala ubo bwa ncusha ine mubumi bwandi bonse. Mupepi imyaka amakumi yabili ine nacimbi nalecula pa mulandu we libu ilyabipa. Naliposa mupepi isho mfola shonse pa bundapishi ubo bwampelako fye ubwafwilisho bwapa kashita. Nalipokelele ukundapwa apo pene pa mafya yandi aya mumala, lelo ilibu lyandi lyaishileba bwino panono panono mpaka lyena, nalyo, lili nomba ilyapwililika. Ileo ndi muntu wa bumi busuma kabili Shikulu alumbanishiwe pantu Ena nanenga ine umuntu mupya.

N. W.

* * *

Ukucula ku Bwafya bwe Libu

Ilyo Ibumba lyakwa Branham lyakwete ukulongana kwa kundapa kwa bulesa mu Kimberley, nalipokelele ukundapwa kwandi ilyo line. Pa myaka ibili nalecula no bwafya bwelibu. Cili nomba ukucila imilungu mutanda iyapitapo ukutula ilyo kulongana kwaiselwe kabili ukukwishiba na kukoselesha icitetekelo candi no kupalamika ine mupepi kuli Lesa.

R. S.

* * *

Ukupokololwa Ukufuma kuli Bronchitis no Kuminina kwa Mulopa

Ndefwaya ukutasha Lesa pa kundapwa uko napokelele ku Kimberley panuma ya kucula pa myaka 20 na bronchitis kabili no kuminina kwa mulopa. Naikele mukulongana, uwailuka nganshi pa mulola wa Mupashi wa Mushilo. Nangula Munyina Branham napamo onse uwashala alilandilepo kuli ine napamo ukumpepela ine, lelo nalipaleme mucitetekelo kabili Lesa alingu'ndepe ine. Umweshi naupita nomba ukutula ilya nshita kabili tapali ne li line icishibilo cakucushiwa.

B. A. J

* * *

Ukwenda Nakabili

Pa myaka iine nalefilwa ukwenda. Munyina Branham alinjebele ukwiminina no kwenda kabili nomba nalyundapwa umupwilapo.

Ndepela Lesa amalumbo yonse, ubucindami kabili no bukata.

J. J.

* * *

Naumbi Aenda Nakabili

Inshita imo akale nalikwete stroke iyo yanengele ukulemana konse kulubali lwa ku kuso kwa mubili wandi. Amano yandi nayo yalefumapo. Nshaleenda umupwilapo pali nalimo imyeshi isano.

Inshita imo iya bushiku Munyina Branham atile ukuti abo abatetekele bali no kundapwa kabili aebele bonse abo abakwete icitetekelo pa kundapwa kwabo ukwima no kwenda. Naliminine no kwenda.

Mrs. N.

* * *

Imibombele ya Mulopa Nomba Ituntulu

Umwana wandi umwanakashi alelwala ukutula ilyo ali ne myaka yakufyalwa cinekonse konse. Ena intanshi akwete ibula lyakwe ukufumishiwa kabili elyo aishilebipilako no kubipilako mpaka doctor wa ku Kimberley amutumine wene ku Johannesburg, uko ena asungilwe mu Norman Nursing Home pa milungu ikumi limo na itatu. Ena akwete imisango itatu iyapusana iya nyeleti cila ama ora yatatu, akasuba no bushiku, lelo ena alishile ondelako no kondelako kabili mukulekelesha nalisalile ukumuleta ena kunga'nda ne ndeke pantu ena tekuti ashipikishe ubulendo bwe shitima.

Elyo nalitetekele fye muli Lesa. Panuma (1950) Marlene akwete lamba yakwe ukufumishiwa kabili imyendele ya mulopa wakwe yalipilibwilwe (lamba yakwe yali imiku ikumi limo na fisano ubutali ukucila ituntulu). Ukufuma umulopa kwalitendeke. Panuma ya kutumbulwa ena nalyo line aleluka umulopa. Ena aishilekwata akanwa akabipa ico doctor atile cali ni pa mulandu wa mibele ya mulopa. Ena alikwete ukubikwa kwa mulopa ukwingi, kabili alingile ukukwata ibotolo lya mulopa mu November, lelo nomba tacili icikankala.

Ifwe twalembele kuli Munyina Branham ilyo ena talaisa ku South Africa kabili Munyina Bosworth ali mutumine akatambala akasubwa ako ena nomba afwala. Ifwe tulesa cila nshita ya bushiku kabili mucine kuti twatotela Lesa ena ali uwaundapwa umupwilapo kabili ndi uwashininkisha Lesa na bikamo na lamba umupya muli ena.

M. W.

Cimumena ica Mishipeshipe

Munyina Branham alimpepelele ine pali Citatu ubushiku kabili alinjebele ine ukutula nalikwete cimumena icamishipeshipe pa cisa kabili ukutula, mukati ka ma ora 72 ukufuma lilya nali no kupokelela ukundapwa kwandi.

Pa Cibelushi ubushiku ilyo naikele mwi bumba kabili Munyina Branham, kasesema, alepyungila kubalwele, nalimo ama ora 72 panuma yakupepelwa kuli wene, Shikulu anangishe ne cimonwa icalupanda apa sansama panono. Ico canjikete nge cintu icawamisha cali cakutula cali conse mu mfifi palwa lupanda. Lilya line ku lubali lwa lupanda, ilyo lwena lwali mulwelele, kulya kwamoneke icintu cimo ico ningalondolola nga ci mumena ca mishipeshipe. Ndelumbanya Shikulu pa kungu'ndapa.

N. M. C.

* * *

Cimumena

Ilyo ifwe tatulaitwa mu mulongo wakupepelwa ine nalyumfwile kale icintu cimo calicitike. Ine kuti napela fye ubunte ukutula ninjishiba ningu'ndapwa kabili ukutula Shikulu nabomba umulimo. Nalecula ukufuma kuli cimumena mu filundwa fyandi ifya bwanakashi pa mwaka umo ne myeshi ine.

H. Van E.

* * *

Ukukalipwa kwa Mutima pa Myaka Amakumi Yabili

Nali ne myaka itatu iyakufyalwa ilyo nakwete impepo ya rheumatic kabili ici calengele ukukalipwa kwa mutima uko ine naleculako pa myaka amakumi yabili. Nalishile kuli Munyina Branham kabili ena alimpepeleko kabili nalyundepwe. Abanandi na balupwa bali abansansa nganshi ukumona ukutula ningu'ndapwa.

Ululimi lwandi lwipi nganshi ukutasha no kulumbanya Shikulu pa kundapa ine.

J. L. O.

* * *

Arthritis Yaliya

Nalecula ukufuma kukukalipwa ukwabipisha mu mubili wandi. Ukutula June, ilyo napuminwe no kwikatwa kwa mutima, doctor alinjebele ukuba tondolo nganshi. Lyonse ili mu nshita ya uku kulongana naumfwile ukutula Lesa ali no kungu'ndapa. Mailo bushiku nalipokelela ukundapwa apo

pene ilyo nafumine mucikulwa. Nshalesesha ukuboko kwandi ukwa ku kuso mpaka mailo bushiku. Nalikwete arthritis mu maboko yandi yonse yabili, lelo ine kuti nayasesha yena nomba. Ndetasha Lesa pa fyo Ena ancitile kabili ndelaya ukwiminina uwacine mpaka Ena akansende ku mushi ku Calo Icwama.

W. M.

* * *

Ubukali Mwibele na Pakubeya Fyaliya

Nalecula pa myaka ibili ne bele lyandi ilya ku kulyo kabili nacimbi nalikwete ukukalipwa nganshi mukubeya kwandi ukwaku kulyo. Ba doctor balintumbwile imyaka itatu iyafumako ukwabula ukulunduluka. Naile kuli Dr. K. uwa ku Petersburg kabili ena alinjebela ukutila nga kuli no kutwalilila filya fine, cili no kuba impwalonda ili line. Nalisalile ukusubila muli Shikulu.

Umusonkano wa kundapwa uwakwa Munyina Branham watendeke pa 24 October, 1951, pa Bloemfontein kabili nshita ya bushiku iya kubalilapo nalipokelele ikadi ukufuma kuli Billy, umwana wakwa Munyina Branham. Nalitilwe kuntanshi kukupepelwa. Ilyo naiminine kuntanshi yakwa



Munyina Branham, ena aolekeshe pali ine kabili atile, "Iwe uli mwana wakwa Lesa. Bena balikutumbula iwe." Nalyaswike, "Ee," kabili ena lyena atile, "Icintu cimo cilesela ukufuma mwibele lyobe nomba, kabili Shikulu nakundapa iwe. Kabiye ku nga'nda." Ena tankumishe atemwa ukumpepelela, lelo alandile fye kuli ine. Ukufuma pali ilya ine ora nalyundepwe.

Ilyo naiminine mupepi na Munyina Branham, imyumfwile ya mushilo yaishile pali ine kabili nalyumfwile ukututuma ukwatalala. Munyina Branham mubomfi wacine uwakwa Lesa, umuntu uyo ulenga ine ukutontankanya pali Yesu.

Nalyumfwile ngo muntu mupya. Ubumi bwandi ubwa bumupashi na bukulwa. Ndepepa sana kabili ngu'mfwa ngo wakupela ubunte pali Shikulu wandi ukuli konse ningaya. Ulukombo lwandi nalwisulisha no kusangalala. Ndeumfwa ngo wakwikalila onse pali Yesu wandi pantu Ena nancitila ifingi nganshi ine. Nshakwata nakabili ukukalipwa mwi bele atemwa mukubeya kwandi ukwa kukulyo. Ndelumbanya shina Lyakwe palwa cena.

S. S.

Ukucushiwa no Kulepuka kwe Bula

Capamo no wa Malumbo mu Malumbo 103, ifwe kuti twabilikisha “Cindika Yehoba, We mweo wandi na fyonse ifili mukati ka ine, cindika Ishina Lyakwe ilya mushilo.”

Umutima wandi nawisushiwa ukupongoloka no kutotela kuli Shikulu pafyo Ena ancitila. Ena alishibe pa mafya yandi yonse, kabili ifyo ine naculile no kulepuka kwe bula pa myaka 27. Nalipitile mu kukalipwa, lelo nalitwalilile ukutetekela Lesa pa kundapwa. Nalibelengele muli “Kasansamusha” ukutila ukulongana mu Bloemfontein kuti kwatendeka pa 24 October kabili nalisalile ukuya kulya.



Ilyo nacitile ifyo Munyina Branham anjebele naumfwile kwati ukufina kukalamba kwalifumishiwe pali ine. Nalimwene kwena maka maka ilyo naendele; ulufumo lwandi lwaumfwike ulwaanguka nganshi.

Nshatalile lalapo mu musango uuli onse ukucila ukubika ukuboko kwandi ukwa ku kuso ukwafwilisha ukulepuka kwe bula. Nomba ici tacili icikankala nakabili. Ifisendo fyandi no kusakamana fyonse nafifumishiwapo. Ine kuti nasosa fye, “Ukutemwa kwakwa Yesu kwaliwama, ukuwama,” kabili ndepela Lesa ubukata bonse.

J. M. H.

Co-Signed na Kacema J. J. G.

* * *

Ubwafya bwa Mfyo no Mutima

Ndefwaya ukupela ubunte pa munandi uyo uli ne myaka yakufyalwa ikumi limo na ibili. Uyu mwana alilwele pa myaka cinelubali. Ena alikwete impepo iya rheumatic ilyo ali ne myaka isano kabili aleba no kufuma pa busanshi no bwafya bwa mutima, kabili ne fintu fimbi. Ifwe twaishile ne citetekelo ica sansama kuli uku kulongana, ukutetekela ukutila Munyina Branham ali uwalinga ukupepa kabili Yesu kuti amundapa umupwilapo. Ena apokele kadi lyakupepelwapo lelo taitilwe mumulongo wakupepelwa, kabili alipapushiwe, ninjishiba. Lelo ali musontele ena ukufuma mwi bumba. Ilyo ena alelanda pabwafya bwakwe ubwa mfyo, natontonkenye, Owe! Ena tapepelele ubwafya bwa mutima wakwe. Lelo ena alicitile. Ena ali bumwene, nabo. Yesu alangishe ukutila ena nacimbi alikwete ubwafya bwa mutima, kabili ena alyundapwa kuli fyonse fibili. Aleluya! Shikulu alumbanishiwe.

S. R.

Ubwafya bwa Mumala no Kulepuka kwe Bula

Ndefwaya fye ukupela ubunte ukutila Yesu Kristu aba cimo cine mailo, ilelo no muyayaya, acili alebomba ifishibilo ne fipapwa. Ena tapilibuka.

Nalricula pa myaka iine pa mulandu wa munda yandi. Nalikala inshita sha bushiku ishingwi ukwabula ukutusha. Doctor anembele ba powder lelo bena bakwete ubwafwilisho ubunono. Ilyo Munyina Branham ali mu Bloemfontein, ifwe twalisalile ukuya kulya kabili no kupepelwa. Ilyo ena alepepela abalwele bonse Shikulu alinkumishe no kungu'ndapa ine. Umukashi wandi nao alyundepwe nao inshita imo ine icungulo bushiku kukulepuka kwe bula. Lesa alumbanishiwe pa luse Lwakwe.

H. C. H.

Co-Signed na Kacema J. J. G.

* * *

Ubwafya bwa Mutima

Nalricula ukufuma ku bwafya bwa mutima pa myaka ingi. Nalefilwa ukusela ne mwine mumusango uuli onse uwacepesha ukwabula ukumfwa ubwafya bwa cena, lelo Lesa alumbanishiwe, ine ningu'ndapwa! Ilyo nasangilwe mukulongana mu East London, November 18, nalisumine ukundapwa kwandi ukufuma kuli Shikulu. Muli bukapyunga bwakwa Munyina Branham Shikulu alinkumishe ine no kungu'ndapa umupwilapo. Mu nshita ya kulongana uko kwakonkele ukundapwa kwandi, nalyafwile ukusenda abalwele pa mulu na panshi ya matabo ukwabula ukumfwa ububi ubuli bonse. Ici cintu cimo ico ine nga nshacitile kano fye Lesa alingu'ndepe.

J. H. P.

* * *

Ukucula kuli Angina

Iyi ni nshita iyawamisha nganshi mu bumi bwandi. Pali Citatu ulucelo nga nshaendele pa lutampulo ulwalinga mubutali ku cibansa ca mupila ukwabula ukubutukisha kwa mutima, ukupema ukwipi no kukalipwa ukwabipa mukuboko kwandi, cilya uuli onse alishiba uwaculapo kuli angina. Ilyo iwe tekuti wende kabili kunse yaico iwe tekuti ukontame ukubombako umulimo unono mu gardern, kabili iwe tekuti wimye icakutapilishishako, atemwa ukuswako amaluba ayanono, lyena fyonse tafili bwino. Kabili e ico pali Citatu naishile mukulongana ne citetekelo conse ukutila mu nshila imo nali no kusanga Lesa mu mapalo Yakwe yonse.

Munyina Branham aiswile ukulanda kwakwe, kabili ena alandile na maka nganshi ayacitetekelo. Uku kwawamisha ukukoselesha kwapongolokele mumubili wandi onse no kwenda ukufuma mu maboko yandi nga malaiti. Nalishibe lyena nalyundepwe, nangula nshafwaile ukulanda cena. Natontonkenye ine ndi no kulolela mpaka mailo, lelo nalishibe ilyo nshilafika ku nga'nda ukutila umubili wandi wali bwino pantu imyendele ukuya kuli motoka yandi yali iyayanguka nganshi. Ulucelo lwakonkelepo nalyendele pa Eastern Beach no mukashi wandi kabili ukubwelelamo nakabili ku mwela uwa maka. Nalibombeleko mu gardern no kulima, kabili lelo nacenda ukufumyapo ukukakwa pantu nshatalile ukukwatapo ukwenda kusuma ukwa musango filya mubumi bwandi. Shikulu alumbanishiwe.

S. C. H.

* * *

Umusepela Ukundapwa Ukufuma ku Kukalipwa kwa Mutwe Ukwabipisha

Panuma ya kulwala no kubombelwapo pa myaka isano, nalipokelele ukundapwa kwandi mu Bloemfontein 24 October. Munyina Branham alinjebela ukutila nalecula ukufuma ku kukalipwa kwa mutwe ukwabipisha, ico cali icishinka, lelo nalyundepwe fye ilyo line fye panuma ena anjebela ukutila Yesu na ngu'ndapa kabili ukutila ine nomba kuti nasangalala mukundapwa uko kwali ukwandi. Ndi nemyaka ya kufyalwa ikumi limo na fine kabili pa mulandu wa fyo Yesu Kristu acitile ine nimpela ubumi bwandi kuli Wene.

A. S.

* * *

Polio ne Mpwalonda

Naliculile kuli polio ukucila pa myaka amakumi yabili na cinelubali. Ili line nalikwete impwalonda ya mukati, lelo nalyundepwe apo pene fye panuma ye pepo ilya cintubwingi 24 October mu Bloemfontein.

Doctor wandi alesosa cena cipeshamano icituntulu kabili ali uwansansa nganshi ukutila ningu'ndapwa. Ukundapwa kwandi nakuleta umulume wandi na bana kuli Shikulu. Li lumbanishiwe Ishina Lyakwe ilya mushilo.

G. E. D.

* * *

Ba Membala Batatu aba Lupwa Lumo Bapokelela Ukundapwa Icungulo Bushiku Cimo Cine

Kuli ine lishuko ilikalamba ukuba uwalinga ukupela ubunte pa mapalo no kundapwa ukwapokelelwe mu nshita

ya musonkano wakwa Branham pa Bloemfontein. Nalipokelele ukundapwa kwandi pa 27 October pa Bloemfontein kabili tekuti ntotele Shikulu nganshi pa kupokololwa kwandi. Pa myaka isano naliculile ku mpepo ya rheumatic cila mwaka kabili umwaka walenga mutanda, ilyo naishileba ikumi limo, imishipeshipe yandi yalilekele ukubomba. Pa myeshi mutanda nali mu General Hospital mu Bethlehem. Ilyo nali ikumi limo na fibili ikufi lyandi ilya kukuso lyatendeke ukufimba. Iya kubalilapo ibili atemwa imyaka itatu tayali iyabipa nganshi lelo pantanshi imibele yaishilebipilako. Pa nshita shimo ililine, panuma yakweshwa ukwenda mailoshi umu, ukulu kwandi kuti kwakalipa nganshi icakutila pali shisano atemwa inshiku mutanda ine nalefilwa ukwenda.

Naliipwishe ikumi limo na babili ba doctor aba pusana pusana. Ifwe twalile ukuya fye pantanshi no kuyaipusha kuli ba shinga'nga lelo tapali nangu umu uwingacita icintu icili conse ukungamfwa ine.

Ba doctor nabaishibisha aba ku Bloemfontein baebele abafyashi bandi ukutila bena nabo tekuti bacite icintu nangu cimo napamo ukupekanya umuti uwalinga.

Doctor Visser uwa ku Bloemfontein atile ukuti nalikwete ubwafya bwe kufi kabili ukutila lyali no kuba ilituntulu pali nalimo 24 atemwa icimo ca myaka 25. Umulungu fye kunuma kuli ulya Dr. Scheeper uwaku Johbg. apimine ifupa ilya onaika ilyo ilinga wamishiwa fye ukupitila mukutumbulwa.

Pantu ifwe twaleikala mu O. F. S. ukutumbulwa kwalingile ukucitwa mu Bloemfontein. Umulungu wakonkelepo abaishibisha pa Bloemfontein balikene ukutumbula kabili ne mitima yabo iyanenushiwa nganshi no kupapushiwa ine nalibwekele kunga'nda inshita imo ine iya bushiku.

Imibele yandi yaishilebipisha kabili ikufi lyandi talyali fye ilyafimba lelo pali ino nshita ukulu kwandi konse nakatende no lukasa na fyo. Nalipelwe inshindano iyapusana nge fyo doctor atontonkenye ukutila nalikwete amenshi. Inshita ya bushiku iya cibili nshalele. Ubushiku bwakonkelepo ifwe twalipwishe doctor umbi. Dr. Kellerman na Dr. Jordaan balimpimine ine bwino nganshi kabili bena batetekele ukutila imishipeshipe pa mulu we fupa lyandi pe kufi lyali nenwike nganshi ukusunga ifupa lya pe kufi apansansama nganshi mucifulo, e ico ukulenga amenshi ukulonganikwa.

Dr. Kellerman alebele ukutila ningile ukwikala mubusanshi umulungu nokucita ukutukuta kumo ukwekufi. Pali Cine umulungu wakonkelepo umunwe wandi uwaku kulyo no kuboko na fyo fyatendeke ukufimba. Nalilele pa nshiku shitatu akasuba no bushiku kabili docotr alyumfwile umwenso ukutila ine limbi naleambula "ubulwele bwatulo." Ilyo ifwe

twaumfwile pa mwaume uyo watuminwe na Lesa ukundapa abalwele ukupitila mwipepo, abafyashi bandi ilyo line basalile ukutila bengantwala kuli wene kukundapwa.

Cali icawama ukumona abalemana ukwima ukufuma pa mabusanshi na macila kabili ukumona ba ambulance ukufuma mukulongana ukwabula nangu cimo.

Babili ba nkashi ababa tata na ine twalipokelele ukundapwa kwesu pali Cine icungulo bushiku. Ukufuma bulya bushiku nshakwata nakabili ukukalipwa mukulu kwandi no kuboko kabili naliba uwalinga ukubomba umulimo uwakupikula na kulyo kuboko kabili nyenda fye uko ndefwaya ukuya ukwabula imyumfwile ya kulwala ili yonse.

Nali membala wa lukuta lwa Dutch Reformed ulwa ku Bethlehem. Ine, ukubikapo na bafyashi bandi kabili no lupwa lonse, tuletasha kuli Shikulu pa kundapwa uko Ena apela ine, panuma ya kucula mupepi imyaka ikumi limo na fibili.

J. D.

Ubulwele bwa Mfyo no Kubutukisha Kwa Mulopa

Ukutula ilyo nali ne myaka yakufyalwa ibili, nalecula ku bulwele bwa mfyo. Imyaka inono iyafumako amaboko yandi no kulu fyalefimba kabili nalecula no kubutukisha kwa mulopa. Mu nshita ya kulongana mu Bloemfontein, munyina Branham alinsontele ine no kunjeba ukutila nalecula pa mulandu wa bulwele bwa mfyo. Ena alinjipwishe nga ici cali icalungama, kabili nalisunkenye umutwe wandi. Elyo ena alinjipwishe ine nga nalitetekele muli Lesa kabili nga nalitetekele Lesa kuti aundapa ine, palya ine nakabili nalyaswike mucishinka. Ena alyaswike pa kunjeba ukutila Lesa na undapa ine kale. Ulucelo lwakonkelepo konse ukufimba kwalipwile, ukubutukisha kwa mulopa kwaishileba fye bwino, kabili imfyo shandi tashampelapo ubwafya ubuli bonse ukutula pa 24 October, ilyo munyina Branham alandile kuli ine.



Ndefwaya ukutasha Lesa pali uku kwishiba pantu nakundeta mupepi kuli Yesu kabili abafyashi bandi na ine tuli abansansa nganshi pali cena.

A. P.

* * *

Polio, Apendicitis, no Bwafya bwa Mumala

Nalecula ukutula ilyo nafyelwe. Ndi ne cimo ca myaka ikumi limo na fitatu. Nalecula kuli polio. Tekuti ndye nangu

cimo nga teifyo ine kuti natampa ukuluka. Nalefimba mwisamba lye bele, kabili nalikwete ukukalipwa munda yandi uko kwalecitika panuma yakulya. Nalile ukufuma kuli doctor umo ukuya kuli umbi lelo takwali ubwafwilisho nangu bumo. Nalibomfyeshe umusango uuli onse uwa muti lelo tapali nangu cimo icaafwilishe. Ndi uwaonda sana kabili umunono sana pacimo candi kabili moneka ngo mwana wa myaka cinekonse konse. Pa 26 October balinjtile kuntanshi ukupepelwa. Nalimine kuntanshi yakwa Munyina Branham. Ena atile, “Mutemwikwa, bushe uletetekela?” Natile, “Ee.” Ena atile, “Iwe ulacula kuli apendicitis kabili no bwafya bwa mumala ubwabipisha.” Ena abikile ndupi shakwe pali ine no kumpepelela ine. Naumfwile kwati nalimine ukufuma pa mushili kabili ukututuma kwapitile mu mubili wandi. Nalishibe ukufuma pali ilya nshita nalyundepwe. Nomba kuti nalya, ukutoloka, ukubutuka no kucita ifintu ifili fyonse ine nshalecita akale. Shikulu umutemwikwa nancitila ifingi nganshi ine.

V. S.

* * *

Bonse Babili Umulume no Mukashi Bapokololwa

Les a alumbanishiwe, bonse babili umulume wandi na ine twalipokelele ukundapwa kwesu pa nshita imo ine iya cungulo bushiku. Munyina Branham apilibukile kuli ine kabili atile, “Iwe we uli pa machila yakulekelesha uli umwanakashi ulefwa kabili kano fye wabuka ukufuma mubusanshi bobbe iwe tawakatale ukuba umutuntulu. Cena libu lyobe, bushe talili? Iwe naundapwa.” Nalibukile pa muku umo kabili ukutula lilya nshatala lolekesha kunuma. Shikulu alumbanishiwe. Nali mubusanshi pamyeshi isano ne libu ilyafimba lelo ukutula ilya nshita ya mucungulo bushiku naliba umutuntulu umupwilapo.

G. K.

* * *

Ubwafya bwa Sinus

Nalipokelele ukundapwa kwandi mu Capetown. Nalecula no bwafya bwa sinus lelo mu mulungu umo wine panuma ilyo napepelelwe tapali imimonekele yabwena. Les a alumbanishiwe ine nimpokololwa.

R. J. K.

* * *

Nkomamatwi Ukutwi Kumo Ukutula ilyo Afyelwe

Nalipokelele ukundapwa kwandi pa 4 November mu Capetown. Nali nkomamatwi mukutwi kwandi ukwa kukuso

ukutula ilyo nafyelwe lelo ukutwi kwandi ukwa ku kulyo kwali fye bwino. Munyina Bosworth alimpepelele ine kabili nalipokelele ukundapwa kwandi muli kulyo kutwi ukwa ku kuso apo pene fye. Ukutotela kube kuli Lesa. Uwenu uwacishinka,

G. A.

* * *

Asthma na Bronchitis Fyaliya

Ukutula ilyo nali nalimo umweshi umo uwakufyalwa nalecula no kupumwa kwa asthma na bronchitis, kabili mupepi imyeshi ibili iyapitapo nali mubusanshi nakalaso. Panuma ya kusuminishiwa ukubuka kuli doctor nalishele nokukalipwa ukwabipisha kuli bapwapwa bandi.

Cali icapekanishiwa nganshi ukutila ine nalingile ukusangwa mukulongana kwenu ukwa cibili, ubushiku bwali November 11, 1951. Ine nalipushiwe kuli Mrs. Van Dar Westhuizen nga nalisangile nshita ukumusenda panuma ya uku kulongana ukwapwile mupepi na 10 p.m. lilya mucungulo bushiku. Ici nalicitile, ukufika pa Wingfield nalimo 9:40 p.m. nali fye munshita ukumfwa ukwisala kwa kulongana. Camoneke ukuleta icintu cimo kuli ine, cinshi, nshaishibe bwino bwino nganshi, kabili nalisalile ukusangwa mukulongana konse inshita ya bushiku iyakonkelepo.

Nalisansamushiwa no kulongana pantu icitetekelo candi muli Yesu calekula fye mukulongana konse. Ilyo nshilafuma napacificulo, nalyumfwile ubukali mucifuba candi mwatendeke ukunakuka kabili mukati ka shibili atemwa inshiku shitatu ubukali bwalile, fyonse kano fye ukulasa ukunono apa na palya. Ukutula lilya nalifumyapo ifyakufwala ifingi ifyo nalefwala, ukutontonkanya fyena tafyali ifikankala. Nshacisanga ukuba icikankala ukufwala ifi fisalu ukutula lilya kabili nshatala kwatapo ifishibilo ifili fyonse ifya bwafya mukupema.

L. W. H.

Ukusuma ku Mutima no Kukalipwa kwa Mutwe Ukwabipisha

Nalyundepwe mu Capetown pa October 31, 1951. Ukutula ilyo nali umwana ine lyonse nalenwa imiti pantu nali uwanakuka nganshi. Ilyo nali ikumi limo na mutanda abafyashi bandi balintwele kuli doctor kabili ena atile ukuti nalikwete umutima uwalesuma. Ine lyonse naleumfwa ukunaka sana. Elyo naishilekwata impepo iya rheumatic ilyo nali ikumi limo na cinelubali, kabili ici naco caletele ubwafya ku mutima wandi. Ilyo nalekula, umutima wandi waishilenakuka. Imilungu inono ilyo Munyina

Branham talafika, ine naumfwile ndeya ndepwa panono panono. Ine napepele fye ukuba no mweo mpaka Munyina Branham akafike, pantu nali uwashininkisha ukutula Yesu kuti aundapa ine.

Inshita ya bushiku iyakubalilapo iya kulongana kwakwa Munyina Branham, panuma ena apepele abalwele kuntanshi, ena alitwebele ifwe bonse ukutetekela, kabili ine nalyundepwe apo pene fye. Ine naumfwile ngo muntu umupya ukufuma ilya ine nshita.

Nacimbi, nalecula no kukalipwa kwa mutwe ukwabipisha. Ine tekuti mbe mumabumba. Panuma yakulongana ukukalamba umutwe wandi ilingi line waleba mumusango wakutula ine tekuti njisule amenso yandi. Pali Cisano ubushiku (Nov. 2), wena mukupumikisha wali mpumine mukulongana ukutula Shikulu nangu'ndapa ukufuma kuli cilya naco. Nshatala kwata ukukalipwa kwa mutwe ukutula lilya pali Citatu ubushiku.

Ndelumbanya no kutotela Yesu pa kungu'ndapa ukupitila muli bukapyunga bwakwa Munyina Branham. Cikaba milungu itatu mailo. Ine tekuti ndeke ukweba umuntu uuli onse pa maka yakundapa ayo ayabamo mu mulopa wakwa Yesu. Ishina Lyakwe Lilumbanishiwe.

E. S.

* * *

Ukundapwa kuli Bronchial Asthma

Owe, aleluya! Ubukata kuli Lesa pantu kuliko akasuba akalebalika mu mweo wandi ilelo. Yesu naisa mukwikala mu bumi bwandi, ukupilibwila imfifi mu lubuuto lwa kasuba, kabili ubulanda mukusangalala. Owe, ifyo aba Yesu uwa kupapusha mukubomba.

Pa mayaka ikumi limo na fisano nalecula kuli bronchial asthma. Ilyo Munyina Branham ne bumba bakwete umusonkano uwakundapa pa Wingfield, Capetown, South Africa, nalipwishe Shikulu ukukana ncilila ukwabula ukundapa umubili wandi. Cila lucelo nalefuma pa nga'nda yandi ilyo tacilaba 10 koloko ukuba uwashininkisha pa cipuna mukulongana kwa cungulo bushiku. Pa November 1, 1951, ilyo Billy alepela amakadi yakupepelwapo ena acilile icipuna candi ukwabula ukumpelako imo. Elyo Billy Paul aishilebwelela kucipuna candi nakabili no kumpela ikadi lyakupepelwapo. Mu mutima wandi nalipele ukutotela kuli Shikulu wandi umutemwikwa ilyo naishibe Shikulu naasuka amapepo yandi kabili ali no ku ngu'ndapa ine. Ilyo mulongo wakupepelwa waitilwe lilya mucungulo bushiku, Munyina Branham atile, "Abo fye beka ne mpendwa ya makadi F50 ukushinta F60

balingile ukwisa kuno kuntanshi.” Nalilolekeshe kunuma ye kadi lyandi. Lyali F54. Owe, ifyo natotele Shikulu wandi umutemwikwa pakwasuka amapepo. Ilyo naiminine mwi samba lya kuntanshi, umubili wandi watendeke ukututuma. Ine tekuti nembe ishina lyandi nangu panono na keyala kunuma ye kadi. Ilyo naile kulya kuli Munyina Branham ena alolekeshe pali ine kabili atile, “Nkashi yandi, iwe naundapwa kuli asthma yobe; iwe wacundapwa ilyo iwe wali ucili nawiminina mwi samba lya kuno kuntanshi.” Owe, ifyo ndelumbanya Shikulu pa kungu'ndapa.

M. H.

Ilyashi lyaba Doctor

24/10/45

Uku kupela ubunte ukutila Mrs. M. H. alacula kuli bronchial asthma.

Signed Dr. R.

8/11/51

Uku kushininkisha ukutila nimpima Mrs. M. H. kabili tekuti nsange icishininkisho ca clinic pali asthma pali ino nshita.

Signed Dr. I. J. W

* * *

Umutima Wakwata Amaka Nakabili

Pa 4 November, 1951, mu musumba wa Port Elizabeth nalipokelele ukundapwa ukufuma ku mutima uwanakuka. Munyina Branham alinsontele ine noku njeba ukutila ningu'ndapwa kabili ukutila kuti naya kunga'nda. Nalipokelele icishininkisho pali ici inshiku ishinono panuma ilyo namwene ukuba bwino ukwalipo ku mibele ya mutima wandi. Lesa alumbanishiwe.

M. M.

* * *

Imibele ya Mwenso Iya Bipisha

Ndefwaya ukulumbanya Shikulu pakundapwa uko napokelele mu Port Elizabeth. Ukutula mukufyalwa kwa mwana wandi uwakulekelesha, ico cali imyaka mutanda iyapitapo, ndacula ne mibele ya mwenso kabili cilya caletele ubwafya ku mutima wandi. Nacimbi umweshi uwafumako nalecula no kwabipisha, ukukalipwa kunkansa ico canengele ine ukwenda panono nganshi. Nalimona ba doctor abengi lelo takuli nangu umo mucine uwingafwilisha. Icingulo ilyo napokelele ukundapwa kwandi, ukukalipwa konse kwafumine

kulukasa lwandi. Ine nomba kuti nalya icintu icili conse, ico nshatalile ukucita mu mibele yandi iyakale iya mwenso. Ninkwatilako ama pound ikumi limo na fisano mukati ka nshita milungu itatu ukutula ilyo ibumba lyakwa Branham lyali kuno mu Port Elizabeth. Ndetasha Lesa pafyo Ena ancitile ine kabili ndi no kuba uwansansa nganshi nga muli no kupepa Lesa ukunenga ine ukuba ulubuuto ulo lubalika nge fyo naishiba ningile ukucita, lelo ndi uwanakuka nganshi ukucitila cilya ne mwine. Nde mufwaila imwe ifisuma.

D. M. P.

Icipyia Icilundwa ca Mukutwi Calengwa

Ine ndefwaya ukupela ubunte ukutula Shikulu nangu'ndapa ine umupwilapo. Mu 1932 nalikwete ukutumbulwa mucilundwa ca mukutwi lelo, Lesa alumbanishiwe, ilyo Munyina Bosworth ampepelele ine, Shikulu alimpele ukutwi ukutuntulu ukupya kabili nomba kuti naumfwa bwino bwino. Shikulu alumbanishiwe!

C. A. D.

* * *

Ukupokololwa ku Mpwalonda na Mafya yabwa Nakashi

Ine pano ndefwaya ukupela ubunte ukutula Lesa alingu'ndepe ine munshita yakutandala kwakwa Munyina Branham ku Port Elizabeth, pali Citatu, 7 November, 1951.

Nalecula kufilundwa fyandi ifya bwanakashi imyaka pabula. Nalile ukufuma kuli umo doctor ukuya ku mubiye, lelo ukwabula ukwafwilishiwa. Pa kutendeka kwa mwaka cimumena calitendeki panuma ya mukoshi wandi. Doctor ampandile amano ukukwata ici ukufumishiwa, lelo ici cabombele fye kukuleta ubwafya nganshi. Imyeshi itatu panuma cena califumishiwe, nalisalile ukuya mona uwaishibisha pa mpwalonda, pantu ukubaba no kukaba kwali ukwabipisha. Ukupima kwakwa doctor kwali kwakutula nalikwete impwalonda. Ena alifumishe impwalonda, iyo yali iyakulisha ukucila icilongwe icili hafu, lelo ifilundwa fyalyambwile kale.

Kwaliko cimumena kulubali lwa kukulyo ulwa mukoshi wandi, kabili ukukalipwa no kukaba kwali ukwabipisha. Ine lyonse naleumfwa ukunaka, kabili nalekwata umutwe uwalekalipa lyonse. Naliculile pa myeshi ine, kabili amafya yaleya yalebipilako no kubipilako. Mu October ine nalipwishe uwaishibisha kabili ena apandile amano ukutula ningile napita mubundapisha ubwa radium. Ine nga nalile ku cipatala pa 24 October, lelo nalisalile ukusubila Lesa pa kundapwa kwandi. Ine nalipepele no kutetekela ukutula Lesa kuti aumfwa ukupapata kwandi.

Pa 7 November, ukulongana kwa kubalilapo ukwa kulya ukwali no kubela mu Port Elizabeth kwalitendeke. Nali mukukalipwa ukwabipisha, lelo nalile mukulongana ukutetekela ukutila Lesa kuti aundapa ine. Ine nshapelwe nangula ikadi, lelo lilye shiwi ilyanakilila lyatile, "Tacili pa mulandu wakukwata ikadi ukutila iwe walaundwa." Elyo mukupumikisha nalimwene Shikulu Yesu natanikwa pa capindama, kabili nalishibe cena tacali fye pa membu shesu, lelo nacimbi pa malwele yesu ico Ena afwililepo.

Ilyo Munyina Branham atupepelele ifwe bonse capamo ena mukupumikisha atile, "Kuliko nacifyashi kuno kuntanshi yandi," kabili ine nalipepele no mukosha, "Shikulu, lekeni ulya umo abe nine." Munyina Branham alitwalilile, "Cena ni nacifyashi ulecula ne mpwalonda kabili na kufilundwa fyakwe ifyabwanakashi, mundapeni ena, Shikulu."

Ilyo ena asosele "impwalonda" cali kwati umwele walelaswa muli cilya ci mumena icakosa, kabili nalipepele ukutila Lesa Umwine alakwata ukutumbula. Apo pene fye ukukalipwa kwalipwile, kabili ukuminina kulubali lwandi kwalile.

Mu nshila yandi ukuya kunga'nda lilya mubushiku nalitendeke ukuluka ifintu ifyakosa, kabili mukupumikisha naishileumfwa bwino nganshi. Lulyo lucelo umulume wandi na balupwa balipapile ukumona ifyo nalemoneka bwino. Ine ndelumbanya Lesa no kupela Wene ubukata bonse. Ndapela ubunte kuuli onse uo nkumanya. Bamo balasekelela na ine, lelo bambi tekuti bantetekele ine. Ndetasha nganshi kuli Lesa pa cipeshamano ico Ena abombele.

H. K.

* * *

Ukutwi Kumo Ukwakoma Umupwilapo pa Myaka Amakumi Yane na Fisano

Nalilufishe icilundwa ca mukutwi ica kumo ukwa matwi yandi pa mulandu wakupoleka uko kwacitike ilyo nali umulumendo uwa myaka ikumi limo. Cilya cali imyaka amakumi yane na fisano iyapitapo kabili uku kutwi kwalikoma umupwilapo.

Ilyo Munyina Bosworth apepele kwena, ukumfwa kwandi kwalibwekeshiwe mukupwililika. Shikulu alumbanishiwe!

D. J. D.

* * *

Amenso Ayacilinganishiwa Yaololoka

Icintu cimo icawama nacitika mukati ka nga'nda yesu. Uwesu umunono uwa myaka yakufyalwa ikumi limo na fibili umukashana umwikalacalo uyo wali uwancito wesu munshita

ya myeshi inono iyafumako ali uwacilinganishiwa amenso ububi nganshi. Ena ali uwacilinganishiwa amenso icakuti umo tekuti amone nangu panono ukutila ena alikwete amenso nakalya. Amenso yakwe yamoneke ukulolekesha ukullosha pa mona wakwe kabili no kuba ayafiswa hafu mumbali. Abantu kuti balolekesha pali ena ilyo ena ali mucipinda kabili ilyo ena afumapo kuti basosa, “Bushe imwe mwe bantu tamumfwa ububi ukukana kwata ishuko ukukwata umukashana wa musango ifi ukubombela imwe? Ndomfwa ububi ilyo lyonse nalolekesha pali ena.” Ifwe, fwebene, kuti twaiminina kulubali lwakwe no ku mucingilila ena pakusoso kutila cena mucine kuti caba icabipa nganshi kuli ifwe nga ifwe twalimutamfishe pa mulandu fye ena ali uwacilinganishiwa amenso. Mu cishinka, Lesa natupala ifwe mu nshila ishingil ukutula ilyo ena aishile munga’nda yesu.

Lyena ifwe twalyumfwile ukutila Munyina Branham aleisa ku Port Elizabeth. Ifwe balitwebele pakundapwa ukwingi ukwawama uko kwacitilwe mukulongana kwakwe. Ifwe twalitontokenye fwebene, “Nga Munyina Branham kuti apepela abantu bambi kabili kuti baundapwa ukupitila mu mapepo yakwe, cinshi ena tekuti apepele amenso ayamukashana umunono umwikalacalo?” Ifwe twalimwebele ena pakwisa kwakwe, kabili ena alitetekelo ukutila nga ena alikwete icitetekelo ena kuti aundapwa. Ulucelo celo pa Mulungu ulucelo uwafumako ena aile ku Feather Market Hall uko kulongana kwacitilwe. Pa kubala ena alipapushiwe nganshi pantu ena tasalilwe ukuya mumulongo wakupepelwa. Lelo ukulola ku mpela yakulongana, Munyina Branham aebele bonse abo abalefwaya ukundapwa ukwiminina ilyo ena apepele ipepo limo ilya bonse fye. Ena ali umo uwaabo abaiminine.

Ena aile kunga’nda kabili alipapushiwe ilyo ena asangile ukutila amenso yakwe yali yacili ayacilinganishiwa, lelo ena alisalile ukutwalilila ukutetekela te mulandu ifyo ena amwene.

Elenganyeni ukusangalala kwesu ukukalamba ilyo nshiku shibili panuma ifwe twalimwene ukutila ilinso lyakwe ilya kukuso lyalyololweke kabili ilyapwililika kabili, Lesa alumbanishiwe, inshiku shibili panuma ilinso lyakwe limbi, nalyo, lyalyololweke kabili ilyapwililika. Shikulu alumbanishiwe! Ilyo ena talalolekesha pa fintu kabili isonde lyamoneke ukupilibuka, lelo nombamba ena kuti amona bwino nganshi. Shikulu alumbanishiwe.

D. G.

* * *

Asthma pa Myaka Ikumi limo na Fisano

Ndi uwansansa ukumutumina imwe ubunte bwandi pa musango uo Yesu angu’ndapilemo na yapulamo amaka ayakundapa kwa Bulesa. Shikulu alumbanishiwe.

Ukutula ilyo nabwelele ku musonkano wakundapa ndeumfwa bwino nganshi. Ine nshatalile ukubomba incito ili yonse iyakosa, iyo yaleleta ubwafya pa cifuba candi, pantu nalikwete ubwafya bwa asthma pa myaka ikumi limo na fisano. Ine kuti nabomba incito ili yonse nombamba ukwabula umwenso. Ndetasha Yesu pa ngu'ndapa.

D. M.

* * *

Ukundapwa kwi Bula Ilyalepuka

Ndetasha Lesa paku ngu'ndapa! Pa nshita ya cungulo bushiku ubwalenga pabula mu November, 1951, ilyo ncili mu Port Elizabeth, Lesa alingu'ndepe apo pene fye muli kumo kulongana kwakwa Munyina Branham. Ine nshaitilwe kukupepelwa, lelo Munyina Branham atile, "Ifintu fyonse filacitwa kuli abo abacetekela." Nalitetekela Lesa kuti angu'ndapa ine, kabili Ena alicitile.

Naliculile imyaka cinekonse konse panuma yakutumbulwa kuli apendicitis iyo panuma yapilibukile mukulepuka kwebula. Ine tekuti ntale inkake insapato shandi atemwa nangula ukukontama, lelo kutotela Lesa lilya line mu cungulo bushiku nalyundepwe. Ine kuti nakontama no kucita ifintu ifili fyonse nacitile imyaka cinekonse konse iyapitapo. Ndepela Shikulu amalumbo yonse.

A. J. R.

* * *

Ukundapwa kuli Hernia Icipimo ica Mupila waku Makasa

Panuma ilyo mwana wandi afyelwe mu 1926, nalishele na navel hernia icipimo ca mupila wa ku makasa. Ba doctor balintumbwile lelo tabalundulwike.

Pa nshita ya cungulo bushiku imo ine Munyina Branham asontele umulume wandi no kumweba ico ena aleculako, kabili ena alyundepwe, na ine wine balinsontele. Munyina Branham alinjebele ukwiminina. Panuma ya kunjeba pali hernia, ena alinjebele na cimbi ukusumina ukundapwa kwandi. Lesa apalwe! Lilya line fye hernia yalifumine mumubili wandi kabili tapaba ukumoneka pali iyi hernia iyali icipimo ca mupila wa ku makasa. Ukutotela kube kuli Lesa pantu Ena alyundepe no kukumya umubili wandi.

M. G.

* * *

Pwapwa Yalyumine pa Myaka Amakumi Yatatu na Fine, Ilebomba Bwino

Mu nshita Yankondo Yakubalilapo iye Sonde, nalisanshilwe umwela wa bwanga mu Flanders Field, kabili ukucila pa

myaka amakumi yatatu na fine ine naba uwakubomfya fye pwapwa imo pantu imbi yalyuminine umupwilapo. Umutima wandi nao wali mu mibele iyabipisha nganshi. Ba doctor balindekeleko ngo ushikwete incito kabili ushali no kuba uwalinga ukwikala inshita itali.

November 7, 1951, naile ku Feather Market Hall no kwenekela konse ukutula Shikulu ali no kundapa ine. Ilyo Munyina Branham asontele umukashi wandi, uyo waikela mupepi na ine, kabili atile, "Iwe naundapwa," natile, "Shikulu, na ine wine; mwinsha kunuma, napapata, Shikulu." Elyo Munyina Branham atile kuli ine, "Iminina!" Ena alinjebele ico cali icalubana naine, ukulondolola ifya kuilishanya fyandi mukupwililika no kunjeba ukutula ningu'ndapwa. Ilyo line nalitendeke ukupema bwino nganshi kabili ine kuti nalumbanya Lesa ukutula ningu'ndapwa umupwilapo kabili tapaba ukumoneka ukubomba ukwa mwela wabwanga ukutula ukulongana mu Port Elizabeth.

F. G.

* * *

Nkomamatwi pa Myaka Ikumi Limo na Fitatu

Pa myaka ikumi limo na fitatu ine tekuti ngu'mfwe nakalya lelo ndelumbanya Shikulu ukutula Ena alingu'ndepe umupwilapo. Ine kuti naumfwa ukutotosha ukwacepesha no mba. Lesa alumbanishiwe pa kukumya Kwakwe ukwawama.

G. F.

* * *

Ukukalipwa Munuma no Bwafya bwa Munda

Ndefwaya ukutuma ukutotela kwandi ukwakutasha pa kundapwa uko napokelele pa kulongana pali Cine, ubwalenga cinekonse konse. Naliculile pa myaka no kukalipwa munuma yandi no bwafya bwa munda. Ilyo naikele mukulongana nalipokelele ukundapwa ilyo line fye pali co ndetotela Shifwe uwa mu Mulu.

E. C. H

Cimunena pali Bongobongo

Ndi uwansansa nganshi ukuba uwalinga ukupela ubunte pa fyo Shikulu ancitila ine. Ibili na hafu imyaka iyapitapo natendeke ukucula kuli cimunena pali bongobongo. Mu 1950 nali mu Cipatala ca Johannesburg imiku itatu uko nalebombelwa kuli doctor uwaishibikwa. Ena tekuti acite akantu kabili anjebele ine ukubwelelamo mukati ka myeshi ikumi limo na ibili ukumona umusango cena cakulilemo. Fyonse ifyo ena engacita

lilya cali kulemba ubundapishi bwa radium. Nalipokelele fye umuti umo, panuma elyo ba doctor batile bena tekuti bancitile akantu nelyo kamo ine. Cimumena canengele ine ukukwata ukukalipwa ukwine kwine kabili nacimbi caonawile ukumona kwandi. Ilyo muntu aiminine ku ntanshi yandi ine kuti naishiba fye icinso lelo tapali nacimbi ukucila apo.

Inshita iya bushiku iyakubalilapo ilyo nali kulya nasendele icifulo candi mu ncende iyo basungile abalwele. Nalitetekele kabili nalishibe ukutila ine kuti naundapwa. Panuma ilyo Munyina Branham apepele nalimo abantu basano, alolekeshe uko nabelele nokulanda kuli ine. Pali ilya nshita naumfwile cintu cimo ukucitika kuli ine kabili mfifi kuntanshi ya menso yandi yalifuminepo. Ilyo ena alandile kuli ine nshalolekeshe pali wene, lelo ilyo line nalyalwile icinso candi ukulola kuli wene kabili kuti na mumona ena kabili ukukalipwa nako kwalile.

Cena cili nomba inshiku shitatu kabili nshaumfwapo ukukalipwa nangu kumo kabili kuti namona bwino sana. Ine nomba ndekala no kulala ukwabula imiti kabili ninjishiba cena ni pa mulandu wa fyo Shikulu acitile ine. Ine nshakatale ukuleka ukutasha Wene.

N. P.

* * *

Umwenso no Kufulunganishiwa kwa Mumala

Ubumi bwandi bonse nalecula no mwenso kabili no bwafya bwa mumala. Lesa ali umusuma ku mukashi wandi na ine ukutusuminisha ifwe ukwingila mu mulongo wakupepelwa.



Ilyo naishile kuli Munyina Branham ena atile, "Iwe walikoma amatwi panono, umwensho no kufulunganishiwa kwa mumala. Bena bonse babili balyundapwa nomba." Umutende ukalamba waishile pali ine kabili ine nalileka ukunwa ama pilushi pamulandu wa mumala mwandi. Mwena nomba mulebomba fye bwino ukutula lilya. Ukumfwa kwandi kuli bwino, nako.

Ine lyonse nalikala mupepi kuli Kalenga wandi lelo cena cintu icawama ukutontonkanya ukutila Ena alisa no kunkumya ine. Ine nshaleka ukutasha Yesu pa ku ngu'ndapa. Umunandi alinjashime ibuku ilitwa "Kristu Kondapa" kabili cena cali ica nsansa kuli ine ukusambilila ukutila imfwa yakwa Shikulwifwe pa lupanda yali nacimbi ukundapilako umubili kabili ne pusukilo lya mweo.

A. L.

Shiketi Yakula Sana ilyo Kwaba Ukupokololwa kwi Libu Ilikulu

Nali uwalelala pa busanshi pa myaka isano ne myeshi pabula. Umutima wandi kabili ne libu lyandi fyalikulile, ilibu ama inches lefeni na cimo na hafu. Mu nshita ya kulongana kwa cungulo nalelomba Lesa uku ngu'ndapa, kabili mu mutalalilwa mu mutima wandi nalitwalilile fye ukutetekela. Ilyo naiminine ukuya ku nga'nda, naumfwile shiketi yandi ukusensela ukufika pa ntungu shandi. Ine naleikakilila pamo pantu tekuti njisale ukwakwiswila kumbali ilyo naishile mu kulongana. Nomba kwali ukwingila ukwa kupumikisha mu musana wandi icakutula banapini bashile incende ikulu. Pa nshita nafikile kunga'nda tapali ukufimba nakalya. Ndelumbanya Shikulu pa kungu'ndapa.

H. R.

* * *

Umulwele Uwapa Cicinga Ukupokololwa Ukufuma ku Mafya Ayengi

Nalyundepwe mu musumba wa Grahamstown pa 13 November, 1951, panuma ya kucula kuli asthma pa myaka ikumi limo na fisano. Nshakatale ukulabako pali bulya



bushiku ubwakusangalala ne nsansa. Naliposa imyanda ya ma pound pali ba doctor ne miti. Tayancitile ine icisuma kabili mukulekelesha umutima wandi walifililwe. Doctor wandi asalile inyeleti sha recosin ukupela amaka ku mishipeshipe iya mutima wandi lelo walyafwilishe panono fye.

Ilyo naumfwile ukutula Munyina Branham aleisa ku Grahamstown nalisalile ukutula ningile ukuya kumo ukwakwe kabili ukulongana fye kweka kulya te mulandu ifyo cili no kuba. Pa nshiku ikumi limo na fisano nalilele mu busanshi ukupenda inshiku na ma ora. Pa nshita shimo nalelwala nganshi icakutula natontonkenye ine nali no kufwa ilyo 13 tailafika. Nali uwanakuka nganshi icakutula naleenshiwa fye mucicinga. Ifwe twafikile pa cikulwa pa teni a.m. no kwikala palya mpaka lefeni p.m.

Munyina Branham aishile umutalalilwa nganshi kuntanshi nalimo pa naini. Ena apepele abantu abengi abo abaishile ku ntanshi kabili na bambi mwi bumba. Mupepi na 9:30 ena asontele umunwe wakwe pali ine kabili atile, "Iwe we uli mu

ico cicinga, na asthma yobe, umutima obe uwanakuka nayambi amafya, iwe naundapwa.” Lesa alumbanishiwe, mwe banandi, kano fye abo abacula nge fyo nacita kuti bakwata icikope icakusangalala nokutasha kwa mutima wandi. Ukufuma ilya nshita natendeke ukuba bwino. Nangula pa kuba uwanakuka umubili wandi na molu nalyendele ukufuma mucikulwa. Ndetasha Lesa pa luse Lwakwe no kupokololwa ukufuma mukucula kwandi kabili ukulumbanya Wene pa kutuma Munyina Branham ba mailoshi amakana mukwasuka ku mapepo yandi pa kundapwa. Lilya mubushiku nalile mukulala no kufumyapo umwina waba pilo, ukusha fye yatatu. Ilingi line nalekwata mupepi ikumi limo na fibili. Nalikwete ukulala kwakutusha nganshi kabili ukwa mutendeke mpaka 6:30 lulyo lucelo ulwakonkelepo.

Ilyashi lyalisalangene ukutila nalyundepwe mu kulongana kwa kwa Munyina Branham. Abanandi baishile mukumona ine, kacema alishile, lelo tekuti batetekele nangu panono ukupilibulwa bamwene muli ine, ukufuma ku muntu wa cinso ca butulukila nalala mubusanshi ku muntu wa mimonekele iyawama aleenda enda. Doctor aishilekwata ukuntandalila ukwakupumikisha, aumfwile imituntile ya mutima wandi kabili atile, “mwe, ifyo ali muntu uwaibela. Ndi uwasekelela ukusanga umutima obe muli iyi mibele isuma.” Doctor umbi alishilemo ukumona ine. Ena alimpyungile ine ukucila pa myaka itatu lelo alindekeleko ine pa mulandu wa mutima wandi. Ena atile ukuti asthma yalyonawile wene kabili ukutila takwaliko icakundapilako ine. Ena alyumfwile palwa kundapwa kwandi kabili aishile mukunjipusha ine ngeko nali kuli “Kondapa wa Citetekelo.” Natile, “Lesa alumbanishiwe, ningundapwa.” Ena nacimbi alandile umusango ifyo nalemoneka bwino.

Uku kundapwa nakwafwilisha ulupwa lwardi na ine wine muli bumupashi. Ine lyonse nalesosa ukutila nga nalikwete ubumi bwandi ubutuntulu ifyo cingaba icisuma ine ningaba uwakubomba umulimo wakwa Lesa. Cena caba bwite kuli ifwe bonse. Ifwe twaba mukulongana ukwingi mukupela ubunte pa kundapwa kwandi.

P. E. H.

* * *

Umusamfu pa Myaka Ikumi Limo na Fisano

Ine tekuti ndeke ukulumbanya no kutotela Lesa pa kundapwa ukwawama uko napokelele mu Grahamstown Hall pa November 13, 1951. Ine nalipokelele ukundapwa ukwa bumupashi kabili no kwaku mubili, Shikulu alumbanishiwe. Tapapita ubushiku kano naeba umuntu umo pa kundapwa kwandi ukwawama kabili bamo abanandi ukutula lilya

balasangwa mukulongana mu East London kabili nabo nabapokelela ukundapwa. Mailo munyina no mwana wakwe umukashana umunono bakaya ku Johannesburg ukuya mukulongana pa 5 December, ico na bena balefwaya ukundapwa, icili ninjishiba bali no kuba nga bena batetekela.



Ine nalecula ku musamfu pa myaka ikumi limo na fisano. Nalileko ku baishibisha. Mukulekesha nalituminwe ku Port Alfred ukuba kululamba kabili nacimbi nshaleba ukwabula amapilusi ayo nalenwa libili libili. Ine lyonse nalekwata umwensho ukutila nali no kupona mu musebo atemwa pa ncito, ico ilingi line calicitike, kabili nali no mwensho ukushala neka.

Nalimo imilungu ibili ilyo Munyina Branham aishile ku Grahamstown, nalitendeke ukucula no kukalipwa ukwabipisha kunuma ya mutwe wandi. Takuli nangu cimo icingangafwilisha ine kabili nali no mwensho cila miniti ukutila nalakwata ukusamfula. Icintu cimo calitwalilile ukunkoselesha ine ukuya mukulongana, ico nacistile. Ilyo naikele pakati ka bambi imyanda, Munyina Branham asontele kuli ine kabili naumfwile kwati magnet yalentinta ine. Cali myumfwile iyawama kabili nalefwaya fye ukutoloka no kubilikisha. “Shikulu alumbanishiwe,” pantu nalishibe lilya ukutila nalyundepwe. Ilyo Munyina Branham atile, “Na mayo ne cisote icabuta—icinshingwa icafita cilesa pali iwe; iwe ulacula ku musamfu.” Ilyo nasunkenye umutwe wandi no kwimya ukuboko kwandi, ena atile, “Shikulu alumbanishiwe, iwe naundapwa.” Owe, ifyo yali imyumfwile iyawama—ine kuti natwalilila fye no kutwalilila ukweba uuli onse ndemona ukutetekela kabili ukukwata icitetekelo kabili bena nabo bali no kupokelela ukundapwa.


T. V.

* * *

Asthma pa Myaka Amakumi Yabili na Fine

Ine kuti natemwa ukulumbanya Shikulu pa maka Yakwe ayawama ayo yacitike pa musonkano wakwa Branham mu East London pa 15 November. Naliculile kuli asthma pa myaka amakumi yabili na fine, ukufuma pa ciimo ca fitatu. Lelo ndelumbanya no kutotela Shikulu ukutila Ena ta ngu’ndepe fye ine ku mubili lelo nacimbi muli bumupashi.

Ukundapwa kwandi kwalicitike inshita ya bushiku iya kutandala kwakwa Munyina Branham. Icitetekelo



candi naco calikoseleshiwe icakutila nalyundepwe ukwabula munyina ukumpepelela ine. Umupashi wakwa Shikulu wali na maka nganshi pakati kesu icakutila fyonse ifyo nacistile fye cali ukulomba.

Inshita ya bushiku iyakulekelesha iya musonkano wakwa Branham nalilombele Shikulu ukulenga Munyina Branham ukusose cintu cimo kuli ine. Ena alicitile. Ena asosele ukutula ine naliculile kuli asthma kabili ukutula Shikulu alingu'ndepe ine. Ndesangalala nombamba muli Shikulu no kulaya ukubombela Wene na kumpela.

G. R.

* * *

Impwalonda Tailemoneka

Nalimo imyaka ikumi limo na mutanda iyapitapo nalilwele nganshi kabili doctor alitilwe. Panuma ya kumpima ine ena alinjebela ukuya ku cipatala cakwe kukupimwa kwa mukati. Ena alimpimine ku cipatala cakwe kabili alinjebela ine nalikwete icamenene mukati, ico caleonka amaka yandi no mulopa wandi tawaleenda bwino, kabili ukutula ningile ukukwata ukutumbulwa ukufumya ici camenene. Cimumena mucine catendeke ukulakula, kabili pa myeshi mutanda iyafumako ine nalefilwa ukwikala, kabili nshita fye yonse ukukalipwa ukwabipisha nganshi kwalepita mwisamba lya lufumo lwandi kabili na mu mafupa kunuma yandi.

Inshita ya bushiku iya bubili iya musonkano wakwa Branham mu East London pa 15 November, 1951, nalikele mucipinda ca balwele, ukupepa ukutula ine kuti nakwata ikadi lyakupepelwapo. Ilyo Billy Branham aishile kuli ine, ena alimpele limo, kabili ilyo impendwa shaitilwe, nali uwacibili mu mulongo. Ilyo nafikile ku ntanshi, Munyina Branham atile kuli ine: "Ndemoni iwe uli Mwinakristu. Iwe naukwata cimumena icilepanga utubulungwa kabili cilekulilako fye. Cena ni mpwalonda. Inshiku shimo ulakwata ikumbi ilyafita ukulebela pali iwe, kabili iwe ulomfwa ukukwata icisendo. Iwe naundapwa ku mpwalonda yobe." Lilya line ilyo ena asosele ici, nalikwete imyumfwile ukutula nalyundepwe, kabili ilyo naishilebwelela pa cipuna candi nalyumfwile ukutula cimumena calile. Pa kufika kunga'nda naliicentente ne mwine, kabili Shikulu alumbanishiwe, ci mumena tacamoneke.

Ninkwata imyumfwile iyawamisha nganshi muli bumupashi, kabili ndomfwa uwaibela nganshi pa bantu

bambi. Ninkwata imimonekele iyaibela, kabili tekuti ndeke imyumfwile iya ukutotela kuli Shikulu Yesu Kristu pali uku kundapwa ukwawamisha nganshi.

E. M.

* * *

**Ilyashi Iya Mwaume Uwalefwa Kabili Ifyacitike
pa Kutetekela Lesa pa Myeshi Iine Nangula kwali Ifishibilo**

Ine kuti natemwa ukumupela imwe amabunte aya babili kuno mu East London. Umwaume ali mu mibele iyakufwa no tumipila mu mubili wakwe onse. Munyina Branham alimwebele ukutila kwali imfifi kunuma yakwe lelo lyena ena amwene malaika wakwa Shikulu no kweba uyu munyina ukutila Lesa alyumfwile ipepo lyakwe kabili ukutila ena alingile ukuya kunga'nda pantu ena alyundepwe. Ena alimine ilyo line, no kutinta tonse utumipila ukufuma mu mubili wakwe no kuya kunga'nda. Aleluya. Ena nomba ali mubumi ubusuma.

Umwanakashi uo Munyina Branham apepele aishile lwalisha no kulwalisha lelo ena atetekele Lesa kabili panuma ya myeshi iine iya kucula ukwabipisha ali bukile ulucelo lumo uwapokololwa ukufuma ku citipu ca mpwalonda.

A. G.

* * *

Ifyamena Mukati no Bwafya bwa Canakashi

Ndefwaya ukutasha Lesa pa kutuma kasesema Wakwe, Munyina William Branham, ukutandalila South Africa ukupela imbila ya kundapa kwa Bulesa, kabili ukutila ine nalipepelelwe kuli ena.

Nalipokelele ukundapwa kwandi mu East London, pa cungulo bushiku iya 15 November, 1951. Ine nalelwa ukutula mukufyalwa kwa mwana wandi, kabili nalecula ububi nganshi pa nshita shimo. Nalipyungile bu doctor inshita imo, ilyo nalwele sana kabili mukukalipwa, lelo nalyumfwileko bwino pa kashita kabili elyo naliculile ukucilapo.

Panuma ya cungulo bushiku nalipepelwe, ine panono panono nalikwete icishininkisho ukutila ine nalyundepwe pantu ubulwele tabwatalile bwela nakabili. Lilya line mucungulo bushiku, Munyina Branham alandile kuli ine kabili atile, "Kabiye kunga'nda no kundapwa, kabili wikalabako ubulayo bobo kuli Lesa ukwikalila ubumi bobo bonse pali Ena." Umusango wa bulwele bwandi cali ifyamenene mukati na mafya ya bwanakashi. Nomba nshakwata ukukalipwa nakabili kabili nshakwata nakabili ubwafya bwafyalemena. Ba Kacema wandi na bonse bambi ukubikapo no lupwa lwandi tuletasha pa kundapwa kwandi.

Ndi uwansansa nganshi ukupela ubunte ukutila ndi mwana wakwa Lesa kabili ndefwaya ukumubombela Wene mubumi bwandi bonse, pantu tekuti nsange uwawama kabili cibusa uwacishinka nganshi ukucila Yesu, uyo lyonse aleluka ukubulisha kwandi no kungafwilisha ine mukati ka nshila ya bumi iyakalabana.

Nalipela ubunte pakati ka banandi kabili naku mulume wandi uyo ushapusushiwa, kabili shi Lesa engapela ulya fye umweo umo, ukupitila mubunte bwandi, engasanga inshila yakwe ku Kalbale.

Shi Lesa engakupala, Munyina Branham.

M. C.

* * *

Inuma Iyalemana Nomba Ituntulu

Ndi umo pa bantu abalwele uyo wapokelele ukundapa ukupitila mukubomba kwakwa Yesu Kristu. Ndelumbanya Shikulu ukutila Ena nasamba imembu shandi. Nalipokelele ukundapwa kwandi pa East Bank Location. Cali ni pa 18 November kabili nalilwele pa myaka ikumi limo na cinelubali. Inuma yandi yalilemanikwe ukutula ilyo nali ne myaka yakufyalwa itatu lelo yena nomba ituntulu. Ilyo Munyina Branham alepepela abantu bonse, ena alibebele ukubika indupi shabo pa ciputulwa ca mubili wabo ico calecushiwa. Ine nalibikile ulupi lwandi panuma yandi. Mu nshita ye pepo naumfwile icintu cimo ukongamika inuma yandi kunuma. Nalipwishe munyina uyo wapaleme kuli ine ukulolekesha panuma yandi. Ena alipapile ilyo ena akumishe yena no kunjeba ukutila nalyundepwe. Inuma yandi yalyololweke kabili efyo ili ne lelo. Nalyundepwe apo pene ilyo Munyina Branham apwishishe ipepo lyakwe. Kapyunga wandi, N. Bengu, alisekelele pantu ena ali mpepelele inshita ishingiri. Abantu bandi aba kulukuta balesangalala pamo na ine pantu Yesu aba umusuma kuli ine. Uwenu uwacishinka,

E. M.

* * *

Nkomamatwi nge Libwe na Malwele Yambi

Ilyo naumfwile ukutila Munyina Branham aleisa ku South Africa, nalisalile ukutila kuti naya ku East London no kulomba amapepo pantu nalilwele ububi nganshi kabili nkomamatwi nge libwe. Nshakwete ishuko ukukwata Munyina Branham ukumpepela ine, lelo nangu cibe fyo nalipokelele ukundapwa kwandi. Inshita ya bushiku iyakubalilapo ilyo nali kulya nalimwene bamo abantu ukuya pa mulu kulya

kuntanshi. Nali nkomamatwi kabili nshaumfwile uyo waitilwe, e ico naile pa ntanshi pamo na bena. Umo pali bakapyunga alinjipwishe ine ico nalefwaya, atemwa icintu cimo kuli cilya icacitike. Nalimwebele nali nkomamatwi kabili ukwabula ukumfwa ifyo asosele, nalimwipwishe ukulemba ico asosele. Ena alilembele no kunjeba ukutula impendwa yandi tailaitwa kabili ukutula ningile ukusanga incende ukwikala panshi. Elenganyeni ukupapushiwa kwandi ukunono. Ine nalilile sana ilyo nabwelelema pa cipuna candi. Ilyo Muniyina Branham apepele abalwele, naine wine nalipepele no mukosha ukutula Lesa engondapa ine. Cisuma, tapali nangu cimo icacitike, lelo nalyumfwile ukukumishiwa kwa Bulesa ilyo imyumfwile iyatalala kabili iyakaba yapitile mumubili wandi kabili umutima wandi watuntile ulubilo nganshi.

Pa Mulungu ulucelo nalilwele nganshi pantu naliculile pa myaka cinelubali nabapwapwa ababi, arthritis mu molu yandi, no bwafya bwa ndusha. Nali uwankumbabulili kabili naebele ulupwa lwandi ukutula kuti cawama naya kunga'nda kabili ukwabula ukwikala no kwesha ukwingila mu mulongo wakupepelwa. Umwana wandi umwanakashi alinombele ukwikala mpaka pali Cimo. Panuma ya cakulya ca kasuba nalyumfwile icongo cimo mu matwi yandi, e ico nasosele fye, "Namutotela Imwe, Lesa. Ni njishiba kabili ndecetekela ukutula Imwe mulengu'ndapa ine." Ine nshaebele abana bandi icintu icili conse palwa cena. Mu nshila ukuya mukulongana nalyumfwile umwana wandi umukashana umukalamba ukweba nkashi yakwe ukutula nga ba Mayo kuti bakwata icitetekelo bena kuti baundapwa. Ine nalimwaswike ukumweba ukutula nalikwete icitetekelo kabili ukutula nalyundepwe. Bena balipapile nganshi ukumfwa ukutula nalyumfwile ilyashi lyabo. Natile, "Ee, Lesa alumbanishiwe, ni ngu'ndapwa kabili ningu'mfwa ifyo wacilanda." Napokelele ukumfwa kwandi ilyo line fye lelo nalipokelele ukupokololwa kuli arthritis kabili nayambi amalwele panono panono. Nomba, kutotela Lesa, ndeumfwa umutuntulu nganshi. Kacema wandi ali uwansansa no kulumbanya Lesa pamo na ine, ukutula Lesa alyundepe umubili wandi. Cena nacistupalamika ifwe bonse kuli Shikulu. Kutotela Lesa pali Muniyina Branham na bukapyunga bwakwe.

M. M. N.

* * *

Umusamfu pa Myaka Iine

Umukashana wandi umunono apokele ukundapwa mu East London ilyo William Branham apepele wene pa bushiku bwapa 18 ubwa November. Ena alecula ku musamfu ukucila pa myaka iine. Ifwe twalikwete ukupimwa na ba doctor



abengi. Babili ba chiropractors nabo bene balimupele ubwafwilisho. Takuli nangu umo uwingondapa umwana. January iyafumako ilyo twali mu Johannesburg ena alikwete ukusamfula kutatu mukati ka ma ora yatatu. Ifwe twalitile doctor bulya bushiku kabili ena alile mu nga'nda ya nursery mukucencentwa. Doctor aitile uwaishibisha. Ifwe twalikwete umutwe wakwe ukuba X-rayed, ico calangishe amafupa tayali ayakontonka ukupitila mukuwa. Ena

nacimbi alikwete ukupimwa kumbi pa General Hospital. Panuma milungu itatu bena balinjebete takwali ukundapwa, ifwe tulingile twatwalilila ukumupela umuti.

Ifwe twalibelengele ilyashi lya bumi ilyakwa Munyina Branham ilyo ena talafika mu musumba wesu. Ine nali uwashininkisha nganshi Lesa kuti aundapa umwana wesu ukupitila muli Munyina Branham. Ifwe twalefwaisha nganshi ukumumona wene.

Pa Mulungu, mukulongana kwa kukelekelesha, ifwe twalingile mumulongo wakupepelwa. Munyina Branham atile, "Mayo, iwe walatetekela? Ninjishiba ico cili icalubana no mwana obe." Natile, "Nalacita." Ena atile, "Ena nakwata umusamfu." Nalimishe ukuboko kwandi ukwa kukulyo kabili nalefwaya ukulila ububi nganshi. Munyina Branham alipepele no mukosha. Umukashana wandi na ine twalyumfwile abaisushiwa nganshi no kutasha nganshi kuli Lesa Shifwe na Munyina Branham, kasesema Wakwe. Elyo Munyina Branham atile, "Mayo, bushe uletetekela umwana obe naundapwa?" Natile, "No mutima wandi onse." Ena lyena asunkenye ukuboko kwandi kabili atile, "Ena alaba umutuntulu, kabiye ku nga'nda kabili wisakamana." Ifwe twalibwelelemo ku fipuna fyesu mucikulwa kabili twalipepele no kutotela Lesa.

Nalilwike mu nshita ya musonkano uwakwa Branham ukutula nalepepa mucilubo. Ine lyonse nalitetekele muli Lesa na mapepo, lelo nalelomba no kupapata kabili nshasumine ubulayo ubwapelwa na Lesa ngo bwacitwa kale. Kulyo kulongana kusuma kwalitusambilishe ifwe bonse icintu cimo ifwe tatwasambililapo nakalya.

P. B.

* * *

Ukuba Umutuntulu ku Cifuba Cantandabwanga

Ine tekuti nondolole nangu panono ku cilembelo na inki ubu bunte. Nalitekelwe ku Isolation Hospital pa 20 August ku cifuba cantandabwanga. Kapyunga wandi alindetetele

umulalilo wandi kucipatala. Nali mwipwishe wene nga kuti naya mukulongana kobe. Ena ne nsansa alisumine kabili atile ifwe tulingile ukucita ifingi ifya kubikwapo kwa ndupi. Ena alinjebele ifyo ena abikile ndupi pa kamwana akanono akaonda sana kabili mupepi ne mfwa, kabili akamweo akanono kaishileba akatuntulu umupwilapo ukufuma ku cifuba cantandabwanga. Doctor alinsuminishe kabili afwaile ine ishuko ilyawamisha.

Ilyo iwe, Munyina Branham, waishile kuntanshi, nalipepele na maka nganshi ukutila iwe wingatucitila icintu cimo fwe balwele abali pa busanshi. Nalikwete imyumfwile ukutila amapepo yandi yalikwikete iwe ukucita icintu cimo. Elyo iwe watile, "Bikeni indupi shenu pali umo no mubiye." Ici ifwe twalicitile ne nsansa kabili iwe walipepele bwino nganshi kabili watile, "Imwe kuti mwaya abaundapwa." Nalyumfwile icintu cimo ukubomba mu mubili wandi onse nga waya ya malati. Nalikwete imyumfwile imo iya mutende kabili nalibwelelemo ku cipatala ukulumbanya Lesa. Nalilolele mpaka X-ray yandi yalishile, kabili doctor alinangishe ine pali ukulunduluka. Ine kuti na mona ubupusano ilyo namona X-ray iyakale ne ipya fyapashaniwe. Ndelumbanya Lesa pali ci. Doctor atile kuti naya ku nga'nda no kumona wene nakabili panuma ya myeshi ibili.

S. S. K

* * *

Abalupwa Bapusushiwa pa Mulandu wa Kundapwa

Nshishibe ifyakusosa, pantu nshikwete amashiwi ukusanga ululimi ulwalinga ulwa kulumbanishishako Lesa.

Naba uwatetekela uwafyalwa cipya cipya pa myaka amakumi yabili na isano kabili Lesa alimpala mu nshila ishing. Pa myaka isano nalicula ukufuma ukuilishanya ukwa mukati pa mulandu wa kucenekwa mu nshita yakupapa. Ici caishilebelelela kabili imibombele yandi yaishileba iyabipa nganshi no kubikwamo ubwanga icakutila doctor wandi uwaku Port Shapestone alimpandile amano ukukwata ukutumbulwa. Ena aile ku England kabili ine naile ku Cipatala ca Addington, uko natumbwilwe pa ntendekelo ya 1950. Ukutumbulwa kwalilundulwike lelo imibombele yandi yali iyaisulamo ne fyabipa no bwanga.

Ilyo ncili mu cipatala naishileumfwa ububi nganshi ukubipishapo pa bushiku bwalenga pabula panuma yakutumbulwa. Mukulekelesha ine nalifumine mucipatala kabili nafikile ku nga'nda uwanakuka mu mubili kabili ukwabula ukumfwa bwino nakalya. Nalimo umweshi panuma naishileba uwa bulebe ukufuma muntungu shandi ukwisa

pa mulu, ukubikapo ne cilundwa ca kulu kwandi. Nalikwete ukutunta ulubilo kwa mutima cila bushiku, kumo ukupwisha ora imo pa nshita. Nalikwete ubwafya mukupema no kulya kabili naishilenaka nganshi icakutila naumfwile kwati kuti nafwa. Nalelala fye pa myeshi nalimo pa bula, ukuba uwaonda sana no kunakuka.

Panuma ya milungu muli iyi mibele kabili na babili ba doctor aba ku Port Shapestone ukwabula ukwiluka ubwafya bwandi natendeke ukufwaya Lesa mu mapepo aya mukosha. Nalishibe mu mweo wandi ukutila ukucula nganshi ukwa muntu kwali ishuko lyakwa Lesa, e ico nalipepele Lesa ukungafwilisha ine; nalipepele pa kubelelwo luse, ukusambwa, no kundapwa kabili pa citetekelo mu nshila iyawamisha naishibepo. Ine nalibelengele kale ibuku lyakwa Munyina Branham imiku inono, kabili nacimbi nalepokelela magazine yakwe iya kundapa ukufuma ku America. Ilyo ifintu fyonse ifyashala fyafililwe, Lesa mu luse Lwakwe atumine umwanakashi umwikalacalo, uo nshaishibe kabili nshatala ukutula lilya, ukumpepelako ine kabili ine lilya line natendeke ukuba bwino. Ubushiku bwakonkelepo ubulebe bwalipwile kabili tabwatala bwelela. Nalipokelele ukundapwa ulubali lumo. Mumibele iyanakuka nganshi balinshindike kuli bana mayo babili ukubwelela ku Durban ubundapishi bwa malaiti ne fyakusuba. Ubundapishi bwatendeke pa October 24, 1950, kabili bwapwile mpaka umulungu wacibili mu April, 1951, kabili bwalepelwa ku waishibikwa nganshi upela imbila uwaleikala pa Umbilo Road, Durban. Ena alinjebele ukutila nali umu uwabwafya ubwabipisha ena atalile ukundapa kwa mishipeshipe. Uyu mwaume aishile ku Port Shapestone ukumona ilyo nali pa nshita yandi iyabipisha. Panuma ya myeshi isano na hafu iyabundapishi kuno natendeke ukuba umutuntulu kabili nalisuminishiwe ukuya kunga'nda. Nangu cibe fyo, nalitwalilile ukukwata ukukalipwa umutwe uwabipisha kabili no kutunta kumo ukwa mutima, nacimbi ubukali ukufuma ku mishipeshippe. Nalisungwike mulandu nshi Lesa tampelele ukundapwa ukwapwililika.

Mu Durban ukwisa ukupitila mukusambilisha ukwa maka ukwe Bumba lyakwa Branham, Umupashi walinshinine ine ukutila fyonse tafyali ifyalungama mubumi bwandi. Ine lilya line fye, mukupetama lelo ne nsansa, nalipele ubufwayo bwandi bonse kuli Shikulu, kabili pali Cine, November 22, 1951, ilyo naikele palya pa mulu mu ncende isuma pa Greyville Race Course, Durban, nalyumfwile ukukumishiwa kwa kundapa ukwakwa Lesa kabili nalishibe ukutila ine nalyundepwe. Naishile kwata imyumfwile iyakaba kabili iya kutekunya ukupita mumubili wandi onse kabili nalishibe

ukutula uyu ali ni Lesa ukumpela ukundapwa kwandi. Ndeumfwa uwakosa kabili umutuntulu nomba kabili ndensha motoka yesu nakabili iyo nshakumyako pa myaka ibili.

Umutima wandi onse no mweo nafisunkanishiwa ku fyashika ukwa fyena, kabili ninjisushiwa nakatina akakalamba no kusunguka pa kutemwa no kushipikisha kwakwa Lesa ku muntu umubembu. Ine nshakatale ukutwishika amabulayo ayali yonse ayakwa Lesa. Leken i Ena afungulule cila bumo ubwa yena kuli ine. “Shikulu, ndetetekela.”

Mu nshita ya musonkano wakwa Branham, Lesa alimpele ine ukusangalala ukumona ba munyina babili, abakashi na bana babo pakupokelelwa mulupwa lwakwa Lesa panuma ya myaka iyakubapepelako bena. Aleluya! Lesa alumbanishiwe pe pusukilo. Lesa alumbanishiwe pa kundapwa.

A. D. C. J.

* * *

Katolika Apokelela Ukupokololwa kuli Diabete no Kuminina Mumolu

Ndefwaya ukutasha Shikulu pantu Ena nangu'ndapa ku malwele yandi. Ilyo nali mukulongana kumo ukwenu nalikele no kukutika pantu nalefwaya ukupokelela ifintu fyonse ifyo Lesa ankwatile ine. Ine nshili Protestant. Ine nakushiwe nga Katolika. Lelo imwe mwalishininkisha kuli ifwe kutila ifwe talyundepwe ku citetekelo kabili nalitetekele Lesa.

Nalicushiwe no kuminina mu makufi yandi na molu kabili pa myaka isano nalekwata umuti wa insulin uwa diabetes. Ine ntanshi nalipokelele ifishibilo ukutula Lesa aleumfwa amapepo yandi no kucindika icitetekelo candi ilyo lukuta lwaiminine no kwimba ulwimbo, “Ukwiminina pa ma Bulayo yakwa Lesa.” Naine, wine, naliminine lelo naumfwile ulunshingwa naliponeshe na magalashi yandi. Cilemoneka, ilyo ndelolekesha kunuma nomba, ukutula nali ngo wafwa inshita itali mukati ka kulongana pa mandulu wa musango naumfwilemo kabili nshileibukisha icintu icili conse ico cacitike. Lelo ilyo naiminine ukuya ku nga'nda panuma ya kulongana nalimwene ukutula ukuminina konse mu molu na makufi kwalipwile. Nshakabile nkonto nakabili. Naile kunga'nda uwansansa nganshi icakutula nalilabileko fyonse fye pali diabetes yandi.

Ulucele lwakonkelepo nalikwete ukuipima kabili nasangile ukutula takwaliko sugar. Tapali umulandu uwakukwatila insulin. Nalikwete ukupima kumo kwine munshita yonse iya kasuba ukwabula ukumonapo sugar nangu imo. Akasuba akakonkelepo naile kuli doctor kabili ena alinjebele ukutula ena alyumfwile nakabili nacimbi amalyashi yambi, lelo kutila ningile ukulolekesha no kutwalilila ukukwata ukupima kwa

diabetes. Lesa alumbanishiwe, takuli imimonekele ya diabetes mu mubili wandi kabili ukuminina mu makufi yandi ico naculilepo pa myaka ingi nafiya. Ukutotela kube kuli Lesa, Ena naumfwa amapepo yandi.

Mrs. B.

* * *

Umuntungwa ku Bwafya bwa Mutima

Kuli Lesa kube ubukata bonse kundapa ine ku bwafya bwa mutima. Nalyumfwile ukukumishiwa ukwakuboko kwa kundapa kwakwa Lesa ilyo mutemwikwa wesu Munyina Branham anjipwishe ine ukwiminina pa nkasa shandi ilyo malaika asontele ine kuli wene. Ilyo akale amaboko yandi na molu no mubili onse fyaumfwike ifyakakwa, ine nomba ndeumfwa ukuba umuntungwa.

L. E. H.

* * *

Ukundapwa ku Bwafya bwa Canakashi

Nalyundepwe mu Durban pa 22 November, 1951. Nalilwele pa mwaka umo. Nalile kuli ba doctor abengi kabili nangula ukwikala mu cipatala pa nshiku ishing'i lelo tacaletele ubusuma nangu bumo mu mibeke yandi. Ku bwafwilisho bwakwa Shikulwifwe Yesu, nalyundepwe. Munyina Branham alinjipwishe nga nalimwishibe wene. Natile, "Iyo," kabili ena atile ena tanjishibe ine. Ena atile, "Lesa alikwishiba iwe." Elyo Munyina Branham atile ku bantu ukuti ena alefwaya ukulanda kuli ine ukwabula icakulandilamo. Ishiwi ili li lyonse Munyina Branham alandile kuli ine lyali icine. Ena acitile cena no bwafwilisho bwakwa Lesa. Nalikwete icishininkisho ine nalyundepwe ilyo natampwile ukufuma palya pa ntanshi. Ukundapwa kwali ilyo line fye. Nalecula ku mafya ya bwanakashi. Amaka ya kundapwa kwandi na yantungulula ine ku bumi bwa cine ubwa Bwinakristu.

S. C.

* * *

Ukundapwa ku Mpwalonda

"Na muposha mwi Shina lyakwa Shikulwifwe Yesu. Kuli Lesa kube ubukata, ifintu ifikalamba Ena acita."

Ndi ne nsansa nganshi ukutila ndelemba ubunte bwandi ubwa kundapwa kwandi ukwa mpwalonda. Nalipokelela ukundapwa kwandi mu Durban City Hall, pa 21 November, 1951.

Nalikwete ubwafya bwa mumala pa myaka iyapitapo iine kabili nalipelwe ubundapishi kuli ba doctor ne fipatala.

Pa myaka iyapitapo ibili nalilwele sana, kabili nalikwete ukutumbulwa imiku iine kabili ukusuma kwa mulopa ukwabipisha imiku itatu, ukubikapo ne mpendwa ya kusuma umulopa kunono.

Nalimo imyeshi cinelubali iyapitapo balinjebele kuli doctor ukuya mukulumbulwa nakumbi ukufumya impwalonda. Cili nomba umwaka umo ukutula ilyo nakwete ukutunganya ukutula nalikwete impwalonda kabili pakwipusha ba doctor babili abapusana pa nshita shibili ishapusana, balinjebele ukutula cilya eco bena baletina.

Nalikwete icishininkisho icakundapwa kwandi inshita imo ine iya bushiku ilyo Munyina Branham aebawile ingulu ya mpwalonda ukufuma muli ine. Naumfwile palufumo lwardi ukuselela pa mulu ku cifuba candi imiku ibili, kabili umuku wa citatu naumfwile umwela umo ukwisa fye ukufuma mukandwa kandi. Lyena ine kuti napema bwino nganshi. Munyina Branham alinjebele ukutula nalecula ku mpwalonda, ukutula nalikwete ukutumbulwa, kabili ukutula nali nacifyashi uwalecula. Ifintu fyonse ifyo ena asosele kuli ine cali icishinka. Naumfwile amaka yamo ayakalamba ayakupapusha pali ine, kabili camoneke ukuba mu cimonwa cimo. Abanandi na balupwa panuma balilandile atemwa balinjibukishe ine pali fimo ifintu ifyo ine nshaumfwile. Munyina Branham nacimbi atile ukuti ine nali no kuba umulwele pa ma ora amakumi cinelubali na fibili. Ilya nshita ya bushiku ilyo naile mukulala, ine nalisumine umulopa. Panuma yama ora amakumi cinelubali na fibili, nalilekele kabili ndi umutuntulu ukufika napali ino ine miniti. Ine nalekwata ifyakukalipwa ifyabipisha mwifumo lyandi, kunuma kabili ukufuma ku mongololo wandi kabili ukufika na ku mutwe wandi. Ukupumwa kwa mutwe kwali ukwabipisha, kabili ine naishilekwata ukupangisha amagalashi yakufwala mu menso ayo nafwele pa myeshi iyakulekelesha ikumi limo. Lelo nalifumisheko yena panuma ilyo nafumine kuntanshi ya cikulwa ca mu musumba, kabili nshatala kwatapo nakabili kulyo kwakupenya, ukupumwa ukwabipisha. Amen! Ine ndi cibumbwa cipya.



Nalile mukulanshanya na doctor wandi umulungu wapitapo, kabili ena atile ukutula nali umwanakashi umulwele nganshi imyeshi inono kunuma kabili kwalibako ukukalamba kabili ukupilululwa ukwine kwine ukutula lilya. Ena ali uwansansa nganshi pa kupilibulwa. Abanandi bonse balimona ukupilululwa ukukalamba mu mimonekele yandi. Ulupwa

Iwandi lulesangalala muli Shikulu. Abena mupalamano bandi bali abasekeshiwa nganshi kabili balelolola nganshi ukubwela kwakwa Kacema Branham.

Kutotela Lesa pa kulongana kwa kupuputulwa ukukalamba nganshi Durban tayatala ishibapo.

F. H. G.

* * *

Ubwafya bwa Mongololo na Bupwa

Ndefwaya ukulumbanya Lesa pa milimo Yakwe iyawama. Mailo ubushiku mucipinda candi nalipokelele ukundapwa kwa numa yandi. Nalicushiwa pa nshita itali no bwafya bwa mongololo, ukutula fye ilyo akanya kandi kafyelwe. Ine nomba ndelumbanya Lesa ukutula mailo ubushiku nalyumfwile amaka yakwa Lesa pa mulu na pesamba lya mongololo wandi kabili ukutula lilya nshatala kwatapo akakukalipwa nangu kanono. Ndelumbanya no kutotela Lesa palwa cena.

W. M.

* * *

Ukupokololwa ku Filonda fya Mumala kabili no Mupashi Uwabipa

Nalipokelele ukundapwa kwandi pa Greyville Race Course, Durban, pa 22 November, 1951. Nalilwele pa myaka ibili iyafumako. Nalile kuli doctor kabili imilungu ibili iyafumako ine nali mucipatala. Ine nalipokelele icishininkisho ukutula nalyundepwe lilya line fye ilyo Munyina Branham ankumishe no kumpala ine mwi shina lyakwa Shikulu Yesu Kristu. Munyina Branham alinjebele ukutula nalikwete ifilonda fya mumala kabili no mupashi uwabipa uyo walencusha mu bushiku. Ena alinjebele ukuya kunga'nda no kulya ifili fyonse ifyo nalefwaya. Ukundapwa kwali apo pene fye.

Cali inshita imo akale ilyo mukupumikisha ine nasangile ukutula ine tekuti ndye icintu icili conse nakalya, kabili ilyo naeseshe ukuipatikisha ne mwine ukulya, nalekwata ukukalipwa ukwabipisha mucifuba kabili natendeke ukuluka. Nalilufishe ama pound ama kumi yabili na fisano mukufina mu nshita ya kubalilapo iya milungu ibili kabili nayambi ama pound amakumi yabili na fitatu. Ine nalefilwa ukwiminina pa makasa yandi kabili nga kuti nanwa umukaka, ine naleluka.

Bonse abanandi na bafyashi batile Shikulu Yesu Kristu mucine alyaswike amapepo yandi no kundapa ine kabili alimpele ubumi bupya pa mulandu wa citetekelo candi muli Wene. Bena tabaenekele ine ukuba no mweo ilyo bamwene umusango nabelelemo uwalwala nganshi mu cipatala. Ine

nalyundepwe mwi Shina lyakwa Shikulwifwe Yesu Kristu kabili tapali icalubana na ine. Ukukalipa kwandi no kuluka fyalipwa. Ukumona ifintu ifyeni mu nshita ya bushiku ifya pala nga ifintu ifyabipa fyonse nafiya. Ndetasha Shikulu Yesu Kristu pa kungu'ndapa no kumpela ubumi bupya.

B. R.

* * *

Nomba Ena Kuti Abelenga

Pali Cine uwafumako ubushiku naishile mukulongana ukwacitilwe mu Race Course pa Durban. Nalekabila amenso yandi ukudapwa. Panuma ya kulongana ukusuma ilyo Munyina Branham atupepelele ifwe bonse, nshaumfwile nangu panono ukundapwa, lelo nali uwashininwa ine ningile natampwila mucitetekelo no kusubila Shikulu ukundapa ine.

Pali Cisano ubushiku naile mukulongana mu City Hall lelo naishile ku nga'nda ukumfwa uwanakuka nganshi. Pa Mulungu nalishitile icikope icakwibukishapo icakwa Munyina Branham kabili ilyo nalelolola pa kulongana pakuti kutampe, nalipilibwike ukulolekesha pa mimonekele iyali mukati ke pepala. Ine nalyo line nshafwele amagalashi. Mukupapushiwa kwandi ne nsansa ishikalamba, ine nalisangile nali uwalinga ukubelenga ifyalembwa bwino bwino. Nalibelengele ukutwalilila, no kutwalilila kabili ilyo naishile ku masihi ayakalata ayalembelwe ukulangisha ukushininkisha kwa negative, naisangile ne mwine ukuba uwalinga ukubelenga kulyo kulembwa ukusuma nganshi. Pa mulandu wa kusangalala ine nshafwaile ukuleka ukubelenga.

J. M.

* * *

Mumala Umututuma pa Myaka Amakumi Yabili na Cimo

Naba mukucula pa myaka amakumi yabili na cimo kabili icaili line imishipeshipe yandi yalilekele ukubomba. Mumala mwandi mwaishile nakuka nganshi no kubipa icakutula nalefilwa ukulya. Pa November 24, mu Durban City Hall Munyina Branham alimpepelele ine kabili ilyo line natendeke ukumfwa bwino. Naile ku nga'nda no kusanga ukutula ine kuti nalya icintu icili conse ukwabula cena ukufuma muli ine. Ine nomba ndi umutuntulu mukupwililika.

S. R.

* * *

Umutima Uwabipa pa Myaka 27

Nalipokelele ukundapwa kwandi mu Durban, 23 Nov., 1951. Pa myaka amakumi yabili na cinelubali nalikwete

umutima uwali ubi nganshi. Wene walebipilako fye inshita yonse kabili mukulekelesha doctor wandi atile tapali cimo na cimbi ico ena enga ncutila ine. Ine tekuti nkontame. Ine nalilwele nganshi icakutila ilyo naikele no kukutika kuli bukapyunga bwakwa William Branham nalefwaya ukufwa.

Munyina Branham alisontele bamo mufipuna fyabo no kulanda kuli bena. Mukulekelesha apilibukile kuli ine, na mayo mundeleshi iyafita no kubuta, kabili atile ukuti malaika ali pa mulu wandi. "Iwe walicula pa mulandu wa mibele ya mutima lelo iwe nomba naundapwa," Munyina Branham efyo asosele. Ine kuti naumfwa ukupilibulwa ukwisa pali ine. Naliminine pa nkasa shandi no kulumbanya Shikulu. Ndetasha pa kundapa uko Shikulu ampele ine.

H. B.

* * *

Insulin Tailefwaikwa Nakabili

Ndefwaya ukulumbanya Shikulu ukutila nalipokelele ukundapwa kwandi mu nshita ya kulongana ukwacitilwe mu Durban. Pa myaka itatu iyapitapo nalecula na diabetes kabili nalebomfya ama unit amakumi yane na fisano cila bushiku. Ine nalisumine ukundapwa kwandi kucitetekelo, ilyo Munyina Branham ansontele kabili atile, "Nkashi, bushe iwe uletetekela ukutila ndi kasesema wakwa Lesa? Kabiye ku nga'nda no kundapwa." Ukutula ilya nshita ine nshifwaikwa ukukwata insulin kabili naliipusha doctor wandi kabili ena, nao, alifilwa ukusanga sugar ili yonse. Ndelumbanya Lesa pa fyo Ena ancitile ine.

L. L.

* * *

Doctor Apela Ilyashi Umutima Uuli Bwino

Ndi uwasekelela ukumwishibisha imwe ukutila ine ndi umutuntulu umupwilapo ku bwafya bwa mutima ubwabipisha nakwete. Umweshi panuma imwe mwampepelele naile kuli doctor wandi. Ena alipapile pa nshita itali iyandi iyabulo kukwata ubundapishi bwa miti. Mukwasuka nalimwebele ukutila ukupitila mu luse lwakwa Lesa Impalume ndeumfwa bwino nganshi.

Panuma ya kupima ine, doctor atile kuli ine ukutila nshali fye bwino, lelo umutuntulu umupwilapo. Aleluya!

R. S.

Ukutwi Ukwakoma Kwaba Ukutuntulu

Ndefwaya ukupela ubunte ukutla ukutwi kwandi ukwakukuso kwalikomene pa myaka mutanda mpaka ine nalyundepwe mu Pretoria. Ilyo Munyina Bosworth asesole ukutla abantu na kumo ukutwi ukwakoma umupwilapo kabili ukutwi kumo ukusuma bese kuntanshi, ine nali umuntu wacitatu ukwiminina. Panuma ye pepo Munyina Bosworth alandile ku kutwi kwandi ukwa ku kuso kabili apendele ukufuma pali cimo ukushinta ikumi. Ena alinjipwishe ine nga cakutla atemwa iyo ine kuti naumfwa. Natile, "Ee." Elyo ena apendele ukushinta pali fisano kabili alinjipwishe ine ukubwekeshapo impendwa. Ici nalicitile. Inshita fye yonse nalisele ukutwi kwandi ukusuma mubusuma ningacita. Nali uwansansa nganshi. Ilyo nafikile kunga'nda naile pali lanya no kutumina mulamu wandi umwaume na nkashi ukubeba ukutla ine nombamba kuti naumfwa. Ine nalikutike no kutwi uko kwali ukwakoma.

M. J. S. de B.

* * *

Ukukalipwa Kulubali lwa ku Kulyo

Cali mapalo ku mweo wandi ukuba uwalinga ukusangwa ku musonkano wa kundapa mu Pretoria pa Lady Selbourne pa 2 Dec., 1951.

Nali cushiwe no kukalipwa kulubali lwandi ulwa ku kulyo ukutula December, 1947. Naliyako kuli ba doctor, lelo nalesanga ubwafwilisho ubunono. Umwaka wafumineko mu May nali X-rayed, lelo takwali ukulondolola ukwa kwikusha. Pa 2 December, 1951, mucungulo ilyo mwapepele abalwele, nalyumfwile ukukalipwa ukwabipisha kulubali lwandi. Nalibikile ukuboko kwandi apalekalipa ilyo mwapepele. Ndetotela Lesa ukutula lilya nshatala umfwapo kulyo kukalipwa kulubali lwandi. Lesa alumbanishiwe. Ine ndaya mu milimo yandi iyacila bushiku ukwabula ubwafya. Mucine, Yesu aba cimo cine mailo, ilelo, no muyayaya. Aleluya!

Nalisendele umwana wandi umwanakashi, uwacimo ca myaka 12, pamo na ine. Ena alecushiwa no kusamfula panuma ya kutukuta ukwakosa, lelo kutotela Lesa, ukutula ilyo twabwelele ena alapita mufya kutukuta ukwabula ubwafya kabili alala bwino. Ifyo ifwe tulekabila nga imwe mwalishile nakabili bwangu.

W. G.

* * *

Ukusuma kwa Mutima, Ukufuma Umulopa mu Mona no Kukalipwa Munuma

Nalecula no kusuma kwa mutima, ukufuma umulopa mumona ico cali ilingi line icakosa nganshi ukukanya kabili



no kukalipwa ukwabipa munuma yandi. Ndetetekela ukutula nalyundepwe ilyo Munyina Branham apepele abantu bonse pa kwisala kwa kulongana pa Cibelushi icungulo bushiku. Pa Mulungu icungulo bushiku Munyina Branham alandile kuli ine kabili alinjebetele ukutula nalikwete ukusuma kwa mutima kabili nalecula ukusuma umulopa mumona ukwabipa. Ena alinjebetele ukutula ine nali membala wa lukuta lwa Presbyterian. Fyonse ifyo ena anjebetele cali icine. Ukutula mukulongana nshatala kwatapo ukufuma umulopa mumona napamo ukukalipwa ukuli konse munuma yandi. Lesa alumbanishiwe. Cena calikwete ubwafwilisho ubukalamba pali ba mayo, nabo.

M. C.

* * *

Amenso Ayabusu Yaba Ayapwililika

Ukucila pa myaka itatu iyapitapo umwana wandi umwanakashi umu alifwile pa bushiku bwa bwinga bwakwe. Kutotela Lesa, ena ali uwapusushiwa. Ukutenshiwa kwafulungenye ukumona kwandi icakutula tekuti mbelenge ishiwi nangu limo, nangula mu lubuuto lwa kasuba, napamo kuti nalemba kalata.

Cilya tacakatale ukulabwako mucungulo bushiku ica pa Mulungu mu Johannesburg ilyo namwene abalwele ukundapwa mufipuna fyabo, ine nalisalile ili lyali lishuko lyandi. Natile, "Shikulu, nomba e nshita. Ndesenda ukundapwa pa Cebo Cenu." Nalile mukulala lilya mubushiku ukutetekela ukutula icintu cimo cali no kucitika.

Ilyo ncili nindala nalyumfwile icintu cimo nge cakutensha ukupita muli yonse yabili amenso yandi kabili naishilebuka no kubilikisha kwa kulumbanya no kucimfya. Ulucelo lwakonkelepo ine kuti nabelenga ukwabula amagalashi. Ine nshatalakwatapo kwena nakabili kabili ninkwata ukubelenga kwandi konse, ukulemba no kubila kabili amenso yandi yaletwalilila fye ukulakoselako. Ndepela Lesa ubukata bonse.

J. H. G.

* * *

Takwaba Nangu Cimo Icakosa Kuli Lesa

Cili fye imilungu ibili iyapitapo ilyo ibumba lyakwa Branham lyafumine mu calo cesu lelo amapalo ayacitike

ukufuma mukulongana yalefulilako cila bushiku, kabili ifwe tekuti tutashe Shikulwifwe Yesu nganshi pakutuma ibumba lyakwa Branham kulya ku South Africa. Ifwe nombamba tutelolekesha ukutandala na kumbi ukwe bumba.

Tacatalabapo mu Union ya South Africa ukukwata ukusunkanishiwa muli ulya musango na bukapepa. Kuliko ukushibushiwa ukupya ku butuntulu ubwa bukapepa bwakwa Lesa.

Mulupwa lwesu ifwe cila bushiku tucili tulapela ukutotela kuli Lesa ukutula Ena atumine Munyina Branham ku S. A. pantu nga Ena tacitile, ndi uwashininkisha batata nga tabali no mweo ilelo. Pa 24 August, 1951, batata mukupumikisha baishilelwala nganshi kabili baishileba mu mibele yakufwa umutombo mu mano mpaka pa Mulungu. Mukati ka ishi nshiku shitatu ba doctor babili aba cilya cifulo bafililwe ukusanga ubulwele bwa batata ubwa kupumikisha. Uwaishibisha alitilwemo kabili ena atile ukuti utumipila twa ndusha twalitulike kabili ukutumbulwa kwa mukampampa kwali ukukankala lilya line mu nshita ya bushiku. Ubumi bwabo bwalebele pa kabushishi akafye inshiku shine ishakonkelepo ilyo imibombele yabo yali iyanakuya nganshi.



Ubwafya mukulekelesha bwafikile kabili mumulungu wa cibili uwa September batata balibasuminishe ukwisa ku nga'nda. Umulungu umu bena baishileba bwino nganshi. Ifwe twali abansansa nganshi, kabili elyo busanso bwalipumine. Mukupumikisha fye bena balilwelenakabili. Bena balibabutushishe ku cipatala kabili pa mulandu wa mibele iyabipisha iyo bena babelelemo ba doctor basalile ukukana tumbula mpaka pali Cibili.

Nakabili ubumi bwabo bwali mubwafya. Mukati ka mulungu bena bakwete ukutumbulwa imiku ibili kabili doctor aebele ba mayo kutula bena kuti baba fye no mweo inshiku fye ishinono. Lelo nombamba ifwe tatwalufishe isubilo. Ifwe twalitwalilile ukupepa. Amakumbi yalifitile kabili kwamoneke ukukanabako isubilo. Ifwe twalipepele no mukosha kuli Lesa ukutula Ena engapela Reverend Branham icimonwa pa kutula ena engapepela batata kabili bena kuti baundapwa.

Pali Cimo icingulo bushiku, 8 October, doctor atile ukuti impela yalishile. Lelo nombamba ifwe twalibatwele ku Maranatha Park. Icingulo bushiku iyakonkelepo ifwe twalibatwele nakabili. Ilyo abaume ba ambulance baimishe bena ukubatwala mu Tabernacle balecula kuli acute peritonitis. Bena balibatwelelemo ngo mwaume uwalefwa.

Mu nshita yonse iyakulongana abana bakwa Lesa balebapepelako bena, pantu bena bali ni ba kacema abaishibikwa nganshi. Ifwe twaliilwike ukutula bena kuti bapokelela ukundapwa kwabo lilya mubushiku. “Tetekela fye, ifintu fyonse filacitwa, tetekela fye.”

Mu nshita ya kulongana Munyina Branham apilibukile kwi bumba, amenso yakwe ukutonta pali batata. Ena atile, “Iwe walikwete ukutumbulwa kumo, ukutumbulwa imiku ibili, iyo, ukutumbulwa imiku itatu.” Aleluya. Ifwe twalipepele ukutula Munyina Branham engalanda kuli batata kabili Lesa alyaswike amapepo yesu. Munyina Branham alipepele batata no kubeba ukwiminina. Bena balicitile, umuku wakubalilapo mumilungu isano. Ne filamba ukukonkoloka pa cinso cabo bena balelumbanya Lesa. Lilya mubushiku Lesa alangishe amaka Yakwe mufishibilo ifyawama kabili abengi balipokelele ukundapwa kwabo.

Panuma yakulongana batata baendele ukubwelela kuli ambulance ukwabula ukwafwilishiwa. Lesa alumbanishiwe. Ubushiku bwakonkelepo bena balyumfwile bwino nganshi kabili tabakwete inyeleti nangu shimo palwa kukalipwa. Ubushiku bwafumineko bena bakwete inyeleti amakumi yabili kukwipaya ubukali. Cibelushi uwakonkelepo bena baishile ku nga’nda ukufuma ku cipatala kabili bena baleba bwino cila bushiku.

V. R.

* * *

“Cintu icisuma ukutotela Yehoba . . .”

Amalumbo 92:1

Ee, ku mutemwikwa ulebelenga, cena cintu icisuma ukutotela Lesa. Lesa alitemwa ukulumbanishiwa. Aya mabunte ayo mwabelenga, yaleimininako fye iciputulwa icinono ica makana abo abaundepwe mu nshita ya musonkano wa mu South Africa. Nge fyo imwe mwabelenga pafyo Kristu acitila bambi, lekeni na imwe bene, mucetekele Lesa pa cakukabila cenu cimo mwebene. Kabili ibukisheni, imwe mwalikwata insambu ngo mwana wakwa Lesa, ukupoka ukundapwa uko kwaba ukwenu pa mulandu wa Cikonsolwelo. Ifwe lyonse tuli abansansa ukupokelela ama bunte yenu kabili nalimo yali no kuputamo bambi ukutetekela Lesa nabo.

Mu Milimo ya Batumwa 19:11-12 ifwe tulebelenga: “Kabili Lesa alecitila mu minwe yakwa Paulo ifya maka ifipeshamano: E fyo pa balwele patwelwe ifitambala atemwa utusalu, ifya fuma kumubili wakwe na malwele yali balekele, ne mipashi ibifi yafuminemo.”

Kwaba ukucila 1179 ishantendekelo imbila isha mu Cingeleshi ishakwa Munyina William Marrion Branham isho ishaambwilwe kabili epo shili mu musango wa masihiwi. Ishingi ishi epo shili mu musango uwalembwa. Kwaliba ama ofeshi na ma library ukwa kwashima mu nko ukushinguluka isonde ayo ayakwata ishi mbila ishapekanishiwa kale mu ndimi ishing.

BEMBA

©2014 VGR, ALL RIGHTS RESERVED

Ukukwatilapo ilyashi nalimbi atemwa ukupoka
imbila shakwa Munyina Branham twapapata lembeleni:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org